



A handwritten signature in black ink, appearing to read "Худ".



ЎЭССР ДАВЛАТ НАШРИЁТИ

*СССР Министрлар Советининг қарорига биноан, Мухтор Умархон
ғули Аvezовга «Абад» романни учун 1948 йилги биринчи дарожали
Сталин мукофоти берилган.*



БИРИНЧИ
КИТОБ



ҚАЙТИШ

1

Уч кунлик йўлнинг букунги, сўнгги кунида ўқучи бола бор ғайрати блан жадаллади; Қўриқдан кун чиқиш олдида отланайлик деб, уни шаҳардан олиб келгали борган қариндоши Бойтосни ҳам тонг отар-отмас ўзи уйғотди.

У, кун бўйи отдан тушмас, ҳамроҳларидан анча олдинда борар, ба'зан ўзига ма'lум Қўкуйрим, Буратиген, Тақирбулоқ сингари қўнис¹, қудуқларнинг рўпарасига келганда остидаги саман отининг бошини қўйганича ҳамроҳларидан ўзиб кетар эди.

Орқасидан келаётган Бойтос блан Жумабой:

— Бу боланинг огулга ошиқиб жон отишини қара!

— Қиши бўйи бола бечоранинг юраги хўл ҳам қон бўлганга ўхшайди,— дейишарди. Ўқучи бола ўзиб кетгандаги булар ҳам ноилож отларини йўртдириб унга етиб олишарди. Жумабой тақимига қора чўқмор қистирган, Бойтос ҳам оёғининг учига узун қайнин сўйил илиб

¹ Қўнис — қозоқлар октябрь инқолобига қадар фақат чорвачилик блан шугулланганни учун ёзда нйловга, кузда кузсвга — экин далаларнiga яқин ерларга кўчарди. Шу ерлардаги туриладиган жойларнинг ҳаммаси қўнис дейилади.

олган. Тақирбулоқнинг рӯпарасига келганларида Бойтос болани тергаб:

— Энди биздан узеклашиб кетма. Ана у Эсембой жарини биласан-ку... Пастқам жой, ўғрилар ётади...— деди.

— Сен блан бизни аллақачон кўрди десангчи! Ёлғиз юрадиган экан, қани бир уриб йиқитиб, отини олиб кел,— дейди-да, бошингга бир қўйиб, отингни олади кетади,— деди Жумабой ҳам.

— Ҳа, сизлар-чи, мени қароқчига олдириб қараб ўтирасизларми?

— Эҳа, бизнинг қўлимиздан нима келади? Икки кишт бўлсак...

— Қароқчилар бутун бошлиқ бир лашкар. Бу Эсембойда мудом ёв ётади. Бизни ўз элизимизнинг одами деб омон қолдирмаса, бу ер жуда ёмон,— деди Жумабой болани қўрқитмоқчи бўлиб.

Бу гап боланинг ғашига тегди.

— Бундан чиқдики, сизлардан мадад йўқ экан-да, ундаи бўлса сизлар блан бирга юрдим нимаю, ёлғиз юрдим нима? Ана бўлмаса, кетдим!— деб яна отини чоптириб кетди. Шу топда улар Тақирбулоқдан ўтиб қолишган эди.

Бола, отини чоптирганича, ҳалиги хатарлик дейилган Эсембойга етгунча бирор марта орқасига қайрилиб ҳам қарамади, кўз илғар-илғамас бўлиб, йироқлаб кетди. Йўл паст-баланд, тепаликлар орасидан ўтар эди. Эл яйловга — Чингизга кўчиб кетганда бу ерлар хилват бўлиб қолади, қароқчи ҳарбир тепаликдан йўлни кузатиши, ҳарбир сойликдан йўловчига ҳужум қилиши мумкин эди.

Катталар икки кун аста-секин йўл босиб, боланинг тоқатини тоқ қилишган эди. Шунинг учун у, мана шу овлуга етадиган куни катталарни тез юришга мажбур қиласидиган ҳийла топганига ич-ичидан хурсанд бўлиб, куни бўйи шундай қилишга аҳд қилди.

— Бола деган қўрқар эди, эй парвардигор, эси борми ўзи!— деди Бойтос нима қилишини билмай, бош чайқаб.

Жуда бўлмагандан кейин Жумабой:

— Отасининг ўзи-я!.. «Бўридан бўлган бўрибаччаман» деб қилаётган ишида бу! Қўй, ҳарқалай орқада қолмайлик энди, Бойтос, юр!— деди-да, отини чоптириб, бири бирини қува кетди.

Бойтоснинг тагида — Қунанбойнинг қора ёллик пой-

гачи оти — доңгдор отларнинг биттаси эди. Жумабойнинг остидаги от ҳам Қунанбойнинг Наймонкўк деган катта оқ оти эди. Иккоби галма-гал ўзиб чолар экан, беихтиёр завққа берилнб кетиб: «мен ўзаман, мен ўзаман» блан қушдек учиб кетишарди. Бир довондан ошиб, тўхтамасдан, иккинчи довонга чиқиши. Бола кўринмайди. Булар отни тўхтатмай чолаберишга қарор қилиши. Шундай қилиб, довондан қуйи тушиб бораётганларида, Жумабой орқасидан, ўнг томондан тасирлаб келаётган түёқ товушини эшилди. Худди Эсембой довонида, яна худди Эсембой жарининг ўзида!

«Оҳ, фалокат! Болани тўнаб бўлиб, бизни кутиб турган экан да!»— деди Жумабой ичидан ва зўр бериб отини қамчилаб қолди. Броқ кимнингдир:

— Юм, кўзингни юм!— деб қичқирганини эшилди. Жумабой орқасига қаради. У одам, ўзини танитмаслик учун, юз кўзини боғлаб олибди... Бу кундуз тўнаб кетадиган шу ердаги ўғриларнинг одати эди. Бойтос, дамини чиқармай, от қўйганича кетаберди. Демак, қўлга тушганда, энди Жумабой тушади.

Жумабой жон ҳалпida тақимидағи чўқморига ёпишиди, уни суғуриб, оларкан: «Мана ҳозир у ҳам чўқмор блан калламга солади» деган хаёлда юраги шифиллаб кетди.

Кувиб келаётган абжир қароқчи дарҳакиқат, Жумабой чўқморини чиқариб олмасданоқ, босиб келди-да, унинг бошндаги катта қора тумоғини кўзига бостириб юбориб, дарҳол чўқморига чанг солди. Жумабой гангикб тумоғини тузатиб кийгудек ҳам ҳоли қолмади. Олишишга ҳам, қочишга ҳам унинг мажоли йўқ эди. Қароқчи унинг шошиб қолганидан фойдаланиб, чўқморини тортиб олди.

Оқ от бирнарсага йўлниққандай тўхтаб қолди. Жумабой зўр-базўр эс-ҳушини йиғишириб, тумоғини тўғрилаб кийиб қараса, чўқморини тортиб олиб, отининг олдига отини кўндаланг қилиб турган киши — ҳалиги бола — ўзи айтмоқчи «Қунанбойнинг бўрибаччаси» Абай экан. У қотиб-қотиб кулар эди.

Жумабой боладан қўрққанига хижолат тортиб, койиб кетди.

— Ҳай болам, шу ерга — ўғрихонага, ўғрилар қайнаб турган ерга келганда бундай қилиқ қилиб бир балони бошламоқчимисан? — деди. Бойтос ҳам кула-кула қайтиб

келаётган эди. Абай катта одамнинг ўзидан шу қадар қўрқанига терисига сифмай суюнди. Жумабойнинг нега жаҳли чиқаётганини ҳам билиб турар эди. Бола, қора тўри келган юзи қизариниб, хижолат ичида ерга қараб кулимсираганича телпагининг ўнг томонини айлантира бошлади. У чопони блан телпагининг тескарсини кийган, оғзи-бурнини қизил рўмол блан танғиб олган, Жумабойни қувлаб келаётганида товушини танитмаслик учун, минғиллаб буйруқ берган эди. Бойтос қўрқса-қўрқ маса сир бой бермади. Жумабойнинг жаҳли чиққанини хила ердан пайқаб:

— Буни кўр, саман отнинг қашқасини ҳам ўзгартирибди-я! — деди.

Жумабой ҳам энди пайқади. Бола отнинг қашқасини созлоқнинг болчиғи блан яхшилаб шуваб қўйган экан. Жумабой ҳам унча-мунча одамлардан эмас — бирорвга эрмак бўлгуси келмайди, шунинг учун ҳам бу воқиани кулгиликка олди-да:

— Оббо, отангга ўхшамай қолгурей! «Тўбуқтилар ўғри, тўбуқтилар ўғри» деб, Керей, Уок эллари зор қақшайди. Қарғадек боласидан тортиб, ўғриликнинг йўл-йўригини бунчалик билса зорилламай нима қилсин! — деб, ўзи ҳам кулабошлади.

Жумабой шаҳарга бу гал қандай иш блан борганини Абай аниқ билмасди. Лекин Бойтосга айтиётган бир сўзидан Қунанбойнинг бир топшириғи блан бориб келаётганлигини сезган эди. Абайнинг аввалдан пайқашига қараганда, Жумабой Қунанбойнинг олдида зўр обрўйга эга бўлган кишиларнинг биттаси. Бордию Абайдан хафа бўлса, ранжиса, бориши блан отасига чақади.

Абай шу томонини ўйлаб, кулгини йигинштирди-да, яна қаторлашиб бораётганларида сипоҳлик блан:

— Йўл узоқ, мудроқ босмасин деб ҳазиллашган эдим, айбга буюрмайсиз Жума ака! — деди.

Жумабой боланинг юзига хурсанд бўлиб қараб қўйдию, индамади. Бойтос Абайга ўртоқларча тегишиб:

— Дурустсан-ку, «айбга буюрмайсиз» эмниш! Сенинг бу гапинг менинг «кўчганда юк ортаман каттакон норга, қай юз блан қарайман Ўйкемга — ёрга» деган ўланимдан бўлди-ку! — деди.

Абай яхши тушунаолмади.

— Нима дедингиз, Бойтос оға, Ўйке ёр деб кимни айтиётисиз?

— Вой, Ўйке опангни билмайсанми? Қўй-е!
— Шуни айтинг... Нега билмай.

— Ўйке оланг менинг хотиним бўлади-ку. Ўтган йил бутун ёзни така-салтанглик қилиб, элма-эл кезиб, хотин-қизлар, ўйин-кулги блан ўтказдим-ку. Охири уйга қайтадиган вақт келиб қолди. Хотинимга рўпара бўлгани юз йўқ. Кейин, жаҳлидан тушатурсин деб «қай юз блан қарайман Ўйкемга—ёрга...» деган ўлан тўқиб, ўзим овулга бормасдан бир-икки кун олдин ўртоқларимдан айтдириб юбордим. Шу ўлан масал бўлиб кетибди.

Абай ҳам, Жумабой ҳам унинг сўзларини мароқ блан тинглашди. Бир кекса, бир ёш бола кўп хушчақчақ, дил-каш, ўланга уста, ғоят гўзал Бойтоснинг юзига зўр қизикиш блан тикилишди. Абайнинг кўз олдида Ўйке деган янгаси, Бойтоснинг ўтган йил ёз бўйи ўйин-кулги блан бўлиб, ўлан айтиб юрган ўртоқлари гавдаланди. Эшитаётган ҳикоясини зўр диққат блан энтикиб тинглайдиган бола, авваллари Бойтос блан ҳамсуҳбат, сирдош бўлиб кўрмаган бўлса ҳам, ҳулиги гапнинг охири қандай тамом бўлганини билишга қизиқиб қолган эди. Бойтоснинг тенгдошларча ҳазиллашаётганини кўриб:

— Хўш, шундай қилиб, Ўйке опага қай юз блан қарадингиз, Бойтос оға? — деб ёпишиб олди.

Бойтос мағрурлик блан кулиб:

— Қай юз блан қарапдим? Шўрлик хотин йироқдан ўлан блан сўралган узрни эшитиб эримайди дейсанми? Келсам олдимдан ўзи чиқиб, отимни боғлади,— деди ва Жумабойга қараб кўзини қисиб қўйди.

Йўловчилар гап блан бўлиб Наймонқўкнинг йўрга қадами блан юришиди.

Овулга етишга интизор бўлиб, юраги жўш уриб бораётган бола яна от қўйди.

— Ҳай бола, қўй дейман! Отни зўриқтирасан!

— Елғиз ўзинг узоқлаб кетиб, ёвга ем бўласан!

Лекин шаҳардан, диққинафас мадрасадан қутилиб, энди уйига — овулга шошаётган бола бу сўзларга қулоқ ссоладиган эмас эди.

Катталар қўрққан Эсембой ҳам, ўғрилар ҳам Абайга қўрқинч кўринмасди. Ўғрилар бўлса улар ҳам шу элнинг ўзига ўхшаган қозоқлар-да. Фарқи кийимларининг жулдурлиги, эгар-жабдуқларининг эскилигию, қўлларидағи сўйил-да. Абай бунақа одамларни кўп кўрган, улар ҳақида қариялардан кўп ҳикоя эшигдан. Улардан қўр-

киш эмас, аксинча, бир дуч келиб, тунаётган чоғларида кўрсам деган орзуси ҳам бор эди.

«Қоровул чўққи», «Ўғри жар» дейилган бу жойларни Абай ўз овулидай яхши билади. Қунанбойнинг овуллари йилига икки мартаба кузда, кўкламда келиб, узоқ-узоқ вақт ўтириб, яйлаб кетадиган жой. Ана у кўриниб турган баландликнинг қатор-қатор жилғалари, у ернинг белга урадиган ўтлари, қўй яйладиган яйлоқлари — ҳаммаси Абайга шу қадар қадрдан, шу қадар кўзига иссиқ кўринадиган ерлар. У ўтган йилгина Боқрауда¹, қўй қирқилаётган пайтда, шаҳарга ўқишга кетаётганида худди шу ердан — Эсембойдан кетган эди. Ўша вақтларда тенгдош ўртоқлари блан гоҳ тойга миниб, гоҳ пиёда чопиб, ошиқ ўйнаб юрган энг сўнгги Қўниси шу эди. Қиши бўйи овулни, элни соғинганида унинг хаёлидан нари кетмайдиган сўнгги кунлари шу Эсембойда ўтган эди.

Энди «Бу ерда ўғри бор, ёмон ер, киши балога йўлиқадиган ер» деган гаплар унга кор қилмас эди. Унинг кўз олдида ёзиқсиз, сарғич адир, кўқимтири Қўнис, кумуш дек товланиб турган ўланлик гўзал ўлка ётади. Абай атрофинга, бутун оламга, айниқса мана бу ўзи туғилиб ўсан сахрого, унинг довонларига шу қадар бир меҳр, алангалик ҳис блан қарайди, юз тубан ётиб ўпгудай бўлади. Бу жойларнинг бир зайлда эсаётган салқин шабадаси қандай яхши! Шу шабададан денгиз юзида мавжланиб, қулл уриб турган турли-туман ўланлар блан қопланган далаларини дала эмас денгизлари қандай яхши! Бола шу манзарадан кўзини узалмай, унинг гўзаллигига тўяолмай, узоқ тикилди. Бу ерлардан қўрқиши, хатарли деб чўчиш эмас, иложи бўлса қучогини ёзиб борича қучруси, силаб-сийлаб: «Мен сени соғиндим, ўзгалар ёмон ер деса, мен ундан демайман, ҳатто бағрингга яширган ўғри-пўғриларинг блан ҳам ётсан, бегонасан, демайман» дегуси келар эди.

У, яна отини чоптирганича, қорасини кўрсатмай кетди. Уни тўхтатиб бўлмади.

— Орқада қолиб қачонгача, тўранинг кетидаги муловзимдай лўқиллаб юрамиз. Бундан кўра кел, Жумака, биз ҳам отнинг бошини қўйиб берайлик,— деб Бойтос жий-

¹ Русларнинг покров сўзидан кирган бўлиб, биринчи қор тушишими айтилади.

ран отнинг бошини қўйиб берди. Жумабой ҳам от чоптиришга мажбур бўлди.

Абай уларни кутиб турди-да, етиб келишгач уччовига үниси, гоҳ буниси ўзиб, узоқ-узоқ от чопишди.

Шу блан эрталаб Қўриқдан чиққандан буён тўхтамасдан келаётган уч салт отлик отларини қора терга туширгани ҳолда кечқурун Қунанбойнинг Кўлқайнардаги эвулита, Абайнинг ўз онаси Улжоннинг овулита кириб келишди.

Кўлқайнар суви тиниқ булоғи блан машхур бўлганни блан катта қўнислардан эмас эди. Яйловга кўчиб, Чинғиз тоғини ошмоқчи бўлиб келаётган эллардан уч-тўрт овлу шу ерга қўнган эди.

Буларнинг ҳаммаси «Қунанбой овули» бўлиб, ўзининг юрти блан яқин қариндошларининг юртлари эди.

Ери чоққина булоқнинг атрофига қўнган овулларнинг ўйлари ҳам, ери-кўкин тутиб ётган моли ҳам, одамлари ҳам шу кечки пайтда қий-чувга чўмган эди. Ерўчақдан ишқаётган тутунлар ҳам бир-бирига қўшилиб, туташиб, кўкимтири тумандай тарашиб кетмоқда эди. Итларнинг хуриши, мол қайираётган подачиларнинг шовқини, қўй-қўзиларнинг ма'раши — ҳаммаси бир бўлиб Қўнисли бошига кўтарган эди. Кечки пайт сув ичкали келаётган йилқиларнинг кишнаши, тапур-тупури, кўтарган тўзони, ёки минишдан бўшаб, онда-сонда кишнаб, уюрини излаб чопаётган стларнинг товушн — ҳаммаси ҳам шу замда овуллардаги ҳаётни акс этдириб турар эди. Бу сўриниш — бола бор вужуди, жони-дили блан соғинган сўриниш. Ҳозир уннинг юрагини арзиқтириб, шу қадар иодлантириб, ихтиёридан айираётган кўриниш ҳам шу. Йўловчилар булоққа яқин овулга қараб келишди.

Уртасида бешта катта оқ ўтов бўлган бу овлу Абайнинг икки онаси — Улжон блан Ойғизнинг овули эди.

Бу овулнинг четидаги ўтовларни ёқалаб, кечки пайт ўйлоқда кун ботиш томонига қараб ёйилиб кетаётган қўйларни оралаб ўртадаги катта ўтовга қараб келаётган /ч отликни бу овулдагилар дарҳол танишди. Айниқса, қўранинг ўртасида қўшоқлаб қўйилган қўйларни соғаётган хотинлар олдин кўришган экан. Этакларини белга қистириб, фартук тутиб олган хотинлар йўловчиларга қараб:

— Шаҳардан, шаҳардан келишаётир!

— Ана үниси Абай, Абай-ку, ўзим ўргулай... Телқо-

ра·ку!¹ Опамга айтайчи,— деб бир ёш жувон катта ўтова·
га қараб югурди.

Улжон соғинган боласини энтикиб кутар, Бойтос кет·
гандан буён кунларни санаб ўтказар эди. Қирқقا чиқиб
анча ўзини қўйиб юборган оқ·сариқ келган бу хотин ҳа·
лигиларниң овозини эшишиб уйидан чиқаркан, тўрда
ўтирган қайин онаси Зерени ҳам қўлтиқлаб олачиқди.

Қулоғи оғир бўлиб қолган кекса энанинг энг яхши
кўрган набираси шу Абай эди. У набирасини бир нафаи
унутмас, доим доий жонини қилиб ўтиради.

Отлиқлар уйнинг ёнига келгандарида катта ўтои
блан кун чиқиш томонга тикилган меҳмонхона ўтвонини
ўртасида қавм·қариндошлар бир гала бўлиб кутиб ту·
ришган эди. Боланинг оналаридан бошқа янгалари, қўш·
нилар, чол·кампирлар, уйлардан югуриб чиқиб келгаёт·
болалар тўплланган эди. Бу овулнинг катталари ҳам
гангир·гунгир сўзлашиб, теваракдан чиқиб, ҳалиги тўпла·
ниб турганларниң ёнига келишмоқда эди.

Тўдалашиб турганларниң ёнига икки йўлдошида·
олдин келиб тушган Абайнинг отини дарҳол бирор етак
лаб кетди. Бола кўпчиликнинг ичидаги маддадан олдин ў·
онасини кўрди·да, тўғри ўшанга қараб бора берди. Она
си нарироқда турганича:

— Болам, чирогим, нари ёғингда отанг турибди, ав
вал отангга салом бер! — деди.

Абай ялт этиб қараб, отасини эндигина кўрди. Отаси
Қунанбой нарироқда меҳмонхонанинг ёнида уч·тўрт ки·
ши блан турган экан. Ўнгтайсизланиб кетган бола онаси
нинг шу ҳадар ўзини тутиб, сабр қилаётганини онглади·
да, отаси томонга уриб кетди. Бойтос блан Жумабой ҳа·
хила нарида отлан тушиб, отни етаклаб Қунанбойниң
олдига келишаётган эди. Лекин рангида қони йўқ, бар·
васта келган, мош·гурунч соқоллик Қунанбойниң ягона
кўзи уларда эмас. Овулнинг нариги томонидан учта
тўртта отлиқ келаётган эди. Қидирдан чиқсан йўловчи
ларга ўхшайди. Ҳаммаси ҳам кўркам, барваста одамлар
Афтидан Қунанбой шуларни кутиб турган бўлса керак
Негаким кўзи ўшаларда эди.

Бойтос блан Жумабой этиб келганида Абай отаси
ниң олдига келиб қолган эди. Уччаласи келиб, барава·
салом беришди. Қунанбой қайрилиб қараб, саломларига

¹ Т е л — икки онани әмгаи бола. Қора — бугдойранг.

алик олди-да, икки-уч оғизгина сұрашиб құя қолди; турған жойида тураберди, боласини ёнига ҳам чақирмади. Сұнгра Абайга бир қараб құйынб:

— Болам, бүйинг үсиб, эр етиб қолибсан-ку! Мулла бұлдингми? Билиминг ҳам бүйингдек үсдими? — деди. Бу кесатиқми, ё шубҳами, ё ҳақиқатда ҳол-ақвол сұраганими?

Бола әсини танитанидан буён ют келган пайтда, җавоннинг авзойига қараб иш тутадиган кекса чўбондек, отасининг қошқовоғига қараб муюмила қилишга ўрганған. Отаси ҳам боласининг шундай зийраклигини назарда тутиб, ўзга болаларидан ортиқроқ қўрар эди. Отасининг уялиб, жавоб бермай турған одамни ёқтираслигини яхши биладиган Абай шошилмасдан, ўзини дадил тутиб:

— Шукур, ота,— деди ва бироз жим тургач илова қилди,— от борғандан кейин, дарс тамом бўлмаган бўлса ҳам, ҳазратнинг фотиҳаларини олиб келдим,— деди.

Отасининг ёнида турғанлар Мойбосар блан унинг чопари экан. Мойбосар Қунаңбойнинг тўртта кичик оналарининг биридан туғилған ииниси. Уни Қунаңбой ўзи оға— Султон бўлғандан кейин, шу Тўбуқти волостига старшина қилиб тайинлаган эди.

Абайнинг жавоби Мойбосарга ма'қул тушиб:

— Ўзи дуппа-дуруст катта кишилардай бўлиб қолибди! — деб сўз бошлаган эди, Қунаңбой унинг сўзини бўлиб, Абайга:

— Бор болам, оналарингнинг ёнига бор, кўриш,— деди.

Абай ҳам шунга маҳтал эди. У, ўзаро пи chirлашиб, унинг бутун ҳаракатини кузатиб турған оналарига томон юзланғанида яна ўз ёшига яраша қувноқ бола ҳолига кирди. Жумабой бугун Абай уни қандай қилиб қўрқитганини ҳикоя қилабошлади. Бола шошиб ўз онасининг олдига яқинлаб қолғанида, Жумабойнинг хотини Қалика деган бир янгаси:

— Телқора! Ўзим айналай! Телқора! Қаттакон азamat йигит бўлиб қолибсан-ку! — деб келиб, бўйнидан қулоқлаб, юзидан ўпди. Яна бир янгаси — Изиқуттининг хотини Туғжон ҳам ўпиди кўришди. Ундан кейин ўша ердаги кекса хотинлар, яна шу тўпда турған катта кишилар — оғалардан ҳам бирнечтаси ўпиди кўришди. Абай улар учун ҳали ҳам ёш бола эди. У, ўнғайсиэланиб қийналгани блан қочиб қутилишнинг иложи йўқ, хурсанд

бўлишини ҳам, қаршилик қилишини ҳам билмас эди. Бирнечча кекса хотинларнинг кўзларида ёш ҳам кўринди.

Абай, ноилож, ҳамма катталарнинг қучоғига бир-бир кириб чиқди да, сўнг уларнинг ичидан сурғилиб, онасига қараб юрди. Абайнинг ўз онаси блан ўгай онаси гўзал Ойғиз ёнма-ён туришган эди.

Бола ҳалиги тўпдан чиқиши блан Ойғиз кулиб:

— Мана энди, ҳархил исқиранд хотинлар сўлагини суркай бериб, боламизнинг юзида ўпгудек жой ҳам қолмади! — деб таннозланиб келиб Абайнинг кўзидан ўпди.

Онаси гал ўзига келганда ўпмади: қаттиқ қулоқлаб, бағрига босганича, соchlарини ҳидлади. Абайнинг отасида бўлган вазминлик, совуқ қонлик онасига ҳам анча ўтган эди. Бола буни билгани учун бундан ортиғини кутмас ҳам эди. Лекин бағрига босишининг ўзида Абайнинг юраги ўзгача бир шиддат блан уриб она меҳрини ҳис қилди. Она қучоғи!. Улжон уни ортиқча тутиб турмади.

— Бор, ана, энанг блан кўриш,— деди Улжон катта уй томонга йўллаб.

Кекса энаси Зере хассасига суюниб койимоқда эди:

— Ҳа, ярамас, олдин мен блан кўришмай отангта қараб кетдинг-а,— деди ва набираси ёнига келиб, қучоғига кирган ҳамоно оғзидан — кўзимнинг нури, қоракўзим... Абай жоним...— деган гаплар ёғилиб, ўзини тутолмай йиғлаб юборди.

Энасини қулоқлаганича катта уйга кирган Абай қоронги тушгунча шу уйда бўлди. Оналари бунга дам қимиз, дам яхна гўшт, дам чой тиқнештираётгани блан болнинг овқатга қарагуси ҳам келмас эди. Бола дуруст овқат емади, кун бўйи оч келганини ҳам унугиб юборган эди.

Дастурхон устида овқат еб ўтириб, сўзлашиб, тобора ечилиб бораётган оналсари, янгалари қайта-қайта:

— Элни соғиндингми, кимки соғиндинг?

— Мулла бўлдингми?

— Ўқишини тамом қилдингми?— деган саволларни ёғдиришар эди. Абай бошқа саволларга дурустроқ жавоб бермас, фақатгина кимни соғиндинг деганларида:

— Успон қани? Қаёқда юрнти?— деб ўзининг иниси бевош Успонни бирнечча мартаба сўради.

Улжон аввало унинг бу саволларига аҳамият бермади-да, кейин, яна бир сўраганида:

— Ҳа, юргандир, бевош. Бугун асти тинчитмагани-

дан кейин энанг блан иккаламиэ уйдан ҳайдаб чиқардик,— деб энаси томонга имлади.

Энаси ўзинга алоқадор бир гап бўлаётганини пайқаб:

— Нима деяпти? Нима деяпсизлар, эшитмадим,— деган эди Абай энасининг қулоғига бориб, қичқириб, Ўспон ҳақида сўзлашаётганини англатди ва:

— Энажон, ўтган йил бундай эмас эдингиз-ку... Қулоғингизга нима бўлди, нега эшитмайсиз?— деди. Кўпчиликнинг ичидаган блан ночор ёлғиз бўлиб, четта чиқиб қолган энасига ачинди, уни қучоқлаб ёнига ёнбошлади.

Энаси буни онгладида, ғамгин тортиб:

— Оҳ болам, энангда бир ҳовуч суюқдан бошқа нима қолди дейсан,— деб мудом кўнглида ётадиган маш'ум кексаликнинг дардидан шикоят қилабошлади. Боласи, юраги эзилиб:

— Тузалармикин? Даволатсак қандай бўларкин?— деди.

Үтирганлар ҳам, энаси ҳам фақат кулиб қўяқолишиди.

Кекса эна кулимсираб ўтириб, боланинг кўнгли синмасин дегандай қилиб:

— Дам солиб қўйса, ба'зан очилнб қолади. Дам солиш ёқади,— деди.

— Дам солиш десангиз, мана ўғлингиз мулла бўлиб келди-ку, дам солиб қўйсик энди,— деди Ойғиз кулиб.

Уйдасиларнинг ҳаммаси, айниқса янгалари ҳақиқатда ҳам Абайнинг қўлидан бир иш келадигандай шўрлик кампирнинг ҳеч бўлмаса кўнгли кўтарилиб қолар!..— деб унга ишонч билдиришди.

Абай дам солиш, эзиг ички ёзиш, қасида ўқиш ҳарбир мулланинг қиладиган иши эканлигини билар эди. Унга жирканч кўринадиган баҳши-қушночлардан фарқи бўлмаган муллалар оз эмас. Абай шуларни ўйлаб, ўзининг ноқулай аҳволга тушиб қолганидан кулаётгандай, бироз кулимсираб ўтириди-да, тўсатдан энасининг бошини қучоқлаб олиб, пичирлаганича ўқий бошлади:

Юзи равшан, кўзи гавҳар,
Яноқлар ла'лию аҳмар.
Томоги қорданам беҳтар,
Қошин қудрат қўли чизмиш.

Кўпчилик ҳечнарса тушунмади, ҳамма чиндан ҳам дуо ўқиётитпи деб ўйлар эди. Абай қироат қилиб давом этди:

Мабодо бўлса дуч бир кез,
Тамошо қилса юзма-юз...
Кетиб қувват, юмулгай кўз,
Нечун титроқ тушар, не иш!

деб кўзини юмди-да, энасининг қулоғини очиб «Суф» деб қўйди. Бу унинг шу йил Навоий, Фузулийларни ўқиб юрган чоғида ёзган ўз ше'ри эди. Утирганлар ҳали ҳам нима эканлигига тушунолмай, гангид ўтиришарди. Шубҳа қилучилардан кўра, дуо ўқиётир деб ишонучилар кўп эди. Бола бу кайфиятни фаҳмлаб, улардан кулаётгандай, жим турди-да, ниҳоят тўғрисини билдиromoқчи бўлди. У товушини барала қўйиб юбориб, янга кўзини юмиб, қовоғини солиб, қур'он тушираётган муллалардек, дам орқасига, дам олдига кетиб:

Учади бўзтўрғайлар елпиб ҳаво,
Қадам ташлаб борасан қандай расо.
Кекса бувим эшитмас, ҳам ишонар,
Улан тўқиб, берайин унга шифо.

деб янга «Суфф» деб қўйди. Энди ўтирганлар сезиб колиб, дув кулиб юборишди. Қейинги ўланни ўқиётгандай, энаси ҳам тушуниб қолган эди. У хурсанд бўлиб, аста култанича, боласини эркалатиб орқасига қоқди-да, пешана-сига юзини босди.

Абай ўзини сипо тутиб, уйдагиларга кулимсираб қаради ва энасига ёпишиб:

— Қалай, қулоғингиз очилдими? — деди.
— Ҳа, яхши бўлиб қолди. Умринг узоқ бўлсин, болам!

Уйдагилар боланинг бу ишига бир кулиб, бир ҳайрон бўлишиб, хурсанд бўлишибди. Қора бола кўпчилик тикилиб турганидан, энди ўнғайсизланиб қизаринди, лекин кўзларида ажиг бир аланга, ўзга болаларда бўлмаган бир ўт борга ўхшарди.

Улжон назмин бўлиши блан бирга, ҳарнарсани синчиклаб қарайдиган зийрак она эди. Боласининг ҳалиги ишига бироз ўлланиб қолди. Бу йил боласи катта бўлиб, анча ўзини қўйиб юборибди. Афтидан хила эс-ҳушини ҳам йиғиб олган кўринади. Улжон боя кулмаган эди, разм солиб ўтириб, энди астатина кулиб қўйди-да:

— Болам, шаҳардан мулла бўлиб-желдинг десам, тоғантта ўхшаб келибсан-ку,— деди.

Ҳамма бу гапнинг тагига тушунди. Боланинг бундай бўлишининг сири очилгандай ҳамма яна кулиб юборди.

— Ҳа, тўғри, Шаншарнинг авлоди эмасми?

— Худди ўзи-я!

— Тўнтеканинг жияниман деб турибди-ку ўзи ҳам!— деб, Абайнинг тоғаларини хотирлашди ва Тўнтеканинг: «Тузалабериб, тузалабериб, домла имомлардан ҳам уятга қолдим. Энди ўлмасам бўлмайди — домлалар худойи ейишсин» деган гапларини ҳам эслашди.

— Опа, бахши — қушноч бўлиб, элтери,¹ сангсанг² йиғиб юрадиган мулло бўлганимдан кўра, Тўнтекага ўхшаганим яхши эмасми? — деди Абай онасининг оғзида ҳалиги гап чиқиши блан.

— Дуруст, энди катта бўлиб қолибсан, болам.— деди онаси.

Худди шу пайт, кечқурун Қунанбойнинг ёнида турган Мойбосарнинг чорори серсоқол Қамисбой кириб келди ва:

— Абай, чирогим, сени отанг чақираётир,— деди.

Утирганларнинг ҳам, Абайнинг ҳам дами ичига тушиб кетди. Абай боядан буён гўдакларча яйраб, ўйнаб-кулишини қўйиб, ўёқ-буёғини тузатди-да, индамасдан уйдан чиқиб, отаси ўтирган уйга қараб кетди.

Меҳмонхона оналарининг уйнга ўхшамасди. Ҳатто сиртқи кўриниши ҳам қандайдир совуқ, бефайз. Абай эшикдан кириши блан товушини барада қўйиб, катталарга салом берди. Улар ҳам бунинг саломига баланд овоз блан алик олишди. Одам унча кўп эмас эди. Қунанбой, Мойбосар, Жумабойдан бошқа Тўбуқтининг шу атрофдаги улуғлари: Бойсол, Бўжей, Қоратой, Суюндиклар, яна буларнинг ёнида бирга келган ёш ҳамроҳлари, Бойсолнинг жияни — ёши Абайдан катта бўлса ҳам, унинг блан қалин ўртоқ бўлган ёшгина йигит Жиренше ҳам бор эди.

Кечқурун отаси кутиб турган одамлар шулар экан. Абай ёшлигидан бирнарсани фаҳмлаб юрар эди: отасининг шулар сингари одамлар, айниқса мана шу тўрттабешта одам блан сухбат қилиши эл ичидаги бўладиган бир катта ишнинг, ўзгача бир ишнинг аломати бўлар эди.

¹ Элтери — қоракўл бўлиб етишмаган тақир тери.

² Сангсанг — юнги қирқиљмаган қўзининг териси.

Отаси буларни аввалги одати бўйича атайнин айтдириб юборган кўринади.

Авваллари Абай буларнинг суҳбатида бўлган эмас, уни отаси бугун жўрттага чақиртирган эди. Абай отам ўзимга бирон нарса демоқчи деб ҳам ўйлаган эди, лекин бундай гап йўқقا ўхшади.

Абай келиб ўтириши блан ҳалиги катталар ундан шаҳар аҳволларини, ўқишини, соғлигини сўрашди. Шу ердаги катталарнинг ичиди Абайга зўр э’тибор берадиган одам сўзамол, очиқ чеҳралик Қоратой эди. У Абайга қараб ўтириб, Қунанбойнинг бошқа болаларини ҳам эсига олиб:

— Шу, ҳалиги Исҳоқ кўп уддабура-да! Эпчил, пишиқ, жуда зийрак бола! — деди.

— Қайсими айтаётурсиз, Кункенинг қўлидагисиними? — деб сўраб олиб Бўжей ҳам:

— Тўғри, қўлидан ҳар иш келадиган, уддабура! — деди.

— Ҳа, дарҳақиқат жуда ўтлик! — деб Бойсол ҳам тасдиқлади. Бу гапларнинг ҳаммаси Қунанбойга яхши кўриниш учун қилинаёттан хушомад эди.

Индамасдан қовоғини солиб, чиройини очмай ўтирган Қунанбой бу гапларга аҳамият бермади, аксинча, ёқтиргандай қайрилиб Абайга қаради-да:

— Бирон нарса кутадиган бўлсаларинг шу қорадан кутсаларингчи! — деди.

Қунанбой бу боласини нима учун бу ерга чақиртирганини, яна нима учун буларга шундай деб айтаётганини бошқалардан кўра Қоратой олдинроқ фаҳмлади. У, одатдагидек, дарҳол у томонга оғиб, Қунанбойнинг юзини қилиб, Абай ҳақида сўзлай бошлади, Бўжей блан Бойсолга қараб:

— Сизлар буни суннат тўйида нима деганини эшитган эдингизми? — деб кулиб қўйди. Абай болалигида ўзидан ўтган хатоликни булар олдида сўзламоқчи бўлаётган Қоратойдан норози эди. Уялиб, ўнғайсизлана бошлади. Лекин уни сўздан тўхтатиш одобдан эмас. Шунинг учун, бу сўз ўзи тўғрисида эмасдай, парво қилмай ўтираберди.

Қоратой кула-кула сўзлади:

— Суннат қилинаётгандага жони оғриб, йиғлаб: «Эй худо, нега мени қиз қилиб яратмадинг!..» дебди. Унга онаси: «Тентак болам, қиз бўлсанг бола туғмас эдингми,

ўшандан ҳам қийин бўлибдими?» деса, бу «Вой, униси ҳам бормиди» деб дарров йигини тўхтатиб, жим туриб берибди. Катталар кулиб юбориши.

Қунанбой, бу гапларни эшитмаётгандек, пинагини бузмай ўтираберди. У блан Бойсоғлининг қош-қовоғига қараганда бунақа гаплар узоққа чўзилмайдигандек кўринди. Абайга ҳам ма'қули шу эди, негаким, уни катта кишидек қилиб чақиртириб, энди аҳмоқ бола қилиб, ундан кулишларини истамас эди.

Шу топда эшикдан Үспон кириб келди. Абайнинг кичик иниси, овулга келганидан бўён бирнечча марта сўраған бўлса ҳам, кўраолмаган тентак — шўх иниси шу.

У салом беришини унутмади, лекин отасига ҳам, бошқаларга ҳам қарамасдан, тўғри келиб Абайни қучоқлаб олди. Үзининг ҳам энг яхши кўрадиган акаси Абай эди. Икковининг орасида беш-олти ёш фарқ бор. Шунинг учун ҳозир Абай унга акаларча қарапарди. Үспон келаётганида бу ҳам қучоғини ёзи, юзидан ўпди. Катталар буларнинг энди кўришганларини пайқаб, бу ишларини ма'зур кўришиди. Лекин шу ондаёқ Үспон тентаклигини билдириб, обрўйидан айрилабошлади. У «Қаёқда эдинг» деб аста сўраған Абайга осилиб, бўйнидан қучоқлаб ўзига томон тортида-да, бир нарса деб қулоғига шивирлади; бир ярамас ҳақорат гап айтган эди; нариги уйда ўтирган акаси Такежондан ўрганиб келган экан. Соғинган акасига унинг биринчи айттан сўзи шу бўлди. Абай даҳшат ичидаги чекиннуб:

— Эя, нима деяпсан? — деган эди, Үспон иргиб бўйнига осилди-да:

— Айтма! Айтма дейман унга! Унга айтма!.. — деб отаси томонга ишора қилди-да, Абайни оғиз очгали қўймай чалқанча йиқитиб юборди.

Абай бир ёқдан ноилож кулиб, иккинчидан ўнғайсизланиб, ўрнидан туришга уринди. Лекин қўллари бақувват, бола — Үспон уни ўрнидан тургани қўймай, босиб олди, яна бунинг устига, лунжига солиб юрган шилимшиқ бир нарсани Абайнинг ёқасидан ичига ташлаб юборди. Абай сесканиб, эти жимирилашганича, ўрнидан туришга уринмоқда эди. Катта кишилардек сипотарчиллик сақлаб ўтирган ўқучи болани иниси бирпасда ўзи блан олишириб, ёш болага ўхшаб тўполон қилишга мажбур қилди.

Үспон унинг сесканишидан ҳузур қилиб, отаси борлигини ҳам унутиб, шарақлаб кулабошлади:

— Бақа! Бақа солиб юбордим ичига,— деб Абайни аввалгидан ҳам баттарроқ сескантириди.

Қунанбой орқа томонида ўтирган болаларининг нима қилаётганини пайқамаган, ўзлари жим бўлишар деб ўйлаган эди. Лекин тентак Үспон, одати бўйича, қутириб, ҳаддидан ошабошлаганидан кейин, жаҳли чиқиб, ялт этиб орқасига қаради. Қарасаки, Алпомишдек барваста, шўх ўғли Абайнинг устига миниб олиб, турғизмаётир.

Қунанбой ўзининг олдида бўлаётган бу бебошликини кўриб ғоят ғазабланди, чап қўли блан Үспонни ўзига томон тортиб олдида, қулоқ чаккасига тортиб-тортиб юборди. Үспон, икки юзи қипқизил бўлиб, ўт сочиб турган катта-катта кўзлари блан отасининг юзига тикилганича, безрайиб туриб олди. Уришидан на ҳайиқдию, на писанд қилди. Буни кўриб турган Суюндин пичирлаб Бойсолга:

— Е, пирим, балою қазога ўхшайди-я! — деди.

— Куж¹ десангчи, бунданми, бундан кўп гап чиқади! — деб қўйди Бойсол ҳам.

Қунанбой зарда блан қичқириб чопарига:

— Олиб кет, ўйқот абраҳни! — деди ва Үспонни эшикка томон қаратиб туриб, итариб юборди. Бола суриниб муккасидан тушаётганда чопар ушлаб қолди.

Бусиз ҳам Қунанбой, айтадиган сўзини бошламасдан, бўғилиб, қовоғини солиб ўтирган эди. Бу иш яна ҳам кайфини бузиб қовоғ думоғини осилтириб юборгандай бўлди. Утирганлар хийла вақтгача жим қолиб, уйни сукунат босди.

Шундай қилиб Қунанбой яна бирор хўмрайиб ўтирганидан кейин кўпчилик яна сал-пал қимиirlайбошлагандай ёрилиб, кўнглидаги гапни айтабошлади.

2

Меҳмонхонада филдирак хон тахта устида тош шам'-донга ўрнатилган шам' қизғич шу'ла сочиб турар эди. Үтовшинг остидан ўқтин-ўқтин эсган шабадада шам' тоҳ липиллаб ўчаёзиб, тоҳ лопиллаб аллангаланиб ёнар эди. Абайга бир ёни блан ўтирган отасинилг катта юзи бир томондангина кўринар эди.

Қунанбойнинг авзойи бузуқ, қора сариқ юзидаги туклари ҳурпайган. У йўғон, салмоқлик товуш блан койиб,

¹ Куж — афсонавий паҳловои.

ғазабланиб сўзламоқда; ба'зан, гапнинг орасида, Абайга ажиб туйиладиган мақоллар — матолларни ишлатади...

Абай отасининг гапларининг тагида қандай гап борлигини, туб ма'носини тушунолмасдан, ба'зан мақолларни гина онглаб, шуларга ўзича ма'но бериб ўтиради. Шу ерда ўтирган катталарнинг шундай масалалардаги одатини қилиб отаси ҳам гапни киноя блан, пардага чулғаб сўзларди. Абай кўпинча бир сўз блан иккинчи сўзни ёлғаштириб бир ма'но чиқаришга улгуrolмай, янгишиб кетарди. У, ўзига қолса, ҳозир оналарининг ўша кўнгиллик уйига кириб кетар эди, лекин отаси чақиртирган, ташлаб кетиб бўлмайди. Шунинг учун ҳам Абай отасининг сўзларига тушунмаса ҳам, юзаки қулоқ солиб ўтирап, ба'зибир янги эшитган қийин гапларини хотирида қолдиришга тиришар эди. Отаси кимгадир тишини қайраб, кимнидир таҳдид қилиб сўзлаётир. Унинг сўзлари гойда Абайга катта бир ҳужумга ёпирилиб келаётган лашкарга, тўполон блан келаётган аломонга ўхшаб кетар эди.

Эртак, ўлан айтаётган ёки сўзлаётган одамга мароқ блан тикилиш — Абайнинг болалик чоғидан буён бўлган одатларининг бири. Одамларнинг чеҳраси унга доим ажойиб, қизиқ бир расмга ўхшаб кўринар эди. Айниқса кексаларнинг ажин босиб кетган юзи унга ажиб бир ҳикоя эди. У бирхил одамларнинг чуқур-чуқур қинғир-қийшиқ ажинида, осилиб тушган лунжида, тақирланиб кетган пешанасида ёки ўнгтан кўзларида, турили-туман соқол мўйлабларида неча турли, жонлик-жонсиз ҳаёт аломатларини кўраётгандай бўлар эди. Ба'зан одамларнинг симоси унга сийраккина тўқайзорга, кўмкўк майса ўсган ерга ўхшарди. Ба'зан одамларнинг юзи унга йиртқич ҳайвон юзига ҳам ўхшаб кўринар эди. Ҳаммасига ҳам ўхшаб кетадиган симолар бўлар эди.

Отюзлик келган отасининг чўзинчоқ боши ғознинг тухумига ўхшайди. Усиз ҳам катта, чўзинчоқ юзини қуршаб турган узун соқоли қўшилганда боши блан юзининг ўзи бутун бошлиқ бир ўлкага ўхшайди. Шу пайтларда Қунанбойнинг ягона соғ кўзи ўша ўлканинг чап томонидаги ўрмон блан қопланган тепаликда туриб олиб, шу ўлкани кўздан кечириб турган соқчига ўхшайди. Соқчи бўлганда ҳам ҳормай-толмай кузатадиган, сергак, беомон соқчи. Бу ягона кўз, косасидан хиёл иргиб чиқсан,

Үқдек қадалиб, ғазаб блан қарайди, камдан-кам киприк қоқади. Елкасига бўта пўстинини ташлаб, чалқасидан кетиброқ ўтирган Қунанбой ҳаркимга бир қараб сўзламай қаршисида ўтирган Суюндиқагина қараб сўзлаётир.

Суюндиқнинг сочи блан соқол-мўйлаби мош-гурунч бўлиб баравар оқарган. У онда-сондагина Қунанбойга бир қараб қўймаса тикилиб қарайлмайди, ҳа деса ерга боқаберади. Абайга унинг юзи кўп учрайдиган, оддий юзлардан кўринарди. Бўжей ҳам оддий. Оқ сариқдан келган, қўнғир соқоллик, бурни катта Бўжей шу ўтирганларнинг ҳаммасидан чиройлик, ажини ҳам унча кўп эмас. Лекин ундаги Абайнинг диққатини кўпроқ жалб этадиган нарса унинг кичик-кичик тилиб қўйилгандек кўзлари эди.

Қунанбой узоқ сўзлаётган пайтда Бўжей тек ўтириди, ерга қараган бўйича бирон марта бошини ҳам кўтартмади. Шунинг учун ҳам ухлаётирими ё-хәёл сураётирими — билб бўлмас эди. Қалин, осилиб тушган қовоғи унинг кичкина кўзларини кўрсатмай, яшириб турар эди.

Буларнинг ичida Қунанбойнинг юзига тик қараб ўтирган киши тўрда ўтирган Бойсол. У, икки юзи қип-қизил, қўнғир соқоллик, барваста келган, савлатлик одам; катта-катта мовий кўзлари сокин, сир тутабиладиган.

Булардан бошқа, шу хўмрайиб ўтирган катталарнинг ичida энг жонлиси, энг эпчили, маҳмадонаси Қоратой блан Абайнинг ёнида ўтирган Мойбосар эди.

Бу бир тўп казо-казолар ичida бу четда, отасидан пастроқда ўтириб тикилганича қулоқ солаётган Абай бўлса, худди шу сингари борлиги блан берилиб тинглаётганларнинг биттаси у четдаги Жиренше деган ёш йигит.

Жиренше Котибақ қабиласидан, Бойсолнинг яқин қариндоши Шуқаннинг ўғли, Бойсол уни доим бирга олиб юради. Йигити ҳам шу, мажлис кўриб, гап сўз ўрганиб одам бўлар деб умид боғлаган ёши ҳам шу. У ҳикоя айтишга тушиб кетганда ҳикоя қайнаб чиқар эди. 'У ҳикоя айтганда ҳам жонлантириб, бўрттириб айтар эди. Бунинг устига асқияга ҳам чакки эмас эди. Бу йигит ба'зи ба'зида Абайни эркалатиб ҳам қўяр эди. Шу ўтирганларнинг ичida Абайнинг ғоят дидига ўтиришадиган, холий ўтириб сұхбатлашишни истайдиган одами ҳам шу эди.

Лекин у чинданми, ё катталарнинг кўзичами, ҳарқа-

лай Қунанбойнинг сўзидан бошқа борликни унугиб юборгандай ўтирар, Абайни ҳам бир чеккага қўятургандақ кўринар эди.

Жиренше бир қошини чимириб, қимирлаб қўйди. Абай эндигина пайқади: отаси сўзини тамом қилаётир экан:

— Қўдар шумнинг қилиғи бегона элларнинг олдида менинг юзимни ерга қаратган бўлса, бу ерда ўз элимизга келганда шу ўтирган ҳаммамизнинг юзимизни ерга қаратади. Мана шу ўтирганларни ерга қаратади! — деб бироз жим қолди да, Суюндикка қараб турган ягона кўзини олиб, тўрда ўтирган Бойсолга тикилди; ундан кейин ўзининг ўнг томонида ўтирган Бўжейга қаради.

Бўжей блан Бойсолдан садо чиқмади. Бошқалар Қунанбой сўзининг бутун оғирлиги ўзларига тушгандай типирчилаб, қимирлаб қолишиди.

— Шундай бўлгандан кейин, номус — ўлимдан кучли. Эл кўрмаган касофат ишга эл кўрмаган жазо қерак! — деб Қунанбой ўз фикрини айтди. Чамаси Қунанбой тошметин бўлиб қотиб, қаҳрига олган кўринади.

Утирганлар бу кайфиятни англашди. Агар Қунапбой шу сингари бир қарорга келгудай бўлгандা, ҳечқачон ўз қарорини ўзgartмаслигини, кечирмаслигини ҳамма яхши билар эди.

Энди икки йўл қолди: ё талашиб тортишиш, жанжаллашиш қерак, ёки Бўжей блан Бойсол кўп ишлэтадиган бир тадбирни қўллаб, индамай бутун ишни Қунанбойнинг ўзига ҳавола қилиб кета бериш қерак.

Ўзларига ортиқча алоқаси бўлмаган ишларда улар кўпинча шу сўнгги тадбирни қўллашар, иккови ҳам тайнинлик жавоб бермай, индамай қўя қолишар эди.

Лекин Қунанбойнинг бу гапи индамасликка ҳам қўймас, индашга ҳам йўл бермас, ҳаммани саросимада қолдирган эди. Уйдагилар хийла вақтгача жим қолишиди.

Қўдарнинг кимлигини Абай билмас эди. Бу исм унинг кўз ўнгига аввало «Қўзи — кўрпеш — Баян» достонидағи Қўдарни гавдалантириди. «Шум» деганига қараганда, ўтган йил Бойкўкше оқин унинг оналарига қўйлаб берган ўша Қўдарга ўхшаб кетар эди. «Қўдар деб эҳтимол ўшанга ўхшаш бирон одамин атаётган бўлса» деб ўйлади Абай.

Сукут сақлаб ўтирганларнинг ичида ҳаммадан олдин тилга келган яна ўша, сўзга қолганда устихони йўқ Қоратой бўлди:

— Мисли кўрилмаган иш эканлиги рост. Үғил-қизнинг бошидан нарироқ, ўзи блан кетсин. Агар шу гап рост бўлганда, киши кофир қовмida кетадиган ишку ўзи,— деб кўнглидаги «Қўдарда ҳақиқатдан ҳам айб борми ё йўқми» деган шубҳасини, усталик блан гап айлантириб келиб, бир илож қилиб айтиб олди. Утирганларнинг ичидаги фақат Суюндиккагина Қўдарнинг қариндошлиги бор. Қунанбой боядан буён заҳрини сочаётганда шунинг учун ҳам ўшанга сочаётган эди. Буни ўтирганларнинг ҳаммаси билиб турган эди. Қунанбой Қўдарни аввало ўз қариндошлари «айбдор», «жавобгар» дейишларини истарди.

Бордию, Суюндик бўйин тўлғамасдан шу гапларни осонлик блан айтиб қўяқолса, эртага ҳамма айб бўйнига тушади. Қўдарнинг ўша Қунанбой айтган қадар айбдорлигига Суюндикнинг кўзи етмас эди. У Қоратойнинг ҳалиги гапидан фойдаланиб, айниқса унинг «рост бўлганда» деб бўштоброқ айтган сўзига маҳкам ёпишиб:

— Агар унинг шу қилмиши рост бўлса типпа-тиқ қўйиб бўғизлайлик. Лекин шу ишнинг ҳақиқатига етган бирор жон борми?— дейиши блан Қунанбой бир серпилиб, олдинга интилди-да, гапни илиб кетиб:

— Ҳой, Суюндик,— ғазаб блан сўзлайбошлади,— алвости ҳам бўш келганни босади. Ҳалқа ўз зарбини, ўз ҳукмнни ўтказаолмайдиган, уни қўлига ололмайдиган бошлиқ бўлса иблис ҳам, жин ҳам елкага чиқмай нима қилсин? Майли, агар ўшани оқ десак, ҳалол десак жонимизни фидо қиласайлик. Биратўла оққа чиқарайлик-да, охиратда бутун гуноҳини бўйнимизга олайлик. Лекин менинг жоним иккита эмас. Сен жонингни берарсан, берасанми жонингни? — деб Суюндикка ёпишакетди.

Суюндик Қунанбойнинг боядан буён исканжага олаетгалига энди жини отланиб:

— Нима, сабил қолган жоним борми мени! Фақат ҳақиқатини бил деяпман. Мана, жонимни ҳам олақол деб кафил бўлгани келди дейсанми?— деб қовоғини солиб олди. Бунинг қўлидан келган бутун қаршилиги шу бўлди; лов этиб кетгани блан, паст тушгандай бўлди. Қунанбой дарҳол буни сезиб, энди жўяси bla ғапириб бўйсундиришнинг чорасига киришиди.

— Ҳақиқатига етмоқчи бўлсанг, ана у, Қўдарнинг қилмишини дув-дув гап қилиб, бутун ҳалқи — оламга ёниб юборганларнинг гапини ҳақиқатига ет. Эл уёқда

турсни, кеча кўпчиликнинг ичидаги шарт этиб бетимиизга айтган бегоналарнинг гапини ҳақиқатига ет. Үшаларгача билибди. Бориб «ёлғон» деб ўшаларни ишонтириб, эл оғзига элак тутиб кўрчи. Лекин бу иш қўлингдан келмайди. Шундай бўлгандан кейин ё азаматлик қилиб биратўла оқقا чиқар, ё бўлмаса, шу гапга ишон-да, жазола! Лекин, азизим, думижозлигинг бу ерда кетмайди. Иккиланишни ҳам бир чекага кўй!

Энди Суюндик ҳам нима дейишни билмай қолди. Бироздан кейин, боядан буён Қунанбойга сир бой бермай, пинагини бузмай ўтирган Бойсол:

— Агар қоралаб жазо берадиган бўлганда бериладиган жазо қандай бўлади? — деган эди, Қунанбой:

— Жазосини шариат билади, шариат нима буюрса ўша бўлади. Бундай қилмишга қозоқлардан қолган йўл ҳам, йўриқ ҳам йўқ. Бундай иш ҳам бўлган эмас, — деди.

Шу онгача ғазабланиб сўзлаётган Қунанбой шу ерга келганда изтироб чекаётгандай бир вазият олди, бу блан ўтирганларнинг қовирғасини қайиштирмоқчи бўлди.

Ўтирганларнинг ҳаммаси ҳам нима дейишни билмай қолди. Гўё боши берк кўчага киргандай, от тумшуғи бориб бир деворга тақалгандай, ночорликда гангид қолишиди.

Бироз ўйланиб ўтиргач Бўжей ичидаги: «Шариат ҳам уёқ-буёқни ўйлаб, ҳақиқатига етиб иш тутадигандир, ҳеч гапдан ҳеч гап йўқ, кўринганга жиловини тутқазиб юбора қолмас» деб ўйлади.

Лекин бу фикрини айтса Қунанбой яна тутақиб кетиб, ёқасидан олади. Шунинг учун ҳам дамини чиқармай қўяқолди. Яна ўша гапдон Қоратой:

— Қани, шариат буюрганда бу Қўдарнинг қилмишига қандай жазо буюрар экан? — деди.

Қунанбой, боядан буён пастда ўтирган Жумабойни энди кўргандай, унга қайрилиб қаради-да, — мана бу Жумабой шаҳарга бориб, Аҳмад Ризо ҳазратларидан фатио олиб келди, жазоси дорга осиш экан, — деди.

— Дорга! — деди Қоратой кайфи учиб. Бўжей қўрқиб кетиб, бақрайганича Қунанбойга қаради. Қунанбойнинг башарасидан раҳм қилмаслиги очиқ кўриниб турарди. Бўжей:

— Шундан бошқа йўл қуриб кетибдими? Ит бўлса ҳам жигар эдику? — деган эди, Қунанбой заҳарханда қилиб:

— Уни жигар деганинг жигари эзилсин? Шарнатни хор қиласми? Құдар әмас, пирим бўлганда ҳам аямайман, йўлдан озмайман,— деди. Энди у бўй бермасдан арқонни узиб, борадиган ерига бориб олган эди. Бўжей юраги ўшганича:

— Гуноҳи борлигига кўзинг етса, ихтиёринг ўзингда,— дедиую, кўнглидаги гапини айтмай қўяқолди. Бойсол оғиз очмаганича ўтираберди. У, Қунанбойнинг сўзини ма’қул кўрмагани блан, Бўжейнинг ҳам ёнини олмади.

Суюндик бўлса, энди шу ердагиларнинг одатдаги йўлини тутиб:

— Эл ҳам ўзингники, элнинг ичидаги ёмонлар ҳам ўзингники, қочганининг ҳам, қувганининг ҳам келадиган сдами ўзингсан. Ҳар нима қилсанг текшириб, ҳақиқатига етиб қилсанг бас, ўғини ўзинг бил,— деди. Ўзи бир қарорга келаолмаганидан Бўжейнинг гапига қараб «шу бир нарсани билиб гапираётгандир» деган хаёлга бордида, шундай деб қўяқолди.

Ниҳоят «текшириб, ҳақиқатига етиб, билганингни қил» деган гапни ўтирганларнинг ҳаммаси ҳам бир-бир айтиб ўтишди.

Лекин бу гаплар шунчаки айтилган тап эди. Булар боядан буён Қунанбой блан ўрталарида, очиқ айтилмаса ҳам ичдан келишмовчилик пайдо бўлганини ҳис қилишарди.

Бўжейнинг билишича, Құдар масаласи Қунанбойнинг яна бир кор-ҳолни бошлайман деб қилаётган иши; афтидан, унча-мунча иш әмас, катта бир иш қилмоқчи. Бундан қандай иш чиқармоқчи экан? Нима қилмоқчи экан? Ҳарқалай энди бутун оғирлик Қунанбойнинг ўз гарданига тушадиган бўлди. Булар жон-дил блан ма’қул кўришмади, буни Қунанбой ҳам билди. Аслида-ку шу ўтиргап одамлар бу тўғрида Қунанбой блан олишишга ҳам ҳақи бор бўлган одамлар-а!

Суюндик блан Бўжейларнинг бу ишга қараши шундай бўлгандан кейин Қунанбой ҳам, ўз мўлжалини назарда тутиб, ўзига ма’лум сабаблар блан кўнглида борини тўкиб солмай, ҳалиги гапнинг ўзи блан чегараланди, «бундоқ қиласман» деб қат’ий фикр айтмади.

Шу ўтирган беш-олти одам неча минг уйлик Тўбуқти элининг кўп чигаллик тугунларини, чигал масалаларини, тақдирини ҳал қиласиган одамлар. Буларнинг ҳарбири чўнтағига ўзидан бошқа ҳечким билмайдиган кўп тадбирлар солиб келган.

Қунанбой оға-султон бўлди-да, бошқалардан устун бўлиб кетди. Ҳокимият унинг қўлида. Унинг ўёқдагилар, улуғлар блан ҳам алоқаси, уларнинг олдида обрўйи бор; яна дун'ёси кўп, қўли ҳар ерга етади, сўзга уста, ишга мөжир, ўзини тутабилади; тутган ерини кесади. Ўз тенгларидан устун чиқиб кетишга мана шу хусусиятлари сабаб.

Лекин Қунанбойнинг сұянағидиган ери шу Тўбуқти бўлса, уни ҷалиб йиқитадиган нарса ҳам шу Тўбуқти. «Қаш қаноти блан учиб, қўйруғи блан қўнади», ана шу қаноти блан қўйруғи шу эл ичидаги уруғ бошлиқлари, тенгдошлари, шу Бўжей, шу Бойсоллар.

Булар сўнгги бир йил мобайнида Қунанбойга унча рўйхуш бермай қолишиди, зиддан Қунанбой блан зидлашиб қолганга ўхшарди. Буни Қунанбой ҳам яхши билади, лекин буларни шу сингари қилиб маслаҳатга илаштириб турса бўлгани. Аслида буларнинг ҳаммасини ҳам қарайдиган тарозиси — эл. Қунанбой учун шу элнинг олдида булар ўзининг маслаҳатгўйи бўлиб кўриниб турса бас. Қунанбой ўртанса булар ҳам ўртанади. Лекин уларнинг ичидагандай гап бор, униси блан Қунанбойнинг иши йўқ, ўзини бепарво, лоқайд кўрсатади.

Тўбуқти кўп уруғлик, кўп эл бўлса ҳам, борлик элнинг тарозиси шу ўтирган беш-олти одамнинг уруглари. Эл, айниқса уруғ бошлиғи бўлган шу одамларнинг ўзига қараб салмоқланади.

Мана бу Қунанбойнинг ўнг томонида ўтирган Бўжей—кўп ҳалқлик жигитек элининг одами. Қадим замонда Қенгирбойдек мустақил, сўзини ҳечкимга бермаган, ҳукмини юргиза билган бий чиқкан эл. Кейинги вақтларда ҳам ўтлик, шудлик, оёқ-қўлидан ўт чақнайдиган, ҳечнарасдан ҳайиқмайдиган, баримта босиб босмачилик қилишлар ҳам қўлидан келадиган йигитларнинг кўпи шулардан чиқкан. Умуман ҳаммаси деярлик сўзамол, ҳечнарасдан тап тортмайдиган эл.

Бойсол ҳам шу сингари кўп уруғлик Котибақ элининг каттаси, унинг эли «тўқмоқ ёл тўриқ» деган номни олганда азбаройи кўплигидан, кучлилигидан олган. Бу эл чорво блан шуғуллангани учун кўпроқ ерга эга бўлишга тиришадиган, кўплигига, кучига ишониб, унча мунчадан тортинмайдиган, қисилиб-қимтилмайдиган эл.

Суюндик шу биродар элларнинг ичидаги энг озчиликни ташкил қиласидиган Бўкенше элининг одами. Бу элнинг хўжалиги ҳам анчайин. Бўкеншега она томонидан қарин-

дошлиги бўлиб, буларга қўшилиб кетган эл — Бўрсоқ эли. Ҳалиги гап бўлаётган Кўдар ўша Бўрсоқлардан.

Қунанбой бўлса Иргизбой уруғидан. Бу ҳалқ сон жиҳатидан келганда Жигитекдан ҳам, Котибақдан ҳам оз, лекин бир томондан гоят дун'ёдор бўлса, иккинчи томондан кўпдан бўён Тўбуқти элларининг ичидаги ҳукмронлик қилиб келади.

Қариндошлик жиҳатидан қараганда, Бўжей блан Суюндиқдан кўра Қунанбойга Бойсол яқин. Олишиш, жанг қилиш, лашкар тўплаш керак бўлганда Қунанбойнинг зўр таянчиғи шу Бойсол эли — Котибақ. Қунанбой уларни шу кунга қадар ўз қаноти остидан четга чиқарган эмас.

Қоратойнинг бўлса, булардан ҳечқайсисига ҳам яқинлиги йўқ, буларнинг ҳаммасига баравар узоқ қариндош бўлган Кўкше элининг бошлиғи. Гарчи эли сон жиҳатидан оз бўлса ҳам, созгина. Қоратой ўзининг уддабуролиги, яна унча-мунча ишга бош қўшиб юрганидан, ҳечбир маслаҳатдан четда қолмас эди.

Шу ўтирган уруғ бошлиқларининг айтгани айтган, дегани деган, улар нима демасин бўёқдаги элнинг катта-кичик оқсоқол-қорасоқол бошлиқлари учун қонун, ҳаммаси бир оғиздан қабул қилишади.

Қунанбойнинг ёнида ўтирган қўй кўзлик, чиройлик Мойбосар старшин бўлди-да, ўзининг дўстларидан ҳам, Қунанбойнинг яқинларидан ҳам узоқлаша бошлади. Ҳозир Қунанбойнинг олдида ёшлигидан қолган одатини қилиб, мўминтой бўлиб ўтиргани блан қўп дилозар, безори, тошбагир одам. Қунанбойнинг эли бўлган Иргизбойнинг бошлиғи — шу.

Мана букун Қунанбой блан Бўжейларининг ўртасига тушган совуқчилик ҳам шу Мойбосар туфайли тушган. Мойбосарнинг истибодидан ортиқ тўйинган эл бундан иккى ой муқаддам Бўжейни ўртага қўйиб, Қунанбойга: «Мойбосарни ўрнидан тушир» деган талабни қўйган эди.

Қунанбой Мойбосарнинг фе'ли-авторини яхши билатуриб, ўрнидан туширмади. У ўзининг қора кучини, зулмини акс этдирадиган Мойбосардек бир одам ёнида бўлишини ма'қул кўрди. Бунда катта бир муддао бор эди: «агар у элга зўравонлик қилиб, юртни қон қора қақшатиб, жонидан бездирса, эл арзи-додини айтгали ўзимнинг олдимга келади. Шундай қилиб Мойбосар элни менга бўйсундириб беради» деб ўйлар эди.

Қунанбой Құдар түғрисида ортиқ баҳс этмади, уларнинг фикрини эшилдию, қолганини ўз ичида пиширди.

Бироздан кейин у, бошқа мавзу'да сўз очиб, бу йил молнинг тўйиши, ўт-ўлан, қачон ва қай таҳлитда кўчиш-қўнишлари түғрисида гапира кетди. Бу ўтирганларнинг маслаҳатига кўра бу йил ҳам Чинғизнинг нариги ёнидаги Боқонос-Бойкўшқаргача кўчиб бориш керак эди. У ер Керей элининг ери бўлса, ўша Керейларга яқин бориб, аста-аста уларни суриб, бу йил ҳам икки катта сувни ёқалаб қўниш мумкин бўлади. Тўбуқти улуғларининг нияти, моли оз бўлган Керей элининг ерларига йилдан-йил силжиб, ўша ерларни эгаллаб олиш эди.

Мавзу' ўзгариб, сухбат шундай гапларга кўчганда, ҳалиги қовогини солиб ўтирганлар ҳаммаси, чиройи очилиб, жонланиб сўзлайбошлишади.

Шу пайт Жиренше Абайни имлади-да, эшикка чиқиб кетди. Абай Қўдар кимлигини, унинг қилмишини ҳали ҳам билолмаган эди, лекин «дорга осиш» деганларнда юраги арзиқиб кетди. У, отасига қарадию, сесканиб «шундай қиласиди» деб кўнглидан ўтказди. Лекин ўйлаб қараса, дор деган нарса бу саҳрова, элда асти бўлган нарса эмас, уни ҳечким эшилган ҳам эмас. Дор бунинг тушунчасида Ҳалифа Ҳоруннаррашид замонида, аллақайларда, Миср, Бағдод, Фазнадагина бўлган. Шунинг учун «дорга осиш деб шунчаки айтишгандир, ундан қилинмас, бўлмаган гап!» деган қарорга келди.

Шунинг блан бирга Абай Жумабой нима учун шаҳарга борганини ҳам фаҳмлади. Шаҳардаю, йўлдаю, шунча кун бирга юрганида бирор марта сездирса-чи!

У, кўнглида шунча «фатво», «дорга осиш» дек ҳукмларни олиб келаётib, Абай блан от чопишиди, йўл-йўлакай ўйнаб кулиб, парвойи фалак, ҳазиллашиб келди. Энди мана, ҳозир ҳам ҳечнарсани билмаган кишидай ўтиришини қаранг.

Үнга қараб ўтириб, Абай катталарда мана шундай кўнглидаги гапни билдирамай, сездирмайдиган хусусият борлигини ўйлади; «Қани энди катта бўлсам, буларнипг ҳаммасиҳи, фикрини, нима қилмоқчи бўлаётганини ҳар доим билиб турадиган бўлсам» деб яна ўша катта бўлақолишга қизиқди. Аслида Абай тезроқ катта бўлишга шошилар, интилар эди.

Энди ўйлаб қараса, Жумабой шаҳарда тушуниб бўлмайдиган ишлар қилган экан. «Ҳазратга тортиқ олиб

бораман, Қунанбой юборди» деб бир семиз кўк ғунанинг етаклаб юрган эди.

У, Абайнинг устози ва масжидинг имоми бўлган Аҳмад Ризонинг уйини сўраб олиб, кейин «муллонинг уйига бирга олиб бор» деб, уни ҳам олиб борган эди.

Ушанда, иккаласи осов кўк ғунанинг етаклаб бораётган чоғларида, Сағид деган бир шўх, тентак боланинг қилган хиralиги ҳам эсига тушди ва ҳозир гердайиб ўтирган Жумабойга қараб, кулгиси қистаб, жилмайиб қўйди.

Булар кўчадан ўтиб бораётганларида Сағид деразадан кўриб қолиб, ютурганича чиқиб, тош отиб, шовқин сурон кўтарди. Осов ғунанинг ҳурковичлигини билиб олгандан кейин, ундан баттар қутириб, югуриб ичкарига кириб, чивиқ олиб, оркасига яширганича келиб, осов тойнинг қўлтиғига тиқди. Кўк ғунан пишқириб, ҳуркиб олиб қочмоқчи бўлганида, Жумабой, қўлидан чиқариб юбормаслик учун, чилвирга қаттиқ ёпишиб олди, той суриб кетаётганда унинг оёғи ерга тап-туп тегди, тумоғи блан дўпписи учиб тушиб қолди; бошининг ялтироқ този кўриниб кетди, шунда Абай беихтиёр кулган эди. Жумабой осов отни тўхтатаолмагандан кейин чилвирини белига ўраб чалқасидан кетиб, оёғинни ерга қаттиқ тираб, кўчанинг қум тупроғини бурқитиб, ундан ҳам расво бўлган эди. Ушанда Абай Сағидга қўшилиб, ичак-бағри узилгудай бўлиб кулган эди.

Жумабой кўк ғунанинг зўр-базўр тўхтатиб олгандан кейин Абай Сағидни йўлатмасдан қувиб юбориб, ўша балодан Жумабойни ҳам, ғунанинг ҳам ўзи қутқариб қолган эди.

Булар ҳазратнинг ҳовлисига кириб, ғунанинг оғилга бойлаётганларида ҳазрат отнинг тортиқ эканлигини билиб, дамини чиқармай турган эди.

Уйга кирганларида Жумабой унга Қунанбойдан салом айтиб:

— Мана бу боласига, шогирдингизга фотиҳа берармишсиз,— деган эди, ҳазрат қўл кўтариб:

— Баракалло, баракалло... бираҳматика ё арҳамародимин,— деб Абайга фотиҳа берди.

Шундан кейин Жумабой ҳазрат блан бафуржা сўзлашишнинг ҳисобини тополмай, унинг китобий тилига тушунолмай, Қунанбой сўраб кел деган масалани дангал сўрамоқчи бўлиб бир Абайга, бир ҳазратга қаради-да:

— Лекин бу гапни ёлғиз ўзлари блан, ҳоли ерда сўзлаш деган эдилар. Болам сен... — деб Абайга қараганида ҳазрат ҳам дарҳол сезиб, Абайга:

— Иброҳим, сиз ҳозир мадрасага бориб туринг, болам. Бас, овулнингизга кетмасдан олдин менинг олдимга келиб, фотиҳами олиб кетинг,— деди. Шундан кейин Абай чиқиб кетган эди.

«Шу фатвони ўшандада олиб чиқсан эканда бу» деб ўйлади Абай.

Унга диққат ва илтифот қилиб сўзлашаётган киши бўлмаганидан, Абай ҳам Жиреншенинг орқасидан аста әшикка чиқди. Шу пайтда Жиренше отга кишан уриб, ўтга қўяётган экан. У, әшик очилиши блан Абайнин кўрдида, астагина:

— Абай, бери кел, буёққа кел... — деди.

Абай унинг олдига борар-бормас:

— Ҳой, Жиренше, ҳалиги Қўдар деяётганлари ким? У нима қилган ўзи? Айтиб берчи! — деди.

— Қўдар ҳечкими йўқ, ғариб бир Бўрсоқ.

— Ўзи қаерлик?

— Мана шу Чинғизнинг ён томонида, Бўкенше давонининг бағрида туради.

— Хўш, у нима қипти?

— Бу йил қишлоғи ёлғиз ўғли ўлгандан кейин, келнни блан ўйнашипти дейишади.

— Ўйнашипти? Қанақа ўйнашади?

— Ўйнашипти-да...

— Нима деяпсан ўзинг?

— Э, хумпар, ўйнашипти деган гапни билмайсанми... Эркак тута блан ургочи түянинг ўйнашганини кўрганинг йўқми? — деб, Жиренше ножӯя ҳаракатлар блан тушунтириб берди. У катталарнинг ичидаги ўтириб, хўб зерикаб, энди очиқ ҳавода эркинлаб юрагини ёзмоқчи бўлган Абайнин бир кулдирай деб ўйлаган эди. Лекин Абай куладиган аҳволда эмас, кўнгли бениҳоя қаттиқ озор топган эди.

— Шу гап рост эканми? — деб, яна ҳам қаттиқроқ тикилиб, сўради Абай.

— Ҳечким анигини билмайди... Лекин эл маломат қилиб юборибди. Суюндикни ҳам ҳали аввало анигини билайлик деяётгани шунинг учунда, — деб Жиренше яна оғир ва босинқилик блан сўзлай бошлади.

— Ундай бўлса, бўлмағур тухмат дегин?

— Тұхмат дейдиганлар ҳам күп. Лекин қайси куни Құнакенг¹ мана бу Сибон әлиниң бир мажлисига борса, Сұлтабой тұра шу іапни юзига солибди. Құнакенг тұрага «насвойни ташласанғизчи» деса, тұра: «Майли, мен носвойимни таштай, лекин сен ҳам Чингизнинг бағырдаги сочлик шайтонингни тийіб ол!» деб, шарт юзига айтибди. Шу номусга чидолмай Құнакенгнинг ғазабланаётганини күрдингкү.

Абай отасининг ҳали «дорга осиш» деган чоғидаги совуқ чеҳрасини күз олдига келтири; бироз индамасдан туриб, қошларини чимириб қаттық хұрсанды-да, орқасига айланиб кетаберди. Бу хұрсинаң дард тортаётган вужуднинг аламига чидалмай инграшидек чиқди, Абай онасининг уйига қараб кетди. Жиремше яна бошқа нарсалар ҳақида сұзламоқчи бўлиб, чақирган эди, у орқасига ҳам қарамай, индамасдан кетаберди.

3.

Келини әндигина иситиб келган, құртлик сүқ ошни онда-сонда бир хұплаб ўтирган Құдар:

— Қамқа, бўтам, бугун жума бўлса керак,— деди.

Қамқа хұрсаниб:

— Жұма, мозор бошига бориб қур'он ўқиб келайлик. Худонинг құдрати — бугун тушимга болангиз кирибди,— деди...

— Поко парвардигоро... Эй парвардигор... — деб Құдар ҳам хұрсаниб, вужудини тилиб бораётган аламни бўшатди. Эй, худо, туш құрғур юпатаоладими кишини? Бугун унинг тушига ҳам Қутжони, ёлғизи кирган эди. Лекин Қамқа тушга жуда ишонади, майли айтсин, күнгли ҳеч бўлмаса шунинг блан юпонар.

— Худди шу ўнгимдагидек, уйнинг олдига келиб, отдан тушди-да, шошганича, кулиб кириб келди. Келди-да: «Отам блан сен йиглайберасан... зориллаб, қақшай берасизлар... Мени чиндан ҳам ўлди деяпсизларми?.. Мана, мен келдим... Ҳеч ҳам ўлганим йўқ... Қамқа, қўй энди, қовоғингни очиб юр!» деяр эмиш. Мен юрагим ёрилгудай бўлиб суюниб кетган эмишман!..

Шу топда Қамқанинг ҳам, Құдарнинг ҳам кўзларидан унсизгина оқаётган дўланадек ёш бирин-кетин юмалаб тушмоқда эди.

¹ Құнанбой.

Жимжит уйда Қамқанинг қулогига эшикдан қандайдир чинқириқ эшитилди. Шу сингари эрталабхи пайтларда унинг қулогига мана шувдай чинқириқ кўп эшитиларди.

У қони қолмаган оппоқ юзини отаси томонга буреб, қулоқ сола бошлади. Қизарган кўзларига ёш тўлган, ёноги чиққан юзларидаги кўкимтири томирлари билиниб турарди.

— Чинғизнинг бағридан эсадиган ел-ку, бўтам.

— Нега чинқиради?

— Том очилиб, похол осилиб қолипти, шу шамолда чийиллайди.

Бироздан кейин иккаласи эшикка чиқди. Ёлғизгина вайронга уй, эски чимқўргоннинг пинжига кириб олгандай кўринарди. Атрофида на бир уй, на бир қистов, на бир ўтов бор; зоғ учмайди. Узида кучкудек улов бўлмагандан кейин Қўдар бирордан улов сўрамади, қистовдан ҳам силжимади.

Илгарилар боласи: «ётоқ¹ бўлиб ётаберамизми» деб, улов топиб келиб, кўпчилик ўрга кўчса ўрга, қирга кўчса қирга кўчаберар эди. Мол тўйснн, мол яйласин деб эмас, ёш бўлгандан кейин кўпдан қолгиси келмас эди. У вақтларда Қўдарнинг ўзи ҳам «ҳеч бўлмаса, оқлилка кенанроқ бўлармиз, битта-яримтадан соғиб ичкали сигир топармиз» деб, кўпчиликка эргашишга қарши бўлмас эди.

Қўдар бу йил, биродарлари ўзи билиб айтмагандан кейин, болам ўлди деб бегоналарга телмиришни, улов сўраб юришни ўзига эп билмаган эди.

Яна Қамқа ҳам, ўзи ҳам Қутжоннинг янги қабрини ёлғиз ташлаб, ғарид мозор қилиб «яйлов бор, ўйин кулги бор» деб кетаберишга кўнгиллари ҳам бўлмаган эди. Ке-чаю-кундуз оқаётган ёшни тийиб дард-аламни ташлаб кетгудай мажол ҳам бўлмади.

Мол дейилса, моллари ҳам озгина. Шу арзимаган озгина моли бўлса, шу қистов атрофидаги ўтни қишин-ёзин еганда ҳам, бу ернинг ўтига ниш теккизаолмайди. Бу ёлғиз ўйнинг қўлидаги бор моли йигирма-ўттизга яқин эчки, улоқ-қўй блан бир бузоқли сигир, иккита турпоқ. Шу молни деб кўчганда, юқ ортадиган улови фақат битта жийрон от, Қутжоннинг оти.

¹ Яйловга кўчиб чиқмайдиган, чорвасиз, камбағал.

Боласи ўлгандан кейин Қўдар шу қиши бу элга келгиди, ҳар кимга ёлланиб кун кўрадиган ҳариндоши Жампейс деган бир чолни ўз қанотига олган эди. Жампейс хотини ҳам, боласи ҳам, бош панаси ҳам йўқ, бир умр ёлчимаган шўрлик эди. Жампейс қишида Қутжонга қур'он ўқигани келганда, Қўдар унга дарди-ҳасратини айтиб, яна:

«Икки ярти бир бутун бўлайлик, кимга орқа қиламиш.
Бир-бири мизга суюниб кун кўрармиз» деб, юбормай ушлаб қолган эди. Уша Жампейс ҳозир отга миниб, борқора-қурани йиғиштириб, боқиб юрар эди.

Энди Қўдар блан Қамқанинг мол блан иши ҳам йўқ. Уйда ҳам бошдан ошиб ётган иш йўқ. Шунинг учун қарилик ва ҳаёт қаддини буккан бир кекса, дарди алам қаддини буккан бир шўрлик — икки аламзада аста-аста, босиб мозор бошига қараб йўл олди.

Чарақлаб, ўзгача яшнаб турган май куни, осмонда кичик-кичик, оппоқ момиқдек булуатлар сузид юрарди. Атрофдаги дала ҳам, тепаликлар ҳам ямашил — ҳали у қадар бўйини қўйиб юборган бўлмаса ҳам, қалин чиқсан майса блан қопланган; ҳамаёқни қизғалдоқ, қоқи гул, сарғалдоқ, бойчечак, қизил, сариқ, кўқимтирир бўлиб қуллур ириб яшнаб турган гул босиб ётарди. Гўё даланинг турли-туман бўёқли капалак тутиб кетгандек.

Эрталаб тоғнинг ёнбағридан эсаётган ел ҳардоим Чинғиз оша эсадиган елдек ёқимли, муздаккина. Ҳозир ҳам куннинг таптини кўтариб, майнин шабада эсиб турарди. Лекин бу яшнаган, бу энди уйғониб келаётган гўзал ҳаёт ким учун?

Кимларнингдир ҳузур-ҳаловати, кимларнингдир баҳтсаодати, шодлиги учундир. Лекин бу икки бетолиғга буларнинг ҳаммаси йўқ ҳисоб.

Буларнинг кўз олдидаги фақат кичикроқ яшил тепалик — қибла томонига мармар тош қўйилган янги қабир. Буларнинг кўзлари ҳам, кўнгиллари ҳам ўшанда.

Бу яшнаган кўклим уларга фақат Қутжоннинг ўтган йилгина шу пайтда соғ-саломат, ўйнаб-кулиб юрган чоғини эслатади-да, яна тўлқинланиб келган ғусса босади, юракларига дард-алам тўлади.

Қўдар, паҳлавондек, зўр гавдалиқ, олтмишга энди кирган, соч-соқоли хила оқариб қолган одам. Агар шу ёлғизлик блан ғам қаддини букмагандага, дунъенинг унча-мунча ишлари уни мункитаолмас эди.

У ёшлигига ғоят ботир наизабозлардан бўлган. Шу ёшигача ша'нига доғ туширадиган ишлардан ҳам ўзини тийган.

Юртнинг каттаси ким, яхшилари ва ёмонлари ким, гердайган мағур бошлиқлари ким? Ҳечбири блан унинг иши йўқ эди. У ўз ҳаёти, ўз уй ичиси блан, ўз қора қозонини қайнатиб кун кечирар эди.

У уйдан эшикка чиқиб, ба'зибир гап-сўзларга ҳам аралашмас эди. Шунинг учун ҳам йироқдагилар уёқда турсин, шу атрофдагиларнинг ичидаги ҳам, уни биладиган одам оз эди. Ўзи ҳам кам жамоа Бўрсоқ блан Бўкеншедан бошқа элни билмас эди.

Сўнгги олти ой мобайнида уни ўртаётган нарса ёлғиз ўғли Қутжоннинг доғи эди.

Энди дун'ёдан нима умид қолди? Фариб қилган шум ҳаётда суюнчиғи ким? Уйлай-ўйлай, бунинг тагига етамасдан, тагига етамаслигига кўзи етгач, кейинги вақтларда ўйлашни ҳам йигиштириб қўяқолди.

Унинг ягона жонкуяри мана шу дард-аламдан сўниб, ҳасратдан сўлиб бораётган шўрлик келини. Энди у нима қиласди? Нима бўлади? Бу саволга жавоб берганни юраги бетламайди. Бегона бўлиб кетадими деб ўйлай бошласа, Қутжон бир ўлган эмас, минг ўлгандай бўлиб кўринади. Келини Қамقا блан Қутжоннинг бир-бирига бўлган муҳаббати ўзгача эди. Бу шўрлик етим қиз экан. Қутжон аллақайлардаги Сибон элига она авлодини излаб борганида уни ўша ердан олиб қочиб келган эди. Бу ерда ҳам унинг орқасидан келадиган, йўқлайдиган кимса чиқмади. Шунинг учунми, иш қилиб, Қамقا Қутжон блан шу уйга бор ихлоси блан муккасидан кетган эди. Қўдар буни кўриб Қамқани ҳам ўз боласи Қутжондан ҳеч кам кўрмайдиган бўлди. Унга ҳам, бунга ҳам баравар ота бўлди.

Оқ кўнгиллиги, олижаноблиги орқасида Қўдар ўзидағи шу меҳрни ўла-ўлгунча сақлаб, гўрига ҳам бирга олиб кетишга имони комил эди.

Бирнеча кун бўлди, Жампейс тоғда қўшни овулларнинг чўбонлари блан учрашиб, ўшалардан эшиктган айнами-алжима гапларини чала-ярим гапириб берди.

Қўдар унинг гапларини яхши онгламади, онглаганлари ғазабини келтирдию, гапиртирмай қўйди. Тўрт кўз туғаллик блан ҳузур ҳаловатда умр кечираётган одамлар бекорчилиқдан қутуриб наход шундай беҳуда гапларни ўйлаб чиқаришса «Бу Қўдар нега қистовдан чиқмай қол-

ди» дейишар эмиш! Ба'эилари «Қўдарнинг келини ниманинг илинжида ўтирибди? Мақсади нима экан?» деб суроштиришар эмиш.

Шу сингарн гапларни эшишганда Қўдар ўртаниб кетди. Унинг билишича бу гаплардан мурод бева хотинга эр топиш, уни текинга хотин қилиб олиш, Қўдарнинг молига эга бўладиган миросхўр қилиш эди. Бундай гаплар юзаки дўст, жонкуяр бўлиб юрган маккор бошлиқлар томонидан тўқилаётган, ўшаларнинг фойдасига хизмат қиласидиган гаплар.

Қўдар одамларга яқин йўламай қўйди, бирор келини ҳам ёқтирас, «Ҳеч бўлмаса боламнинг йили ўтсин» деб, нариёғини ўлламасликка тиришар эди.

Шундоқ бўлса ҳам мана, буҳтоннинг совуқ нафаси уни узлатда ҳам тинч қўймади.

Қўдарнинг қаттиқ газабланганини кўриб, Жампейс эшиштаган гапларини батамом айтиолмади; айтмоқчи бўлганда ҳам ўзи гапга нўноқ, ўлгунча гўл, ора йўлда қолган одам бўлгани учун Қўдарга озор бериб қўйишидан чўчиб, ўёғини айтмай қўяқолди.

Лекин бир кун далада кекса бир чўбон унга ғоят бир расво гап айтди:

— Қўдар келини блан яқин эмиш дейишади! Хабарнинг борми? — деди.

Жампейснинг жон-пони чиқиб кетиб:

— Имонсиз кетай, бундай гапдан хабарим йўқ. Бас... Бас қил, кофир бу гапингни, бас қил! — деди.

Бу икковини оқлаётганими ё қўрқиб кетганидан айтиётган галими — билиб бўлмас эди.

Лекин ҳалиги гапни бошлаган кекса чўбоннинг ўзи ҳам бу хилдаги гапларни чиқарадиган одамлар тоифасидан эмас эди. У ичида: «Бу бечора билса бундай қилмас эди. Ҳақиқатда икови бегуноҳ, ё бу ҳеч балони сезмаган бўлса керак» деб ўйлади. Қейинчалик шу чўбон Айтимбет онда-сонда Қўдарнинг уйнга кириб-чиқиб юрадиган бечораҳол одамлардан гап айлантириб сўраб, ҳалиги гапларнинг, Қўдарга тухмат эканлигига қаноат ҳосил қилган эди.

Шуниси борки, ён ёқадаги камбағаллар шундай дегани блан шу маломатни ҳа деса чиқарабериб, атрофга ёйиб юрган бир «қўз» бор. Ҳарқалай бу маломат айланниб юриб кундан-кун чўлғайбошлади.

Қўдарнинг Қутжон туфайли тортган ғами етмагандай, устига бу ҳам чиқди. Бундан уч кун муқаддам Суюндиқ

Бектен деган бир лақмани юборган эди, у Қўлар блан холи ерда сўзлашиб, ҳар томондан гап айлантириб келиб:

— Эл оғзиға элак тутиб бўлмайди. Дув-дув гап бўлиб кетибди. Бости-бости қилиб юборамиз деган жонкуяр буродарлар ҳам ҳеч илож топмабди,— деб Суюндинкинайтиб, уни мақтаб қўйди. Ундан кейин яна бир айлантириб келиб:

— Кўп ёмон гап қилишаётир... Сен блан келинингни бадном қилишаётир!— деган эди, Қўлар:

— Хўш, азизим, ўзинг нима деб алжияпсан?— деб, Бектенни оёғининг остига олиб, янчидан ташлагундай бўлди. Лекин у ҳам бўш келмайдиган хилидан экан:

— Шу гапларга Қунанбой ишониб сенга қаттиқ жазо берадиганга ўхшайди. Уз жигарини Суюндининг кўзи қиядими? Мени атайин юборди. Бу гаплар очилиб, бирёқлик бўлгунча, юзини четга олиб турсин, бирор ерга боратурсин деяпти,— деди.

Қўлар ғазабидан ёрилгудай бўлиб, тутақиб, иргиб ўринидан турди.

— Йўқол, йўқол ҳозир! Худонинг қаҳрини кўриб бўлган Қўлар Қунанбойнинг қаҳридан қўрқармиди! Йўқол ифлос,— деб ҳайдаб юборди.

Қўлардан ҳали ҳам шу гапларнинг алами кетмай тўлғонтиради. Лекин бу гапларни Қамқага айтишни хаёлига ҳам келтирмади. Узининг оталик кўнгли ўзинга маълум. Қамқанинг ҳам унга нисбатан болалик кўнглини билади — бўлди-да. Шу қайгу ичида кунда бир-бираига аламли дардини айтиш, оҳ уриб ўтириб юрагини бўшатиш икковини келин блан қайноталик ҳолидан чиқариб, баравар ғам чекаётган она блан қиз ёки ота блан ўғилдек қилиб қўйган, инсон блан инсонча топиштирган эди. Иккаласи кўп гапларни очиб сўзлашгани блан, доғ-ҳасратга кўмилган боласига бу гапларни айтгани Қўларнинг оғзи бормас эди.

Иккови аста-секин босиб, қабр бошига етишиди. Қўлар қур'он ўқишини билмасди, Қамқа ҳам ўқимаган. Қабр бошига келгандарида, иккови ҳам ўз ҳолича, ичида Қутжонга фотиҳа ўқир, унинг доғ-ҳасратда қолдириб кетганидан зорланар, йиғлар эди. Иккови қайта-қайта қабрга бош қўйиншар, ёнма-ён жим ўтириб, кўзларини олмай қабрга узоқ-узоқ тикилишарди. Бу қабрнинг ҳарбир тоши ҳам икковига маълум. Шамол учирниб келиб

қабр устига туширган чўп-хасларни териб ташлашади, тупроғининг бузилган, чуқур тушган жойини тузатиб қўйишади.

Бир маҳал буларнинг орқа томонидан келган бирнеча отлиқнинг тупурлагани эшитилди.

Лекин Қўдар ҳам, Қамқа ҳам қайрилиб қарамади. Отлиқлар бостириб келиб, отларидан тушабошлади. Булар беш киши эди. Бошлиғи Мойбосарнинг чопори пахмоқ қопқора соқоллик Қамисбой, қолган иккитаси Бўйене уруғидан, иккитаси Бўрсоқ уруғидан. Қамисбой отдан тушар экан:

— Кўрдингми, дуогўйни!— деб пиқ этиб кулиб қўйди. Булар Қўдар блан Қамқани шу ҳолатда учратамиэ деб ўйлашмаган эди. Буларни шундай чуқур қайғуга ботгандарини кўрганда, бошқа одам бўлса, юраги эзиларди. Енидагилар отдан тушишдан ҳам айниб қолгандай бўлган эди, лекин бўрк ол деса бош оладиган, Мойбосарнинг ўзидан ҳам баттар ҳовлиқма, безори, қондан қўрқмайдиган Қамисбой:

— Тушинглар!— деб буйруқ берди-да, ҳаммасини отдан туширди. Бўрсоқлардан ҳам унинг ёнига кирадиган бир одам чиқди. У Жиксен деган кўп ғаламис чолнинг иниси — Жетпис эди.

— Гўрдан бошини олмай ўтиришини кўр, бошинг гўрга киргурнинг!— деди Жетпис.

Қўдар буларнинг келишн бежиз эмаслигини пайқаб, қайрилиб қаради-да, совуқина:

— Нега келдингиз, яхшилар?— деди.

Қамисбой депсиниб келиб:

— Нега келар эдик? Иккалангни улуғ чақирираёттир. Қорашўқида элнинг яхшилари йиғилиб, кутиб туришишти!— деди.

— Яхшиларинг ким? Улугинг ким?

— Улугим старшин Мойбосар, бошлиғи Қунанбой. Келининг блан сени сўроққа чақирираёттир. Тур, юринглар!

— Эсинг жойидами, нима ҳақларинг бор?

— Нима деяпсан ўзинг? Ҳоким чақирирса, нима ҳаққинг бор дейсанми?

— Худо юзини тескари қилгур, бу ким ўзи акиллаётган! — деди, Қамқа ҳам қони қайнаб кетиб.

— Худо юзини тескари қиладиган иккалантсан! Юзи қоралар! Сочлик шайтон сен бўласан!— деб Қамисбой Қамқага қамчисини ўхталди ва:

— Юр ҳозир, ушлай Ушлаб ол! Миндир отга иккаласини ҳам! — деб ёнидаги йигитларига буйруқ қилди.

Тўрт йигит аввал Кўдарга ёпишиди.

— Эй, бераҳм тангри, яна қандай кўргуликлар солмоқчисан бошимга! — деб Кўдар олдига келган икки йигитни уриб юборган эди, биттаси бурнини ушлаганича учиб тушди. Лекин, унгача бўлмай, қолган тўрттаси баравар ёпишиб, қўлини орқасига қайириб, тайёр турган чилвир блан боғлаб олишди. Қамқани ҳам сургаб, отининг ёнига олиб келди-да, Қамисбойнинг отининг олдига миндиришиди.

Кўдарнинг орқасига Жетпис мингашди. У, давангидек бақувват йигит эди. Ҳаммаси баравар отларига минишиди-да, кун чиқиш томондаги Қорашибонни бағирлаб, төр этагидан ошиб, отни қаттиқ ҳайдаганларича кетишиди. Кўдар «Чопгудек қилич, отгудек ўқ, булар блан сўзлашгудек сўз ҳам йўқ. Улуғи блан сўзлашарман» деб ўйлади.

Ўзи блан бир уруғдан бўлса ҳам, йўл бўйи Кўдар орқасига мингашиб кетаётган Жетписга бир оғиз ҳам сўз қотмади.

Аслида Кўдар блан Қамқанинг бошига шу кулфатларнинг тушишига сабабчи бўлган ҳам худди шу Жетпис блан ўшанинг ғаламис, излагани ёмонлик бўлган акаси Жексен эди.

Улар Кўдарнинг энг бадавлат қариндошларидан бўлиб, шу кўкламда Қутжон ўлгандан кейин эл-юрт Жексендан койий бошлиган эди: Кўдар ўзининг бир отадан тарқаб келган қариндоши, камбағал, боласидан айрилиб ёлғиз ярим, гарип бўлиб қолди, Жексеннинг қўли узуя, ўшанга қараашса нима қиласи? Кўчгали улов ҳам бермай, ёлғиз ўзини бир қўрага ташлаб кетди. Бу гапни бир эмас, икки эмас ҳадеб эшитаберган Жексен аввало ўзининг ёрдам бермаслигига важ қилиб:

— Ўша қурғурнинг ўзидан ҳам кўнглим ириб юрибди-да. Қўмаклашмайман демайман, лекин чўчиб қолдим,— деб Бўкенше, Бўрсоқ уруғлариянинг бир йигилишида ўша маломат гапнинг учини чиқарип қўйган эди.

Кейинчалик Суюндиқ бу гапнинг тагида қандай гап борлигини сўраганда:

— Келини блан яқин экан-ку коғир... Мен қандоқ қиласи, ёнимда олиб юрсам, эрта-индин юзимга тупуарсан,— деб ўзини оқлаган эди.

Шундай қилиб, аввало бу гапнинг эл оғзига тushiб кетишига Суюндик ҳам сабаб бўлган эди.

Лекин гапни тарқатишга тарқатиб қўйиб, кейинчалик, бу маломат кўпнинг оғзига тushiб кетгандан кейин, Суюндик яна келиб, энди Жексендан анигини сўради. Жексен қишида Қўдар Қутжоннинг еттисини бераётган чоғида айтган бир гапини далил келтириди.

Қўдар, азбаройи куйиб кетганидан:

— Ҳечкимим қолмади, худо менга қилгилигини қилди, энди, коғир қовмида кетадиган бўлсан ҳам, раббим демайман. Худонинг менга қилгани шу бўлса, менинг ҳам ҳудога қиласидиганим бор... деган эди.

Бу гапни Жексен ўзича муҳокама қилиб: «бу ҳудога вима қилаолади» деб юриб-юриб, ниҳоят: «ҳа, келинини жўзда тутган экан-да!» деган қарорга келган эди.

Аслида Жексенning бу маломатни тарқатишидан мақсади бошиқа эди. Қўдарда бироз ер бор. Бу ер унинг қистовига ёndoш эди. Уни бир балога йўлиқтириб элдаш ҳайдатиб юборса, ерини эгаллаб олади.

Аланга олиб кетган буҳтон Қунанбойнинг қулоғига етди. Сибон элининг йиғилишида Сўлтабой Қўлар туфайли Тўбуқти элинни кулги қилиб гапирди. Бу хабарни эшиши блан Суюндик яна келиб Жексендан гап сўради, фақат Жексендан эмас, ўша атрофдагиларнинг ҳаммасидан сўради: қўни-қўшинидан, Айтимбет чўбондан сўради. Гап-сўз блан иши йўқ, ўз тирикчилиги блан овора бўлгаш одамларнинг ҳаммаси ҳам Қўдарни оққа чиқаришди, доғхасратда алам чекаётганинг айтишиди.

Лекин Жексен блан Жетпис:

— Жўрттага, хўжа кўрсинга қиласяпти. Қўяди дейсанми, ҳамма гап қоронги тушгандан кейин бўлади-да,— дейнишди.

Суюндик тайинлик бир гап ололмади. У, агар бу гап яна рост бўлса Қунанбой, шуни баҳона қилиб, Бўкенше блан Бўрсоққа бир доғ туширишини ўйлаб, бегона одамлар блан сўзлашганда:

— Бўлмаган гап,— дер эди. У Қунанбойнинг олдида ҳам шу сўзимда тураман деб ўйлаган эди, лекин Қунанбой бўй бермади.

Унинг устига яқинда Қўдарга ўзи юборган Бектен йўлакай Жексен овулига кириб, бўлган воқиани батафсил сўзлаб берди.

— Қўдар: «Худони ҳам, Қунанбойни ҳам танимайман,

Нима қилсам ўз ихтиёрим. Менда нима ҳақларинг бор» деб мени ҳайдаб чиқарди. Ҳалиги «Худонинг менга қилгани шу бўлса, менинг ҳам худога қиласиганим бор» дегани шу экан!— деб ёнига қўшиб чатиб, кўпиртириб гапирди.

Қунанбойнинг олдидан гангид қайтган Суюндиқ, Қўдарнинг гуноҳкорлигига кўзи етмаса ҳам, ўзинг тасалли бериш учун шу гапларга ишонишга қарор қилди. Шундай қилиб Қўдар балога қолди.

Иўлакай келини блан сўзлашмасин деб, Қамисбой Қўдарни олдига солиб, ўзи атайин Қамқани хийла кейинда олиб кетди.

4.

Қорашибўки Чинғизнинг баланд чўққиларидан бири бўлиб, Қўдарнинг қистовидан йироқ эмас эди. Шу тонгнинг бағрида, икки томони тўқайлик, гўзал бир соё оқарди. Тол-тераги бўлсин, қинғир-қийшиқ битадиган қизил қайнини бўлсин, ҳаммаси ҳам ям-яшил бўлиб, яшнааб турар эди. Бу ер мол боқишта ва яшашга ғоят қулай қистовлардан. Бўкенше блан Бўрсоқ эли бу ерга кўп замонлардан буён ўрнашиб, шу кунга қадар ҳеч кимга бийлатмай келар эди.

Иргизбойлардан шу Қорашибўкига Жексен овули турган жойга кўз тикканлар кўп эди.

Халқ шу ерда йигилган экан. Жексеннинг овули тўрт ўтовдан иборат бўлиб, бу овлулар катта сувга қараган тик қоянинг остига ўрнашга эди. Қўдар блан Қамқани шу ерга олиб келишмоқда.

— Келишаётир. Олиб келишаётир... Ана Қўдар... — деган тояушлар эшитилгач, Жексеннинг уйида ўтирган Қунанбой бошлиқ бир гала катталар эшикка чиқди. Тонгнинг этагидан ошиб келаётган Қамисбойлар етиб келгунча бу ердагиларнинг ҳаммаси овулдан нарироқча бориб, бир тўп бўлиб туришди. Уша ерда чўқтириб, қозик-қа боғлаб қўйилган катта қора нор тую ётар эди. Үнинг икки ўркачининг орасини намат блан тўлдириб, баланд қилиб, устига шўм¹ ўрнатиб, боғлаб ташланган эди.

Тўпланиб турган одамларни кўриб, Қамқанинг ўти ёрилиб кетди; йўл бўйи оғиз очмай келаётган бўлса ҳам, энди овлуга яқин келганларида Қамисбойдан:

¹ Шўм — туюнинг эгари.

— Барака толкур, одам боласисанку... Гуноҳимиз ни-ма ўзи? Нима қилмоқчи бўлаётирсиз? Ҳеч бўлмаса гуно-ҳимизни айтиб ўлдирсаларингчи? — деди.

Шу вақтгача «лом» демай келаётган Қамисбой энди заҳарханда қилиб:

— Ана у отанг Қўдар блан ўйнаш бўлганинг учун. Ҳозир иккаланг ҳам тамом бўласан! — деди. Бу гапни у «Қамқа нима дер экан» деб айтган эди, қараса, Қамқа оғиз ҳам очмади, бир мартаға ингради-да, отдан сирғи-либ туша бошлади. Қамисбой қулаб кетаёзди. У Қамқа-ни маҳкам ушлаб олганича, отини елдириб, тўпланиб турган одамларниң олдига келди.

Олдин етиб келганлар Қўдарни отдан тушираётган экан. Қамисбой етиб келиши блан, Қамқани суваб олдин ўзи тушди-да, сўнг келинчакни туширди. Қамқа қулаб кетди-да, эси оғиб ерга чўзилди.

Қўдарнинг олдидаги юзга яқин одам турар эди. Уларнинг ўртасида Қунанбой, Бўжей, Бойсол, Қоратой, Су-юндик, Мойбосар ҳам бор эди. Уларнинг оғқасида ҳар уруғнинг оқсоқол, қорасоқоллари, казо-казолар ичидагирорта эски чопон йўқ эди.

Қўдар уларга салом бермади. Узи танғиб ташланган, ғазабидан чатнагудек бўлиб бораради.

Тўпланиб турганларнинг ўртасида, ягона кўзини ўқ-райтириб, унга тикилиб турган Қунанбойни таниб Қўдар ғазаб блан:

— Ҳой, Қунанбой, мени худонинг қақшатгани камлик килдими? Бу нима қилганинг? .. — деб юборган эди, Мойбосар бошлиқ ўша ерда турган йўғонлар:

— Тилингни тий!

— Бас қил!

— Еп оғзингни! — деб тўрт томондан ҳура бошлашди.

Қўдар уларнинг товуши ўчунча индамай туриб:

— Мени эл-юрга шарманда қилиб, расво қилиб кўр кўзингнинг хунини мендан олай деган эдингми? — деган эди, Қунанбой:

— Товушини ўчир, деб бақирди.

Мойбосар ҳам унга қўшилиб:

— Ҳой, пир урган кўк ит! — деб, қамчинини кўтарганича Кўдарнинг бошига ўқталиб келди.

Қўдар ўзини дадил тутиб, шошмасдан яна қаттироқ қичқирди:

— Мен кўк ит бўлсан, сенлар кўп итсан! Епирилиб,

талааб титиб емоқчисан!— деди. Қамисбой блан ҳалиги тўрт йигит Қўдарни сургаб кетиши. Сургалиб кетаётган Қўдар товушининг борича:

— Оқ-қоралигимни ҳам текширмадингми, қонхўрлар? Юзи қора!— деб, қайрилиб қон қўйилиб кетган кўзи блан Қунанбойга қаради.

Лекин шу онда бўйнига чилвир тушиб қолган эди. Тўрт йигит тўрт томонидан олиб, бир зумда, нарироқда ётган қора нор таянинг ўнг томонига олиб бориши. Бошини қопга ўхиаш бир нарса блан ўрашди. Беш олти киши, қимирлагани қўймай, таянинг ёнбошига йиқитиб босиб туришдн. Қўдар яна ла'нат ўқиб қичқира бошлаган эди, орқасидан нимадир қаттиқ туртиб юборгандай бўлди.

Бу, туриб бораётган таянинг ёнбоши экан. Шундан кейин нимадир «хипп» этиб, жонини сугириб олаётгандай бўлиб томоғидан бўғди. Кўз ўнгги қоронғилашди. Аланмон жим тураг эди. Қўдарнинг нариги ёғига унинг блан бирга осилган Қамқа, тая туриши блан бир нафасда узилди. Уни ҳамма кўриб турган эди. Қўдар жон талвасида гоҳ тиришиб, гоҳ тўлғаниб, чўзилиб, ҳа деганда жон бералмади... Паҳлавонликка яратилган зўр жуссаси чўзилган вақтда аввалгидан ҳам узайиб, нор таянини бўйи блан тенгланишгандай, оёғи ерга тегай-тегай деб қолган эди. Тўпланиб турган ҳалқ, қотиб қолгандай, ҳали ҳам сукутини бузмай туради. Икки жоннинг ўлим азобини ўз устига орқалаб турган тая ҳам сукутда.

Бу манзарани кўришга тоқат қилолмаган Бойсол орқасини ўгириб четта чиқиб кетди. Сўзлагучилар бўлса, шивирлашиб сўзлашарди. Қоратой астагина Бўжейга:

— Жон бералмай қийналди-а, шўрлик! Бечорани энди билдим, ўзи ҳам арслондек экан!— деди.

Бўжей алам блан унинг юзига қаради-да:

— Арслонни қашқир еди,— деб орқасига қайрилиб, кетаберди. Ҳалқ ивир-шивир қилиб:

— Ўлгани йўқ. Ҳали ўлгани йўқ...— деб қолишиди.

Қўдарнинг танаси ҳақиқатда ҳам тортилиб-тортилиб қўярди.

Ҳалқ ўртасида ғовир-ғувур кўпайиб қолганини Қунанбой энди пайқади. Ўлдиришидан ҳам азоб берадигани ҳалқа қаттиқроқ та'сир қилаётганини сезиб, қўли блан ишора қилиб, таяни чўқтириб деб буюрди.

Туя чўкканда, Қамқа бор бўйича шилқ этиб тушди. Қўдар, ўлмаган экан, икки бувланиб тушди. Шу оннинг

ўзидаёқ, Қунанбой, то халқ эс-ҳушини йиғиштиргунча бўлмай, рўпарадаги қояни кўрсатиб:

— Олиб чиқ, ўша ерга олиб чиқ! Кофирни ўша ердан ташланглар! Биратўла тамом бўлсин! — деди.

Қамисбой блан бояги йигитлар унсиз ётган Қўдарни түяning устига кўндаланг солиб, арқон блан боғлади-да, тоғ бошига қараб олиб кетишиди.

Бу қоянинг нариги томони ўт-ўлан блан қопланган ясси тоғлик эди. Тамошибинларнинг ичидан ба'зibir тоқат қилаолмаганлари аста сурғилиб чиқиб кетишининг пайига тушиб қолган эди, Қунанбой:

— Тарқалманглар! Тўхта ҳамманг! — деб зарда блан ҳайқирди. Халқ турган жойида туриб қолди.

Бироздан кейин қоя бошига ўрмалагандай чиқиб борганилар пастда турган халқа қаради. Қунанбой ўрнидан турди, четроққа чиқди-да қўлини кўтариб, «ташла» деган ишора қилиб, силтаб тушириди. Юқоридаги тўрт йигит Қўдарнинг жасадини иккитаси оёғидан, иккитаси қўлидан ушлаб, арғимчоқ қилиб туриб ташлаб юборди. Қоянинг бу томон чўққиси туртиб чиқиб турарди.

АЗОБУ-УҚУБАТ ЧЕККАН, УСИЗ ҲАМ ЎЛИК ВУЖУД БИРОР ТОШГА УРИЛМАСДАН, ТЎППА-ТЎФРИ УЧИБ КЕЛИБ, ГУРС ЭТИБ, АЛАМОННИНГ ОЛДИГА ТУШДИ. ЯҚИНРОҚ ТУРГАНЛАРГА УНИНГ СУЯГИНИНГ ҚИСИР ЭТИБ СИНГАНИ ЭШИТИЛДИ.

Худди шу пайтда қуйидаги тўқайзордан чиқсан икки салт отлиқ жадаллаб келиб, Жексен овулига тушган эди. Буларнинг жуссаси ихчам, биттаси ёш болага ўхшар эди. Бу Абай блан Жиренше бўлиб, отларини четдаги уйга боғлаб илдам қадам ташлаб келаётган эди.

Булар отдан тушаркан, қоя бошига тикилиб қараб турган бир тўда кишиларни кўриб, ўзлари ҳам улар қараб турган томонга тикилишди. Бир вақт чакмонининг бари қанотдек ёйилиб, учиб тушиб келаётган вужуд кўринди. Жиренше отини боғлаши блан тўдаланиб турганларнинг олдига қараб кетаётганда, Абай қўли блан кўзларини бекиттанича ўтириб қолди. Оҳ, тамом бўлди, ўлди.

Агар Абай вақтида етиб кслганда, ҳаётида биринчи марта отасига ялинар, оёғига бош қўяр, ўлдиргали қўймас, олиб қолар эди. Кечикиб қолди. Энди галалашиб турганларни кўришга тоқати ҳам йўқ. Қайтиб отига қараб кетмоқчи бўлаётган эди, тўдаланиб жим турганларнинг ичидан қаттиқ-қаттиқ чиқаётган товуш эшитилиб қолди.

— Сен ол! —

— Ҳа, ўзингчи?

— Ўзинг ол! — деб ғовир кўтараётган халқ қўлига биттадан тош олабошлади. Муштлашиш бошланади деб ўйлади Абай ва ўша томонга қараб кетди. Бу муштлашиш эмас эди. Қўдар гуп этиб тушгандан кейин, Қунанбой:

— Ҳали жони чиққани йўқ, энди бу коғирга қирқ уруғдан қирқ киши биттадан кесак отсин. Қани, шу йинғиндаги ҳар авлоддан бир киши, қўлларингизга кесак олинглар! — деди.

Аввал Қунанбойнинг ўзи кесак олди-да, Бўжей блан Бойсолга қараб, ердаги тошни кўрсатиб: «Олинглар!» деб буюрди. Улар ҳам бунга бўйсуниб, тош олишди.

— Шарнатнинг буюргани шу, қани, ҳамма кесак отсин! — деб, олдин ўзи Қўдарнинг биқининга кесак блан урди. Бўжейлар тош олган пайтда, бирор олиб, бирор тортиниб турган эди. Ҳалиги эшитилган товушлар ўша тош олдириб отдиришга берилаётган буйруқлар экан.

Абай этиб боргунича, халқ кетма-кет Қўдарнинг жасадига тош улоқтираётган эди. Абай этиб келиши блан Жиренше унинг қўлидан ушлаб олиб, қулогига:

— Уни кўр! Мана бу тош отай деяётган чолни кўр, Қўдарнинг қариндоши бўлади. Ўзи кекса нарса, яна Бўрсоқ уруғидан, Жексен деган шу! .. Бу кўпрак нима қилаётитти! — деди.

Абайнинг назарида ҳақиқий қотил шу бўлиб кўринди. Абай шошганича олдинга интилиб, ён томонидан борганди, Жексен Қўдарнинг ўлигига қараб:

— Касофат, юзи қора! — деб каттакон тош отди. Қўдарнинг жасадини Абай энди кўрди. Унинг боши маҷақ бўлиб кетган эди. Абайнинг қони қайнаб:

— Ҳой, кекса мал'ун! — деб, Жексенning елкасига муштуми блан бир туширди.

Жексен, Қўдарга тош отаётганлардан биронтасининг қўли тегиб кетди шекиллик деб, орқасига қараган эди:

— Қандай имонсиз эдинг, эй кекса ит! — деб турган Абайни кўрди. Абай орқасига қараб кетаётган эди, Жексен уни жеркиб:

— Ҳой бола... Ҳой! — деб қичқириб: — мен қилдими... Мард бўлсанг, ана — отангга гапир! — деди.

Одамлар: «Нима гап, нима гап?» — деб қолишли. Абай тез-тез юриб, отининг олдига борди.

У, ўтовнинг белига боғлоглик турган отики ешаётиб, шу уйда ўтирган кўп одамларнинг йиги товушини эшилди. Афтидан хотинлар эди. Ба'зилар инграб, ба'зилар ўпкасини туталмай ҳўнграб, ба'зилар пичирлаб сўзлаганича пиқ-пиқ йиғламоқда эди.

Эркаклар бу овулнинг бор хотин-боласини эрта бошданоқ ўтовга тиқиб қўйишган кўринади. Булар, товуш чиқаргани қўрқишига керак, товуш чиқармай, инграб йиғлашаётир. Бу ҳолат Абайнинг юрагига ўқдек тегди, бардош қилолмай, отига минди-ю, кетаберди.

Шу топда Жексен бориб, Қунанбойга чақан бўлса керак, отаси Абайга ҳайқириб:

— Ҳой, худо урган, туратур! Шошмай тур ҳали сен! — деди. «Ушла олиб кел» дегунча бўлмай, Абай отига қамчи бостириб жўнаб қолди.

Унинг орқасидан қувлаб етган Жиренше:

— Ҳой, тентак... Вой такавой тентагей! — деб, Абайнни ўзи қўйиб олган лақаб блан чақириб келарди. Улар отини елдирганича қўйига, водига тушиб кетишли.

Бир гала бўлиб, одам ўлдириб, эл-юртнинг ичидаги кўз кўриб, қулоқ эшишмаган ваҳшийликни ўз қўллари блан қилганлар отларига миниб индамасдан тарқалиб кетишиди.

Фақат Бўжейгина Суюндик, Қоратой блан кетаётганида, қаттиқ хўрсиниб:

— Эр-азаматингни ўлдиргандан хун талаб қилинар эди. Энди хун сўраш ўёқда турсин, додингни айтгани оғиз ҳам очолмайсан. Үзларинг ўлдиридингда. Қирқ уруғнинг одами бирга кесак огиб, ўз қўлларинг блан ўлдиридиларинг. Яна қай юз блан оғиз очасан,— деди.

— Шариатнинг энг мудҳиши йўлини охирга сақлаб юрган эканда? — деди Қоратой. Бу шариат ҳам, дейман, сиртмоғини маккорларнинг қўлига берган экан. У ҳам Қунанбойнинг қўлида десангчи.

Суюндикнинг руҳи тушиб кетган эди.

— Қўйчи! Энди ҳамма бало шунинг блан тамом бўлган бўлсин, тинчисин дегин! — деди.

Бўжей ичидан пишган одам бўлганлигидан, Қунанбой ҳозир қилаётган ишларнинг тагини билар эди:

— Тамом бўлиш, тинчиши,— деди уҳ тортиб Бўкеншелар,— Бўрсоқлар сиртмоқни Қўдарнинг бўйнига солганинг йўқ, ўз бўйнинггиэга солдингиз!

Ҳарқайсиси ҳам шуни ўйлаб, йўлда давом этди.

Абай блан Жиренше букун бу мудҳини ишнинг устидан чиқамиз деб ўйламаган эди. Катталар, бу гап кўпчиликнинг қулоғига етмасни деб, сир тутган бўлса керак, ҳечбир овулда бу ҳақда гап бўлмади.

Жиренше эрта блан Қунанбойнинг овулига бир ажоийб тарғил този эргаштириб келган эди.

У келиши блан овулда қийғос-сурон кўтарилиб, овулдаги болаларнинг кўпи беихтиёр эшнекка чиқди. Бу ғалавовурга тентак Ўспон сабаб бўлган эди.

Жиреншие тозисини эргаштириб, меҳмонхона олдига яқинлашиб қолган пайтда Ўспон кўриб қолиб:

— Ҳайт, ҳайт, ол. Олинглар, Жиреншенинг тозисини! Жўлдаёқ, Бўрибосар, Бўрибосар! — деб қичқириб уран чақираётгандай, Қунанбой овулининг бирқанча ола, қора итларини оёққа турғизган эди.

Жиренше Ўспоннинг расво қилишини билиб:

— Ҳой Ўспон! Барака топкур! Жон укам. Қўй! Қўяқол,— деб қанча ёлвормасин Ўспон:

— Бўрибосар... Ҳайт!— деб хандон ташлаб кулганича, шодлиги ичига сиғмай, сакраб, бор итларни тарғил тозига олкишлади.

Шу пайт меҳмонхонанинг олдига келиб қолган Жиреншие отдан тушасолиб, тозисини бўйнидан қучоқлаб олди. Лекин ҳарбир уйнинг соясида ётган етти-саккизта сариқ ола тозлар отилиб, юлқиниб «ҳов-ҳов» лаб келиб Жиренше блан итини қуршаб олиб, турган жойидан силжитмай қўйишди. Жиренше «қўй» деган сайин Ўспон итларини киш-кишлатиб:

— Ар-р, ар-р! — деб, ўзи ҳам ташлана бошлади. Лекин, кексайиб қолган итлар Ўспоннинг ҳар кун неча маҳал шу сингари жангга бошлайберишдан зерикканиданми, тозини юлқишлишмади, шунчаки, ҳуришди холос.

Катта уйда ноништа қилиб ўтирган Улжон бу товушни эпитетиб:

— Чиқчи, Абайжон! Қуриб кетгур итларни ҳайдаб юборчи! Яна ҳалиги тентак ҳаммани тўс-тўполон қилаётганга ўхшайди! — деб Абайнин эшикка чиқариб юборди. У чиқиб кеттагач уйга кирган бир ёш хотинни ҳам чиқарди. Абай Жиреншени ажратиб олиб, тозиси блан бирга уйга олиб кирди. Булар уйга кириб кетаётгандарлида, янги тошлигун эрмакнинг энди бутунлай тамом бўлганига ачин-

ган Үспон уларнинг орқасидан бақириб буқиниб бориб, оstonага қадам қўяётган Жиреншенинг чўнтағига қўлини тикиб, қаттиқ чимчилаб олди. У, ит экан деб, чўчиб, бошини эшикнинг тепасига уриб олганича, уйнинг тўрига бориб тушди. Үспон яна хандон ташлаб:

— Вой, қўрқоф-ей! — деб Жиреншени эрмак қилди.

Бўйнига қайиш боғ тақилган, оғзи қора тарғил този Абайнинг кўзига яхши кўринди. Този ютиниб, жиланглаб турарди.

— Оти нима? — деди Абай.

— Желқуюн.

— Оти ҳам яхши экан.

— Отигина эмас, ўзи ҳам яхши. Қуёни кўрганда қуондек бориб пийпалаб ташлайди! — деди.

Желқуюн ҳақидаги бу гапни Жиреншенинг ўз овулидаги бир катта овчи айтган эди. Жиренше, қаерда бўлмасин, ити ҳақида сўзлаганида шу гапни қўшиб қўяр эди.

Абай Желқуюнга ғоят қизиқди.

— Қуёнга чиқмайсанми?

— Юр, отинг борми, ўзим ҳам қуён овлашга чиқкан эдим.

Шундай қилиб иккаласи, Абайнинг саман оти эгарланниб бўлгунча қимиз ичиб олишди-да, кун ботиш томонидаги Қизилшўқи деган пастаккина адирга қараб, отларини елдириб кетишиди.

Булар Қизилшўқига кираберишда аввалги сур'ат блан келиб, бир қуёни қочириб, қувлаб кетишиди. Хийла наридан қочган қуён буларни еткизмади. Қуён икки-уч довондан ошгандан кейингина, Желқуюн уни ҳолатдан кетказиб босиб олди. Шундан бошқа қуён учрамади. Яна қуён топиш умидида улар Қизилшўқининг Чинғиз тоғига қараган томонидаги этакларига бориб қолишиди.

Шу ерга келганларида, Чинғизнинг Қорашибўқиси томондан чиқиб келаётган бир салт отлиқقا дуч келишиди. Бу одам Мойбосарнинг чопари Жумагул экан.

У Жиреншега қараб:

— Ундан кўра, Қорашибўқига боринглар. Бугун ўша ерда Қўдарга жазо берилади. Одамлар тўпланишаётир! — деди.

Бу гапни эшитиши блан Жиреншега жон кириб:

— Шундайми? Қўдар блан келини қаерда? — деди.

— Ҳали Қамисбой бошлиқ беш йигит уларни ушлаб

келгали кетди. Халқ Жексен овулига тұпланаётір,— де-ди-да, Жұмағул отига қамчи беріб чопиб кетди. Жиренше Абайга:

— Юр борамиз, күриб келамиз! Юр! Юрсангчы! — деб құярда-құймай, олиб кетди.

Булас Қорашұқынга келиб күрганлари ҳалиги бўлди. Энди улар орқасига қаттиқ, икки томони түқайлик сувни бўйлаб, отни қаттиқ елдириб келишаётір. Абайнинг ичичи музлаб қони қотиб қолаётгандай, томир-томири, бор вужуди дир-дир қалтираб, тутдай тўклиб, нимадандир қўрқандай, юрагиуюшиб борарди. Кимдан, нимадан қўрқади? Отасининг қилган ишидан, отасининг қўли ботган қондан қўрқади. Ўз отаси... тош бағир отаси...

Абай Жиреншенинг чақириғига жавоб ҳам бермас, сувни бўйлаб, икки тоғ орасидаги тор йўлдан отини гоҳ елдириб, гоҳ чолтириб борарди. Ҳали ҳам булардан айрилмай келаётган Желқуюн олдинга тушиб кетаётір. Йўл ноқулай бўлганидан Жиренше Абайнинг орқасидан келар, лекин ҳамон сўзлар эди.

У боя Жексен овулида битта-иккита одам блан сўзлашиб, уни-буни эшлиб қолган экан. Ўша гапларни айтиб келарди. Бемор кишидай вужуди титраб-қақшаб, юраги қаттиқ бежо бўлаётган Абай Жиреншенинг кўп гапларини уқмаса ҳам, бир-иккитасини яхши онглади.

Бугун икки гап оғиздан-оғизга тушиб кетган эди. Бунинг бири Қўдарни айлашга ва шундай мудҳиш жазога баҳона бўлди. Қўдар:

«Худо менга қилса, мен ҳам худога қиламан!»— дебди деган, гап қотилларнинг оғзидаң тушмади.

Иккинчиси Қўдарнинг ўлим олдидан айтган гапи:

«Мен кўк ит бўлсам, сенлар кўл ит... Талаб, титиб ейсанлар!» деган эди.

Абайнин қаттиқ ҳаяжонга солган нарса ҳалиги хотиннинг ун чиқаролмай чекаётган аламли дардлари эди. Жиреншедан олдинроқда кетаётіб йиғлаб юборди.

Жиренше, гарчи орқада келаётган бўлса ҳам, Абайнинг йиғлаётганини пайқаб:

— Ҳой, ҳой такавой тентак! Сенга нима бўлди ўзи? — деб унга етиб олмоқчи бўлди. Абай Жиреншенинг тўриқ қашқа оти яқинлашиши блан ўз отини чоптириб кетди.

Иккаласи ҳам тоғ оралигидаги йўлдан очиқ ерга чиқиб олишган эди. Абай саман отининг бошини Қўлқай-

нар томонга буриб, қамчи бостирганича кетди, кўз ёшлаш рини Жиреншега кўрсатгуси келмади. Жиренше ҳам орқасидан чопди, лекин Абай етказадиган эмас эди. У хийла узоқлаб кетиб бораркан, ўқсиб-ўқсиб йиғлаб борарди.

Абай кўп йиллардан буён йиғламаган эди, энди ўзини туталмай, икки букилиб йиғлайбошлади. Югуриб, учиб бораётган саман отини икки томонидаги кумушдек товланиб турган ямшил ўтлик дала тўлқинланиб, тошиб бораётган сувдек, шовиллаб орқага қараб оқиб бормоқда. Икки қулоғини битиргудай бўлиб, ғувиллаб эсаётган қаттиқ ел Абайнинг кўзидан оқсан дона-дона ёшларини учирив, ҳалиги ўт-ўланларнинг устига ташлаб кетмоқда эди.

Абай ҳечқачон бундай ҳисни бошдан кечирмаган, билмаган эди. Энди қараса, кўз ёшида ҳам одамни бор бўйича ўзига тортиб кетадиган, баланд қояннинг бошида турганингда бир нафасда жарга тушиб кетгинг келганидек, ўзига тортадиган ҳандайдир ўзгача бир куч бўлар экан. Шу топда боланинг кўнглида бирданнга бирнеча ҳис қуюндеқ кўтарилиб тўс-тўполон қилиб бораётган эди.

Унда азоб чекиб ўлганларга жон-дили блан ачиниш, меҳр, қотилларга нисбатан ғазаб ва нафрат ҳисси қўзғолди.

«Ота!» нақадар кўнгилга яқин сўз! Абай қалбининг бир бурчи отасининг ҳимоя қилар, уни шафқатсизлик ва жиноятдан ажратиб турар, бир бурчи эса букунги ваҳшийликни қайта-қайта писанда қилар эди. Бу икки нарса бир кўнгилга сиғмас эди.

Абай бир вақт мадрасада эшиштан гапини хотирлади. Устози унга: «Кўз ёши осийларнинг гуноҳини енгиллатади, уларнинг жиноятларини кечиришга имкон беради» деган эди. Наҳот Абайнинг кўз ёшлари қотилларнинг гуноҳини енгиллатсал Абай дарҳол бу фикрдан қайтди, «йўқ, ундоқ эмас!» Улар бу ишларни дин номидан, айниқса имом ҳазр苍лари берган фатво бўйинча қилишди-куй! Энди кимга арз қилади? У ўзини паноҳсиз, баҳтсиз етимадек ҳис қилди. Ичидан яна бир катта оғир тўлқин кўтарилди-да аввалгидан ҳам баттарроқ ўқсиб-ўқсиб йиғлади.

У товушини чиқариб йиғлайбошлаган эди. Жиреншега билдирамаслик учун отининг бошини қўйиб юборди.

Шу чопиш ярамадими, ё ҳалиги оғир ҳисларни кўта-раолмадими, бир вақт Абай ўқиби қусабошлади.

Лекин шунда ҳам тўхтамади, йиқилиб қолмаслик учун, отининг ёлинги қучоқлаганича чопаберди.

У, Жиреншега етказмаган бўйи Кўлқайнарга келиб, онасининг уйига тушди.

Улжон ташқарида юрган экан, боласи уйга яқин келганди, унинг юзига қараб, қўрқиб кетди. Абайнинг ранги ўзгарган, мурдадек оқарган эди. Улжон «кўзим тинаёт-тирми» деб, тез-тез киприк қоқиб, яна қаради, йўқ, боласининг ранги мутлақо бошқача бўлиб кетган. Абай олдига келганди, қараса, унинг кўзлари қипқизариб шишиб кетибди.

— Абайжон, қўзим, нима бўлди? Битта-яримтаси хафа қилдими? — деди ва ичидан «отаси урдими» деган хаёлга ҳам борди. Эшикда бошқа ҳечким йўқ экан. Абай индамасдан, онасини қучоқлаб олди-да, бағрига кириб, ўзининг ўтдек ёнаётган бошини унинг кўкрагига босди. Етим эмас, онаси бор экан! Йигидан юпангач, вужуди титраб, хўрсиниб нафас оларди. Лекин бу пайтда Абайнинг кўзида ёш йўқ, ҳаммасини тўкиб бўлган эди.

— Гапирсангчи, қўзим, нима бўлди? Отанг урдими?

— Йўқ, ҳечким ургани йўқ, кейин айтаман... Опа, тўшак солиб берчи, ётқизчи! — деди Абай ва онасининг бағрига қисилганича, уйига қараб юрди.

Бардошлиқ Улжон шундан кейин ҳечқандай гап сўраб ўтиради. Уйдаги энасини ҳам, бошқаларни ҳам ташвишга солмади. Абайнинг аҳволини ҳеч кимга билдирамади. Катта оқ уйнинг ўнг томонига энасининг тўшагини солиб берди-да, ечинтириб ётқизиб, устига ўзининг катта поча пўстинини ёпиб, ўёқ-буёғини қимтиб қўйди. Энаси:

— Нима бўлди, бўтам? Учиниб қолдингми, нима қилди? — деб, сўраётган эди, Улжон унга:

— Учинган бўлса керак. Безовта қилмайлик ётиб бир ухлаб турсин,— деб мол боқучи хотин Қатшани чақирди.

— Тунгликни ёпиб, эшикни кўтариб қўйчи! Абайга кун тушмасин! — деди астагина.

Энаси, орқасини ўтириб деворга қараб ётган Абайнинг ёнига келиб унга тикилди-да тамшаниб, дуо ўқиди.

Эрталаб Абайнин Жиреншега қаёққа эргаштириб кетганини Улжон билмас эди. Эшикда ит ҳургандан кейин «стоэси блан ўша келган бўлса керак» деб, эшикка чиқ-

ди. Жиренше меҳмонхонанинг олдига тушиб, отини боғлаётган экан. Улжон катта уйнинг ёнида туриб, уни чақириб олдида, нима гап бўлганини сўради.

Жиренше эрталаб қуён қувлаганларидан бошлаб, Жексен овулида кўрганларини, яна йўлда нима бўлганини батафсил айтиб:

— Абайнинг ўзи қани? — деган эди, Улжон унинг ётиб қолганини айтди да, норозилик акс этиб турган совуққина чирой блан Жиреншега қараб:

— Чирогим, сен гўдак эмассан-ку, эсинг бор? Ўзинг борсанг бир сари, ўшандай ярамас ерга нима деб Абайнин бошлаб бординг? Бола-ку! Чўчийди деб ҳам ўйламадингми?

Жиренше нима дейишини билмай, ўнгтайсизланиб:

— Жуда уят бўлди. Ўзим ҳам ўқиндим. Лекин худо ҳаққи, ўлигининг устидан чиқармиз деб ўйлаганим йўқ эди! — деди.

— Барака топкур, бундан кейин Абайнин ундей ерларга бошлаб бора кўрма! Бошинг ёш, катталарнинг ундей ярамас ишларидан ўзингни ҳам четда тут! Ўз боши блан кетсин! Кўриб-билиб нима қиласан?

Кўп катта-катта одамларнинг ичида юргани блан Жиренше, сўзини бу қадар ўринлатиб, бу қадар ботадиган, салмоқли қилиб гапирадиган одамни шу вақтгача учратмаган эди.

Улжоннинг тўғриликча айтган гапи унга ургандан-уришгандан ҳам қаттиқ тегди.

Жиренше ҳижолат ичида бироз ер чизиб ўтириб, меҳмонхона томонга қараб кетди. Улжон ҳам ўз уйнга кириб кетди. Жиренше ҳеч нарсага қарамасдан, тўғри бориб отига минди-да, тозисини эргаштириб жўнади.

Кун оғиб қолган эди.

Абай кечқурун қўзиларнинг ма'рашидан уйғонди. Бугун қўй кечроқ соғилган бўлса керак, қоронги тушиб қолган эди. Бутун олам қий-чув, тўс-тўполонга тўлган... Лекин Абай буни қандайдир гира-шира кўрсатадиган бир парда орқали кўраётганга ўхшарди. Унинг боши оғир, караҳт, бадани қизиб, ёниб бораётганга ўхшарди; халқуми қуриб, лаблари парсин боғлаб кетибди. Тамшаниб тупругини ютмоқчи бўлган эди, тупруги қуриб қолган экан, фақат тамшанди холос. Ёнида энаси блан онаси Улжон унинг пешонасини ушлаб, ерга қараб ўтирган эди.

— Опа... Энга... Нима бўлди? Мен касал бўлиб қолдимми? — деди Абай кўзлари ёшланиб, эналари томон ағдарилиб ётди.

— Ҳа, иситмалаб турибсан. Қаеринг оғрийди? — деди Улжон. Абай ағдарилаётганда, икки чаккаси сиқиб, санчиб кетгандай бўлган эди, шуни айтди.

Улжон, ҳали Абай ухлаб ётганда, бутун воқиани энасига айтиб берган эди.

Иккаласи ҳам:

— Қўрққан, ўшандан чўчиб, учиниб қолган бўлса кепрак! — деб ўйлашди. Зере Жиреншедан ҳам, бошқа каталардан ҳам қаттиқ койиб жини чиқди.

Абай эналарининг кундузи бўлган ишдан хабардор бўлганлитини лайқаб:

— Отам.. Отам! .. — деб, хўрсиниб, қўли блан кўкрагини силади,— қандай бағри қаттиқ, қандай тош юрак-а! У отаси ҳақида кўнглидаги онглаб бўлмайдиган ажиб оғир ҳисларни инсон боласига изҳор қилгани шу эди. Энаси яхши эшнтаолмади. Улжон, дамини чиқармай, Абайга жавоб бермай ўтиради. Қайин онаси унга тикилиб, тиэзасини туртиб «Нима деялти» дегандай ишора қилгач, Зеренинг қулоғига:

— Отасини айтаётир, бағри қаттиқ экан, нега раҳм қилмади,— деяпти. .

Энаси онглади-да, уҳ тортиб, Абайнинг юзига энгашиб унинг пешонасига юзини хийла вақт қўйиб ўтиради.

— Узим ўргулай, кўзларимнинг нури, қора қўзим! — Раҳм қилмайди, у раҳм қилишни билмайди! — деди кампир ва кўзини сузиб, бошини юқори кўтарди.— Худоё худовандо! Яккаю ягона тилагим, завол вақтида тилётган тилагим, шу: боламга, кўзимнинг оқу-қорасига отасининг ит фе'лини берма! .. Тош бағирлигини бера кўрмал.. ё, яратган эгам! — деб, қуришган, мадорсиз қўллари блан ажин босган, меҳри-шафқатли юзини силаб, фотиҳа тортиди. Улжон ҳам ичиде «омин» деб қўйди.

Икки она, уларнинг ўртасида ётган, дили ғоят озор топган бола уччовининг ҳам завол вақтида ичдан, чин кўнгил блан ёлвориб тилаган тилаги шу эди.

Абайнинг ўзи ҳам қўл кўтарди, она тилагини жоннидили блан қабул қилиб фотиҳа ўқиди.

У энди ҳаётини, болалигини яна топиб олгандай, ичиға дун'ё-дун'ё ёғду киргандай бўлди. Лекин кўнгли шундай ёришдию, вужуди ҳали ҳам караҳт эди. Уччови

ҳам жим қолиши. Даладаги қўйлар-қўзиларнинг ма'-
раган товуши ҳам йироқлаб кетиб ўчган эди. Бугун
далада ҳам, уйдагидек, одатдан ташқари бир сукутда
эди.

Шу топда Абай блан онасининг қулоғига ўзгача бир
совуқ овоз эшитилди. Кимдир бирор:

— Вой жигарим! Вой жигарим! — деб от қўйиб ке-
ларди. Бу элда бирор ўлса, эркаклар олисдан от қўйиб,
мана шундай «Вой жигарим»лаб чопарди. Уйдагиларнинг
юраги шифиллаб, орқасига тортиб кетди. Кекса эна бу,
товушни эшитмаган эди.

Қўрқув устида Улжоннинг кўнглидан даставвал: «Уй-
дагиларнинг биронтасига бир гап бўлиб қолдими, ё Қунан-
бойнинг ўзига бир нарса бўлиб қолдими» деган гап ўт-
ди. Чўчиб эшикка қулоқ берди. У, қўрқиб кетганидан,
ҳечнарсани онглай олмас эди. Тасирлатиб чопиб келаёт-
ган отнинг туёқ товуши йўқолиб, пиёда келаётган одам-
нинг қадам товуши эшитилди. Аввал Абай пайқади. Ке-
лаётган киши товушини атайин йўғон қилиб, баралла
қўйиб келаётган блан, боланинг товуши — ўша тентак
Успоннинг товуши эди.

У, ўртоқлари блан далада ўйнаб юрган еридан кела-
ётиб, «яхшиликка кўринмайди», у-бу дейишларига қа-
рамай, ёлғондан йиги солиб:

— Вой, жигарим Қўдар!.. Вой, Қўдар! — деб, сонига
шаппалаб чопиб келаётган эди. Қўдарнинг ўлими бутун
овулга эшитилган экан. Ҳали кечга яқин, булоқ бошида-
ги бир текис ерга йигилган ўз тенги ўртоқларини боша-
лаб, от қўйиб йиглашни кўп эрмак қилишган эди. Текис
ернинг ўртасига чуқур қазиб, бир қуруқ суюкни кўмиб,
қабр қилиб, атрофина додлаб югуришиб «от қўйиб»
ўйнашган экан.

Улжон, Абай бетоб ётганининг устига, ҳалигиндай
қилиқ қилиб, ўзини бу қадар қўрқитган Успонга жуда
жаҳли чиқди. Кун бўйи ботқоқ кечиб, ёрилиб кетган
оёғини лойга ботириб келган Успонни кўриши блан:

— Келақол! Кел болам! — деб алдаб чақирди, чунки
уришиб, жеркиб гапирса, Успон шундай пайтларда қо-
чиб, ёмонлигини қиласерарди. У, ҳеч гапдан хабарсиз,
онасига қараб юрганича, ўзоқ бошидан бир сакраб.
Улжоннинг тиззасига тегиб, Абай ётган тўшак ёнига бо-
риб гурс этиб тушди.

Онаси унинг чап қўлидан ушлаб олди-да:

— Сен ҳалиги қилиқни қаёқдан чиқардинг? Бу яхшиликка кўринмайди деган эмасмидим! Ўйда бола касал ётганда, бу нимаси, тентак! — деб шапалоқ блан орқасига солиб-солиб юборди.

Ўспон, отаси урганда йиғламаса ҳам, онаси урганда йиғи ундан рози кетар эди. Отаси унинг йигисига парво қилмайди. Энаси бўлса парво қилади, шунинг учун, қутилиб қолиш керак бўлганда, йиғи солаберади. Ҳозир ҳам товушининг борича йиғлаб-бақириб, уйни бошинга кўтарди. Онасининг қўлидан чиқиб, чап томондаги суюк қадаб ишланган баланд каравотга чиқиб, мукка тушганича йиғлайберди. Лекин, бу гал қанча йиғламасин, онаси жони ачиб, овитадиган эмас эди, бунга кўзи етди. Шунинг учун охирида кўзида ёш бўлмаса ҳам, онда-сонда бир бақириб қўйиб ётаверди. Ниҳоят йиғи ўзининг ҳам жонига тегабошлагандан бояги қилигини бошлади, ҳар замон:

— Вой жигарим! — деб қўярди. Бу гални бир-икки марта такрорлаб, онаси томонга қараб қўйди. Онаси қўзғалмади, шунинг учун, яна бир бақириб қўйди:

— Вой, жигарим, Абай — деб, чўэди. Абай боши қаттиқ оғриётган бўлса ҳам, беихтиёр кулиб юборди.

Қараса, онасининг каттакон, оғир гавдаси яна қўзғалди. Афтидан турмоқчи бўлди. Ўспон, онаси ўрнидан турганча бўлмай, тўшакдан иргиб тушиб:

— Вой жигарим Абай! Абай! Абай! — дея эшикка қараб отилди. Онаси ўрнидан туриб, интилганича қола берди.

— Ҳой, ким бор, ушла! Ушлаб келчи ана у тентакни! — деган эди, Ўспон эшик олдидан бирнечча марта нари-бери ўтди-да жонининг борича югуриб, четдаги уйлардан бирига кириб кетди.

Эшикда онасининг буйруғини эшишиб, уни ушлаб бермоқчи бўлиб турган катта акаси Такежон кўриниб қолган эди.

6

Абай шу ётганича хийла узоқ ётиб қолди. Аввалига бирор — «учинган» деди, бирор — «шамоллаган» деди, яна бирхиллар «тиф» — деди, ҳарким ҳар нима дедиу анн қилиб, дарди бу деган киши бўлмади. Абай даволатилмади.

Фақатгина, ётиб қолган кунининг эртасига, энасининг буйруги блан бир кекса хотин, кун ботиб бораётган пайтда, Абайнин эшикка олиб чиқиб, янги сўйилган қўйнине ўпкаси блан қоқди; юзига сув пуркаб, учиқлаб:

— Кўч, бадбахт кўч! Кўч боламдан, кўч! — деб, ботиб бораётган қипқизил қуёшга қаратиб қўйиб, эми-демини қилгаш бўлди. Абай, бўғинлари дир-дир титраб, боши айланиб, зўрбазур эшикка чиқсан эди; кўз ўнги қоронғи-лашиб кетганиданми, ҳарқалай, ҳозир бутун оламни тутиб ётган қипқизил шу'ла кўзига ўзгача бўлиб кўринди. Эртакми ё тушми? Қандай бўлса ҳам, олам кўзига бошқача кўринарди.

Икки кун ўтгач овул Кўлқайнардан, Чинғизга кўчди.

Кўпдан буён эл-элларнинг катталари, мол эгалари «яйловнинг музи эридими? Ўти етилиб қолдими?» деб, ўтган-кетгандан сўроқлашаётган эди. Тоғ этаклари, бағри кўклагани блан Чинғизнинг у томони, ва қор қалин тушадиган тепаси тез исимас, эрта кўкламас эди. Бутун Тўбуқти элининг сувга сероб кенг яйловлари, кўп қўнислари Чинғизнинг у томонида эди.

Кунанбойнинг овули Кўлқайнардан кўчган пайтда ўша ердаги бошқа кўп эллар ҳам дув кўчишган эди. Куйидаги, ўти мўл қистовлар: Жидебой, Мусақул, Шўйгисувга ўхшаш қўриқлардан ҳам узлуксиз кўчлар Чинғиз томон кетмоқда. Ҳар эл ўз рўпарасидаги Оқ Бойтол, Кўлденинг Жигитик, Шодқолон, Бўкенше каби довонларга қараб йўл олган. Чинғиздаги ба'зи довонларнинг иоми, тоғнинг ўша ерининг рўпарасидаги ерларни эгаллаган, уруғларнинг оти блан аталади.

Бўкенше довонига Қўдар блан Жексен қистовининг орасидаги кенг водидан чиқиб бориларди.

Соғ бўлса Абай кўчувни кўнгилли ўтказиб, ўйин-кулги блан бўларди. Кўкламда Чинғиз ошиб яйловга кўчиш катталарга, айниқса кўп мол эгалари, блан камбағалларга оғир, ниҳоятсиз меҳнат бўлиб кўрингани блан болаларга сайл.

Ўтган йиллари шу Кўлқайнардан Чинғизнинг орқасидаги Бойқўшқор наҳригача бўлган ўн манзил йўл сайдамошо блан ўтган эди.

Бу йил ҳам йилдагидек кўчилаётир. Йўлдаги қўнисларнинг ҳаммаси белгили: Толдибулоқ, Борлибой, Қизилқайнар. Ба'зи қўнисларга эрта блан тушиб кечқурун ке-

тиларди. Ба'зи қўнисда бир-икки кун туриб қолиша ҳам катта уйлар тикимай «Уранқай», «Облайша», «Жолпо», «Итарқа» деган, турли-туман кичкина капалар тикиларди.

Бу пайтда бутун эл, бор овуллар шу яйловга кўчиш сафарида болаларнинг «овул-овул», «капа-капа» деган ўйинини ўйнаётганга ўхшайди.

Бошқа вақтларда бир-биридан олис турадиган овуллар ҳам шу сафарда бир-бирига қўшилиб, аралашиб кетар, одамлар, моллар, капалар ҳам қўшилиб кетиб, бир овулдан, иккинчи овулни ажратиб бўлмасди.

Шу сингари аралашиб-қуралашиб кўчиш бошқаларга билинмаса ҳам чўбонларга, қўй бокучи, от бокучиларга ғоят катта ташвиш, оғир меҳнат бўларди. Ҳали бирорвнинг йилқисига, бирорвнинг кўч ортилган отлари, бебош моллари кетиб қолаётган; ҳали бир овулнинг қўйига бир овулнинг қўзилари ма'раганича бориб аралашиб кетаётган; ҳали қўйга қўй қўшилиб кетган. Шу сингари тўстўполонда «бармоқ босди», кўз қисди бўлиб, кўп мўмин овулларнинг қўй-қўзиси ўқтамроқ овулларга ем бўлиб кетарди. Уз молини ейишга кўзи қиймай, бирордан кирган «қўшма», «кирма» бўлса, ўшани кечасининг ўзидаёқ, ичак чавогини ағдариб, хом-хатала, гумдон қилиб, қараб ўтирадиган, кўп балоларни бошлайдиган не-не бошлиқлар бўларди.

Бу сафарга кўп эллар баравар кўчишиб, бирга қўймаса бўлмас эди. Негаким, дастлабки кунларда, Чинғизнинг у томонида бўриларнинг қаттиқ ҳужум қилишин кўп бўларди. Бу ерларда одам бўлмаганлигидан, тоғ орқасида болалаган бўри эл келгунча сичқон, бўрсиқ овлаш блан кун кўриб, мол қоплаб келаётган пайтда, кечаси бўлди дегунча, тиним бермай, қуюндеқ келиб уриб кетарди. Кўп овуллар тонготгунча қўй-қўтанини от блан кузатиб, овул-овулнинг четига узлуксиз ловиллатиб гулхан ёқиб, шовқин-сурон қилиб чиқишарди. Шуларнинг ҳаммаси яйловга кўчиш сафарини бошқа вақтлардаги ҳаётдан ўзгача қилиб юборарди. Кундузи ҳамма от устида. Эркак оти борки, қўлларига найза, сўйил, ойболтларини олиб, кўчни қўриқлаб боришарди. Бу ҳол ёппасига кўчиш сафарини газаб блан ҳужумга отланиб кетаётгандарга ўхшатарди. Лекин бу йилги кўчув Абайга кўнгилсиз кўриниб, азобу-уқубат бўлиб ўтди. Унинг жонини қийнаётган оғриқ йўқ, лекин соғ ҳам эмас. Юрай деса

бошӣ айланиб, кӯзи тиниб, йиқилиб кетади. Бунинг касалига қараб кўчмасликнинг яна иложи йўқ.

Уч кун — тўрт кунда Улжоннинг овулига бир келиб кетадиган Қунанбой кўпинча чиройлик хотини Ойғизнинг уйидаги ётиб қоларди. Катта хотини Қунқанинг уйига ҳам онда-сонда бориб қўярди. Унинг овули бўлак овал. Қунанбой кўпинча ўшанинг кўчи блан бирга кетиб қоларди.

Қунанбой боласининг касали бошланган чоғларида бир марта сўради-да, кейин унугиб юборгандай бўлди.

Абай отга минаолмасди. Юк ортилган туяга миндиришга «туя йиқилиб, юк ағдарилиб кетса, бола нобуд бўлади» деб, онасининг кўнгли бўлмади. Қекса энаси блан Улжоннинг ўртасида биттагина арава бор эди. Аслида бу эл кўчманчи бўлгани учун аравани билмас эди. Тўбуқти ичига биринчи марта келган арава Қунанбойнинг онаси Зеренинг кўк араваси дейнлса ҳам бўлади. Қунанбой оға султон сайланиб, келаётганида онасига:

— Кўчганде шунга тушиб юр! — деб, Қарқаралидан атайн олиб келган эди.

Бу кунларда тоғлиқ сарда от блан юриш Улжонга ҳам оғир, негаким, ёши улғайиб, оғирлашиб қолган эди.

Улжон ўз тинчини кўзлашни бир чеккага қўйиб, аравага, энасининг ёнига Абайнинг ўтиргизди-да, ўзи бир ёввови бияга миниб, шу араванинг ёнида кетди.

Яйловда Қунанбой овулининг кўпроқ турадиган жойларидан биттаси — Бўтақон ўшоги, Кўлқайнардан шу ерга йигирма кун деганда етиб келишиди. Шу йигирма кунлик сафарда ҳам дарди аримай келаётган Абай энди-эндигина ўрнидан туриб юрадиган бўлган эди.

У, энди кўнгли ҳам кўтарилиб, аввалгидек болаларча бегамлигини, ўйин-эрмагини топиб олса керак эди. Лекин ажаб! Бу йил, айниқса сўнгги кунларда Абайнинг болалик ўти ўчиб, ўйин-кулгидан ҳавсаласи пир бўлгандек кўриниарди. Бу оғир касалнинг оқибатими ёки сўнгги вақтларда кечирган оғир ҳислари чуқур жароҳат қолдирганиданми, ё болалик даври ўтиб, катталикка бўй урганиданми, ҳарқалай ора йўлда, на у ёқли — на буёқли бўлолмай, гангиб қолганга ўхшарди.

Бу йил Абайнинг ёши 13 га тўлган эди. Унинг ташқи кўриниши ҳам ора йўлда қолган — бола бўлиб бола эмас, йигит бўлиб йигит эмас: новча, оёқ-қўли узун; илгари пучуқроқ эди, ҳозир бурни хийла чўзилиб қолди; юзи болаларнинг юзига ўхшамаса ҳам, лекин ҳали йи-

гитлик акси урган эмас; сохт-сумбати офтоб кўрмай ўсган, ғовлаб кетган ўсимликка ўхшарди. Илгарилар унинг қора тўридан келган юзи олмадек қипқизил эди. Ҳозир, шаҳардан чиққанлиги, унинг устига касал қўшилганиданми, ҳарқалай ранги заҳил тортиб кеіган. Сийраккина қўнғир сочининг орасидан бошининг териси оқариб кўриниб туради. Бу ҳам касаллик, қуёш кўрмаганилик аломати. Абайнинг кўриниши унинг ҳозирги руҳий ҳолатига қандайдир мос тушгандай эди.

У от минишга яраса ҳам уйдан кўп чиқмайди. Ўзга болалардан кўра бошқароқ эрмак, ўзгача бир дўст топиб олди. У дўсти айниҳса энаси, ундан қолаберса онаси эди.

Абай энасининг ҳикоя айтишга қандай уста экакини шу йилгина билди. У ҳикояни қизиқ қилиб айтади.

Касали бошланган пайтларда, Абай, бир кун кечқурун уйқуси келмай энасидан ҳикоя айтиб беришни сўради. Шунда энаси ўйланиб ўтириб ҳикояни:

— Фамгин-фамгин кунлар ўтган. У кунларда химлар ўтган! — деб, қофияга солиб бошлади. Шу Абайнинг қулоғинда қолган экан, келаси гал ҳикоя айтиб беришни ўтинганида, энасининг тиззасига астагина туртиб:

— Ҳа, ... Фамгин-фамгин кунлар ўтган, у кунларда кимлар ўтган,— дерди.

Энаси унга бирқанча эртаклар: «Эдил жайиқ», «Жупар қўриғи», «Қўламерген» деган ҳикояларни айтиб берди. Абай энасига кундузи ҳам, кечқурун ҳам, ҳатто кўчиб бораётганларида йўл бўйи ҳам, ҳикоя айтдираберадиган бўлди.

Кейинчалик тузалиб кетгандан кейинн, Абай энасидан яна бирқанча ҳикоялар эшилди. Булар энаси Зеренинг ёшлигидан буён кўрган-кечирганлари, эшишганлари ҳақидаги ҳикоялар эди. Эл блан элнинг жангларини, урушларини бирнеча кун ҳикоя қилиб берди. Бундан йигирма-үттиз йил муқаддам Найман элининг шу овулга қилган ҳужумини, ўшанда ўзининг асранди ўғли Бўстонбекнинг ҳалок болганини, яна Найманлардан буларга асир тушиб, бир ярим йил давомида кишандада ётган Кўжамберди деган оқинни ҳикоя қилиб берди ва ўша оқиннинг кўп ўланларини ҳам айтиб берди. Яна бир кун у «Қорашўр шопқан» сингари жангларни, ҳужумларни айтиб берди.

Яна бир гал доғ-ҳасрат блан ўтган «Қолқамон-Момир», Энглик — Кебекнинг дард-аламини айтиб берган

эди, Абай бу ҳикояларни зерикмасдан, толмасдан энтикиб тингларди. Ба'зан энаси чарчаб айтмай қўйса, ўз онасига ёпишарди. Улжон ҳам кўп ҳикоя биларди. Кўпинча, у ўланлик ҳикояларни айтарди. Абай ўқимаган онасининг шу кунгача шуларни унутмай, хотиридан чиқармай кела-ётганига ҳайрон қоларди. Онаси Кудиркўжа, Шўртандбой, Шўжейларнинг шे'рларини, васият сўзларини, ҳажвларнни ҳам кўп айтиб берарди. Абай, иккала онасини қизиқтириб яна ҳикоя айтдириш ниятида ўзи ҳам, шаҳардан олиб келган китобларидан «Юсуф-Зулайхо»га ўхшаш қиссаларни ўқиб берар, ба'зи ерларини кўйлаб ба'зи ерларини ше'р блан айтиб кетарди. Оналари тушунмайдиган айрим сўзларни қозоқчалаб ўқирди. Шунинг блан уларни қизиқтириб, қадимги замон ҳикояларидан яна айтдирап эди.

Зере халқ бошига келган балоларни ҳикоя қилаётганда, бу даҳшатларнинг ҳаммаси Абайнинг кўэ ўнгидагавдаланар эди.

Ёшлигидан ҳикоя ва эртакларни севган бола, шу кунлари, шу ёэ кўп ҳикояларни эшишиб, кўп нарсаларни билиб олгандай бўлди.

У, энасининг ҳикояларига жони-дили блан берилиб юрган кунларининг бирида, буларнинг уйига иккита бегона меҳмон келиб тушди. Меҳмонларнинг бири кекса, иккинчиси ёш эди, ёш меҳмонни Абай танир эди, уни кўриши блан севиниб кетди. У ўтган йил яловга келиб, буларнинг уйида уч кун туриб, «Қўзай-Кўрпеш-Баян»ни кўйлаб берган Бойкўкше деган оқин эди. Унинг ёнидаги кекса одамни Абайнинг ўзи танимаса ҳам онаси яхши билар экан.

Улжон меҳмонлар блан кўришиб, ҳол-аҳвол сўраб бўлганидан кейин Абайга қараб жилмайди-да:

— Ана, болам, энанг блан мени ҳеч қўймас эдинг, ҳикоя блан ше'рнинг кони энди келди. Бу киши Дулат оқин бўлади,— деди.

Оқ сариқдан келган, оппоқ чўққи соқоллик, товуши жаранглаган, кўркам гавдали Дулат оқин эшикдан кириши бланоқ Абайга ёққан эди. У бирхил, билганини сирсақлаб, индамай, ичимдагини топ деб ўтирадиган эмас, бир нафасда гап бошлаб кетадиган, бетакаллуф, хушчақчақ, беғубор одам эди. Гўё шу уйда кўпдан буён турган, шу овулнинг одамидай бўлди қолди.

— Эй, болам, «оқин сўзи сувдек тўкилган, тингловчининг бўрдек эмган» дегандек, сўзлашни ҳам, тинглашни

ҳам севадиган эл-элда. Эшитишдан сен зерикмасанг, айтишдан Бойкүкше ҳормайди! — деб ёш ҳамроҳига қараб кулиб қўйди.

Яйловга келганларидан буён бегона меҳмонлар кўп келар эди. Дулат Сибон әлидан бўлиб, улар ҳам яйловга кўчиб, шу яқин ўртага ўрнашган эканлар, Дулат шундан фойдаланиб бу ерга ёр жўраларини кўргани келган экан. Йўлдан унга «Мамай» әлидан бўлган Бойкүкше қўшилибди. У Дулатнинг шогирди бўлиб ҳар йил, шу сингари унинг ёнида юриб, бирнече ойларни бирга ўтказишарди.

Икки оқин уйдагиларнинг хуш чирой блан қарши олганини кўриб, осонгина ечилишди. Шу кечак овқат пишгунча Дулат «Қўбланди ботир» достонини кўйлаб берди. Бу достон Абай на қозоқлар оғзидан, на китоблардан, умрида эшитмаган ғоят гўзал, ғоят та'сирли, ҳаяжонли достон эди. Дулат достонни битириб, қўл ювишга турганда Абай:

— Буни ким айтган? Шу ўланни ким чиқарган экан? — деб, ўзини шунча қувонтирган оқиннинг номини билмоқчи бўлди.

— Бунинг айтилганига жуда кўп замонлар бўлган дейишади-ку, болам, лекин Жонекенг ҳудди ҳалигиdek қилиб, кичик ўрданинг Марабой деган оқини айтган дер эди. Дулат Жонекенг деган оқин Жоноқ оқин эди.

Достоннинг айниқса Қўбландининг хайрлашуви, унинг оти Тойбурилнинг отилиб жангга кириши, Қозон блан Қўблондинг яккама-якка олишиши, сингари жойлари Абайнин элтиб қўйгандай бўлди, ўрнига ётгандан кейин хийла вақтгача ҳаяжондан ухлай олмади.

Эртасига Улжон Дулат блан Бойкўшени юбормади.

— Қўйсангизчи, шошмасдан уч-тўрт кун туриб, меҳмон бўлиб кетасиз-да,— деб олиб қолди. Бу Абайнинг истаги эди. Абай аввалилар йаассурот китобда, билимма'рифат мадрасадагина, яхши дастонлар Низомий, На-воний, Фузулийдагина, юрак шे'рлари Шайх Са'дий, Ҳўжа Ҳофизда, қасида эса Фирдавсийда деб ўйлар эди.

Қозоқларда Осонқайғи, Бўқар жиров. Марабой блан Жоноқлар борлигини, «Баян-Кўрпеш», «Оқбола — Бўздақлар»дек не-не достонлар борлигини билмас эди.

Тилини яхши билгани, унда тасвир этилган ҳаёт таниш бўлгани учунми, ё Дулат блан Бойкўшенинг галмагал айтишаётган достоннинг тоҳ парвоз қилиб қўкка

Кўтарилиб, гоҳ пастлаб оҳисталашиб, гоҳ тўлқиндек қал-
қиб оқадиган оҳангда айтаётганиданми, ё дўмбиранинг
мунгли садосиданми, ҳарқалай Абай шу кунга қадар
ҳаётида мана шу Дулат, Бойкўкшелар айтган достон-
ларга teng келадиган нарсани эшишмагандай эди.

Абай кечаю-кундуз Дулатнинг пинжидан чиқмай қўй-
ди. Икки оқин Улжоннинг уйини, шу атрофдагиларнинг
уйин-кулги уйига айлантириб юборди.

Тушга яқин биялар боғланиб бўлгандан кейин ҳамма
қимиз ичгали келади, кайф қилиб ўтириб, достонларни
эшишишади. Оқинлар кундузи мудом узун достонлар, ора-
чўра донишманлардан қолган дурдона сўзлар, басма-
бас айтилган ше'рлар, асқияларни айтишарди.

Одамлар тарқалиб, ўзлари ёлғиз қолишганда, Дулат
ўзининг достонлари, ўз замондошлари — Шўртанбой,
Шўже, Синанбой, Болта, Алпис оқинларнинг ше'рларини
терма қилиб айтиб кетарди.

Дулат, буларнинг ичидан, халқ дардини ва замон аҳ-
волини кўйлайдиган сўзларни алоҳида завқ блан айт-
тарди.

Абай блан оналари кечқурунлари эшигадиган достон-
ларининг кўпи Дулатнинг ўзи севадиган, тинглагучини
маҳлнё қиласидиган бебаҳо сўз маржонлари бўларди. Шу
пайтларда Дулат Абайга кундузги Дулатдан бошқа, ҳа-
зил-аския, ўйин-кулгиннинг кетига тушган ҳушчақчақ Ду-
лат эмас. Кечки пайтларда у, бир буюк устод бўлиб кў-
ринарди.

Шундай пайтларда у ёрилиб:

Уларнинг сири теран ва тубсиз,
Олис-алисадаги туман сингари,
Кўнглимни қайғулар кемирар чексиз,
Оқолмас булоқдай ўйларим бари ..
Тошиб, қиртоқ ошиб оқкан сел дар'ё,
Дулат ўланлари дар'едир гўё.

Деб, ўз дардини ҳам қофияга солиб айтиб кетарди.

Абай ба'зан онасидан бунивғ қайғиси, дарди нима —
деб сўраганда онаси:

— Бунинг фазилати зўр, бўлмағур ишларни мақта-
майди, тاما' қилиб эл кезадиган оқинлардан эмас. Бунинг
гафларини қунт қилиб эшиш! — деб қўярди.

Абай унинг сўзларини зўр лиққат блан тингларди. Булар замоннинг улуғлари, бекларнинг қилмишларини кўриб айтилган гаплар эди. Бир терманинг ичидаги Дулат:

Оға султон, қозининг
Ишидан эл қақшайди,
Овулдаги амалдор —
Ўри, ёвуз ва айёр,
Нуқул улик излаган
Шум қузғунга ўхшайди,

деб қистириб кеҳди.

Абай отасининг уйда йўқлиги эсига тушганда, «келмай турса яхши бўларди, юра турса экан» — деб қўярди. Ҳақиқатда ҳам Дулатлар келгандан буён, Қунанбой бу ерга келмаган эди. У бир тўп казо-казолар блан элни айланиб келгали кетгаپ. Улжон ҳам шунинг учун Дулатларни юбормай олиб қолган эди. Оқинлар Қунанбой борида буњчалик очилиб-ёзилиб ўтираолмасди.

Дулат «улуғ, бек» деганда, кимни назарда тутади — буни очиқ айтмайди. Лекин Абай унинг бу хилдаги шे'рларини онглайди. Бунақа одам унинг кўз олдидаги... Лекин Абай ҳам кўнглидаги бу гапларни ҳечкимга нэзор қилмайди.

Олганда ҳоким буйругин,
Путига қисиб қўйруен,
Ҳаллослаб, елиб-йўртади.
Ўзи элни қўрқитиб,
Уядан ўзи қўрқади.

«Бу — старшин Мойбосар» деб ўйлади Абай

... Ҳоким келса бом солар,
Бир бузоққа — ўн олар.
Камбағалда қўймас мол,
Айёр, пишиқ... Ол, ҳа ол!
Қара солиқ ва улпон,
Бирдек қашшоқ ва баён,
Ўғри солиқ тўплайди,
Камбағалнинг топганин,
Қон, тер тўкиб йиққанин,
Оқар сувдай хўплайди,

деди Дулат ва «соҳ» тортиб юборди.

Дун'ёда бундай дард-аламлар борлигини Абай авваллари билмас эди. Осонқайғи, Шўртанбой, мана бу Дулат

жаммасининг ҳам сўзлари келиб қуйиладиган оқин — бир.

Симоси, тахлити аниқ бўлмаса ҳам, ҳарерда оҳ уриб, ҳасрат тортаётган, кекса энаси каби кўп яшаган, кўпни кўрган зўр бир аламзода бор. У ким-анигини, қаерда эканлигини, нималигини Абай билолмайди.

Абай бир томондан ўзи осилиб, иккинчи томондан онаси орқали та'сир қилиб, Дулат блан Бойкўшени бир ой юбормай олиб қолди. Шу вақт ичидаги бола Дулат ва Бойкўшеше блан биратўла дўстлашиб яқинлашиб олди; кейинчалик Дулатнинг қўйнига кириб ётадиган ҳам бўлди. Кундузлари, жонининг борича, уларга хизмат қиласиди. Унинг зийраклигини, қобилиятини кўриб чин кўнглидан шодланган Дулат бир куни уйда ҳечким бўлмаган вақтда:

Чирогим, эр етарсан!
Эр етгандা, нетарсан!
Олис-олис кетарсан,
Чинлансанг ва чолишсанг.
Чин чўққига етарсан!

— деб Абайга дўмбирани узатди.

— Мана, ўғлим, шу сенга берган фотиҳам бўлсин. Чин кўнглимдан айтиаётирман! — деган эди, Абай ўнғай-сизланиб кетди-да индамади. Бу гап Дулатлар эртага кетадиган куни, овқатдан олдин, бўлган эди. Эртасига оқинлар отларини эгарлаб, жўнай деб турганларида, Абай онасини эшикка чақириб олиб:

— Опа, иккаласига ҳам манзур бўладиган бирор нарса бериб жўнатсанг яхши бўларди! — деди. Улжон индамади.

Меҳмонлар қимиз ичиб бўлиб, энди хайрлашай деягандарнида, Улжон Дулатга қараб, айтиадиган гапи бор одамдай бир вазият олди. Меҳмонлар тўхташди.

— Мана бу болам ўқишдан келгандан буён бир касал бўлиб, асти дарди аримаётган эди. Сизлар келгандан буён, айтиб берган яхши гапларингиз блан шифо топди, қадами қутлуғ меҳмон бўлдингиз! — деди.

Ҳақиқатда ҳам Абай шу кунларда ўзини дарди-касалидан халос бўлган, куч қувватга киргандай ҳис қила бошлаган эди. Онаси индамаса ҳам, очиб айтмаса ҳам

¹ Улгаярсан, йигит бўларсан.

ҳаммасини кўриб, сезиб юрар экан; бир нафас тўхтаб, яна давом қилди:

— Келиб-кетиб юринглар. Кекса энаси блан бизларга ҳам анча даф' савдо бўлди. Оқ йўл берсин! Келганларигиз учун, қуруқ бўлмасин деб, иримиға бир нарса боғлатиб қўйдим. Ола кетинглар!.. Хафа бўлмасдан рози бўлиб кетинглар! — деди.

Абай меҳмонларни кузатгани эшикка чиққанида Дулатга атаб бир семиз кўк отга, Бойкўшега атаб бир семиз тўриқ ғунанга нухта уриб, ушлаб турган отбоқар Беркенбой блан Жарқинни кўрди.

Икки оқин икки отни етаклаб, яна «хайр, хайр» дейиншиб жўнаб кетишди.

Абай онасидан ғоят хурсанд бўлиб, ёш болалик чоғидаги эркалигидан қилиб, унинг тўлиқ гавдасини қаттиқ қучоқлаб йиқитаёзиб, юзидан, бурнидан, кўзларидан қайта-қайта ўпди.





ҚАТ-ҚАВАТДА

I

Бу йил Қунанбойнинг овуллари ҳам, яқин қариндошуруглари ҳам кузни бошқаларга қараганды эрта кутиб олди. Йлгарилар кузовдан бир қор тушмагунча күчмас эди, бу йил октябрь ойининг ярмига етар-етмас, қистовга қараб кетди.

У Жигитек, Котибақ, Тўпой, Тўргай сингари атрофидаги ўтирган ўзининг қўлостидаги қариндош элларга ҳам кўчиш-қўниш ҳақида бирор нарса демай, кетаберди.

Суюндиқ бунга ҳайрон бўлиб, Бўжейнинг уйига меҳмон бўлиб келганида ундан:

— Қариндошингнинг сирини била олдингми? Нега бу йил бир ерда қарор топмай қолди-а? — деб сўради.

Уйда Бўжей блан Суюндиқдан бошқа, Тўсип ҳам боради. Бурни катта, чўққи соқол, товуши йўғон Тўсип Жигитек элининг Бўжейдан кейинги мутабар одамларидан бири эди. У:

— Бундай одати йўқ эди. Нега бундай қилаётир, ё кузовдаги ўт тамом бўлдими? — деган эди. Бўжей унга қараб истиҳзо блан кулди. Суюндиқ «Бўжейнинг бир гапдан хабари бўлса керак» деган ҳаёлга бордида, унга қараб:

— Эй... Бўлмаган гап, кузовнинг ўти тамом бўладиган ўтми, тутиб ётибди,— деб қўйиб, яна:

— Ҳақиқатда ҳам, моли энди тўйиниб келаётганда элбуритдан қистовга борса, қишида моли нима ейди? Унинг кузовдан бунчалик эрта жўнашида бир гап бор!— деб, ўйланиб туриб, Бўжейга:

— Е сенинг бирор гапдан хабаринг борми? Гапирсангчи,— деди.

— Нима, мен блан маслаҳатлашиб қўйибди дейсанми?

— Маслаҳатлашиб қўймаган бўлса ҳам унинг сирини сен яхши биласан, ичимдагини топ деб ўтирумасдан, ёрилиб гапирсангчи ахир!

— Қунанбой кўкламда эрта кўчса, Увоқ элининг ерига чанг солгали кўчган бўларди. Яйловга эрта кўчса, Керей элининг қўнисини кўзлаган бўлар эди. Лекин қистовга қолганда, отининг оёғи етадиган қистов борки, ҳаммасини ўзига қаратиб олган. Ҳали Тнейнинг бургутидек¹ ўзимизга чанг солиб юрмаса дегин — деб, Бўжей бир хавфнинг учини чиқариб қўйди-да, индамай ўтираберди. Суюндик Бўжейнинг гапидан ташвишга тушиб қолди. Лекин Қунанбой босиб олади деб хавф қилинадиган жой йўқ эди.

— Азизим, икки ямлаб бир ютиб бўлди-ку. Жуонтаёқ зилини ҳайдади. Анет элидан оладиганини олди. Қўкшени ҳам хўб шилди. Яна ким қолди? Кузовдаги Тақириумадан тортиб, то яйловдаги Бойқўшқаргача, ўттиз қўниб бориладиган ер ўшанинг кўклам яйлайдиган ери, кузови, қистови, яйлови-ку!

Иргизбойлар блан солиштириб қараганда, Жигитекларда қўнис ҳам кам, яйлов ҳам тор. Тўсип учун халқ ичидаги ўзга сўзларнинг ҳаммаси ҳам биру, шу жиҳати ҳам бир эди. У Қунанбойнинг Суюндик айтган қўнисларини кўз олдига келтирди-да:

— Қўйингчи, ҳар қадамда биттадан қўнис-а!— деди. Суюндик айниқса бу жиҳатдан Жигитек блан ҳамдард эди.

— Яна қўнис бўлгандা ҳам, қандай денг! Ути бељга урадиган ўтлоқлар, атрофи қулл уриб, гуллаб турган

¹ Тней деган овчининг афсанавий бургути, у ўз эгасига чанг солиб титиб ташлагая экав.

ўланлик кўллар, тўлиб тошиб оқадяган сувлар, суви кўмкўк булоқлар.

Бутун бошлиқ бир эл битта булоқнинг бошига уймалашиб ўтиrsa, унинг ҳар овулига биттадан катта сув тегади.

— Шуларнинг ҳаммасини шу қадар қисқа муддат ичидаги босиб олди. Яна нима ҳаққи қолди!!

— Шуни айтинг, яна нима ҳаққи қолди десангизчи?!

Бўжей буларнинг сўзига аралашмасдан, бир чеккада қулоқ солиб ўтиради, энди бу гаплар кор қилгандай, тўсатдан қайрилиб:

— Оббо, иккаланг ҳақ улаштирадиган бўлганингда айтарсан бу гапларни! — деб, қўлини силкитди.

— Гапираман десанг гап кўп, лекин гапдан нима чиқади? — деб қовоғини солиб Тўсипга қаради.

— Дармон йўқда, армон кўп, — деди яна, лекин армон озиқ бўладими! Қўлингдан бир иш келмагандан кейин гапирединг нимаю, гапирамадинг нима!

Унинг бу «армон» дегани ўзининг ичини емириб, еб бўлган, буни Тўсип яхши биларди. Тўсип блан Бўжейнинг отоқли бобоси Кенгирбойнинг қабри Шийнинг бўйида. Жидебой Барак деган катта қўриқлар ҳам ўша ерда. Қунанбой қистов қиласман деб, ҳатто ўша ерларни ҳам олди... ўша вақтда Бўжейга ғоят алам қилганидан олишиб кўрмоқчи ҳам бўлган эди. Лекин Қунанбой дарров Тўсипни чақириб, чорасини кўриб қўйди. Тўсип Бўжейга насиҳат қилиб, уни босиб қўйган эди. Қунанбойга қарши бош кўтаришга Бўжей учун энг қулай пайт шу эди, броқ, ёзу пайтни ҳам қўлдан бериб қўйишиди. Кейинчилик неча-неча зардаси қайнаб Тўсипга гапнинг очигини айтганда:

— Қуңанбой блан сўзлашиб бўлганимиз, энди амалда кўрсатишдан бошқа чора йўқ. Азamat бўлсанг амалда кўрсат! Қўлингдан келмаса, эски одатингни қилиб бўйин эгавер! — дер ва бу фикрини Суюндикка ҳам сездирарди. Яна жигитекларнинг ичидаги ўзининг бир суюнчиғи Бойдалига ҳам айтиб қўярди. Бу гапларни ҳарқайсисига хали ўринда айтарди.

даги қистоя-қистовларига тарқалишмоқчи бўлганида Қу-
нанбайдан фармон келди:

«Хабар бормагунча кўчилмасин, тарқалишмасин!» деб
юборипти. Ўзи, ёнига Мойбосарни олиб, Чингизга кетиб-
ди. Чингиз у қадар йироқ бўлмаса ҳам, Кунанбой кун
бўйи от устида юриб, кечқурун қайтиб келди; келиб кат-
та хотини Кункенинг овулуга тушди. Бу ерда бугун
«насиба» олиб келган хотин мәжмонлар кўп эди. Улар-
нинг ичидаги Кунанбайнинг кичик онаси Тонгшўлпон, яна
кексайиб қолган янгаси Бўпайлар ҳам бор эди. Булар
блан бирга, Ирсойнинг онаси, Жумоннинг онаси, Жўр-
торнинг оналари ҳам келишган эди. Буларнинг ба'зи-
лари Кункега овсинн, ба'зилари келин эди.

Буларнинг йигирмага яқин бўлган овуллари кўпдан
бери алоҳида кўчадиган бўлиб қолган. Буларнинг кўпчи-
лигин Йргизбойнинг кичик хотинларидан тарқалган қарин-
дошлар блан, Ускенбой¹ нинг кичик хотинларидан туғил-
ган қариндошлар эди.

Кунанбайнинг овулларига шу овсинлар, келинлар
йилига икки марта насибза олиб келишади: бир марта
кўкламда — Кунанбайнинг овуллари яйловга кўчар олди-
да — қиши бўйи йироқда бўлиб, кўришаомай юрган хоти-
нлар, ёз чиқиб бир жойга тўпланганларида Зеренинг
катта уйидан бошлаб, Кункенинг уйигача бир-бир келиб
кетишади. Иккинчи марта қистов-қистовга келаётган чоғ-
ларида келишади.

Кунанбой келгунча, бемалол, хандон ташлаб кулишиб,
ечилишиб ўтирган хотинлар Мойбосар келиб, Кунанбойга
яшик очгандаги жим бўлиб қолишиди. Эркаклар тўрга чи-
қиб ўтирганларидан кейин, фақат Тонгшўлпонгина:

— Мана бу оналаринг, янгаларинг сенга отаб қўйган
нарсаларини олиб, кўргали келишди. Энди қистов-қис-
товга тарқалмоқчи бўлишаётир. Бўтам, кекса энангнинг
насибасини алоҳида олиб келдик! — деб, Зерени ҳам
эсига олди.

Каттадан кичик ҳамма Зерени «кекса энанг» дегани
учун Тонгшўлпон ҳам сўнгги йилларда ўз кундошини
шундай деб атарди.

Кунанбой индамади. Тонгшўлпон шаддод ва ўқтам
оналардан эди. Унинг ёш келинчаклик чоғида, йилқига
ёв текканда, яйдоқ отга миниб, қўлига найза олиб ёвга

¹ Кунанбайнинг отаси.

қарши чопганини ҳамма билар эди. Унинг ўзининг уйлик, жойлик тўрт ўғли бор. Шу сингари кўп ўғиллик кичик хотинлар ўз-ўзидан ўқтам бўлиб кетади. Қунанбойнинг индамай ўтириши Тонгшўлпонга ма'қул тушмади. У бир қўзғалиб қўйиб:

— Атаган насибамизни Кункега олиб келганимиз йўқ, ёш бўлсанг ҳам бош бўлдинг, сенга олиб келганимиз. Эртага қистов-қистовга тарқалиб кетамиз-да инга киргандек ётиб оламиз. Хотинларнинг куни шу-да. Ийл ўтгунча омон бўл, тилагимиз шу. Дуси жонингни қилиб ётишдан бошқа нима ишимиз ҳам бор! — деди.

Қунанбой энасига қараб, жимгина, бош эгди ва бироздан кейин:

— Тарқалиб кетамиз деяпсизми? Бордю тарқалиб кўчмасакчи, унда нима қиласиз? Ҳали яна бир марта насиба олиб келишга тўғри келмаса денг! — деб, жилмайиб қўйди.

Қунанбойнинг жилмайганини кўриб, уйдаги хотинлар ҳам жилмайишди. Новча, озгин, рангида ҳони йўқ Кунке эрининг чироий очиқлигидан фойдаланиб:

— Мен бугун юкларни ештириб, ўтовларни тикитирмоқчи эдим, нима бўлди, яна бир кўчиш борми? Одамларни ҳам, ўзимизни ҳам ҳалак қилиб қўйдингиз-ку! — деб Мойбосарга қаради.

— Мана энди икки марта насиба ейдиган бўлдинг «ҳалак»лиги борми?! — деб, қайниси Мойбосар ҳам кулиб қўйди.

— Юкларни ештирма, уйларни ўрнатаман деб уринмай Эртага яна кўчасиз! — деди Қунанбой.

— Ҳа, бўтам, яна қандай кўчиш? — деб Тонгшўлпон ҳайрон бўлиб, Қунанбойга тикилди.

— Ҳаммангиз бирга кўчасиз. Эртага эрта блан Чинғизга кўчамиз. Қўнис қараб келдик. Овул-овулингизга бориб айтинг! Нарсаларни боғлаб, ҳозирлана беринглар! — деди Қунанбой.

Эртасига эрта блан Ирғизбойларнинг йигирма овули дув кўчди, Чинғизнинг қоқ бағрини кўзлаб жўнади.

Кўчлар узилмасдан, чўзилмасдан, бир тўп бўлиб юрди. Бошқа вақтларда кўч деган турна-қатор бўлиб бораарди, ҳозир булар, тўпига лочин теккан ёввойи ўрдак тўдасидек ғужроң бўлиб бораарди. Кўчиш тўсатдан бошланди, Қунанбой тоиг отар-отмас ошиғич равишда буйруқ бериб:

— Ивисимай тезроқ бўлишсин! Чувалишмасин! Баравар қўзғолишсин! — деб, овул-овулга одам чоптирган эди.

Қизилшўқидан Чингизга қараб кетадиган сўқмоқнинг чап томонида бир тепа бор эди. Қунанбой ёнига Мойбосар, Қамисбой ва Кункенинг туғилган катта ўели Қудойбердини олиб, ҳамма отлиқлардан ўтиб шу тепага чиқди. Үнинг остидаги тўриқ оти тепаликда қулоғини чимириб, орқада келаётгандарга «юрсангларчи» деяётгандай кишнаб турарди. Қунанбойнинг ўзи ҳам, одамларга айтадиган бир гапи бор кишидай турарди.

Ҳали қўёш чиқмаган, гира-шира. Йигирма овул юкларни ортаётганда товуш чиқармай ҳаракат қилган бўлса ҳам, йўлда, ма'рашиб бораётган қўзилардек, турлитуман товушлар кўтарилиди. Ҳали юк ботган түя бақиради, ҳали онасидан адашган бўта бўзлайди. Овул-овулнинг қопаған итлари бир-бирига ириллашади, кўчни олиб бораётган йигитлар кўч атрофида от чоптириб шовқинсурон қилишади. Йиғлаётган болаларнинг, уришаётган оналарнинг, товушининг борича ҳай-ҳайлаб мол қайтараётган чўбонларнинг, ёш-қариларнинг товуши бир бўлиб, кўкка кўтарила бошлади.

Кўчлар баравар қўзғалган пайтда, Қунанбой Қамисбой блан Қудойбердига:

— Бор, иккаланг дарров бориб, шу кўчларнинг бошлиқларини чақириб келинглар! — деди.

Қудойберди блан Қамисбой дарров от қўйиб кетишиди. Новча хипча бел ёш йигит Қудойберди, кенг яғриниллик Қамисбой тепалиқдан паастга тушиши блан отини чоптирганича йўлнинг олдини тўсиб боришмоқда эди. Иккаласи бир нафасда бориб, кўч-кўчининг олдидаги эркакларга учрашади-ю, яна отини елдирганича кўчни бўйлаб кетади. Булар учрашган ҳар тўпдан биттадан, иккитадан эркак айрилиб чиқиб, ўша тепаликка қараб от чоптиради. Улар Қунанбойнинг кутиб турганини кўриб, ўпкасини қўлтиқлаганича, отига қамчи босиб, тезроқ етиб боришга интилишарди.

Қудойберди кўчнинг у бошига етгунча, Қунанбойнинг олдига йигирма-ўттизга яқин отлиқ тўпланиб қолган эди. Кузнинг салқин кунларидан бири, шамолсиз тип-тинч. Осмонда булут ҳам йўқ. Сўнгги отлиқлар Қунанбойнинг ҳузуринга етганда, эриган чўяндек, учқун отиб, ярқираб чиқиб келаётган каттакон қуёш йироқдаги Орқат тоғиниаг чўққиларига минабошлаган эди.

Кўчнинг олдига кўндаланг тушиб, бирининг орқасидан иккинчиси қад кўтариб юксалган силсилалари блан уфқагача чўзилиб буюк Чингиз тоғи ётарди. Бу катта тоғнинг баланд чўққиларини қуёш шу'ласи бир нафасда тилла сувига ботирди. Тоғлар тун ёпигини очиб ташлашди. Осмонда кўчдан чўчиб учган бўз тўрғай, қора тўрғайлар ҳанот қоқиб чирилламоқда; кўч устида ғужон ўйнаб қилаётган наволари ҳавони титиб турарди.

Кўкда қаторлашиб кетаётган, кўз илғар-илғамас бир гала турна видо'лашаётгандай «қурру-қурруқ» деб ўтиб кетди.

Кудойбердя блан Қамсибой остидаги бўз отини пишқиртириб, қора терга ботириб, энг сўнгги кўчнинг бошлигини бошлаб келганларида, тепаликдаги Қунанбойнинг ёнида элликтacha одам бор эди. Кейин келган уч кишининг бири Қунанбоянинг яна бир кичик онасидан туғилган иниси Жақиб эди. Қунанбой унинг саломига алик олдида, «кетдик» деб, тизгинни силтади.

Булар бир гала бўлиб, сўппайиб турган тепани босиб ўтиб, Чингизга қараб кетишди. Кўчлар четдан, ҳали шошмасдан бормоқда эди. Бир тўда отликларнинг ўртасида Қунанбой кетмоқда.

Икки томонда казо-казо қариндошлари, Уркер, Мирзатой, Жўрторлардек отаси блан туғишган оғалари, кичик оналаридан туғилган Жақиб, Мойбосар, Йрсойлардек суюнчиқлари, яна бирқанча ивилари, қариндош-уруглари.

Қунанбой ўз онаси — отасининг катта хотинидан ёлғиз ўғил, элга бош бўлиб келган отасининг ўрнини босган ўғил. Аркони давлат, амру фармон, бийлик шунинг қўлида. Еш жиҳатдан ҳам кўп оға-иниларига қараганда катта. Шунинг учун ҳам, бобоси Йргизбайдан тарқалган мана шу йигирма овулнинг ичидаги шу кунга қадар бирор киши Қунанбоянинг сўзини иккита қилган, ҳатто арзинозини ҳам ботиниб очиқ айтиолган эмас. Қунанбой бирорвларга ҳужум қиладиган, лашкар тузадиган, қаҳруғазабини ишлатадиган бўлиб қолса, бу қавмнинг ичидан бирортаси бош тортмайди. Ҳамма чўғдек йигилиб зўр куч бўлади. Ер олиш, эл олиш, осонлик блан қўлга мол киргизипга қолганда, булар Қунанбояни дардол онглашади. Қундош устига кундошдан туғилган бўлгани блан Қунанбой буларнинг ўртасидаги низо'ни бир зумда кўтариб ташлаб, бошини бириктириб туради. Гина сақловчиларни ўлжадан, фойдадан маҳрум қилиб, жазолаб

ўзинга бўйсндириб олади. Бир ёқадан бош чиқариш нақадар фойдали иш эканини уларга хўб уқтирган. Шуни онглаганларидан буён, Ирғизбой авлодини бор, бир жон, бир тан.

Сўнгги кунларда, ўзаро айтишиб юрадиган кундошлар ҳам, ичидаги фаразини юзага чиқаролмайдиган бўлиб қолган. Уларнинг кексаларини ҳам, ёшларини ҳам ё оға-инилари, ё эри, ё боласи дамини ўчириб, босиб қўядиган бўлган. Бўйсунмаганларини ё зрига, ё бирорта қайнисига урдириб, ўзгалари четдан қараб туриб «Хўб қилдинг, хўб қилдинг» деб туришади.

Бутун инон-ихтиёрларини Қунанбойнинг қўлига берган йигирма овул бир уядан чиққан бўриларга ўхшар эди. Бутун Тўбуқти элининг ичидаги ўзларини ҳечкимга бермайдиган, қўлидан ҳар иш келадиган бўлиб қолишларининг сабаби ҳам шу эди. Кичкинагина, сафи мустаҳкам бўлганидан кейин, ўзларидан бошқа уруғлар — Тўпой, Тўрғай, Котибақни ҳам ўзларига тортиб, қанотлари остида олиб юришарди. Анет, Жуонтаёқ, Соқ-Тўғалоқ, Кўкше сингари сони кўп, қудрати йўқ уруғларни ҳам ўз атрофларига тўплаб, танобини қўлига ушлаб олган. Ирғизбойлар лозим топтандан шу сингари уруғларга қиз берниб, қиз олиб «узун арқоқ — кент тузоқ» қуриб қўйишарди. Ба'зиларни ўзлари жўрттага киш-кишлатиб, бир балога тақиб, ундан яна ўзлари қутқариб олган бўлиб ҳам, ўзларига қаратиб олишарди.

Шундай қилиб, кам жамоа Ирғизбойлар кам дегандан бошқа 20 қабила блан чатишиб, чирмашиб кетди. Узун томир ёйди. Қунанбойни Қунанбой қилган мана шу бўлди. Қунанбойни қуршаб келаётган Ирғизбойнинг шу бир гала казо-казолари:

«Қаерга кўчаётимиз? Нега кўчаётимиз?» деб сўрашмас, улар, одатдагидек, «зиён келтирадиган, беҳуда ишга бошламайди! Борганда билармиз!» деб қўяқолишарди.

Қунанбойнинг икки томонга бош силкитиб, орқаси елиб юрадиган узун, тўриқ оти тўпдаги бошқа отларни беихтиёр тасқоқлатиб, йўргалаб тўпдан бироз олдинда борар эди. Битта-яримта ёшнинг оти бехосдан ўзига кетгундай бўлса, ёнидаги катталар: «Тўхта!», «Чекин!» деб, жеркиб ташлар эди. Қунанбой ягона кўзи блан ўнг-сўлни қараб олди. Бу тўлнинг ичидаги Ирғизбойлардан бошқа ҳечким йўқ экан. Гарчи булардан ҳарбирининг овулида бошқа уруғлардан келиб, қўшни бўлиб, мол бокучи,

чўбон бўлиб юрган «келгиндилар» кўп бўлса ҳам, улар бундай тўпга қўшилмайди. Улар фақат хизматда. Қунанбой шу юрганича тўдасини бошлаб, кўчнинг олдига тушиди.

Қунанбой, йигирма овулнинг йигирмата бошлиғига Чинғизнинг қайси водиси, қайси қистовига бориб тушиши айтиб қўйди. Унинг сўзи маслаҳат, кенгаш эмас, фармон тарзида бўлар эди.

Олти кундан кейин шу Қунанбой овулларининг кўчи ўтган йўл блан яна бир гала кўч юрди. Бу Бўкеншё ва Бўроқнинг кўчи эди. Булар ҳам Қизилшўқидан ўтиб, Чинғизга кирмоқчи бўлиб келишаётган эди. Кўчиб бораётганларнинг сони кўп бўлса ҳам, моли кўп эмас эди. Булар чўфек тўпланиб кўчмай, тарқалиб,чувалиб, ҳаммаси ўз ҳолича келаётган эди. Кўч атрофида от мингандан одам оз. Ҳар кўчда битта-яримта эркак блан кўч бошлаган кекса хотинларгина от мингандан. Улардан бошқа бола-чақа, чол-кампир ва ёш хотинларнинг кўпчилиги юк ортилган туяларга мингандан. Булар гўё отларини ўтловга юбориб, қишида миниладиган отларинигина олиб қолган элларга ўхшарди.

Буларнинг ичида битта-яримта тойлақقا, ҳўқизга мингандан эркаклар ҳам кўринарди. Кўчиб келаётган кўп халқнинг ичида икки-уч овулнинг кўчигина бошқача бўлиб, айрилиб турибди. У Бўкеншё уруғидан Суюндик ва Сугирларнинг кўчлари, Бўрсоқ уруғидан Жексеннинг кўчи эди.

Шу сўнгги кўчларнинг олдида Суюндик, Сугир, Жексен, яна бошқа ёши-қари бўлиб, 20 тача одам келаёттир. Буларнинг ичида ҳазилкаш, хушчақчақ, суҳбатлашиб, кулишиб келаётган одам йўқ. Нуқул тўн, чакмон кийган ғамгин тўпнинг чиройи ҳам, ҳозирги куз кунининг кўнгилсиз, ғамгин ҳавосидек гунгурт, сўнук. Айниқса, Суюндик блан Сугир, Жексенлар серташвишроқ кўринарди. Кўпчилик ўшанинг оғзиға қараса ҳам Суюндик тортинибгина:

— Бориб кўрайликчи, бетма-бет сўзлашайлик. Жавобини ўз оғзидан эшитайлик! — дерди.

— Нима бўлса ҳам бориб кўрамиз-да!

— Қани, қандай жавоб, қандай важ кўрсатар экан. Узидан эшитайлик! — деб, Сугир блан Жексен ҳам унинг гапини қувватлашибди. Бу тўпдаги ёшу-қарининг қовоғи тушиб борарди.

Қунанбой кузовдан эрта қайтиб кетгач, бошқалар ҳам одатдагидан ташқари, қўйларини эрта қирқтириб кўчган эди. Ёз бўйи Бўженше блан Бўрсоқ Қунанбойнинг зиҳнига унча ўтиришмай, ҳа деса, дамига тортгудай бўлаверган эди.

Суюндик шундан хавфсираб, қайси куни Бўжей блан маслаҳатлашгани борган бўлса ҳам, бирор фикр ололмай қайтган эди.

Шундай қилиб Суюндик, гарчи кузовдан кўчишида кейинда қолган бўлса ҳам, Иргизбойларнинг эрта кўчишидан чўчиб, унинг сабабини суриштиришини қўймаган эди.

Ҳозир Иргизбойларнинг авлодидан бўлган Тўпай, Тўргай, Котибақлар ҳам шу Бўкеншеларнинг орқасидан кетма-кет қўчиб келаётган эди.

Кўчлар Чинғизга кириши блан тоғ оралаб, қистов-қистовга қараб кетди. Бўкеншенинг Чинғиз ичидаги қистов қилиб олган ерлари чоққина. Унинг ўрта ери Жексен овули ўрнашган Қорашибўки бўлиб кўкламда Қўдарни шу ерда осиб ўлдирилган эди.

Чинғизга етгач кўч белгили йўллардан қистовларга қараб тарқаб кетди. Суюндик блан Жексенларнинг овули эса Қорашибўкининг икки томони — тўқайлик сувини бўйлаб, юқорига чиқиб кетди. Бироздан кейин тоғ оралигидан ўтиб, Қорашибўкининг бағридаги текис ерга чиқишиди. Ана, Қўдар ташлаб юборилган қоя. Унинг этагидаги қалин ўт ўрилиб, ғарам қилинган, Жексен ерларининг устки томонидан сигир ва туялар ўтлаб юрар, оппоқ-оппоқ ўтовлар кўринарди. Беҳисоб қўй-қўзилар ҳама-ёқни тутиб кетган. Бу ер энди Жексен қистови эмас, шу ўтирган овулларнинг ери бўлганга ўхшайди.

Уша қоядан берида Суюндикка қарши мўрмалаҳдек йилқи ўрмалаб келмоқда; икки чети икки томондаги тоғнинг бағригача чиқиб кетган. Ичida жийрон от блан са-ман от кўп. Қунанбойнинг йилқиси бўлиши керак.

— Худо урди десанг-чи! Азизим Суюндик, энди нима қилдим! — деб Жексен кўзига ёш олди.

— Яйловингни ёв олди, қистовингни ўт олди деган фалокат шунда! — деди Суюндик, уҳ тортиб. Ёз бўйи турли-туман совуқ гаплар эшишиб юришган бўлса ҳам, худди шундай бўлади деган гап, бу тўпдаги ёшу-қарининг хаёлига ҳам келмаган эди. Буларнинг ичидаги айниқса Жетпис ўртаниб бораётган эди.

— Елғиз Жексеннинг эмас, бор Бўкенше, бор Бўрсоқ-

нинг ерини биратўла босиб олган кўринади. Бу хўрликни кўргунча ўлган яхши!— деди.

Бўкенше, Бўрсоқларнинг бирнече йигитлари отларини сурibi олдинга чиқиши.

- Ер аччиғи — жон аччиғи!
- Бўкенше блан Бўрсоқ қувгинидан туғилганми?
- Токай чидаймиз?
- Қўрқа-қўрқа аҳволимиз шу бўлди!
- Дамингни чиқарма, дамингни чиқарма деябериб, шу ҳолга солдиларинг!

Ҳаммаси Суюндик блан Сугирга ёпиши.

Бу сўзлар Суюндикнинг бошига қамчиндек тегаётган эди. Қаттиқ ҳаяжон ичидаги қолди. Агар буларни ўз ихтиёрига қўйиб берса, шу келаётган йилқига ҳужум қилишдан ҳам тоядиган эмас. Лекин ҳалиги сўзлаётгандарнинг ҳаммасига разм солиб, ўйлаб кўрса, бирорта кўзга кўринадиган, фалон овулнинг одами дейдигани йўқ. Ҳаммаси камбағал, қашшоқ, фуқаро, авом ҳалқ. Булар бир иш қиласа қилиб ташлайди, лекин унинг оғирлиги кимга тушади? Эртага буларни бошлаб келиб молга теккан, овулга ҳужум қилган Суюндик бўлиб қолади... Шу томонларини ўйлаганда, Суюндикнинг эти жимирилашиб, кайфи учиб кетди. Боши блан ҳам, моли блан ҳам жавоб берадиган шу Сугир, Жексен уччови бўлади. У бирдан отининг бошини тортиб, тўхтатди-да, зарда блан:

— Ҳой, йигитлар, тўхта ҳамманг! — деди. Ҳамма тўхтаб унинг оғзиға қаради.

— Гапларинг шу бўладиган бўлса, уруш жанжални ўзларинг қиласеринглар! Мен аралашмайман. Қунанбой сенларнинг йигирмата сўйилингдан қўрқмайди. Қўрқадиган бўлса шундай қиласа эдими? Сен йигирмата бўлсанг, у юзта, сен юзта бўлсанг, у мингта, ана! — деб, Қунанбойнинг овули томонга ишора қилди. Уни ҳамма энди кўрди. Овулдан ўша қоя томондан яна икки томондаги тоғдан ошиб, ҳалиги йилқига қараб, отинни аста-секин бостириб кўп киши келмоқда эди. Ҳаммасида сўйил. Ба'зилари сўйилни кўндаланг қилиб, олдига қўйиб, ба'зилари қўлинга ушлаб, ба'зилари тақимига қистириб, ба'зилари билагига илиб келаётир.

Суюндикнинг гапидан кейин гангигиб қолган Бўкеншелар блан Бўрсоқлар жим бўлиб қолиши.

Сўнг ҳаммаси ҳам отларини аста-аста бостирганича, қаршидан келаётган бир гала одамга қараб кетишиди.

Сугир Бўкеншеларнинг ичида, йилқиси кўп энг катта бойи ҳисобланарди. Энди у ётиғи блан сўз бошлаб:

— Эл бор, юрт бор, бизга ҳам тегадиган ҳисса бордир! Айтармиз, юрт кенгашига солармиз. Фақатгина жаҳл устида бир балони бошлай кўрманглар! — деб ялинди.

— Балони қайси биттанг бошлайдиган бўлсанг, ўша балонинг оқибати бўлиб келадиган оғирликни ўз гарданнингга оласан! Қачон айтган эдинг дема! — деб, Суюндик гапини қисқа қилиб қўяқолди.

Ийлқилар ичидан буларга қарши келаётган бир гала одамнинг ичида Қунанбой ҳам бор эди. Унинг узун тўриқ оти бошини чайқаб, кокилини елпиб ташлаб, аста босиб келмоқда. Қунанбой Суюндикларнинг олдига тўпидаги одамларнинг ҳаммасини эргаштириб келмади. Ийлқидан буёққа чиққандан кейин ёнидаги отлиқларнинг кўпини қайтариб юборди, ёнида ўнтача казо-казоларнигина олиб қолди. Шулар блан келиб Суюндикка совуқ ва «қўлингдан нима келарди» дегандай мағрур назар ташлади. Унинг қовоғидан қор ёғар эди. Мансабдорнинг айниқса Қунанбойнинг бундай чоғларда авзойи шундай бўларди. Суюндиклар бунинг ясама эканлигини билса ҳам, ҳамиша бундай вазият туғилганда, ўзини четга олиб келган. Бўкеншеларнинг тўпи олдин салом берди. Қунанбой товушини чиқармай лабини қимирлатибгина алик олди. Бироз сўз қотмай туришганларидан кейин, Суюндик:

— Мирза, бу отлиқлар ким экан? — деди. Тўбуқтинг бутун мансабдорлари Қунанбойни «мирза» деб аташар эди.

— Шундай, отарга чиқариш олдидан шу отларга тамға бостирай деган эдим. Шунга келишган,— деди. Қунанбой.

Гап шундан нарига ўтмади. Жексен орқасига қараган эди, кўчларнинг олди довондан ошиб келаётганини кўрди.

— Мирза, маҳа бу келаётган кўчлар бизники эди. Қистовимизга келаётган эдик. Бу ерда бўлса, бундоқ бўлиб қолибди. Бу қандай бўлди?

— Ҳа, сенга бирор кўчиб кел дедими? Уз бошимчалик қилиб, орқамдан қувлагандай кўчмасдан, хабарлашиб, сўраб кўчсанг бўлмас эдими? Кўчинг орқага қайтади!

— Ҳоким элга эга, эл ёрга эга эмасми?

— Ҳоким деган осмонда турари деб ким айтди сенга?

Иргизбойларга бутун бошлиқ Чинғиздан қистов берил-
масин деб ким айтган?

— Чинғиз сенга шүнчалик зарур эмас, бошқа қистов-
ларинг ҳам кўп, ёмон ҳам эмас-ку, мирза! — деди Суюн-
дик. Қунанбой унинг оғзидан сўзини илиб олиб:

— Бизларга оға эдинг, биздан олдин эр етдинг, кенг
Чинғизни батамом эгалладинг. Иргизбойлар ҳам оз, ҳам
сендан кичик эди. Бутун бошлиқ Чинғиздан кўзга кўри-
нарлик бирорта қистов бермадинг. «Ўзга қистов дейсан»...
Чинғиз турганда, ўзга қистовлар қистов эканми? Мен
токай чидайман, токай сабр қиласман? Иргизбойларга
ҳам қулай қистов керак... Энди Иргизбойлар ҳам қанот
ёзган эл бўлди; ёт эмас, ўз жигаринг. Ҳисса тегмайдиган
қувғинидан туғилдими? — деди шу блан да'восини ҳам,
қарорини ҳам айтди.

— Хўш, энди Бекеншенипг қанча қистовини олиш
мўлжалинг бор, мирза? — деб, Суюндик энди бу да'вонинг
миқдорини билмоқчи бўлди.

— Бўкенше Чинғизнинг шу еридаги бор қистовини
беради.

— Ие, биз қаёққа борамиз? — деб, Жетпис тутақиб
кетди.

— Энди Бўкенше ҳайдаб чиқариладиган бўлибида?

— Шафқат қиласдан одам қолмабди ўзи! — деб,
бошқалар шовқин кўтараёт деган эди, Қунанбой ғазаб
блан Суюндикка қараб, қамчинини ўшалар ёққа нусқаб:

— Товушини ўчир анавларингни! — деб ўшқирди.

Суюндик Қунанбой олдида ўзини оқлаш учун йигит-
ларига:

— Ҳой ҳовлиқмаларинг деган эдимку сенларга, бунча
чувиллашасан! Бас қил! — деди. Ҳамма беихтиёр жим
бўлди.

— Бўкенше, Бўрсоқ! Қистовингни олганим блан сиз-
ларни қистовсиз қолдираманми? Олсам текинга ол-
майман: ўрнига шу Чинғизнинг ичиданоқ қистов бериб
оламан. Ана, Жигитеклар блан Кукше элининг ичига
бориб ўрнашасан. Берган еримнинг тўри — Толшўқи,
Пайгаги — қоровул. Кўчларингни қайтариб, ўша ерга бо-
ринглар, гап шу!

Шу пайт кун ботиш томондан ҳам, кун чиқиш томон-
дан ҳам бирнечча отлиқлар келиб, Суюндикнинг тўпига
қўшилган эди. Кунботиш ёқдан келган икки отлиқнинг
бира Суюндикнинг катта ўғли Асилбек эди.

— Бизнинг қистовни Жақиб блан Жўрторлар эгал-
лабди... Энди нима қилдик! — деди.

Кун чиқиши томондан келган Сугирнинг қўшниси Ко-
бос эди.

— Бизнинг қистовларни Ирсой, Мирзатой, Ўркерлар
эгаллабди... Кўчни нима қиламиш? Юкларни қаерга
туширишни билмай, гангид қолдик,— деди. Шу сингари
қистовидан, ота қўнисидан айрилган овулларнинг ёшу-
қари азаматлари энди тўрттадан-бештадан бўлиб кела-
бошлиди. Ҳаммасининг ҳам ранги ўчган, ҳаммаси ҳам
аламига чидалмай бўғилиб, тувақиб келган эди.

Булар, кўч блан қолган эркаклар, аёллар, ёшлар, кек-
салар ҳаммасининг норозилигини, қарғишини, ғазаб ва
нафратини ўзлари блан олакелганга ўхшарди.

Бўкенше блан Бўрсоқнинг тўли тобора ортмоқда эди.
Лекин Қунанбой бўш келадиган эмас. Суюндиқ ўз эли-
нинг оғир аҳволда қолганини кўриб турар, ўзининг
ҳам ер блан яксон бўлиб, оёқ ости бўлганини яхши онг-
ларди.

— Қандоқ қиласай? Менинг қўлимдан нима келади?. .
Етдан кўрсан бир сари эди! — деган эди, Жетпис: —
Адолат деган нарса қолмапти-да! — деб қолди.

— Раҳм қиласиган одам қолмаган экан! ..

— Бу хор бўлган Бўкенше блан Бўрсоқни биратўла
ҳайдаб юборгани ма'қул! — деб, кўпчиликнинг яна зар-
даси қайнай бошлиди. Худди шу пайт Қунанбойнинг
ёнига икки тўда отлиқлар келишди, олдинги тўп Бойсол
бошлиқ ўнтача казо-казолардан иборат эди. Булар Ко-
тибақнинг отоқли одамлари. Бойсол бошлиқ ҳаммаси
очиқ чирой блан келиб, Қунанбойга салом бериб:

— Янги қўнис муборак бўлсин, мирза!

— Буюрсан, ўйнаб-кулиб, яшанг.

— Маконингиз қутлуғ бўлсин! . . — дейишиб табриклай
бошлиди. Шулар блан орқама-орқа яна бир тўп келди.
Булар беш-олти киши эди. Буларни бошлаб келган чол
Қулуншақ, Тўрғай уруғининг энг йўғон устуни. Қулун-
шақ донгги чиққан «Беш қашқа» деб оталадиган бешта
азамат найзабоз, қиличбоз, жанговар ботир ўғилларини
олдига солиб келган эди.

Қулуншақ Қунанбойнинг ёнига келиб:

— Бўтам, Қунанжон, эсон-омон юрибсанми? Қўнис
қутлуғ бўлсин! — деди. Бўкенше ва Бўрсоқлар энди онг-
лашди. Бу зўрликни Иргизбойлар Иргизбой бўлиб олиб,

Әлғиз ўзлари қилаётгани йўқ экан. Бу ишни Котибақ, Тўрғай, Тўпай уруғларининг бор мансабдорлари қутла-ёттири.

Суюндикинг Котибақдан бўлган умиди бошқача, ҳеч бўлмаса «Адолатлик Бойсол бу ишдан четдадир» деб ўй-лаган эди.

Булар зимдан қандай маслаҳат қилишган? Бу ерда қандай сир бор?.. Ма’лум эмас. Ҳарқалай бу кайфиятга қараганда, Улжон авлодики бор, ҳаммасини Қунанбой ўзига қаратиб олган кўриниади.

Буларнинг салом бериб, табриклаб келиши фақат табриклаш учун эмас, аслида Бўкенше блан Бўрсоқقا ўзини кўрсатиш учун қилинган иш. Буни Қунанбой жўрттага шундай қилдирган.

Буни Суюндикини эмас, Жексен ҳам пайқаган эди.

— Епирим, ота қўнисимиз эди. Қолаберса, кеча кўклиамда шу тўпланиб турғанларнинг кўз олдида, мана шу тошнинг бағрида бир Бўрсоқ боласининг қони тўкилган эдику. Эр азаматимизнинг қони тўкилган ер эди-ку!— дели. Бу гап бу ердагилар учун кутилмаган гап бўлди. Суюндиқ энсаси қотиб ичиди:

— «Мол кетса — эс кетади, буни айтиб нима қиларди?» — деб қўйди.

Қунанбой учун ҳам бу гап кутилмаган гап эди. Буни жанжал устида дастак қилиб, гап қилиб кўтарадиган одам чиқар деб ўйламаган эди. Шунинг учун, сопини ўзидан чиқариб, бу гапдан фойдаланмоқчи бўлди:

— Нима деяпсан ўзинг? Эсингни едингми? «Эр азаматим» дейсан! Эр азаматинг ўша бўлса, элинг нима бўларди! У эр азамат эмас, Бўрсоқнинг ша’нига иснод... Қўйчи, бутун Тўбуқтига иснод... У абраҳ әди. Мен ўша абраҳни йўқ қилиб, изини ҳам йўқотиб юборишлик учун бу ер, бу жойларни жўрттага бошқаларнинг макони қилдим. Бунақа алжима!— деди.

Бўкенше ва Бўрсоқ тўдасига бу гап тош блан ургандай тегди. Шу оннинг ўзида, Бўкенше ерини тортиб олиш учун қилинган иш — Қўдарнинг ўлдирилиши сири очилгандай бўлди.

Шу ерга келганда Суюндиқ ҳам тоқат қилолмай:

— Ёрабби, нима деяпсан ўзинг? Оғзингдан ўргилай, Бўжей, Қўдар ўлдирилганда: «Бу сиртмоқ Қўдарнинг бўйнингагина тушгани йўқ, Бўкенше, Бўрсоқ сенинг ҳам бўйнингга тушди» деган эдинг... Армонда кетган экан-

сан-ку, асл йигитим Құдар! — деганича, мук тушиб, отв-
нинг ёлини қучоқлағ қолди.

— Вой юзи қора бўлган бошим! Қора босган шум
бошим! Мен ла'нати қандай ит эдим? Вой, жигарим!..
Жигарим Құдар! — деб ўкраб йиғлаганича, Жексен оти-
ни чоптириб, Құдар қистовига қараб кетди. Шу бўлдию,
Бўкенше, Бўрсоқларнинг ҳаммаси: «Вой жигаримлаб»
Жексепнинг орқасидан от қўйинб кетишиди. Суюндик ҳам
кетди. Бойсол блан Қунанбой энди бу ерда туролмай,
қовоғини солганича дами ичига тушиб, қайтиб кетишиди.
Қунанбой ичида: «Ҳалиги гапни чакки айтдим-да, ат-
танг!» — деб қолди, лекин Бойсолга ҳам сир бермади,
аксинча, Бўкеншеларнинг шундай қилинб кетишлирига
бир сабаб кўрсатмоқчи бўлиб:

— Кўрдингми, буларни ким қутуртираётир! Ўзагидан
ўтгандан кейин ўзагидаги сўзи айтганини кўр! Булар-
нинг қўлтиғига сув пуркаётган Бўжей, аниқ ўша Бўжей.
Тўбуқтида менинг йўлимга тузоқ, қонли қопқон қўяётган
ўша-ку. «Бирлик-бирлик» дейсан, айб кимда экан? Кўр-
дингми! — деб Бойсолга тикилиб қўйди.

— Лекин худо ҳам бордир, кўрарман ахир! — деди,
биrozдан кейин Бойсолга сир бергандай бўлиб:

— Сен, Суюндик, Сугир, Жексен уччаласига айт:
халқ ўртасида фитна қўзғатмасин! Боссин! Чингизнинг
қаерига ўрнаштирасам ҳам, уччовининг ҳиссаси чакки
бўлмайди. Ўкинмасин! Ўкинтирмайман! Шу шартимга
ишонсин! — деди.

Боя Қунанбой қайтариб юборган отлиқларнинг ичида
Мойбосар ҳам бор эди. У қовоқ-тумшуғини осилтириб,
от чоптириб, йиғлаганича кетаётган Бўкеншеларга қараб:

— Уни қаранг, биродарлар! Бу, дейман, оқсоқ қўзи
тушдан кейин ма'райди дейишарди. Ундоқ эмас экан!..
Тушдан кейин ма'райдиган Бўкеншелар эканку! Кўклам-
да ўлган Құдарга, кузда йўқловчи бўлиб чиқадиганларни
кўрганмисиз? Ким кўрган десангизчи,—деб хандон ташлаб
кулди. Кўкламда Құдарнинг ўлигига ҳамма кесак отганда
Жексен йиғлаган хотинларга: «нега йиғлайсан, кўзини
оққур!» деб ҳаммасини ҳайдаган, Құдарнинг ўлигига ҳеч-
кимни ўйлатмаган эди. Жампейс блан чўбон Айтимбет-
гина ундан қўрқмаган, иккови ўликни қабрининг бошига
олиб бориб, йиғлаб, ювиб-тараб кўмишган эди.

Хозир Қутжон қабрининг икки томонидаги янги қабр-
лар Құдар блан Қамқанинг қабри.

Бўкеншенинг бутун азаматлари от қўйинб, фар'ёд қилиб йиғлаб шу қабрларнинг бошига келишди. Суюндиклар келмасдан олдин қабрларнинг бошида Жампейс, Айтимбет яна иккита чўбон ўтиришган эди.

Улар ёз бўйи келолмай, бугун кўч блан иелганиларидан қабр бошига келиб қур'он ўқиётган эдилар. Булар уввос солиб йиғлаб, шу қабрларнинг устига келаётган одамларни кўриб гангиг қолишли. Йиғлаб келаётганларнинг ичидаги ажабо, Суюндик ҳам бор эди.

Булар Жексен блан Жетписни кўриб яна ҳам ажабланиши. Одамлар қабрни қучоқлаб:

— Кечир аршим, кечир!

— Оға жоним, кечир! — деб зор-зор йиғлашарди.

Лекин, булар қанча йиғламасин. Қўдар блан Қамқанинг доғида биратўла икки букилиб қолган, адо бўлган чолнинг кўнгли юмшамади.

У, Қамқанинг қабрини қучғали фар'ёд қилиб келаётган Жексенни кўкрагидан туртиб юбориб:

— Вой, кўзинг оқиб тушкур, басир бўлгур... деди.

Бир нафасда қабрларнинг бошига эркакларгина эмас, бутун кўчлардаги хотинлардан тортиб ёш-қари ҳамма ёпирилиб келди. Бутун эл фар'ёд чекиб йиғлар эди.

3

Бўкенше, Бўрсоқ Чинғиздан қайтиб кўчиб кетса ҳам, Қунанбой айтган қистовларга бормади, Қизилшўқи, Қидир, Қўлқайнарга капа тикиб, ўтириб олди.

Бошқа элларнинг ҳаммаси қистов-қистовига бориб аллақачон жойлашиб олган эди. Қишлиқ макони бўлганлар бичан ташиш, чалма қуритиш, хоналарни тозалаш, молхона-қўраларнинг тешик-туйшугини бекитиш, печ тузиши сингари ишлар блан машғул бўладиган пайт эди. Бўкеншеларнинг эса бунаقا ташвишлари йўқ, улар қарда қишлошларини билмас эдилар.

Қунанбой Жумабой йўргани Суюндик ва Сугирларга юбориб: «Ана, Қоровул, Болпонг, Толшўқидан хоҳлаган қистовларини олишсин! Яна яйловига Қўлдененг блан Шолқорни туташ олсин! Лекин кўпчилик бормасдан олдин тезроқ ҳаракатни қилиб, ўринашиб олсин!» деди. Суюндик блан Жексен Чинғиздан биттадан қистов олса, Қоровул, Болпа тегадиган бўлса, айниқса яйловдаги икки катта сув ўз ихтиёрларида бўлса, ўқинишининг ҳожати йўқ дейишиди.

Шундай қилиб, Суюндиқ блан Сугир ўз мўлжалларя тўғри чиқишини билгач, кўчишининг ҳаракатига тушиб, қимирлаб қолишиди. Ўзга Бўкеншеларга билдирамасдан, Суюндиқ, Сугир, Жексенлар тонг отиши блан туяларни ушлатиб, арқон-чилвирларини ҳозирлатиб капаларини бузиши буюришиди. Булар шу тахлитда, кўпчиликдан ажралиб, йўлга тушганларида Бўкенше, Бўрсоқлардан йингирмага яқин одам отга минди.

Булар камбағаллар тўпи эди. Буларнинг орасида барваста, ўрта яшар Даркембой деган ҳам бор эди.

У Қизилшўқининг четдаги қўнисида ўтирган Жексен-нинг овулига келди-да, Жексен блан Жетписни чакириб олиб:

— Элни ташлаб, ўз бошингизни олиб, қаерга бормоқчи бўлаётисиз? Қўзғалма! Кўчма! Нима кўрсақ, бирга кўрасан! Капангни бузмал— деди.

Жексен қаршилик қилаолмади, фақат талмовсираб:

— Қани, азизларим, нима қилмоқчисиз?— деди.

— Ундан кўра иккаланг ҳам, отларингга мин! Бирга юр! Суюндиқ блан Сугирнинг олдига бориб, маслаҳатни бир жойга қўямиз! — деди, Даркембой.

Жексен блан Жетпис ионлож бирга кетишиди.

Булар Суюндиқ блан Сугирга ҳам ортиқча гепириб ўтирамасдан, қисқагина буйруқ бериб, кўчини тўхтатиб қўйишиди. Суюндиқ чор-ночор буларнинг сўзига кўнди-да:

— Хўш, ўзи нима қилмоқчи бўлаётисиз? Қиличини сургаб қиш келаётир. Чол-кампирларни ҳу-ҳулатиб, бола-чақани йиглатиб, токай ўтирамиз энди? Бошқа илож борми?— деди.

Даркембой дарҳол жавоб берди:

— Суюндиқ, Жексен, Сугир уччаланг ҳам олдимиизга туш! Отларингга мин. Юр, Бўжейга борайлил! Элдан ажралиб кўчиб барака топмайсиз! Бўжейга борамиз. Эл-юртни ўртага соламиз. Агар жонкуяр қуриб кетган бўлса, ўёғини ўшанда кўрамиз!— деди.

Суюндиқ, Сугир, Жексенларни олдига солиб олган бу бир гала одам ўша куни туш пайтида Чингиздаги Бўжей овулига етиб боришиди. Унинг қистови Тўқмамбет деган ерда, ўти мўл, тўқайи кўп, энг қулай қистовлардан эди. Бу жой Бўжейнинг Кенгирибай деган отасидан мiros қолган жой эди.

Бир тўп бўлиб Бўкеншелар келганини кўриб Бўжей, Бойдали блан Тусипга одам юборди. У бундай катта

ишининг бутун Жигитек блан бамаслаҳат бўлнишини хоҳлар эди. Суюнлик бу ерда ҳам тайинлик бир гап айтмади.

— Мана сенга келишди. Сен блан маслаҳат қилишмоқчи. Нима дейсан! Қандай йўл кўрсатасан буларга! — деди.

Бўжай бунинг сирини билмаган эди. Ичида «одатдаги қўрқоқлиги, Қунанбойга қарши гапиришга ҳали ҳам иродаси кучсизлик қилаёттир» деб истеҳзо блан аста кулиб қўйди. Лекин, Суюнлик қўрқоқлик қилаётган бўлса ҳам, бошқалар тувақиб бормоқда эди.

Суюнликнинг ўзини шу йўсунда тутишини кўриб, фе'ли айниб, тескари қараб ўтирган Даркембой Бўжайнинг кулгисини пайқаб қолиб:

— Бўжека, хушомадгўйлик қила-қила ўлдик-ку! Оёғингни уddaлаб босаолмаганингдан кейин ит ҳам, қуш ҳам елкага чиқади-да!.. Ҳа деб, «бас, бас» дея бермай, бизларни ҳам эл қиладиган, одам қиладиган бир маслаҳат берчи! — деди. Бойдали шу сингари мардликни севар, узил-кесил гапни яхши кўрар, ўзи ҳам ғайрати жўш уриб турадиган одам эди. Бор Жигитекнинг кучи кўпинча ёлғиз шунинг ўзида акс этаётгандай бўлиб турар эди.

— Ҳой, Суюнлик, сен маслаҳатни мана бу Даркембойдан сўра. Ҳақиқий эр йигитнинг сўзи мана шу камбағалдан чиқаёттир. Мана бу азамат камбағалда! — деб, кўкрагини кериб, Даркембойга қараб, терисига сиғмай кетди.

Бўжай бу тортишувни аввал қўл блан эмас, йўл блан бошлишини лойиқ топди. Қўлидан келса шу гал Қунанбойни халқ олдида фош қилади, лекин Бўкеншеларни ҳозир огоҳлантириб қўйниши керак.

— Жигитек, Бўрсоқ жигарим, Қунанбойнинг сенга теккани — менга текканн. Ўзимни четда тутиб, тинчлик, ҳузур-ҳаловот изламайман. Қунанбойнинг муддаосини биламан. У сизларга Толшўқи. Қоровул, Болпанг деган ерларни берди деб эшиздим. Ӯнинг тагида қандай гап борлигини биласизми? — деб, ўтирганларнинг ҳаммасига бир қур қараб қўйди-да, бироз жим қолгач давом этди — бу, Жигитек блан Бўкеншенинг ер-суби бир бўлсин, икки отанинг авлоди бир-бирига яқин ўтиrsa, тотуклиги йўқолади. Яқин ўтиргандан кейин, бир туп ўт, бир қултим сувнинг ҳам юзига бориб уруш чиқараберади, дегани. Авлод-авлодга қоладиган зидлик пайдо бўлсин дегани. Лекин унинг ўйлаганиннинг ҳаммаси ҳам амалга ошабер-

мас. Қариндошлигим қариндош. Бордию, замон айланиб, Толшўки блан Қоровулга келар бўлсангиз, ана жой тайёр. Бор-йўғимни ўртага ташлаб, ҳечнарсанинг юзига бормасдан улашиб бераман. Буни қўяберинг. Қани энди ундан олдин унинг блан бир айтишиб, ҳаракат қилиб кўрайлик. Икки томонга баравар қариндош бўлганимиздан кейин биз ўртага тушмасак, ким тушади? Қўпчиликнинг ўртасига ташлаб, бу ишинг бебошлиқ, бу ишинг зўрлик,— деб кўрайлик. Бўлмаса кейин гаплашайлик... Тўғрими! Бўкеншелар ҳам, Бойдали, Тусиплар ҳам шу маслаҳатни ма'қул кўриши.

— Энди, Тусип, сен отга мин, Қунанбойнинг олдига бориб, шу гапларни батафсил айтиб, жавобини шу букун олиб кел! — деб Бўжей сўзини тамом қилди.

Шунинг блан Тусипни юборишга қарор қилганларидан кейин Бойдали:

— Лскин ҳеч гап қолмасин, ё ўёқлик, ё буёқлик қилиб сўзлаш. Ҳаммасини очиб айт. Қўрқа-қўрқа ўлиб бўлдик. Үмрбод юз кўрмас бўлиб кетсанг ҳам, аямасдан ҳалқ норозилигини батамом етказ! — деб, Тусипга далда берди.

Тусип шу сўзни маҳкам ушлаб олиб, ўша куни кечқурун етиб бориб, Қунанбой блан учрашди.

Қунанбой Қорашибўқидаги катта хотини Кункенинг қистовида эди. Тусип кун ботар-ботмас етиб борди да, Қунанбойни четга чақириб, бир тепаликнинг бошига чиқиб ўтириб, хўб гапирди. Гапни бошқа томонлардан айлантириб келиб, бирлик зарурлигини айтиб, ниҳоят:

— Бу ишингдан Бўкенше эмас, бутун Жигитек ҳам норози,— деган эди, Қунанбой ялт этиб қаради да, қаттиқ жеркиб:

— Хўш, Жигитек норозиларнинг ҳимоячиси бўлмоқчими? Ундай бўлса мана Керей, Үоқ, ана у Сибан эллари ҳам норози. Бутун атроф норози. Кимдан норози? Уғирлаётир, баримтага босаётир, ҳалол молимни бермаётир деб, худди шу Жигитекдан норози. Бойдалидан, Бўжейдан, сендан — Тусипдан норози. Бўкеншени гапиргунча ўз бошларингни оқлаб ол! Үғриларинг блан босқинчиларингни тийиб ол! — деди.

Тусип, тувақиб кетганидан, товушини барала қўйиб юбориб:

— Тентак блан бевош ҳар ерда ҳам бўлади, Қунанбой! Бўжей блан Тусип ҳам ўғрими! Ўртага тушдинг.

қариндош-уругнинг кўз ёшини айтдинг деб, яна ёзғирмоқчимисан? Бегуноҳдан-бегуноҳ бошимизни яна бир балога қўймоқчимисан? Бўжей блан Тусипнинг гуноҳи бўлса қўярсан. Бегуноҳ бўлса, нимани қўясан!

— Айтганим айтган, гуноҳкорсан, харомсан!..

— Ундаи бўлса, мана завол вақти!.. Қани қўйиб берчи бўйнимга харомлигимни!— деб, Тусип титраб кетган ҳолда, Қунанбой томон бўйнини эгди.

— Хўп, Бўжей менга чоҳ қазимасин! Бирорни қалқон қилиб, менга ўқ отабермасин! Ҳамон отадиган бўлса, ёғоч ўқини аямасин, биратўла отсин! Кейин айтмади демасин, ўзидан кўрсинг! Бутун оғирликни ўзи кўради! Керей блан Үоқнинг молини берасан! Бердираман! Эртага бошингга сиёз чақиртираман. Бу бир. Иккинчидан Бўкеншенинг ишидан четроқ юринглар. Уртага тушиш сенинг ишинг эмас. Сенларга тушиб қолған гап йўқ. Бoshim балога қолмасин десанг, аралашман! Аралашсанг атайин олиштаги аралашаётир деб биламан. Бор, бориб айт!.. Шу гапларимнинг бирор оғизини қолдирмасдан Бўжей блан Бойдалига етказ!

Сўз шунинг блан тамом бўлди.

4

Эртаси тушига яқин Мойбосарнинг иккита чопари — Қамишиб блан Жумофул от чоптириб келиб, Жигитек — Уркембойнинг овулига тушди.

Қистов ёнида ўтирган олти уйнинг бутун итлари ҳуриб чиқиб талайбошлади. Чопарлар қамчи уриб, ҳайқириб, итларни қочиришди.

Ҳар уйнинг эшигини панақилиб, мўралаб турган болалар меҳмонлардан қўрқиб, инига кирган сичқондек, ичкарига кириб кетишиди.

Уркембойнинг кўхнагина катта уйида бирқанча эркаклар ўтирган эди. Уй эгасининг ўзидан бошқа Қаумен, Қорашибалар ҳам бор эди. Бу иккови Бўжейнинг яқин одамлари эди. Уркембойнинг қизчаси эшикдан югуриб келиб, отасининг линжига кириб кетди-да:

— Чопар, чопар!— деди.

Чопар келса жанжал келишини болаларгача билар эди.

Бўйнига булғори сумка осган, кўкрагига катта-катта жез нишон таққан икки чопар эшикдан кириб келганда, ҳалиги қизча:

— Ана, қарачи, аке!¹— деб, отасининг бағрига тиқи-
либ олди.

— Хўш, биродарлар, ўзи нима гап, мунча ғовур кў-
тардиларинг!— Уркембой уларни совуқ қарши олди.

— Иш тифиз, буйруқ тифиз... шошилиб келаётирмиз!—
деди Қамисбой тўрга чиқаётуб. Жумоғул ўтирасдан, бир
тиззаси блан ўчоқ олдинга чўккалади.

— Хўш, яна қандай буйруқ экан? Эл кўчди, ёв қув-
дими?— деди Қораша ва қовоғини солиб, ғазаб блан
Қамисбойга қаради. Лекин чопар, тап тортмай.

— Буйруқ шу, ўтов тикасизлар. Сиёз бўлди. Сиёз
Қаумен, Қораша, Уркембой — шу уччалангнинг овулингда
бўлади, халқ шу ерга йигилади. Керей блан Уоқнинг да'-
вогарлари келади. Эл блан элни битимга келтириб, ўғри-
лардан молни олиб берамиз дейишаётир.

— Ким айтди?— деди Қаумен зардаси қайнаб.

— Олиб берадиган ким экан?— деб, Қораша яна
чопарларга ғазаб блан совуқ бир ғазар ташлади.

Уркембой ҳам ялт этиб қаради-да — Үгрилардан
олиб ёсерар эканми, ё тўғриларнинг бўйнига аиб қўяр
эканми? — деди.

Сиёз кўп чиқим талаб қиласди. Бу кўп элнинг
бирқанча да'вогарлари келиб ётади деган гап. Шу эл-
нинг катта-кичик бийлари эртаю-кеч олдиндан дастурхон
узилмай, еб-инчиб, бемалол бир ой ётади деган сўз.

Ҳаммага ма'lумки, қай овланинг бошлига Сиёз келса,
ўша овлу кўп чиқимдор бўлади, абгорликка тушади. Улуғ
қай овлани ғазабига олса ўша овланинг бошига Сиёз
чақиради. Бу овлу осонлик блан Сиёзга кўна қолмаслиги-
ни Қамисбой аввалидан ҳам билар эди. Булар Старшин
блан оға султонга индаялмаса ҳам чопарга кўп қийиғлик
қиласди. Лекин Мойбосар буйруқни қаттиқ бериб юбор-
ган, бажармай иложи йўқ.

— Буйруқни улуғ берган, мен чиқарди деяпсанми! —
деб Қамисбой Қорашага бир ўқрайиб қаради-да — қани
тезроқ! Маслаҳат қилиб, тикиладиган уйларнинг тарад-
дудини қилинглар. Уччовинг тикадиган ўтовлардан бири
шу ерга тикилсин Сўйиладиган молнинг ҳаракатини қи-
линглар, «Жигитек аввало элликта қўй чиқарсин» деган.
Шуни қайси овлуларга соламиз. Ҳозир гаплашиб олай-
лик,— деди.

¹ Дада.

Қаумен чопарлар блан сўзлашишдан бир ёруғлик чиқмаслигини яхши биларди. Шунинг учун ҳам беҳуда гапни кўпайтирмасдан, Бойдали блан маслаҳат қилмоқчи бўлди. Уркембой блан Қорашибага қараб:

— Ҳой, сен, иккаланг менга қара-чи! — деб, уларга тикилди — бу фақат бизнинг эмас, бутун Жигитекнинг бошига тушган кун. Бўжейнинг уйи йироқ, мана, ёнгина-мизда Бойдали бор. Қорашиба, сен тезлик блан отга миниб, Бойдали блан сўзлашиб, жавобини олиб кел! — деди.

— Тўғри, шундай қил! — деб Уркембой ҳам қўшилди. Чопарлар ҳам қарши бўлмади.

Қорашиба ўша онда туриб, индамасдан чиқиб кетди.

Шунинг блан чопарлар ёзилишиб ўтириб, чой ича бошлишди. Уркембой улар блан баҳслашмаса ҳам, Мойбосарнинг буйругига ичидан зардаси қайнаб борарди. Бутун Тўбуқтида фақат битта уй қозонига кишининг ҳақи-ни солмаган дейилса, ўша уй Уркембайнинг уйи эди.

Чопарлар кўп кутишмади.

Бирнече отлиқ тасирлатиб келиб, уй олдига тушиб, шошганича отларини бойлай бошладилар. Қорашиба Бойдалининг жавоби қилиб ҳечнарсадан тап тортмайдиган, ўғрибоши йигитларни эргаштириб келган эди. Хийла айёр, сезир одам бўлган Жумоғулга буларнинг келиши ма-қул бўлмади, у:

— Хўш, нима қилиб ҳамманг бирданига бошлишиб юрибсан? — дейиши блан, Қўжақон деган новча, қора йигит:

— Отангни ёв чопса, бирга чоп деган. Сенларга Жигитекнинг бор молини тортиб олиб бергали келдик.

— Бор моли эмас, элликтагина қўй керак. Молинг ортиқчалик қилаётган бўлса, да'вогарлар келганда юборарсан... Шошмасанг ҳам бўлади! — деб, Қамисбойнинг фе'ли айнаб кетди.

— Мол олиб берадиган сенмисан ҳали? — деб, Қорашиба Қамисбойнинг олдига чўккалади.

— Мен бўлганимда нима қилмоқчи эдинг?

— Сен қонхўр бутун элни қақшатиб бўлдинг-ку, қа-чонгача ҳалқни эзасан?

— Оғзингга қараб гапир! Ундан кўра, Бойдалининг жавобини айт.

— Жавобими... Мана жавоби, — деб Қорашиба ирғиб ўринидан турди-да, қўлидаги йўғон қамчи блан Қамисбойнинг бошига тушириб қолди.

Чордона қуриб ўтирган Қамисбой ҳам ўрнидан турган эди, Уркембой йигитларига ҳайқириб:

— Тут! Ур, итларни! — деди.

Жумоғул блан Қамисбой товушининг борича қичқириб, ҳақорат қилиб, олишабошлаган эди. Ӯн йигит ёпирлиб, иккаласини кўтариб уриб, тиззалаб босиб олди.

— Мана, Бойдалининг жавоби. Икки итнинг терисини шилиб, Мойбосарнинг олдига қипқизил гўшт қилиб юбор! Мана!.. Тўхта! — деб, Қораشا Қамисбойнинг бошига миниб олиб, савалайбошлади. Жумоғулни Уркембой блан бошқа йигитлар урди.

Чопарларнинг иккови ҳам, Жигитекдан хўп калтак еб, юзларидан қипқизил қон оқизган бўйича, отини чоптириб, тўғри Қорашўқидаги Қунанбойнинг олдига кириб боришиди. Қунанбойнинг ённда Бойсол ва Мойбосарлар ўтиришган эди. Яна Қулуншақнинг ботир ўгилларидан Нодонбой, Монослар ҳам бор эди. Иргизбойлардан Жумон, Тўлепберди яна бошқа йигитлар ҳам бор эди.

Қунанбой буларни кўргач, аввал индамасдан, гезарниб ўтириди-да, хийла вақтдан кейин чопарларнинг бетига нусқаб:

— Мана, кўрдингми? Қандоқ қилиб қариндош бўлай? Бўжейнинг мана бу қамчиси буларга эмас менга тегаёт... Тур ҳамманг! — деб, ҳайқирди йигитларига: — Ҳозир бориб, ўша ўзи уйида урдирган Уркембойнинг қўл-оёғини боғлаб, сургаб келинглар!

Ҳечким бирор оғиз сўз қотмади. Қунанбой ҳам бундан кейин лом деб оғиз очмади. Ӯн йигит отларига мимиши блан учиб кетишиди. Буларнинг ичиди Қулуншақнинг болалари ҳам кетди.

Мана шу бир гала йигитлар қош қорайган пайтда. Уркембойнинг овулига бориб, тўс-тўполон кўтариб, бутун ёркакларни уриб, Уркембойни сургаб уйдан олиб чиқнишиди. Уркембой уйида қаршилик кўрсатса ҳам, таёқ еб қолишига кўзи етгандан кейин, дамини чиқармай тураберди. У, ранги мурдадай оқариб, ғазабидан бўғилиб, кўкимтири товлаб кетган эди; чидашига қарор қилиб лабини тишлаб, қовоғини согланича тураберди. Эшикка олиб чиққанларидан кейин, унинг қўлини орқасига қайриб боғлаб, ёли блан думи оқ қизил отга миндиришиди-да, иргиб орқасига Тўлепберди миниб олди. Ғазабидан ёрилгудек бўлиб ҳораётган бу бир гала йигитлар, от қўйганларича, Қорашибига қараб кетишиди.

Қош қорайиб, қоронғи тushiб қолған эди. Булар Чинғиз силсилаларининг ичкарисидаги Уркембой құрасыдан чиқиб, катта сувни бүйлаб, отларини чоптирганича, күйи тushiб келишди. Бироздан кейин улар давондан түшиб, сувдаи үтадиган йұлга чиқди. Ұша ердан кун ботиш томондаги Қорашұқига қараб қайрилиб кетишиди.

Лекин ұша ерга келгандарыда, бир түп баланд-баланд дарахтларнинг орасыдан дув чиқиб:

— Бос, бос! ..

— Ушла-ушла!

— Улдир. Улдир, итларни! — деб ҳайқирганича кела-етган бир гала, нуқул күк от мингап йигитлар ҳужум қилиб келди. Буларнинг сони үттиз-қирқдан кам эмас эди; ҳаммасининг құлида чўқмор, сўйил. Қунаңбойнинг йигитлари ҳам уларга қарши қичқириб:

— Келиб кўрчи! ..

— Үмой!¹

— Тегиб кўрчи! — деб, от қўйғаниларича аралашиб кетишиди. Буларда ҳам сўйил ва чўқмор шай эди.

Дам-бадам бир-бирига қарс-қурсе урилаётган, узун-узун оқ сўйилларнинг товуши эшитиларди.

Қоронғида пистирмада бўкиб ётган, ҳужум қилған Қораشا эди. Қундузи унга Бойдали:

— Бир ишни қиласр бўлсанг қилдинг. Лекин энди бояхар бўлиб тур! — деб қўйған эди.

Шундан кейин Қораша қоронғи тушгунча отдан тушмай, тоғ бошида пойлаб юрган эди. У кеч пайтда Уркембойнинг овулига қараб кетаётган биргала одамни вақтида кўриб қолди; буларнинг кетаётгани бежиз эмаслигини билар эди; кўриши блан тоғдан чопиб тushiб, ўз овулига бориб, беш-олти йигитни отга миндириб, йўлакай Қауменнинг йигитларини ҳам отлантириб келгунча, Уркембой овулида ҳалиги ҳангома бўлди.

Қораша душманни Уркембой овулида қўлга тушира-олмаслигига кўзи етгач, йўлни тўсишга аҳд қилганди.

Қораша сўйилбозликка кўп омил, унинг овулидаги йигитлар ҳам от устида туриб олишишга моҳир эди.

Қунаңбой йигитларининг бошлиғи Қулуншақнинг ботир ўғли Монос эди. Қорашанинг йигитлари ҳужум қилғанда у шошиб қолмади. Тақимидаги сўйилини суғурап экан, йигитларига:

¹ Үмой — ирғизбойлар сулоласида үтган бир кишининг номи.

— Узларингни йўқотма, кўплигидан қўрқма, дадил туриб уруш! Тап тортмай олиш! — деб қичқирди.

Шунинг блаи ҳар икки томон бир-бирига аралашиб, жанг қилабошлади. Монос Жигитекларнинг икки йигитни уриб йиқитди. Броқ Қораша унга шундай ҳужум бошладики, у ўзини қўриқлашга мажбур бўлди. Қўли орқасига боғлиқ Уркембой Қорашани кўриб қолиб, то-вушининг борича:

— Қораша, мен бу ердаман, айриб ол! — дея қичқирди. Қораша икки киши мингашган отнинг кетига тушиб олди. Ели блан думи оқ, ўзи жийрон бу от жуда югурик экан, етказмай кўп ҳалак қилди. Лекин Қораша ҳам бўш келмади, уни тўпдан айриб олиб қувиб кетди. Тулепберди ҳа деса, орқасига қарааш блан бўлиб, олдига қарайолмай кетаётган эди. Уркембой шундан фойдаланиб ўзини отдан ташлаб юборди.

Шунинг блан Жигитек Уркембойни душман қўлидан олиб қолди. Бу кеча Қунанбой томонидан қўлга тушганлар бўлмади. Жигитеклар тоғни бошига кўтариб, Урон¹ чақиришар, шунинг блан сафи ортиб бораётган эди. Атрофдан:

— Қаерда? Қаерда?.. — деб, аланг-жаланг қилиб, чопиб келаётган отлиқларнинг сони тобора кўпаймоқда эди. Буни пайқаб қолган Монос ўз йигитларига:

— Энди жўнаб қол!.. Чекина-чекина уруш! Қани, қочинглар! — деб, ўзи бошлаб қочиб берди...

Уркембой қутилиб қолгандан кейин улар от қўйиб тоғдан ошиб кетишиди. Қунанбой йигитлари қўлга тушмагани блан, Жигитеклардан енгилиб кетди. Уркембойни олиб кетаолмади.

Шу кеча Уркембойни қутқариб қолиш, кундузи Мойбосарнинг иккита чопарини уришдек икки ҳодиса Жигитекнинг кўкрагини кўтариб, ўзларига ишонч пайдо қилди.

5

Эртасига ҳаво айниб, қиши изгирини турди. Чинғиздан ёсадиган қаттиқ шамол бор. Бу шамол кўкламда фойдалик: қорни ялаб, тоғ бағирларини, чийнинг ичини очиб кетади; қишида ҳам Чинғиз ели чорвачининг дўсти — тоғ

¹ Урон — қозоқларда ҳар авлоднинг ўз уровни бўлади, бу ўша авлоднинг сулоласидаги, машҳур ҳукмрон ўтган одамларнинг номи бўлиб, ўша ном аталганда ўша авлоддан бўлган ҳамма оёққа туради.

оралаб, тоғ бағирлаб, бир ҳафта — ўн кун узликсиз эс-ган пайтда, қиши ранжини енгиллаштириб, мол ўтлайди-ган ерни кенгайтириб, чорвачининг орқа-бошини ёзиб кетади.

Бу шамол жанубдан эсади, шунинг учун ҳам у қадар совуқ шамол әмас. Лекин ғоят ўзгача бир күч блан эса-ди, тоғ бағирларидаги тошларни ҳам учирив кетади.

Бу шамол ўт-ўланлардан, қўй ейдиган филған блан миқжусан сингари ерга ёпишиб ўсадиган ўтларни қол-дирмаса, ўзга томири бўш, новча ўтларни юлиб-юсқиб учирив кетади.

Аслида Чинғизнинг энг қимматли ўти ҳам ўша миқ-жусан, бу қўйнинг жони. Қистовнинг қиммати қўй бо-кишга қулайлиги блан ўлчанади.

Қўйнинг баракаси Чинғиз бўлгандан кейин кўплар, яхши қистов излаганда, келиб тиқиладиган ери ҳам шу Чинғиз бўлади.

Чинғизнинг шу қаттиқ шамоли бошқа фаслларда фой-далик бўлса ҳам куз кунларида ёқимсиз бўлади. Кунни совитиб, осмонни булат бостириб эсади. Бугун шу қаттиқ шамол бошланиши блан қор ҳам учқунлай бошлади. Бу биринчи қор эди.

Чинғиз тоғининг бағридаги ораликларидағи огуллар бу пайтда қистов-қистовга қўниб, ҳавонинг авзойига қа-раб туришган эди.

Бугун уларнинг ҳаммаси ўтовларини йиғиштириб, май-да-чўйда буюмларни қўрага ташиб, иссиқ уйларига кир-моқда эди. Кўпчилик шу блан банд экан, Қунанбойнинг Қорашўқидаги овули тонготгандан бўён, ма’рака қила-ётган овулдай, ўзи блан ўзи овора бўлиб, тўс-тўполони чиқаётган эди.

Үркембойни олиб келаолмаган Монослар кўрган қар-шиликларини батафсил айтиб бергандан кейин, Қунан-бойнинг овулидан ён ёққа қараб, усти-устига чопарлар кетди.

Кечак Бойсол блан шу овулга йиғилган казо-казолар ҳали тарқалишмаган эди... Буларнинг устига энди ат-рофдаги Йргизбойнинг бутун эркаклари отланиб кел-моқда. Чопарлар кетган томондан ўнтадан, йигирмата-дан бўлиб, отларини чоптириб келаётганлар лак-лак.

Шу йиғилган йигитлардан Қунанбой ўнтачасини са-ралаб олиб, Мойбосарни бошлиқ қилиб, Бўкеншега юборди.

Қизилшўқидаги Бўкенше ҳали ҳам кўчмаган эди. Йигитлар жадал буйруқ бериб, мажбурий равишда Бўкеншени Толшўқи блан Қоровулга кўчириди. Суюндиқ блан Сугирлар ҳа деганга маҳтал бўлиб, қўш қанотларини ёзиб туришган эди. Ҳаммадан олдин шулар жўнашди. Ўзга Бўкеншелар ҳам ночор кўчиб кетишиди.

Бугун кўчаётганлар фақат Бўкеншелар эмас, Қунанбойнинг ўз овулларидан ҳам кўчаётганлар бор эди.

Қунанбой шу маҳалгача бу овулларини қистовга юбормай, ҳамма овулларини бир ерга йигиб ўтирган эди. Энди, совуқ тушиб қолгандан кейин кекса онасини, Улжоннинг қўлидаги ёш болаларини совуқ қотдириб ўтиргиси келмади.

Болаларнинг ҳаммаси Зере блан Улжонга: «қистовга кўчайлик, совуқ қотдик» деб хархаша қилаётгап эди. Шунинг учун бугун Зере Қунанбойни уришиб, шукуннинг ўзида кўчиритиришга мажбур қилди.

Қунанбой овулларини кўчириб, жўнатиб юборгандан кейин, ҳозир Чингизда бўлаётган бесаранжомлиқдан фойдалапмоқчи бўлди.

Тонг отгапдан бўён, усти-устига келаётган отлиқлар тўпламиб, туш пайтида лак-лак лашкар бўлди. Булар қўлига сўйил, наиза, ойболта, чўқмор ушлаган, жангга ҳозир лашкарга айланди.

Бу келганиларнииг ичida Иргизбойлардан ташқари Тўрғай, Тўлай, Жунитаёқ. Анет, Соқ-Тўғалоқ сингари уруғлар ҳам бор эди. Яна Котибзекларнинг ўзи ҳам бир катта тўп лашкар бўлди. Бу элларнинг ҳаммаси Шўнай, Ший, Жидебой, Қидирдап тортиб Чингизгача чўзилиб қишлиайдиган эллар булат. Қорашўқига яқин қистовларнинг одамлари эди.

Туш пайтида Қунанбой кийиниб, Бойсол блан Мойбосарни эргаштириб, эшикка чиқди-да, ҳалққа қараб:

— Қани, отга мининглар! — деб, товушининг борича қичқириб, буйруқ берди.

Ҳамма отга минди. Иргизбой йигитлари қўлларига қурол олгач, ўзга эллар ҳам қуролларини қўлга олишиди.

Шу пайтда шамол кучайиб, эрталаб учқунлаб турган қор қуябошлади. Теварак-атрофни қоронғулик босди.

Қунанбой узун тўриқ отини миниб, атрофга қараб, ичida «лашкарларнинг қораси ҳам кўринмайди, бу жуда соз бўлди» — деб қўйди.

Қунанбойнинг қошларининг ўртасидаги иккита чуқур-

чүқур ажини яна ҳам чуқурлашди. У қовоғини солиб, ранги ўчиб, юзидағи туклари ҳурпайған, каттакон ва ўткір, ягона күзінгә қон құйилиб, ғазаб ўти блан чақнаб турар эди.

У, ҳамма отга миниб бұлғандан кейин, иккى томоннан турған Бойсол блан Мойбосарға қараб:

— Юр! — деди.

Қатқалоқ бұлиб қолған тоғ бағридан тасир-тусир қи-либ от ўйнатганича беҳисоб лашкар Жигитек устига жұнади. Лашкарларнинг олдида Қунанбой отини қаттық елдириб бормоқда эди.

Булар ўша куни күн оғмасданоқ, от құйғанларича, Тұқмамбетнинг күн ботиш томоннанғи тоғ этагига чиқиб келишди.

Бұжейнинг қистови бу ердан күриниб турарди. Бұжей құрага күчіб кирған экан. Мұрисидан қиіннинг сарық ту-туни бурқираб чиқиб, әйилмоқда эди.

Бунинг ҳам лашкарлари құранинг атрофини тутиб ётар, лекин тайёр турған от битта-яримтагина эди. Қу-нанбой буни дарқол фаҳмлади.

Эгарлоғлик отларнинг ҳаммаси кишан урилған бұ-йича, құрадан юқорида, қуйида қалип үтлик яйлопда ўтлаб юрибди... Иргизбой томонидан келаётған лашкар-ларни құриши блан одамлар құлларига сұйил ва наиза-ларини күтариб отларига қараб югуришли.

Агар пайт сал құлдан берилса, буларнинг ҳаммаси отларига миниб олишар, у вақтда қаршилик бетма-бет келиб олиб бориладиган жаңгга айланар эди. Шуни ҳи-собга олган Қунанбой түриқ отини қамчилаб қолди:

— Бос, бос! Ұлжай, Ұлжай! — деб урон чақырганича, от қүйиб кетди. Бутун лашкарлар товушининг борича:
«Иргизбой! Иргизбой!»

— Тұпай! Тұпай!

— Ұлжай! Ұлжай! — деган уронлар блан дув таш-ланди.

Қаттық шамолда ҳамаёқни қоплаб бораётған ёнғи-дек, гуриллаб, ерни ларзага келтираётған мудхиш гул-дирес, ер-күкни тутиб кетди.

Бұжей овулидаги одамларнинг сони буларнинг лаш-кариға қараганда жуда оз эди. Жигитек томон ҳечқандай ҳозирлик күрмай, ғафлатда қолғандай құринарди. Аслида жаңг қилинадиган бұлса, қадимдан ҳаммага ма'лум олат-бўйича аввало: «майдонини та'йин қилсин» деб хабар

қилиб, шундан кейин лашкар тұпланар әди. Қунанбой ундай қилмади, тұсатдан босиб келди.

Хозир Бұжейнинг олдига фақат Чингизда яшайдыган Жигитекларгина, қүйидаги Болпан блан Шийдаги Жигитеңек бу ишдан хабарсиз қолган әди.

Хатто тоғдагиларнинг ҳам күпчилиги бугун құрага құчиб кириш блан овора әди.

Бұтун бошлиқ Бұкенше әлидан ҳозир Бұжейнинг әнида фақат үнтакта одам бор, уларни ҳам Даркембой бошлаб келган әди.

Жидебой, Мусақул, Қидир, Күлқайнар ва Қизилшүқидан құлларига сүйил күтариб, Қорашүқига қараб кетаётган лак-лак отлиқларни құриб, Даркембой:

— «Бу бежиз әмас, бу Жигитеңекка қарши, Бұжейга қарши тұпланаёттан лашкар!»— деб үйлади-да, Қунанбойнинг бу ҳаракати тұғрысидаги хабарни Бұжейга ҳам, бошқа жигитекларга ҳам айтди ва келаётганида йұлакаі кириб Бойсол блан Қорашани, Қаумен блан Үркембойларни отлантириб олиб келди.

Хозир Бұжейнинг құраси олдида қирқтата одам турарди. Булар Бұжейни құриб туришар әди.

Бу ерда кексароқ одамлар блан бирга Қунанбой ҳужумига, қарши шайланиб турған бир тұда ёш йигитлар: Қауменнинг иккита абжир үғли, Бозорали блан Болағез, Қорашанинг үғли Абулғази, Жигитеңек ичидаги жон күяр қариндошларининг ёш азаматлари Бейсемби, Абдилла, Үролбой деган йигитлар ҳам бор әди. Булар:

— Кенгирбой, Кенгирбой — деб уран чақириб, пиёда бұлса ҳам, құлларига сүйил, чүқмор күтариб, қистов олдиді турған беш-үнта әгарлоғлик отға миниб, душманга қарши бораёттан әди. Бойдалы уларға ҳайқирип:

— Тұхта! Бұжейни әлғиз ташлаб кетмоқчимисиз? Улсанг ҳам әнида үл! — деди...

Қунанбойнинг йигитлари — беомон ёвдек шиддат блан, сүйилларини күтариб, ғажиб ташлагундай бўлиб келмоқда әди.

— Оҳ, хароб бўлди-да! Faflatda қолган бошим! Яна faflatda қолдим-ку! — деди Бұжей азбаройи күйиб кетганидан. Буларнинг бор умиди қистовнинг юқорисидаги йигитлар блан қүйидаги йигитларда әди. Уларнинг ба'зилари отларига етиб қолишган экан. Бештадан-үнтадан бўлиб, құлларига сүйил күтарғанича, от чолтириб, ёвнинг йўлинни тўсиб чиқишиди. Лекин олди шундай қылгани блан

орқадаги йигитларнинг кўпчилиги ҳали отини ушлаш блан овора эди.

Улжай лашкарлари бу пиёда қолганларнинг кўпчилигини отларига етказмай туриб босадиган бўлиб қолди.

Қунанбой босиб келар экан икки томоннинг юзатдан йигит юборди. Булар шовқин-сурон кўтафиб, ўтлаб юрган отларни ҳуркитиб, тўс-тўполонини чиқариб кетишиди.

Сўйил отларнинг эгарларини чил-парчин қилиб ташлади.

Жигитек томонидан олдин отга миниб қарши чиққан сийраккина тўпдар Қунанбой бошлаб келаётган беҳисоб ёвга қараб чопишиди.

Икки томонга юборилган йигитлардан ташқари, Қунанбойнинг ўзи бошлаб келаётган йигитлар ҳам кўп эди.

Уларнинг йўлини тўсиб чиққан йигитларнинг отлари ўйноқлаб, четга чиқабошлади. Бир йигитга қирқ-эллик сўйил тўғри келар эди. Қунанбой лашкарлари жигитекларни осонлик блан босиб, янчиб ташлаши аниқ бўлиб қолди.

Оларига етолмай юрган йигитлар ёпирилиб босиб келаётган душманни кўриб:

— Чекин! Чекин! — деб пиёда олишмоқда эди. Лекин отлиқ блан яёв олишаоладими? Отлиқ отининг зарби блан келиб сўйил урганда пиёда олишаётганлар думалаб кетар эди...

Шундай қилиб, қистовдан йироқ кетган азаматларнинг ҳаммасининг ҳам тинкаси қуриди. Кўплигига ишониб, керилиб, буларнинг тайёрлиги йўқлигини кўриб биратўла гердайиб кетган Улжайлар энди ваҳмалироқ қилиб, шовқин-суронга зўр бериб:

— Улжай! Улжай!

— Иргизбой! Иргизбой! Тўпай, Тўрғай, Тўпай, Тўрғай! — дейишиб ўтган ота-боболарининг арвоҳларига қичқиришар эди.

Барча тўсқинликни босиб янчиб бўлганларидан кейин Қунанбойнинг бор лашкари қистовга қараб ташланди. Еру-кўк қийғос-сурон, тўс-тўполонга тўлиб кетди.

Бўжейнинг тўпи сўйил, чўқморини кўтариб ҳали ҳам қистов олдида турар эди. Душман атрофни ўраб олгач Бойдали товушининг борича:

— Тамом бўлди! Ҳеч чора қолмади! Энди эшик-эшикнинг олдини олиб туриб, қўрага киргизмаймиз, олишамиз! — деб қичқирди ва бор тўпини ичкарига бошлиди.

Ўртадаги катта дарвозада Бойдали блан Бўжей, буларнинг атрофини олиб Бозорали, Болағозлардек, Қўжакондек ботир, ўткир йигитлар турарди. Душман бор тўпи блан от чоптириб келиб қўра ёнига Қунанбой атрофига тўпланиб буйруқ кутиб турди. Қунанбой, отлиқ, ўргада турар эди.

Худли шу пайт қўранинг ичидан Даркембой югуриб чиқиб Бўжей блан Бойдалининг орасига сиқилиб, қаердандир топиб келган шоҳлик милтигини ўрнатди. Милтиқ ўқланган пилтасига ўт қўйса бас, отилиб кетарди. У, елкаси блан Бўжейни туртиб:

— Бу кўр аяйдиган эмас, яна тагимизга етди. Отман! Ўлдираман! — деб чақмоқ чақмоқчи бўлди.

Бўжей унинг қўлини қаттиқ туртиб юбориб:

— Отма, буёққа тур! Буни ота-боболаримизнинг арвоҳи уради! — деди.

Шу чоқ Қунанбой қичқириб:

— Олиб чиқ ҳаммасини бир бошдан! Сургаб чиқ инидан! Тўнг бўйин қулларнинг оёқ-қўлини боғлаб сургаб чиқ! — деб буйруқ берди. Мойбосар бошлиқ бутун Йргизбойни отдан тушириб, қўрага йўллади.

Улар эшик олдида бироз ҳаяллаб қолганида, Қунанбой яна ушқириб:

— Туш отдан! Бос! Бос ҳамманг! — деб, Котибақ, Тўпай, Тўргай йигитларини ҳам ишга солди.

Бойдали блан Бўжейнинг ёнидаги Бозорали, Болағози, Даркембойлар яхшигина олишишди, лекин мўрмaloҳдек ёпирилиб кирган йигитлар ҳамаёқни тутиб кетди.

Пастак уйларнинг ичida Бозорали ва Даркембойлар сўйилни, қулоч ёзиб, дурустроқ ураолмади. Ҳадемай, Қунанбойнинг йигитлари Жигитекларнинг қирқтача одамини босиб, янчиб, сургаб олиб чиқабошлашди.

Қораша блан Үркембой бошлиқ ёш йигитларнинг ҳаммасини сургаб чиқаришлари блан, бештадан — ўнтадан бўлиб, тарсиллатиб дарра урабошлашди... Таёқ еб, ҳаммаёғидан қон оқаётган Қораша ва Даркембойлар, ҳали ҳамтилини тортмай, товушининг борича қичқириб, куракла турмайдиган гаплар блан Қунанбойни ҳақорат қилишмоқда эди. Лекин бу ҳақоратлар кўпчиликнинг ғовури ичida йўқолиб, Қунанбойнинг қулогига етмас эди.

Мойбосар қўзларини ўйнатиб:

— Ур, ур даррани! Аямал!.. Ким блан олишмоқчи бўлаёттир бу Жигитек — деб, буйруқ берарди.

Ҳормай-толмай, аямасдан дарра ураётган йигитларнинг тепасида чопарлардан Мойбосар блан Қамисбой турар эди.

Қунанбой буларга қарамас, унинг кўзи катта қўрапининг уч эшигидан сургаб чиқарилаётганларда эди.

У тишини қайраб, фақат битта одамни олиб чиқишларини кутиб турарди. Мана, ниҳоят уни ҳам олиб чиқишиди. Бу Бўжей эди. У ўзгаларга ўхшамайди. Раҳтидан тушмаган ҳолида ўз ихтиёри блан чиқиб келди. Унинг тулки тумоги бошида, бошқалар сингари усти-боши ҳам йиртилмаган эди. Уни итариб-итариб чиқараётган киши ҳам йўқ. Фақат атрофини бир гала Ирғизбойлар ўраб олишган.

Қунанбой отига қамчи уриб Бўжейнинг олдига келди. Унинг олдида турган Бойсол ҳам келиб у блан бир қаторда турди. Қунанбой Мойбосар блан Қамисбойга:

— Ўр даррани! — деди дағдаға блан.

Қамисбой блан Мойбосар ўша онда Бўжейнинг ёқасидан олиб, ерга отиб уришди.

— Ўр даррани! Орқасини яланғочлаб туриб ур! — деб, Қунанбой ҳайқирганича, унинг тепасига келди.

— Басир бўлгур, кўзинг оқиб тушгур! Ҳой, Қунанбой, ота-боболаримизнинг арвоҳидан қўрқмайсанми, ла'нати! — деди Бўжей қичқириб.

Шу пайтда уни йиқитиб, чопонини елкасигача кўтариб қўйиб, Қамисбой қамчи кўтарди. Бўжейнинг эти оппоқ экан. У бели блан орқаси очилиб, мукка тушиб ётарди. Шу онда ҳамманинг нафаси ичига тушиб, жим бўлиб қолди.

Қамисбойнинг кўтарган қамчиси Бўжейнинг орқасига тушиб келаётганда, кимдир келиб ўзини ташлаб, гавдасини Бўжейга қалқон қилди.

Бу — Котибақ Пўшарбой, Бўжейнинг қадрдони ва дўсти эди. У ўзини ташларкан:

— Ҳой, бўлди, бўлди-да, Қунанбой! Мен учун ўт, мен учун ўт! — деб қичқириди.

Бунга Қунанбойнинг зардаси қайнаб, тутақиб кетиб, ўз қамчинини кўтариб:

— Ўр даррани! Ўр, шу итнинг ўзини ҳам ур! — деб, ҳайқириб юборди. Шу топда Қунанбойнинг ёнидан яна бир даҳшатли товуш чиқиб:

— Ўриб кўр-чи! — деди.

Бу — Бойсол эди. Қунанбой еб қўйғудай бўлиб ягона

кўзи блан унга ялт этиб қараганда, Бойсолнинг симосидан пичоқ бориб суякка тақалганлиги очиқ кўриниб турарди. Лекин Қунанбой айтганидан қайтмади:

— Ур! Иккаласини ҳам ур! — деганда, Мойбосар бошлиқ Иргизбойнинг чопарлари тасир-тусурига олиб, уриб кетишидя.

Қамчи Бўжейга ҳам, Пўшарбойга ҳам тегаётган эди.

Бойсол энди чидамасдан оти блан бостириб келиб, чанг солиб, Мойбосарни елкасидан олиб, Пўшарбойни ажратар экан, товушининг борича:

— Котибақ, Котибақ! Туш орқамға, Котибақ! — деб, урон чақирди. Бир нафасда бор Котибақ, Қунанбой лашкарларидан айрилиб чиқди. Беҳисоб лашкари блан бўлинниб олиб Бойсол Жигитек томонга ўтиб кетди.

Лекин Жигитек лашкарларида ҳозир унга қўшилиб, жанг олиб боргудек мажол йўқ эди. Шунинг учун ҳам Бойсол, Қунанбой лашкарлари блан олишмади. Шу топда Бойсолнинг Бўжей учун, Пўшарбой учун ёру биродар, эл учун зардаси қайнаб, номуси қўзғолиб, жони ачиб, чин кўнглидан Жигитек томонига ўтгани аниқ эди.

Буни ҳамма онглади. Энди Мойбосарлар ҳам Бўжейни уралмай қолди, бўшатиб юборди.

Бўжей ўрнидан туриши блан, кетиб бораётган Қунанбойнинг орқасидан, товушининг борича қичқириб:

— Ҳой, Қунанбой! Мен ҳали сени ўқдан сақлаб қолган эдим. Сен мени ўтга ташладинг-а? Шу ишинг эсингда турсин! — деди.

Қуянбой Котибақдан бошқа ҳали ҳам мўр-малаҳдек лашкарини эргаштириб, Қорашибўғига қараб кетди.





И УЛДА

1

Шом пайти. Қоронги қуюқлашиб келмоқда. Катта уйнинг бурчак-бурчагидан қоронғилик чиқиб бир-бирига туташиб келаётгандай эди.

Жидебойдаги қистовнинг энг катта уйи шу уй. Гиламлар, гулдор шолчалар, ширдоқлар, кўрпалар блан безатилган бу уй меҳмондўст, тўкин-чочин уй.

Абай кекса энаси ва ўз онаси блан шу уйда яшайди. Ҳали шам' ёқиммаган. Қўпчилик эшикда молларни жойлаштириш блан овора. Катта уй одатдан ташқари бўмбўш. Уйда, Чингиз томонга қараган дераза ёнида чўйка тушиб, икки тирсагини дераза тагига қўйиб, иягини қўллари устига қилиб ўтирган Абай ва унинг ўнг томонида, кўрпачада ўтириб, бола юпататётган кекса энаси Зередан бошқа ҳечким йўқ. Энаси кундаги одати бўйича, Ойғиздан туғилган қиз набираси уч яшар Қамшотни тиззасига ётқизиб, аста-аста иргитиб, алла айтиб ўтирибди. Унинг алласи ғоят эски. Буни Абай энасидан бошқа ҳечкимдан эшитмаган. Лекин бу кўй кекса онасининг ўзиңдек меҳрибон, шу қадар қулоғига иссиқ эштилади. Гўдаклик чоғида Абайнинг ўзи ҳам ҳаркеч, шу алла остида ухларди. Ўша кунлардан буён бирор ери, бирор оғиз сўзи ўз-

тармаган; она юрагидек ўзгаришни билмайдиган алла. Мана шундай ғамгин кечнинг ғамгин садоси. Субҳи ўтиб, шоми етган энасининг аламли ҳаёти нидоси. Абай орқасини ўгириб, қулоқ солиб ўтиаркан, энасининг гоҳ дардлик, гоҳ меҳр тўкиб юракдан айтаётган, ғамгин алласи гўё Абайнинг ўзини аллалаётгандай та'сир қиласди. У ичидан «Тўхтамаса экан, яна давом этса экан» дерди.

Шу қистовга келганларидан буёй ҳаркеч Абай, ҳечкимга билдирамай, энаси блан қоларди. Нега шундай қилишини энасига ҳам айтмас эди. Фақат ҳаркун кечқурун қўрага мол келадиган пайтда кичик онаси Ойғизнинг ўйига бориб, шу кичкина синглиси Камшотни кўтариб, эркалатиб ўйнатиб юрарди-да кейин олиб келиб, энасига берарди.

Камшот ҳа деганда ухлай қолмасди. Ҳозир ҳам энаси билиб турган эди: аллани тўхтатса, дарҳол қорамуғек қопқора кўзларини очади. Уйқи аралаш узун-узун кипикларини қоқиб «яна айт» дегандай финшийди.

Абай ҳам ўрганиб қолган: шу сингари кечки пайтларини ғалвасиэ, тинчгина ўtkазади. Елғизаликни яхши кўради, ёлғиз қолишига уринади. Агар шундай пайтда эшикда бўлса, ёлғиз ўзи тепалик бошига чиқиб кетади. Ҳамиша саҳро кечи ўзига мафтун этадиган зўр мўнисдек уни онглаб бўлмайдиган бир куч блан ўзига тортади.

Қулоги энасида, нигоҳи эса ўша олислаги, Чинғиз тоғининг фира-шира кўриниб турган чўққиларида кезар эди.

Жидебойдан йигирма чақирим наридаги Чинғиз тоғи қош қорайиб, қоронғи тушабошлаган пайтда кўкимтири тортиб, баҳайбат бўлиб, йироқлаша боради; даҳшатли ваҳший бир кучнинг баланд-баланд ҳашаматли чўққиларига ўхшаган мудҳиш қоялар унсиҳ, жимгина қоронғилликка кириб борарди.

Сўнгги кунларда бу тоғларда қандай ҳодиса бўлаёттир, овулдагилар билишмайди.

Лекин Бўрсоқ ва Бўкеншенинг Қорашибўқидан ҳайдалтани, зор қақшаб кетгани ма'лум. Ҳашаматли Чипғизнинг қатма-қат ораликлари, бағрилари энди сфат бағрига айланган. Абай фақат шуни билади.

Тоғдан эсаётган изғирин ўша ерда бўлаётган ваҳшиликларнинг изғиринига ўхшайди. Онанинг ёқимли алласи бу совуқнинг дамини кесгандай бўлади. Бу аллада бутун оламни ўзига асир этадиган ўзгача бир куч бор. Абай нучукдир ёнгил тортди. Нигоҳини тоғ чўққиларидан

олиб, осмонга қаради. Тұлиқ ой очиқ күк сағніда сузіб келиб, бир түп олачалпак, қора булаттнинг ичига кирди, кирди-да, ажаб күйларга тушди. Абай бор-йұқни унугиб, ұшанга термилганица қотиб қолди.

Олачалпак қора булаттнинг юқориги томонидан кирған ой бекінмачоқ үйнаётгандай бир күрініб, бир шүнғиб, одатдан ташқари тез юриб борарди. Ба'зан бутунлай күринмай кетіб, бир лаҳзада ярқ этиб кулиб чиқады-да, яна шүңгіб кетарди. Яна бир нафасдан кейин ҳазиллашаётгандай бир четинигина күрсатиб қўйиб, яна сұнарди. Бундай үйноқи ойни Абай энди күрган эди. Яна қылтириқдай бўлиб чети күринар-күринмас сўниб кетганда Абай беихтиёр кулиб юборди-да: «Мана бу ой худди шўхлигі ичига симгаётган ёш болата үхшайди-я» деб қўйди.

Абай унга қизиқиб, эрмак топиб тикилиб ўтирган эди. Тўсатдан эшикда, ўпир-тўпир қилиб, шошилиб келаётган оёқ товуши эшишилди... Тўполон қилиб югуриб, шароқлаб кулиб келаётган Үспон экан. У кимнидир ғашига тегиб, ұшандан қочиб келаётган экан. Йиғлаб уни қувлаб келаётган Смоғул экан. Бу ҳам Абайнинг иниси. Смоғул Абайнинг кичик онасининг ўғли бўлиб, Үспон блан teng эди.

Абай Үспоннинг унга бир бало қылганини пайқаб, иргиб турди-да, Үспонни олдидан чиқиб ушлаб олди. Смоғул етиб келиши блан Үспонга ёпиша кетди. Уз уйига етиб олган Үспон энди тўхтаб, зўравонлик қилиб орқасига айланды-да:

— Қани, нима қилардинг!— деб Смоғулнинг ёқасидан олган эди, Абай иккаласини ажратиб қўйди, ва Смоғулга қараб:

— Нима, нима қилди?— деди. Смоғул йиғлаб юборди:

— Соққамни, қизил соққамни ўғирлаб ана у...

— Қачон? Ҳой, йиғлоқ!— деб, Үспон аввало кулди, кейин йиғлаган бўлиб, «қижил шаққам» деб, Смоғулни эрмак қилабошлади...

Абай Үспонга дўқ қилиб қўл чўзди:

— Бер дейман соққасини!

— Олганим йўқ, ёлғон!— деди Үспон қўл кўтариб.

Абай унинг ёнини қарамоқчи бўлди. Үспон юлқиниб, Абайнинг қўлидан чиқиб, печ ёнига бориб, икки қўлинни орқасига қилиб бурчакка тиқилиб олди. Бу ерда туюннинг қимизи ачитиб қўйилган катта чеълак турган эди. Улжоннинг шу куз кунларида Зере блан болаларига берадётган

оқлиги шу эди. Үспон жўрттага ўша ерга бориб тиқилган, зўр келадиган бўлса, ўша чelакни ағдариб, Абайнинг ҳам, ўзининг ҳам бошини балога қўймоқчи эди. Үзидан кучлик акаси Абай блан олишишда унинг шундан бошқа иложи йўқ эди. Үспоннинг бир балони бошлишини билиб турган Абай уни судрамади, лекин ғоят ғазабланиб, Смоғулнинг ёнини олиб:

— Бер ҳозир, бер дейман соққани! Қўлингни кўрсат!— деб, Үспонни қулоғидан ушлаб, аямасдан бурайбошлади. Үспон чинқириб чelакнинг юзига ёпиб қўйилган сочиқни оёғи блан тушириб юборди. Чelакни ағдаришга Абай йўл бермади. Үспон йиғига зўр бериб, товушининг борича додлаб, қўлидаги қизил соққани «шуп» этиб қимизнинг ичига ташлаб юборди да, икки қўлини кўтариб Абайга:

— Мана! Вой дод!.. Мана деяпман-ку, йўқ!— деб йиғлайбошлади. Абай унинг нима қилганини пайқамай қолди. Лекин Үспоннинг ҳаракатини кузатиб турган Смоғул, соққани қимизнинг ичига ташлаб юборганини кўриб қолган эди. У бир ирғиб чelакнинг олдига борди да, билагини шимарар-шимармас қопқора кир қўлини қимизнинг ичига тиқди. Қимизни шалаплатиб соққани излай бошлади. Енги ҳам қимизга ботиб, сузиб турар эди. Смоғулнинг тентаклигига жаҳли чиққан Абай Үспонни қўйиб уни тортмоқчи эди, Үспон Абайнинг қўлидан чиқиши блан, энгашиб қимиз кавлаётган Смоғулнинг елкасига муштлаб, юзи-кўзини қимизга ботирди да, яна хандон ташлаб кула бошлади. Смогул соққани тополмай, оғзи-бурнига қимиз кириб, қақалиб, энтикиб додлаганича ўриидан турди. У, аламига чидалмай, муштумини кўтариб, Үспонга ҳамла қилар экан:

— Ҳа сени!..— деб ярамас бир ҳақорат гапни айтиб юборди. У Үспоннинг ўрнига Улжонни ҳақорат қилган эди. Үспон аграйганича қотиб қолди, шошиб қолганидан Смоғулнинг нима деганини дурустроқ ҳам онглайлмади. Лекин Смоғул онасини ҳақорат қилганига Абайнинг қаттиқ жаҳли чиқиб:

— Ҳой, аҳмоқ!.. Үнинг онаси бўлса, сенинг ҳам онанг-ку. Буни кимдан ўргандинг, тўнғиз!— деб Смоғулни қулоқ чаккасига тортиб-тортиб юборди; шу жанжалларни бошлагани учун Үспонни ҳам ўлгунча урди. Шунинг блан иккала иниси додлаб, йиғлаганича, икки ёққа қараб кетди. Үспон бориб энасининг олдига ўзини таш-

лаганда, Смоғул ҳам юрганича ўз уйига, онасининг олдига кетган эди.

Смоғулнинг ҳалиги гапи Абайнинг кўнглига жуда қаттиқ теккан эди, ичидан онасига ачиниб, катта уйнинг ўртасида туриб қолди.

Бир нафасдан кейин бирдан яна Смоғулнинг йиғи товуши эшитилиб қолди. Кичик онаси Ойғиз шовқин солиб уни қарғамоқда эди. Ойғиз катта уйнинг эшигини қарс этиб очиб Смоғулни ичкари итариб юборди-да:

— Мана, еб қўяқолинглар! Талаб, титиб, гўштини еб қўяқолингларчи бу жувонмаргнинг! Биратўла еб қутилақолинглар! — деб ўдағайлаб Абайнинг олдига келди. Абай:

— Опа! — дейиши блан Ойғиз, уни оғиз очгали қўймай, тўкиб солди:

— Кучингга ишонасан-да! Бир онадан тўрт ўғилсан. Кучингга ишонасан!

— Опа дейман! .. Ҳеч бўлмаса нима деганини сўрасангиз-чи?

— Кераги йўқ! Эр етганингда сендан келадигани шу бўлади-да! Сен ҳам кундош баччалигингни қилаётисан.

— Вой, нима деяпсиз ўзингиз?

— Уриш яхши бўлса эртага Ҳалел ҳам ўқишдан келар, сенинг ҳам кунингни кўрсатар,— деб ўзининг русча ўқишда юрган ўғлини ҳам эслатиб қўйди.. .

— Енирим, она бўлиб сиздан чиққан ақл шуми опа?

— Ёқалашма, товушнингни чиқарма! Булар катта хотининг боласи, бошимиз кўкка етганда ҳам биз кичик хотин... Тепки емасак кун кўраолмаймиз... .

Абай ўз уйида ўз онасидан шундай адолатсизликни, шундай дағалликни кўрганига жони ўртаниб, ранги қумкув ўчиб, бўғилиб, титраб кетди, лекин кўз ёшини кўрсатмасликка тиришди.

— Ӯббо, қўйсангизчи қандай сиз ўзи? — деб дераза томонга бурилиб кетди. Оғзига келиб турган гап кўп бўлса ҳам айтталмади. Зере бу жанжалнинг ҳаммасини уқаолмаган бўлса ҳам Ойғизнинг авзойини, ўдағайлаб келганини кўриб, ғоят ғазабланди. Абайнинг қаттиқ ранжиганини ҳам пайқади. У Қамшотни ётқизиб, ўрнидан турди-да, келинининг олдига келиб, товушининг борича:

— Йўқол ҳозир! Болаларнинг ўртасига түшиб, совукчилик солиб нима деб алжиётисан! Чиқ, йўқол, жонинг борида! — деди.

Ойғиз кекса эндан ҳайиқиб, орқасига чекиәди-да:

— Кичик хотин демоқчисизлар, ҳаммаларинг бирикиб олиб туртиламоқчисизлар... Кўраман... Эртага келсинчи!— деди. У орқасида Қунанбой борлигини кўрсагиб қўймоқчи эди. Гўзал хотин эрига ёқади, шунинг учун унга орқа қиласди. Бу гапларни Зерега эшиттириб айтмаса ҳам, Абай эшитиб қўйсин деб айтди. Шу пайт Ойғизнинг орқасидан босинқи, солмоқли товуш эшитилди. Бу Улжоннинг товуши эди. Ўйга кирганига хийла вақт бўлган бўлсада, у, дамини чиқармай, қулоқ солиб турган эди.

— Бўлди, азизим, бас қил эди! Ёш болаларнинг олдида яхши эмас. Мен-ку буларни шундай нарсалардан четда тутиб келаётнман, бу нима қилганинг?— деди.

— Ул дейсанми энди?...

— Худо хайриягни бергур, бас қил! Бор! Сен блан айтишмоқчи эмасман. Қўй заҳринги сочма! Бўлди— деди тўғриликча.

Ойғиз Смоғулнинг қўлидан ушлаб, Улжонга ўқрайиб қаради-да, дамини чиқармай, чиқиб кетди.

Улжон астагина хўрсаниб, Ойғизнинг орқасидан қараб, бироз ўйланиб турди-да, устки кийимларини ечди, чўнтағидан чақмоқ тош олиб, тутатиб печканинг бурчагида турган шам'ни ёқди. Кучсизгина қизил шу'ла уй ичини ёритганда онаси Абайни ғоят қийналиб, бўғилиб, қовоғини солиб ўтирганини кўрди.

— Абайжон, нима бўлди, болам?

— Опа! Нега шу кичик опамдан ҳадеб шундай гаплар чиқаберади?— деди Абай ва онасининг оллига келди.

Боласи, катта кишилардек унинг ички сирларини сўраётир. Улжон бошқа болаларидан яширса ҳам, Абайдан яширгуси келмади, ёрилиб гапириди:

— Оҳ, болагинам, кундошнинг оти кундош-да. Шунчаки бу битмас жароҳатни сиртимизга юқтиргмаган бўлиб юраберамиз, бўлмаса менинг ҳам ичимда қандай дардлар, аламлар борлигини сен қаёқдан биласан?— деди.

Абай онасининг дардини онглагани блан бирор нарса дейишга сўз тополмади, индамасдан орқасига қараб кетди.

Шу чоқ эшикдан гангир-гунгир сўзлашиб, кулишиб Абайнинг акаси Такежон блан Фабитхон мулла кириб келди. Булар келиши блан уйга бир ушунудлик олиб киргандай бўлишди.

Такежон Абайдан икки ёш катта, кўп хушчақчақ, ас-
киячи йигит. Габитхоннинг ёши хийла улуғ бўлса ҳам,
Такежон блан тенгдош, ўртоқларча ҳазиллашиб, тегишиб
сўзлашаберар эди. Такежон мулланинг тилини эрмак
қилиб, кулиб келаётган эди. Габитхон татар йигити. У
бундан бирнеча йил муқаддам солдатдан қочиб қозоқлар
орасига, қарқарали қозоқларнинг ичига, Бертис элининг
ичидаги, Ирғизбойларнинг бир чатишиб кетган қарин-
дошининг овулига келган эди. Улар ўша йили Ўксенбой-
га ош берилганда, ошга келганларида уни ҳам бирга
олакелишган эди. Шунда Габитхонга:

— Сен бирорта катта одамнинг паноҳида бўлсанг ях-
ши бўлади,— деб Қунанбой блан таништириб, шунга топ-
шириб кетишган эди.

Габитхон ёш бўлса ҳам, илми етишган муллалардан
деб ҳисоблангани учун, Қунанбойнинг қўлида туриб қол-
ган.

У соддагина, камсухан, қозоқчани қизиқ қилиб сўзлай-
диган, кўп хуш фе'л одам. Бу овулнинг каттадан кичиги
уни жуда ҳурмат қилас, яхши кўрар эди. Ёлғиз Такежон-
гина унга тегажаклик қилас эди, холос. Габитхон сўнгги
кунларда ҳар кун кечқурун уй ичидагиларга «Минг бир
кеча» ҳикояларидан айтиб берарди.

Бугун ҳам кечки чойдан сўнг, Улжоннинг талаби бў-
йича, кеча давоми қолган бир қизиқ ҳикояни «Уч кўр»
ҳикоясини давом эттириди. Лекин у ҳикоя букун ҳам
тамом бўлмади, чала қолди, негаким, бир салт отлиқ
одамнинг дераза ёнидан тасирлатиб қаттиқ чопиб ўтган
товуш эшитилиб қолди. Ўйдагилар:

— Бу ким экан?

— Ким ўзи! Келиши бежо-ку?— деб, ҳайрон бўлиб
бир-бирларига қарашиб турганларида, эшикдан чопар
Жумагул кириб келди.

У, кўришиб бўлар-бўлмас гапни кеча Тўқмамбетда
бўлган уришдан бошлади. Ўзининг ҳам ўнг юзи жаро-
ҳатланган экан. Уни ҳам, кеча эрталабдан буён бўлган
ҳангомаларни ҳам батафсил айтиб берди. Зере ҳам
эшиксин деб товушининг борича сўзлади. Бўжейга дарра
урилганини ваҳмалироқ қилиб, бўрттириб, шодлиги ичига
сиғмай гапирди.

Зере Бўжейга дарра урилганини эшигандада, қовоғини
солганича, Жумагулга тикилиб, ғазаб блан қайтариб сў-
раб, анигини билиб олгандан кейин:

— Қадрдон, қимматдон эди. Ор-номусдан бутунлай айрилиб бўлган экансан жуванмарг бўлгур, яна нима деб бола-чақанинг олдидা уни достон қилаётисан?— деб Жумагулни жеркиб ташлади.

Уйдагиларнинг ҳаммаси Бўжейни ғоят ҳурмат қилиб, яқин кўрганиданми ё кекса энасининг сўзига бўлами, ҳарқалай қандайдир чўчинқиброқ жим бўлиб қолишиди.

Отасининг бу ишини хурсанд бўлиб қарши олган, фақат Такежон бўлди, у:

— Ажаб бўлибди, оёққа болта урмасин, билиб қўй-сан!— деди. Улжон унга ҳўмрайиб:

— Бўлди, кўп биқсими! Бошқаларнинг қилаётгани ҳам етар! — деди. Бу гапларни Жумагул блан кетма-кет кириб келган кекса чўбон Сотой ҳам эшигтанг эди.

Бироздан кейин у, қундузи қўй яйлатиб юрган чогида кўрган бир ишни айтди. Букун туш пайтида Бўжей, Бойсол, Бойдалилар бошлиқ ўнтача одам, атайин келиб, Қенгирбойнинг қабрини зиёрат қилиб, қур'он ўқиб, хийла вақт ғамгин ўтирганларидан кейин кун ботиш томонга— Шунай томонга қараб кетишипти.

Сотой уларнинг от боқарларидан бири блан сўзлашиб қолган экан, у:

— Бўжейлар Қунанбойнинг устидан арз қилгали обласъга — Қарқаралига кетаётир, шунинг учун, сафарга чиқиш олдидан, отасининг арвоҳини йўқлаб, ундан мадад тилаб, сўнг йўлга чиқишмоқчи,— деди.

Шундан кейин Жумагул ҳам ўзининг қандай иш блан келганини айтди. Қунанбой Абайни айтиб кел, деб юборган экан. Қунанбой ҳам эртага Қарқаралига жўнамоқчи экан, Абай ҳам бирга борсин деб айтиб юборипти.

Бу хабарни эшигтанда уйдагиларнинг ҳаммаси жим бўлиб, ўйланиб қолишиди.

Эртасига туш пайтида, яқин одамларнинг ҳаммаси, Абайни йироқ сафарга жўнатгали эшикка чиқишиди. Жумагул семиз саман отга кумуш қадаб ишланган эгар жобдиқ уриб, Абайни миндирмоқчи бўлиб, жиловидан ушлаб турган экан, Абай аввало кекса энаси блан хайрлашиб:

— Хайр, эна! — деб икки қўли блан энасининг бужмайиб қолган озғин қўлини қисди. Энаси Абайнинг пешонасига юзини қўйиб туриб:

— Арвоҳлар ёр бўлсин, оқ йўл берсин! Абай жоним! — деди.

Абай бошқаларга йироқдангина: «Хайр-хайр» деб, отга томон юрган эди, онаси отнинг жиловини Жумагулнинг қўлидан олиб, Абайга:

— Кел!— деди-да, бисмилло, деб қўлтиғидан олиб отга ўзи миндирди.

Абай отга қўниб, жўнамоқчи бўлиб, барини тиззаси блан қимтиган эди, Улжон ўзининг узун-узун оппоқ бармоқларини саман отнинг ёлига қўйди, айтадиган бир гани бордай кўринди. Абай шуни онглаб, онасининг юзига қараганда, Улжон унинг кўзларига бироз тикилиб туриб:

— Болам, катталар бирда тотув, бирда араз бўлаберади «кундошнинг кули ҳам кундош» деган гапга сен риоя қилма. Бўжекангни кўрганингда яхшилаб салом бер. Бир вақтлар қадрдонинг, яқин одаминг эди. Ким яхши, ким ёмон — сен қаёқдан биласан? Отанг душман деса, сен одил бўл! Ёмонлик кимнинг қўлидан келмайди. Иш қилиб жон куярдан айрилма!— деди.

Абай жўнади. Бирнеча марта айланиб, орқасига қараганда, оналари уйга кириб кетмай, қараб туришган эди. Онасининг сўнгги сўзлари ҳали ҳам қулоғига эшити-лаётгандай бўлди. Бўжейга ғоят раҳми келиб, ичи ачиdi.

2

Абай отаси блан Қарқаралида турганига кўп бўлди. Қаҳратон қиш, қор қалин тушган эди.

Қунанбой кичкина шаҳарнинг ўртасидаги кўк тунука томлик катта ёғоч уйга тушган. Бу қозоқлар суҳбатини яхши кўрадиган, меҳмондўст бир татарнинг уйи эди.

Оғасултон шаҳарга бирқанча қариндошларини, бирқанча одамларини эргаштириб келган. Қунанбой тушган уйнинг орқасидаги уч-тўрт кўчадаги уйларга ўз тўпи блан ўрнашиб олган Мойбосар, Жақиб, Қоратой сингари Қунанбойга қарашлик одамлар бор. Яна кечаю-кундуз Қунанбой блан Мойбосар тушган уйда бўладиган тилмоchlар, навкарлар, Мойбосарга қарашлик чопарлар — Қамишиб, Жумагуллардан ташқари, Қунанбойнинг чопари Қорабос ҳам бор эди.

Қунанбойнинг йигитлари кўринишда шаҳарлилардан тамом ажralиб турар эди.

Қунанбойнинг атрофида татарлардан Габитхондек, қирғизлардан Изикуттидек, хўжалардан Бердихўжадек, ҳатто ёлғиз ярим келган черкаслар ҳам бор эди.

Қунанбойнинг ўттиз чоқли йигитлари саккиз уйни

олиб ётишарди. Худди Тўбуқтунинг бир овули Каракара-лининг ўртасига кўчиб келгандай бўлиб қолди. Абай отасининг олдидаги зерикаб қолгундай бўлса, бир бошдан шу уйларга бориб, ўзига эрмак топиб келарди.

Букун ҳам Абай нонуштадан кейин отасининг олди-дан чиқиб, Мойбосар тушган уйга қараб кетди. Қарақлаб қўёш чиқиб турарди. Қарқаралининг атрофини ўраб турган тепаликлар оппоқ қор блан қопланган, ялтираб ётарди. Тоғдаги қарағайларни ҳам момиқдек қор босган. Ҳозир дарахтлик тоғлар Абайнинг кўзига оқ тўнининг тескарисини кийиб олган чолга ўхшаб кўрниарди. Совуқ қаҳри-заҳрига олиб, шимолдан билинар-билинмас совуқ ел эсиб турарди. Абай тулки тумогининг бофини бойларкан, энасини эсига олди. Жўнаётган чоғида у: «тумогининг бофини боғлаб юр, қулоғингдан санчиқ турса ёмон бўлади. Мана, кўриб ўтирибман-ку» деб ўзининг қулоғи-ни кўрсатган эди.

— Узининг соғлиги қандай экан? Айниқса совуқ бў-рон бўлаётган кунларда мени эслаётгандир! — деб, Абай Жидебойдагиларнинг ҳаммасини эсига олди; ўзи ҳам оналарини соғингая эди.

Усти музлаб қолган қаттиқ қор оёқ остида қисирлар, Абайнинг оёғидаги ихчам қилиб тикилган янги қора этиги, музлаб қолган қорда тийғаниб-тийғаниб кетарди. Абай энди ёш болалардек эмас, йигитчалардек кийинган: бошида қора баҳмал сирилган тулки тумоқ. Катталар почта тумоқ кийса, сўнгги йилларда йигитчаларга, шу сингари, тулки тумоқ расм бўлган эди. Устига тийин пўстин, устидан ихчам қилиб тикилган кумуш ранг товланиб турадиган қора баҳмал тўн кийган. Қўлтиғини кенг ўйиб, енгини узун қилиб тикиладиган тўнни шу қарқаралик қозоқларгина кийишади. Буларнинг ёқаси ҳам бошқача бўлади. Қарқаралиларнинг тумоги ҳам бошқача. Уларнинг тумоги Тўбуқтиларнинг тумоғидек олти карж бўлмай, тўрт карж қилиб тикилади. Абайнинг бошида ҳам ўша ўз элининг тумоги, белида қайиш камар эмас, яшил қийиқча. Бу ҳам йигитчалик аломати.

Абай кўчада тўп-тўп бўлиб ўтиб бораётган салт отлиқларни — овлу одамларини кўрди. Буларнинг кўпчилиги Қунанбойнинг олдига келаётган одамлар. Кундагидек эртадан-кечгача улуғнинг уйида ғужғон ўйнайдиган мансабдорлар, да'вогарлар, арэ қилгали келганлар.

Абай, Мойбосар тушган уйга етди. Дарвозадан кири-

ши блан бостирманинг тагида турган бир гала Тўбуқтиларга кўзи тушди. Буларнинг ичида бегона одам йўқ, ҳаммаси ҳам ўзи биладиган одамлар, қариндошлар, каталар эди. Буларнинг ўртасида санг-санг тўнини елкасига солиб, қизил магиздан келган Мойбосар ва унинг ёнида Жақиб, Тўлепберди яна бирнече ёш йигитлар туришган эди. Бошқа уйларга тушган Тўбуқтиларнинг ҳаммаси шу ерга жам' бўлишган экан.

Қозоқбой, Жумагул, Тўлепберди, Бурахон тўртталаси, ёли қулогидан ошадиган кулранг ғуонни йиқитиш ҳаракатида эди. Қарқаралига келганларидан буён тўп-тўгаракдан «Қунанбойнинг насибаси, тортиқ» деган ном остида семиз қўй, сўқимга боқилган биялар, онаси қисир колиб, сут эмиб юрган семиз тойлар келаётганидан Абайнинг хабари бор эди. Афтидан, Мойбосар бир семиз молки сўйиб, ўз тўпи блан нажир қилмоқчи бўлса керак.

Ирғизбойлар Қарқаралига келаётганда йўлда ҳам, шаҳарда ҳам шу сингари иззат-икромни кўп кўришаётган эди.

Улар, ичидан, ўзларини ўзга қозоқларга нисбатан бундай кунларга, иззат-икромга етиширган Қунанбайдан ғоят миннатдор эди. Кулранг ғунаннинг семизлигини кўриб, Қунанбайдан яна ҳам миннатдор бўлишди. Шундай пайтлардаги одатлари бўйича «Мирзани» яна оғизларига олишиди.

— Шу гал Мирзанинг обрўйи бошқача бўлаётир-ку!— деб, Жақиб гап бошлади.

Кейинги кунларда Оғасултон Қунанбойни, Қарқаралидаги арз қилгали келадиганларга қўшилиб Тўбуқтиларнинг ўзлари ҳам «Мирза» деб аташарди.

— Кўралмаган куйиб ўлсин! Эртага мачит ҳам битай деяпти... Бутун халқнинг муҳаббати бизнинг Мирзага оғди десангчи,— деди Мойбосар гердайнib.

— Мачитнинг ўзи ҳам шундай мачит бўлиптики, астн қўяберинг!.. Узи ҳам Қарқарали кўрмаган шани-шавкат бўлди-да...—дэйишиб Бурахон, Тўлепбердилар ҳам хурсанд бўлишди.

Абай Қарқаралига келгандан буён «мачит» деган гапни отасининг оғзидан ҳам, бошқа мансабдорларнинг оғзидан ҳам кўп эшитаётган эди. У отасининг кўпнинг оғзига тушиб, донгги кетиб, обрўйи опшишига сабаб ҳам шу мачит эканлигини яхши биларди.

Қунанбой ўтган йил ёздан буён шу атрофдаги энг биринчи мачитни шу Қарқаралига ўз кучи блан солдира-

ўтган эди. Ўша мачит бугун битган экан. Шаҳардаги муллалар, эллининг казо-казолари шу мачитни солдиргани учун Қунанбойни кўп та'риф қилишар эди.

Бундан икки-уч кун муқаддам Қунанбойнинг олдига келиб кетган домла-имом мулла Ҳасан Саратов ҳам:

— Қора халқдан хон туғилган ўзингсан... Мачитнинг каломи шарифдаги бир қисми Байтилло... худойи таборак ва таолонинг уйи... Уни нодон халқ, авом саҳроликларнинг ичига солдирдинг. Яратгучи эгамнинг севикли бандаларидан биттаси бўларсан. Иншоолло... — деб, кўп мансабдорлар, старшинлар, улуғларнинг олдида дуо қилган эди... Бу дун'ёсини ҳам, у дун'ёсини ҳам ёрлақаган ҳазрат қайтиб кетаётган чоғида Қунанбой унга бир от, бир түя бериб, уйига кузатдириб қўйган эди.

Абай ўз отасини бошқа мансабдорларга инсбатан кучи ҳам, халққа та'сири ҳам зўр эканлигини сезарди. Ҳозир Абай отасига синчилкаб қараб, разм солиб, унинг бунга қандай эришганини билгиси келарди. Броқ бирга юриб, бирга турадиган бўлганидан бери отаси кўзига бир муаммодай кўринабошлади.

Кулранг ғуноннинг гўштини сархил-сархил жойлари ошхонага жўнатилди. Бошқа ўйларга тушган Тўбуқтиларнинг ҳаммаси Мойбосар ҳозирлаётган тушлик овқатга келишмоқда. Шунинг учун ҳовлида кирди-чиқди кўпайиб қолган эди. Келган одамларни Мойбосар уйга бошлаб, энди бемалол ўтиришмоқчи бўлган пайтда дарвоза очилиб, Қорабос кириб келди. У шошилганича келаёттир. Мойбосар тўхтаб, уни кутиб турди. Қорабос яқинлашиб келиши блан:

— Олшекенг келади... Ҳозир Мирзанинг олдига Олшекенг келади дейишаётир. Шунга Мирза сизларни айтиб кел деб юборди... Қани дарров бўлинглар! — деди, Мойбосар блан Жақибга қараб.

Мойбосар дарҳол тўнининг енгини кийиб, дарвозага қараб юрди. Жақиб ҳам унинг блан бирга кетди. Абай бошқалар блан қолмоқчи бўлган эди, Мойбосар орқасига қайрилиб:

— Абай, юр сан ҳам!.. Қайнатанг-ку, қайнатангга салом беріб кел! — деб уни эрмак қилаётгандай қиқирилаб кулди.

Бундан икки йил муқаддам Қунанбой блан Олшинбойнинг дўстлиги қудаликка айланниб, шу Олшинбойнинг

Тусип деган ўғлининг Дилда деган қизини Абайга бўлишиб қўйишган эди.

Қунанбой Қарқаралига келгандан буён, Олшинбой бирнеча мартаба келиб меҳмон бўлиб кетди. Бу атрофдаги бор мансабдорларнинг ичидаги Олшинбойнинг номи ўзгача бир донг чиқарган. Уни Олшинбой деб атайдиган одамни, Абай хали учратган эмас, уни фақат «Олшепенг» дейилади. Бу ўлкада Қунанбойнинг номига тенглашадиган ягона ном шунинг номи...

Унинг авлод-аждодини ҳам бутун Тўбуқти, бор қарқараликлар «Қоракўк»¹ деб аташарди. Олшинбой машҳур Тиленшибийнинг ўғли. Унинг отаси Қозбекбий шуларга қараганда, Абайнинг қаллиги Дилда демак, бир теги-тахтлик, отоқлик ернинг боласи. Бу қаллиқчанинг қалин моли ҳам унча-мунча бўлмаса керак, негаким Қунанбой овудидан Қарқаралига юбориладиган тўп-тўп от, туялар аксари шу Олшинбойнинг овулига юборилар эди. Уларнинг фақатгина шу қудоликларими ё ундан бошқа илинжалари ҳам борми ҳарқалай, Олшинбой блан Қунанбой орасидан қил ўтмас эди.

Олшинбойнинг номини эшигандан, Мойбосар блан Жақибларнинг йўрғалаб қолишларининг сабаби шу эди.

Лекин Абай бор ерда Олшинбойнинг номи аталадиган бўлса, Мойбосар нуқул уни уялтириб:

— Шу киши сизнинг қайнотангиз бўладилар! Бу атрофнинг энг йўғон устуни шу киши. Устларига бостириб кирманг!.. Кирганингизда та'зим қилинг! — деб, тегажаклик қиласерар эди.

Абай Мойбосарнинг шу хилда эрмак қилиб кулишидан сиқилиб Олшинбайдан ўзини тортиб юради. Лекин ўтган сафар Қунанбой блан Олшинбой Абайни жўрттага чақириб олиб: «Уялма» дейишид... Иигит бўлдим, деб юрган чоғида, уни овулдаги келинчакларга ўхшаб, уялиб, қисилиб-қимтинишига мажбур қиласерадиган Олшинбой номини Абай у қадар хуш кўрмас эди.

Мана энди Мойбосар, Тўлепбердилар ёки чопар Жумагул сингари гапдан оғзи ҳормайдиган, ҳазилкашлар «куёв», «қаллик», «қуда томон» деб унга Дилдани эслатаберишларининг ўзи уни Дилдани йўлласа, кўнгли кетадиган қилиб қўйган эди.

Ҳозир уч-тўрт киши бўлиб, кўчада кетаётганларида ҳам Мойбосар Абайга қараб жиддийлик блан:

¹ Пойгада ютиб чиққан, зўр ҳурматни билдирадиган лақаб.

— Мана бу мачитнинг тўйи ўтиб, жиндак қўл бўшасин, шундан кейин сенга айтадиган бир жиддий гапим бор... Унақа енгиллик қилма, ёш боламисан, шукур зин-ғиртдек азамат йигит бўлиб ҳолдинг... Олшинбойнинг овулига бекорга мол берадиган дейсанми буёқдагиларни? Шу гал Қарқаралидан қайтишда сенга айтадиган бир гап бор,— деди. Абай қовоғини солди-ю, индамай қўяқолди, ичидан Мойбосарнинг нима демоқчи бўлаётганини сезиб турад, лекин асло кўнгиси келмас эди.

Унга Қорабос:

— Айтаман, айтаман, деб илинтириб юрмасдан «гап шу» деб қўяқолсангчи. Хаёлингда Абай билмайди деяпсанми? Бунинг балони билади!— деди.

— Кўйинг, Қораака, қўйсангизчи! Шу гап, шу маҳташларингизни қўйсангиз менга от миндиргандай бўлар эдингиз,— деб Абай Қорабоснинг елкасига осилди. У Қорабоснинг фе'лини, ширин сўзлигини яхши кўради. Шунинг учун ҳам тортинаасдан унга эркалик қиласерар эди.

— Шошмай тур, ҳали иш битсин... Айтганим айтган... Ҳали сен блан бир гаплашаман, гаплашганда ҳам ҳазилакам гаплашмайман!— деб, Мойбосар ҳалиги гапнинг тегида кўп гап борлигини сездирабошлиди.

«Бу гапларни отам блан маслаҳатлашиб айтадигай бўлса керак-да!— деб ўйлади Абай,— Унда бу гап ҳазил эмас, чин бўлади-ку, қандай бало бўлди ўзи»— деб кайфи учиб кетди... Нимагадир шу тўғрида гап очилди дегунча, ҳақиқатан ҳам Абайнинг заҳраси учиб кетарди... Булар шундай қилган сайин Дилдадан кўнгли совиб борарди. Унинг номи Абайга гўё бир хил зўрлик ифодасидай туюларди.

Бундай вақтларда Абай қовоғини солиб ялт этиб қараб қўярдию, лекин ботиниб Мойбосардек оғанинг юзига қаттиқ гап айттолмас эди...

Шу пайтда улар Қунанбой тушган уйга етиб, ҳовлига киришди. Ўпир-тўпир қилиб юрган отлиқ ва яёв одамлар ҳовлининг юзини тутиб кетган экан. Катта ҳовлининг ҳарқат-ҳарқатида да'вогарлар бештадан, ўнтадан бўлиб, добра қуриб сўзлашиб ўтиришар эди: «Тергов, бийлик, фатво, шарт, айб, гина, уруш, яраш...» Тўда-тўда бўлиб ўтирганларнинг кўпчилиги тумоғлари, тўнларига қараганда Бўшон элининг одамига ўхшарди. Буларнинг ичидаги Балхаш бўйидан келган Додон Элининг одамлари,

Тўбуқтиларнинг чопони ёки Доғонди, Керейларнинг жуён чакмони, чўқчи тумоғи ҳам кўриниб қоларди.

Бу кенг ҳовлидаги тўпларнинг қайси уурдан эканлиғини кийимларидан ташқари яна бир аломатларидан аниқ билиш мумкин. Кеча Қорабос Абайга ҳар қабиланинг отига босадиган тамғасини айтиб берган эди. Абай ҳовлидан ўтиб бораркан, ҳар тўпнинг олдида боғлақлик турган отларнинг сонидаги тамғасига диққат қилиб борар эди. Ана «Кўз тамға», икки доиралик тамға босилган отлар — Оргинлар блан Бўшанларнинг оти, мана бу «ашамай» тамға босилган отлар — Керейларнинг оти. Ана у кўк от-чи — Ҳа, бунга «шўмиш» тамға босилган — наймонларнинг оти экан, «Бу ерда наймонлар ҳам бор экан-да!» деб ўйлади Абай. Икки ерда араб алифбеси «нинг «шин» ҳарфига ўхшаш тамға босилган отни — киборларнинг отини ҳам кўрди. Абай ҳовлида бироз айланнишиб, шуларни тамошо қилмоқчи эди, лекин катталар тўхтамасдан уйга киришди. Жақиб олдин бориб, Қунанбой ўтирган уйнинг эшигини очди. Уч-тўрт киши баравар кириб салом беришди. Катта, ёруғ уйнинг остонасидан тўригача қимматли қизил гилам солинган. Уйнинг тўрт томон деворига, шаҳар одати бўйича, қимматли поча пўстинлар илинганди. Кашта тикилган чойшаблар, жойнамозлар тутилган. Кўрпа-тушак, момиқ ястиқлар блан безатилган. Букланадиган катта хон таҳтанинг икки томонида Олшинбой блан Қунанбой катта-катта, оппоқ ястиқларга ёнбошлишиб ўтиришган экан. Келгаялар салом берганларида Олшинбой блан Қунанбой тилар-тилас мас лабларини қимирлатиб, зўрға алиқ олишди.

Келганлар Олшинбой блан Қунанбойнинг икки томонини олиб ўтиришди. Олшинбой нима ҳақидадир сўзлаётган экан, буларга қараб сўзини бўлиб, тўхтаб қолди. Қунанбой: «Гапираберинг» дегандай ишора қилди.

Барваста келган, икки юзи қипқизил, оппоқ соқоллик Олшинбой қора камэулининг устидан поча пўстинини елкасига ташлаб ўтиради. Бошида кулранг дўппи-қозоқ тақияси. Дўппининг икки томонидан бошидаги гардиш-гардиш ялтироқ този кўриниб турарди. Яқинда қирдирган оппоқ сочи чиқиб келаётган бўлса ҳам, унинг тозини яшираолмасди.

Олшинбой эшикка қараб ўтириб, катта қирра бурнини кўтариб сўзида давом этиб:

— Боймуриннинг ўзи ҳам қовоқ-думоғ қилиб, гапиргу-

си келмайди. .— деган эди, Қунанбой бошини кўтариб, Олшинбойга қаради. Олшинбой зардаси қайнаб кетган Қунанбойнинг юзига тикилиб:

— «Бўжейни зиёфатга айтсам Қунанбой ёқтирумайди, Тўбуқти қачондан бери менинг қозонимга хўжайин бўлиб қолди» дейди,— деди.

— Боймурин унинг ёнини олишининг важи нима экан, шуни айтдими? .— деди Қунанбой.

Абай сўз нима тўғрисида кетаётганини яхши биларди. Утган куни отаси шу Олшинбой блан анча вақт сухбатлашиб ўтиргандан кейин, ниҳоят ундан Бўжейга бир совуқ гап айтиб юборган эди. У «Бўжей арз қилиб, оғимдан олишини қўйсин! Акс ҳолда сур чопонини кийдириб¹, бўйини газлатиб² ҳайдатиб юборилмагунча қўймайман!» деган эди. Қунанбой блан Бўжейнинг ўртасидаги келишмовчиликни битириш масаласи Олшинбой блан шу Қарқарали қозоқларнинг яна бир устуни бўлган Боймурин орқали олиб борилаётган эди.

Бугун Олшинбой у томондаги гапнинг ҳозирги чўққиси қай томонга қийшайганидан Қунанбойни хабардор қилгали келган бўлса керак.

Боймуриннинг Бўжейни қўллаб юришини Қунанбой фақат ҳалиги гапдан эмас, бошқа вақтларда ҳам билиб юрар эди. Қунанбой Боймуринга э'тибор қилмас, унинг асосий душмани Боймурин эмас эди. Ранжиса ранжий берсин, унинг ранжиши оғир келса, Олшинбойга оғир келади. Иккинчидан Олшинбой «сени деб қариндошим Боймурин блан ўртамизга низо' тушди» деб Қунанбойга ола қарамайди.

Сўнгги йилларда Қунанбой блан Олшинбойнинг бирбирига бўлган садоқати бирнеча бор синалган. Қариндошдан ҳам қудалик дўстлик ширинроқ келиб иккаласи ҳам унча-мунча ранжларни кўтариб кета берадиган бўлиб қолишган. Шунинг учун аввалги сўзини ўша ҳоли-ча қолдириб, Олшинбой Қунанбой кутаётган жавобга кўчди.

— Аввал унинг жавобини айтайин, кейин бир маслаҳати бўлар. Бўжей сенинг ўша гапнингга енгиллик қилиб, ўйламасдан жавоб берибди. «Сур чопонни бизнинг Мир-

¹ Сур чопон — маҳбус кийни.

² Бўйини газлатиб — кафанини қўлига бериб юбораман деган ма'нода.

за бичган эмас, худо бичган. Уни кимга буюришини ҳали
кўрармиш...» дебди. Унинг қўлтуғига ё Боймурин ё яна
бошқа бир одам сув пуркаётгани бўлса керак!

Бу жавобни эшигандан, боядан бўён жимгина ўйланиб
ўтирган Мойбосар, Жақиблар сесканиб кетиб бақрайиб
қолишди.

Ичларида: «Бу қандай қутириш? Бунга бир бало
бўлганми ўзи! Харом ўлайнин деган экансан!.. Ўз ува-
линг ўзингга» дейипди.

Абай ҳам Бўжейнинг қандай жавоб беришинга интиқ
эди. Ҳалиги Олшинбой айтган гапга у ҳам ҳайрон қолди.
Ичидан: «Бу қандай алам, қандай ўртанишдан туғилган
гап экан?.. Яна қандай мардлик-а?» деб ўйлади.

Қунанбой бу қайсарлик блан берилган жавобни эшиг-
гандан бошини кўтариб, ягона кўзи блан қаршисидаги
деразага тикилганича қотиб қолди. Унинг қонсиз юзи
қаттиқ ғазабдан бўғилиб, қорамтири товлаб бораётгандай
кўринар эди.

У на бир товуш, на бир ҳаракат, на бир сўз блап сир
бермади. Ҳаммасини ичига солиб, бўғилиб, дамини чи-
қармаганича ўтираберди. Унинг юзига ён томондан икки
марта қараб қўйган Олшинбой ҳайрон бўлиб, ичида Қу-
ванбойга қойил қолди.

«Ичидা, ҳаммаси ичиди! Юраги эт эмас, тош бўлса
керак!..» деб қўйди Олшинбой ўзича. У бошқа мансаб-
дорлар ичиди Қунанбойга ўзгача баҳо берганида Қунан-
бойниң мана шундай пайтларда ўзини ғоят тутабилиши,
ўзгача бир саботини кўзда тутиб берган эди.

Ўйни сукунат босди. Ҳали даҳлизда қолган Қорабоо
астагина эшикни очиб, оёғининг уни блап битта-битта бо-
сиб келиб:

— Майор келибди, мирза, сизга келган экан,— деди.

Қунанбой шунда ҳам пинагини бузмай ўтираберди.
Бироздан кейин эшик очилиб, барваста келган майор
кириб келди. Унинг ёнида қотмагина, ранги пиноҳдек,
тўққи соқол қозоқ тилмоч Қасқа ҳам бор эди. Бу тилмоч
бу ерга кечаю-кундуз келиб-кетиб турарди.

Майор, Қунанбой ва Олшинбойлар блан қўл бериб
сўрашди-да, Қунанбойниң рўпарасида турган стулга
ўтиради. Унинг катта-катта мовий кўзлари сал ғилайлашиб
қаради. Унинг юзи-кўзини жингалак сапсариф соқол
босган. Гардани қипқизил бўлиб, икки қатланиб турарди.
Буни қозоқлар ўз оти блан атамай, ўзга майорлар синъ

тари, кўринишидаги аломатлари блан атарди. Бошқа майорларни битта аломати блан: «чиройлик майор», «семиз майор» деб ёки сепкилига қараб «сепкилли майор» дейишса, бунинг неча хил сифати бўлса ҳаммаси блан аташарди. Ба'зан «ғилай майор», ба'зан «жун майор», ба'зан «пишган бош майор» ҳам дейишарди. Қунанбой блан Олшинбай атрофидагилар уни ақли кам деганга ишора қилиб «пишган бош майор» дейишарди. Бу майор Қунанбоянинг айтганига юрабермас, ўз ихтиёри, ўз йўли блан иш тутар, шунинг учун ҳам Қунанбояга ёқмас эди.

Қарқарали округининг бутун инон-ихтиёри, амр-фармони Қунанбой блан шу майорнинг қўлида. Қозоқлар округни «дуан» деб, буларни дуанбоши дейишарди. Қунанбой округнинг бошқаручиси бўлиб, бу майор унинг ўринбосари эди. Шунинг учун Қунанбояни Оғасултон ҳам дейишарди. Учинчи бир кишини кичксултон дейишарди. У ҳозир шаҳарда эмас эди.

Майор ҳозир Қунанбоянинг олдига Бўжей масаласи блан келган эди. Қунанбой Бўжейнинг жавобини эшишиб. Ғазабидан чатнагудай бўлиб ўтирган пайтда, бу майорнинг келиб қолиши айни муддао бўлди.

Шундай пайтларда Қунанбой, ортиқча такаллуфларга бориб ўтирмасдан, тўғридан-тўғри ишга бошлар эди. Ўша одатини қилиб дарҳол гап бошлади:

— Майор, сен Тўбуқти авлодидан эмас әдинг-ку. Қарқаралига келганингдан буён жигарларингни топиб олганга ўхшайсан, ҳарқалай Бўжейни ҳайдатиш керак. қогозларини тўғрила деган эдим. Шу ишни хўп чўздинг. Ўнга жон куяр бўлиб қолдинг, жигарингми нима бало? .— деди.

Қунанбой ягона кўзини майордан олмай, ўқдек қадаб, заҳарини сочиб турарди. Майор: «Таржима қил» деб, тилмочга қаради.

Қасқа тилмоч иккиланиб бир Қунанбояга, бир майорга қаради; чўкка тушиб ўтирган жойида тіпирчилаб қолди. Бир томондан рус тилини унча яхши билмагани бўлса, иккинчидан икки улуғнинг бир-бирига айттаётган қаттиқ гапини тўппа-тўғри етказишида иккиланаётгандай эди. Гоҳ ер чизиб, гоҳ ўзини ўёққа-буёққа таiplаб, нима қилишини билмай қолди.

Қунанбой бунинг сўз бошлайолмаётганини кўриб, тувақиб кетди-да:

— Ҳой, тилмоч, айтган гапимни батамом етказ-чи шунга!.. Иининг оғзида ўтирган сўфи тўрғайдек мунча думингни липиллатасан!..— деди.

Мойбосар «тўрғай» деганда кулиб юборди да, Қунанбойнинг ғазабли чеҳрасига қараб дарров ўзини тутди. Лекин ич-ичидан кулгиси қистаб, ўлаёзиб ўтиради. Бу ўхшатиш Абайга ҳам ғоят қизиқ туйилди.. унинг кўз олдига қарчиға солиб юрган пайтларнда кўрган, иининг оғзида думини қоқиб, ҳали уёққа, ҳали буёққа айланиб турадиган шақ-шақ келган эди. Ҳақиқатда ҳам бу шўрлик тилмоч ҳозир худди ўшанга ўхшарди. Лекин бўлаётган гап ҳазил гап эмас. Кулгининг ўрии эмас. Абай Мойбосарнинг ҳалигидай енгиллик қилиб, кулиб қўйиб, кейин ҳижолат тортганини пайқаб ўзини босиб олди.

Ниҳоят тилмоч қийнала-қийнала бутун гапни майорга тушунтириб берди. Майор шошмасдан, йўғон товушини барада қўйиб, гап бошлади. .

— Бизларга ҳокимлик кеки бўлган одамдан ўч олиш учун берштаган эмас. Бўжей Ералиновдан тушган қофоз кўп, текшириш керак! Яна унинг тарафдорлари ҳам кўп. Уни ҳайдатма, шошмай тур!

Шундан кейин иккаласи гап талашиб айтишиб кетишиди.

— Шундай қилиб, бизларни олишитириб қараб ўтироқчисанку! Мақсадинг шу!— деди Қунанбой.

— Мен ўзимча қилаётганим йўқ... Оғасултон бўлиб келган Қусбек, Жомантойларнинг ҳам фикри шу. Ҳатто мана бу Олшинбой биладиган Боймурин ҳам шу фикрда...

— Улар ким? Битта-яримта!.. Озчилик! Яна кўралмаганидан шундай қилаёттир. Кўп элнинг кўп мансабдорлари менинг сўзимни ма'қуллаёттир. Ўзинг ҳам кўриб турибсан-ку, ё шундай эмасми?

— Озчилик бўлса бўлаберсин, лекин қонун — подшоҳликнинг қонуни шуларнинг гапига ҳам қулоқ солади. Үшаларнинг сўзи ҳам юқорига, улуғга етади-да!

— Етказадиган сансан-да! Айборнинг ёнини олиб ўтирганингдан кейни, дуан ошиб, уларга бормайдими!

— Қунанбой мирза, сен ундан қилиб мени айблама! Бунинг ўзи икки юзлама ханжарга ўхшаган иш.

— Биламан, мақсадинг нима эканлигини яхши биламан!

— Оғасултон ўрнингизни унутманг!.. Сизни ҳам, мени ҳам корпус сайлаган,— деб майор трубкасини туатиб уйнинг у ботидан бу бошига юрабошлади. Майор ҳам, жаҳли чиқиб, қипқизариб, бўғилиб кетган эди.

Қунанбой яна бир нарса демоқчи эди, Олшинбой йўл бермади. Дуан бошлиқларининг гали шу таҳлитда давом этадиган бўлса, урушиб кетишлари турган гап эди. Бу беҳуда иш бўлар эди. Олшинбой бундай ишга йўл қўйинши тўғри келмайди. Қунанбой учун ҳам, ўзи учун ҳам зарарлик бўлиб чиқади... У боядан бўён хон тахтага тирсагини тираганича, қимирламай ўтирган эди, энди ўзини орқага ташлаб, қаддини ростлади-да:

— Ҳой, мираз! Ҳой, майор! Сабр қилинглар-чи! — деди.

Олшинбой блан фақат Қунанбойгина эмас, майор ҳам ҳисоблашар эди. Кўп оғир ишларни шунинг блан бирга битиришган. Шу кунга қадар бир-бирларига қошдан қовоқ қайтаришмаган. Яна Олшинбой ўзи улуғ бўлмаса ҳам, ҳақиқатга келганда кўп-кўп старшинлар, ҳатто Оғасултон саловчиларнинг ҳам энг зўри деб саналар эди. Буни майор ҳам яхши билади. Олшинбой блан ҳисоблашмай илож йўқ. Олшинбой сўз қотганда, уёқдан-буёққа юраётган майор тўхтаб, ер остидан Қунанбойга бир назар ташлади. Афтидан, Қунанбой ҳам Олшинбойнинг сўзига қулоқ соладиган.

Тутақиб, нафаси оғзига тиқилиб келган майор стулга ўтириди.

— Улуғлар, сизлар бунақангги ман-манллик қилманглар!.. Яхши эмас!— деб Олшинбой гап бошлаши блан Қасқа тилмоч майорга қараб бор вужуди блан букилиб, тушунтира бошлади:

— Бирингиз бирингизга суюнчиқсиз. Фақат аҳил бўлсангизгина элни бийлайсиз. Аҳил бўлмасангиз нимани бийлайсиз. Ўзингиз блан ўзингиз овора бўлиб юрт ҳам қолади, иш ҳам қолади. Қелишиб ишланглар. Ўзаро келишаолмасангиз биз сингари ўртадаги, холис одамнинг сўзига қудоқ солинглар. Менинг сизларга айтадиган гапим шу! — деб, иккала улуғга ҳам бир-бир қараб қўйди. Энди буларнинг ўзини босиб олганини кўриб, Олшинбой давом этди. Энди, Бўжей масаласига келсак,— деб, Қунанбой томонга энгашти — мен шу иш юзасидан келган эдим. Қани майор энди шу ишни буқун кечга қадар тўхтатиб туришга рухсат беринглар-чи менга! Сизлар икка-

лангиз ҳам шу гапни ҳозирча тўхтатиб туришга розилик берасизларми?

Олшинбой сўзлаётган пайтда Қорабос даҳлиздан сирланган чуқур сариқ чорада қимиз олиб кирди. Мойбосар ва Абайлар дастурхон ёзиб, ялтироқ сирли косаларда катталарнинг олдига қимиз қўйишди.

Юзи сал қурумланиб¹ турган сапсариқ қимиз Мойбосар архарнинг мугизидан ясалган идиш блан шопирганда, кўпирмасдан пиш-пиш этиб жимиirlади.

Дастурхонга уч товоқ оширма бўғирсоқ қўйилди. Олшинбой сўзини тамомлаб қолган пайтда, Қорабос катта товоқда иссиқ овқат олиб кирди. Бу одатдаги қовирдоқ эмас, Қунанбойнинг қимиз блан ейдиган жовбуйрек² деган овқати эди.

Олшинбой сўзини тамомлаши блан Қунанбой уни ҳам, Мойбосарни ҳам овқатга таклиф қилди:

— Қани, овқатга қаранглар! Бисмилло...

Мачит соламан деб, имом ҳазрат блан кўпроқ борди-келди қилганидан буён Қунанбойнинг ўзи ҳам, оми бўлишига қарамай, ўша диндор, тақводор «оғиздан бисмилло» тушмайдиган фотиҳани қўймайдиган кексаларга эргашиб, анча тақводор бўлиб қолган эди.

Олшинбойнинг сўзини тамом қилишига биринчи баҳона таом келиб қолгани бўлса, иккинчиси ортиқча гапга ўрин йўқлиги эди. Олшинбой шу ишга киришиб «ўзим битираман» дегандан кейин, майорнинг ҳам ўзбилар-мандчилик қилишнинг ҳожати йўқ эди. Агар нотўғри битирса, ўғини ўшанда кўради. Бордию, дуруст томом бўладиган бўлса, бу ишни Олшинбойга топширишдан яхшиси йўқ. Шунинг учун майор ҳам:

— Фикрингизга қўшиламан, майли тўхтай. Жавобини ўзингиздан кутаман,— деди. Шундан кейин қимизхўрликка берилиб беш паранг коса қимизни уст-устига ичиб юбориб, жовбуйрекдац озгина еган бўлдию, хайрлашиб чиқиб кетди.

Тилмоч овқат тамом бўлгунча ўтирди. У кетгунича Қунанбой ҳалиги иш ҳақида оғиз очмади. Бироздан кейин дастурхон йигилиб, тилмоч ҳам кетди. Шундан кейин Қунанбой:

¹ Қурумлавиб — яхши қимизнинг юзида майдада майдада қурумга ўхшаган нарса сузуб юради.

² Жовбуйрек — буйракнинг устидаги ёғини шилмасдан қовирилади.

— Жиғилдонини порага тұлдириб олган бу пишган бошнинг галини күрдингми?.. Бужей блан Бойсол Боймурин орқали бунга хұб тиқиширган десангчи... — деб боядан бүён таноби узилемаган хаёлининг бир чигал ери-ни ёзди.

Олшинбой ҳам шу ҳақда ўйлаётгап эди. Лекин у Қунанбойга нисбатан чуқурроқ ўйлаб, турли-туман ўрин-сиз шубҳаларга бориб, ташвиш тортаётгап эди. Қунанбойнинг сўзига дарҳол жавоб бермади, анча вақтдан кейин:

— Порани-ку, қўябер-а. Пора емайдиган улуғ бор дейсанми? Үнгдан ҳам, сўлдан ҳам баравар олиб, баравар ҳазм қилиб, эпини қилаётгандар озми? Бу ерда гап шундагина эмас-да! — деб, бугун Қунанбойга ўзича айтмоқчи бўлиб келган гапнга кўчди. У ба'зи вақтларда пешонасиини тириштириб, кўзини юмиб сўзлар эди, ҳозир ҳам шундай кулиб:

— Мен бу бўлаётган ишларнинг ҳаммасига чеккадан кўз солиб турибман-ку... «Тўққиз қур'ада ўйнаётгандарга қараганда, ўйиннинг боришини чеккадан қараб турган одам яхши билади» дер эди. Бизнинг бий... — деб, ўз отаси Тиленшибийнинг ҳам сўзларини эслаб қўйди. — Айтганидек Тўбуқти ичида бўлаётган ўйиннинг энди бошқа бир тус оладиган пайти етди. Буни бир ёқлик қилинmasa, улғайиб кетадиганга ўхшайди! — деди-да, бироз ўйланниб қолди.

Кудасининг гапни бу томонга буриши Қунанбой учун ажаб бир янгилик эди.

— Олшеке, Бўжей блан Бойсол Тўбуқтида оёғимдан олган бўлса, энди дуонга келганимдан бүён ёқамдан олмоқчи бўлиб қолди. Қандай қилиб индамайман! — дейиши блан Олшинбой чап қўлинни хон таҳтадан бироз кўтариб:

— Олишадиган бўлсанг, сен ҳам аямайсан. Олишгандан кейин у ҳам аямайди. Лекин ҳалиги майорни ҳам кўрдинг! Фақат майорнинг ўзигина эмас, унинг орқасидаги пайт пойлаб юрган, Боймурин сингари нимадан баҳона топиб, сени илинтиришни билмай юрганилар озми?.. Ӯшаларнинг ҳаммаси Оғасултонликдан биратўла умидини узган дейсанми? Эртаю-кеч орқангга тушиб, «ёзғир шайтон» блан пайнингни қирқиш пайида. Аслида бошнинг аралашган ишнинг улғайгани қурсин,— деб бир нозик масаланинг учини чиқариб қўйди. Қунанбой энди-

гина бу ишларнинг тагига тушуна бошлади. Ҳалиги ма-йор ҳам, мана энди Олшинбой ҳам Бўжей блан Қунан-бийнинг жанжалининг остида кек ётади деган гапга ишора қилаётир. Бу гап улғайиб, бора-бора «Оғасултон Оғасултон бўлатуриб, Бўжейнинг овулига ҳужум қилди, ўзи бош бўлиб кўп бегуноҳ одамларни қақшатди, дарра урдирдис» дегани гаплар кўпайиб, бошига бало бўлмай қоладими?.. Бўжейнинг «арзис», «аямайди», «текшириш керак» дегани гаплар бир аланганинг учқунлари..

Қунанбой ҳаёл суриб, Олшинбойнинг юзига қараганича «Қани, кўнглингдаги бор гапнинг ҳаммасини айтчи» дегандай индамай турарди. Олшинбой тикка Қунанбойнинг юзига қараб ўтириб, салмоқлаб сўз бошлади:

— Буқун мана мачит ҳам битиб, обрўйинг ортиб, донгинг кўпга кетди. Шуни кўралмайдиган одамлар ҳам кўп. Аввало ана у корпус, майорнинг ўзи кўролмайди. Кечириш блан киши бош эккан бўлмайди. Кўнглингдаги бор гапни чиқариб ташла. Бу ҳам бир Қунанбойлигине бўлсин. «Эзгулик иш остида гуноҳдан пок бўлайнин» деганинг бўлсинк. Уша қариндошинг Бўжейни душман қилиб бегоналарга юборма!. Жигарлигингни қилиб, бағриннга торт, яраш!

Қунанбой хийла вақтгача жавоб бермай, ўйланиб қолди. Ярашишни Олшинбойдек одам илтимос қилаётганда, ҳарқандай жавобни ҳам ўйламасдан бериб бўлмайди. Аслида Қарқарали дуонининг энг зўр, энг этиборлик одами шу Олшинбой. Кўп уруғларнинг не-не жанжали ҳам шунинг олдида бир ёқлик бўлади. Қолаберса, Қусбекдек одам ҳам шу Олшинбой блан сўзга боришиб қолиб, Оғасултонликдан ўчиб кетди.

Мана шу Олшинбойнинг дўстлиги орқасидагина оз уруғ Тўбуқтининг Қунанбойи Оғасултон бўлди. Яна Бўжейни душман қилиб четга турта берса, у остида ётиб ҳам оғенини ғажийдиган кўринади. Ишнинг кетиши шуни кўрсатиб турипти. Ундан кейин, қилганда, Бўжейга бу қилди. Бўжей ҳали бунга нима қилди? Қунанбой Олшинбойки ўртага тушгандан кейин кўнишдан яхши чора йўқ, деган қарорга келди. Ўзинга қолсаку «кечиш» хаёлида ҳам йўқ эди-я! Агар Олшинбойдан бошқа одам ўртага тушгандан осонлик блан кўна қолмас эди. Энди бу одамнинг йўли бўлак... Шунинг учун Қунанбой:

— Олшеке, ҳамма ишдан хабардор бўлиб, кўриб-билиб айтиётирсиз. Дўст бўлганингиз учун айтиётирсиз.

Шуни билмасам айб ўзимда бўлади. «Асти кечирмасман» деган эдим. Лекин қайсарлик қилиб қаерга борардим? Энди ҳудо билсин, сен бил, ўзинг бартараф қил.— деди.

Гап шунинг блан тамом бўлди-да, бироз ўтиргандан кейин Олшинбой уйига кетди.

Бўжей учун Абай ич-ичидан хурсанд бўлди, ҳатто ичидан Олшинбойга ҳам бирқадар меҳри товлангандай бўлди... Мудҳиш, беомон ёвликининг Шаҳди қайтиб дўстликка айланганини Абай «уҳ» деб шодланиб қарши олди.

3

Шу гаплар бўлган куни кечқурун Абай ёлғиз ўзи Қарқарали шаҳрини кезгани кетди. Ба'зан диққат бўлиб ғамгин тортса, ё бир нарсадан хурсанд бўлиб кўнгли кўтарила, мана шунақа ёлғиз чиқиб кетарди. Кун кечкиргани блан ҳали қуёш ботмаган эди. Шаҳар четидаги қарагайлик гўзал тоғнинг чўққиларида ҳали, қипқизил аллангадек ёниб турган шу'ла ётарди. Тоғда шамол бўлса керак, унинг яйдоқ жойларида, зардал қор зарралари учуб ўйнарди.

Шаҳар ичida шамол йўқ, лекин совуқ. Кишининг руҳини енгиллаштириб, ўзини бегам қиласидан бир пайт. Тоғнинг шаҳарга қараб турган бағрини кеч кўланкаси босди. Яқин ерлардаги чўққи тошлар ҳам, ўша кўланка ичida кўкимтири тортиб, қоронғуликка кириб бормоқда...

Абай ўzlари тушган уйдан икки-уч кўча нарида гангир-гунгир сўзлашиб, муюлишдан қайрилиб келаётган бир гала одамларни кўриб қолди... Буларнинг ичida Абайга таниш одам кўринмади. Хандон ташлаб кулиб, сўзлашиб келаётганларнинг ҳаммаси эгни юпин, шаҳар одами эканлиги кўриниб турарди.

Абай кўча блан битта бўлиб келаётган ёш-қари кишиларга қараб, кўчанинг ўртасида туриб қолди. Лекин ҳеч ким Абайга этибор қилмади, музлаб қолган қорни ғижир-ғижир босиб, яқинлашиб келишмоқда эди. Абай энди пайқади: булар оппоқ соқоллик, кўркам бир чолни ўртага олиб келишаётир... Чол кулиб буларни ҳам кулириб келмоқда эди.

Ажиб, чолни икки киши етаклаб келмоқда. Чол қаддини расо тутиб, бошини юқори кўтариб келаётгани блан ҳечёкка қарамасди. Сўзлаганда ҳам тўппа-тўғри, олдига

қараб сўзларди. Абай бу ўзгача чолга ҳайрон бўлиб, туриб-туриб, ниҳоят тушунди: чол кўр экан...

Кўпчилик Абайни пайқамагани яхши бўлди... Улар ёнидан ўтиб бораётганда Абай ҳам ўшаларга қўшилиб кетаберди. Кўчадан қўшилганлар фақат Абай эмас, ба'зи бир эшик олдида турганлар, дуч келиб қолганларнинг ҳаммаси ҳам чолга қизиқиб унга эргашмоқда эди... Абай орқароқда кетаётган мош-гурунж соқоллик бир одамдан:

— Бу киши ким бўлади, оға?.. — деб сўраган эди, у одам ҳайрон бўлиб:

— Ие, Шўжекенгни ҳанимайсанми?.. Бу қандай гап бўлди?.. Шўже, Шўже оқин-ку? — деди.

Абай Шўженинг номини кўп эшитган бўлса ҳам, лекин ўзиин кўргани шу эди... Унинг номини эшитиш блан юрганича тўпнинг олдида кетаётгавларнинг ичига қўшилиб, Шўжени яхшилаб кўриб, сўзларига қулоқ солабоплади.

— Шўжеке, юринг бизниги! Мана бизнинг уйга етдик. Мен Бекберганман,— деди бирга келаётганлардан биттаси...

— Йўқ, бизниги борадилар...

— Ҳой, қўйсангларчи, мен ўзим аллақаёқдан олиб келаётирман!..

— Ие, нима деяпсиз, Шўжеке бизнинг уйга тушган! От ҳам бизницида турибди! — деди яна биттаси.

Шундай талаш бошлангандан кейин, бирга кетаётгандарнинг ҳаммаси тўхтаб қолишиди. Ўтган-кетганлар ҳам тўхтаб, ҳалигиларга қўшилмоқда эди.

Ҳалиги «бизнинг уйга-бизнинг уйга» ларни эшитиб Шўженинг ўзин ҳам тўхтаган эди. У хурсанд бўлиб хандон ташлаб кулди-да:

— Э, биродарлар, мен ҳам ўз фикримни айтайми? — деди.

Ҳамма қадрлик кексанинг оғзидан чиқадиган гапни эшитишга муштоқ бўлиб:

— Айтинг, айтинг... Шўжеке!.. Майли, ихтиёр ўзингизда, ўзингиз айтинг!

— Қаерда қолишини хоҳласангиз айтаберинг! — деб, атрофдан қистайбошлишди.

Шўженинг товуши жаранглаб бошқа ҳамма товушни босиб кетди:

— Менга қаранглар, мени зиёфат қиласиз, юмшоқ тўшак ёзид берасизларда... хўп, жигарларим... ҳамма-

ларингизни уйингизда ҳам меҳмон бўламан... Шу беш кун ичиди Шўженинг ҳалқимиға тош тиқилиб қолмас ахир, шу қизил қорин омон бўлса, таклиф қилаётганларнинг ҳаммасини бурнидан ипга чизиб, биттасининг уйида тушлик, биттасининг уйида кечлик овқатини баҳам кўрарман. Ҳозир изғирин туриб кетди, кеч кирган бўлса керак. Энди менинг кекса вужудимни тўрт томонга чўзғиламасдан, шу яқиндаги бирор эшикка киргизиб юборақолсаларингиз яхши бўларди... — деди. Шўжейнинг гапига қулиб қулоқ солиб турганлар унинг ҳоҳишига рози бўлишдан бошқа чора тополмади. «Яқин дарвоза» шу ернинг ўзида эди.

Уй эгаси юрганича уйга кириб кетди. Тўпланиб турганлар, Шўжени ташлаб кетишга кўзлари қиймай, ҳамон туршар эди.

Шўжени зиёфат қилишдан умид узган ҳалқ энди Шўженинг бирор оғиз сўзини эшитмасдан, тарқалгиси келмас эди.

Шўженинг ёнида турган кекса одам уни гапга солгуси келди шекиллик:

— Э, Шўжеке, дуонга яқинда келдингиз, бу ерда бўлаётган шов-шувларни эшитаётисизми? — деган эди, Шўже:

— Қани гапирчи! Нима гап! Дуонинг яна нима деяпти? — деди.

Ҳалиги одам, шаҳар янгиликларидан ҳабардор экан «Қунанбой солдираётган мачит битди. Олшинбой блан Қунанбой шунинг тўйини қилишмоқчи. Яна Оғасултон Қунанбой қариндоши блан ярашадиган бўлибди. Улур блан Олшинбойлар уларни топиштириб қўядиган бўлишибди» деди.

Абай бу гапларни эшитиб ниҳоятда таажжубланди. Уз отасининг номини шундай ерда эшитаман деб ҳаёлига ҳам келтирмаган эди. «Мачит-ку, мачит-а, ҳатто Қунанбойнинг ким блан аразлашиб, ким блан олишиб юрганингача бутун ҳалқа ма'лум экан-да!» — деб кўп ҳайрон бўлди.

— Ҳа, энди олишаман деб улуғлигидан айрилиб қолмасин дейди-а.

— Қунанбойга ғамхўрлик қилаётган Олшинбой экан-да!

— Бўлмасам-чи, ҳаммасини ҳам ўртасидаги низо'ни кўтариб, бир-бири блан топиштириб юрадиган ўша Олшинбойларда...

— Тўбуқтини обрўга эга қилиб, улуғ қилиб, ҳаммадан устун қилиб қўйган ҳам ўшаларнинг ўзи.

— Энди мана, Тўбуқтининг жонбозларидан на қасобчиликда ёғлиқ гўшт қолаётир, на дўкондорда кўзга кўринарлик мол қолаётир. Бу атрофдаги қўсларда ҳам на семиз той қолди-ю, на семиз бия. Ҳаммасини ҳазм қилмагунча, кетмайдиганга ўхшайди дейишайдир.

Шўёже бу гапларни тингларкан, кулимсираб турди-да, бир нафасда қофияга солиб, ўлан қилиб айтиб юборди:

— Бор экав бир оқсоқ кал ва бир сўқир,
Қур'онни мӯёв-мӯёв мулла ўқир,
Оқсоқ берди сўқирга ҳалқни бойлаб,
Сарасин ҳалқ молининг сўқир чўқур!

Турганларнинг ҳаммаси дув кулиб юбориши... Оқининг бу қадар усталик блан, бу қадар тезлик блан шунчалик ўтирип гап айтишганига ҳамма ҳайрон эди.

— Оқсоқ кал дегани — Олшинбой.

— Сўқур дегани — Қунанбой.

— Бу тап тортмайдиган чолинг бир оғиз сўз блан ҳаммасини ҳам ер блан битта қилди қўйди! — дейишиб, бири олиб, бири қўйиб сўзлайбошлишди. Абай бу гаплардан қаттиқ уялиб, ўзини четга олди.

Үй эгаси чиқиб, Шўжени уйга олиб киргач, Абай уйига қараб кетди.

Ерга қараб кетаётган Абайнинг қулоғидан ҳалиги бир оғиз ўлан асти нари кетмас эди. Ҳамма гали ёдида, ичида қайта-қайта такрорлади.

Унинг назаридаги мана шу бир оғиз ўлан икки уруғнинг минорадек гердайишиб турган иккни устунини бир урушда ер блан яксон қилгандай бўлди.

«Олшеке» деганлари — «Оқсоқ кал» бўлди. Олшинбой бир оғини силтаб босарди. Мана, «Оғасултон», «Мирза» аталган ўз отаси — «Сўқир!» бўлди. Яна қандай Сўқир денг. Қарқаралининг беҳисоб бойлигини, бор-йўқ сархилини ёлғиз ўзи чўқиб еб ўтирган Сўқир...

Оlamda сўздан ҳам кучлик нарса борми? Абай Қоратойнинг:

«Сўз ўзагингни узади» деган чуқур ма'нолик гапини эслади.

Абай шу таҳлитда ўз хаёли блан ўзи бўлиб, ичида ўзини гангитиб қўйган қандайдир бир куч пайдо бўлга-

нини ҳис этиб бораркан, кўчани ҳам, ўткинчиларни ҳам пайқамай келаётган эди.

Бир муюлишда ўзига томон келаётган уч салт отлиқ одамга кўзи тушди. Буларни дарҳол таниб, беихтиёр тўхтаб қолди. Келаётгандар Бўжей, Бойсол, Бойдалилар эди. Уртада келаётган тулки тумоқлик кўк отлиқ Бўжей. Унинг қонсиз юзида ғамгинлик акс этиб туради. Қўнғир мўйлаблари блан соқоли кечки совуқдан қиров бойлаган эди.

Абай тўхтаб, тезгина ўзини ростлаб олди-да, бир иши бор одамдай, отлиқларнинг йўлини кесиб чиқиб кутиб турди. Отлиқлар бунинг ҳаракатини кўриб қолнишдими ё танишдими, ҳарқалай яқинлашиб келгандарида отларининг бошини тортиб, аста-аста бостирипди.

Шу тоғда Абай зўр ихлос блан ўзгача бир та'зим қилиб, товушининг борича:

— Ассалому алайкум!— деб салом берди.

Мадрасада ўқиб юрган чоғида халфалар шогирдларга «кўчада ҳазратни кўрганингизда шундай қилиб салом беринг» дейишар эди.

Абай кўлдан буён ҳечкимга бу тахлитда салом берган эмас эди. Бўжейни Қарқаралига келганидан буён кўргани шу эди. Жўнаш олдида онасининг айтган гапи ёдига тушдими, ё ҳозирги руҳий ҳолатига мос келдими, қандай қилиб бунчалик одоб юзасидан иш қилганини ўзи ҳам билмай қолди.

Боланинг иши Бўжейга ма'қул тушди шекиллик, отининг бошини тортиб:

— Ваалайкум ассалом, болам!— деб тўхтади.

Бойсол Абайнин энди таниган эди, ёқтирмаи юзини четга буриб:

— Ҳа, бу экан-ку, бўлди, юр!— деб, отини юригизиб кетаётган эди, Бўжей:

— Тўхта!— деди.

— Оббо, қўйсанг-чи, ўша онт урганинг боласининг саломига алик олар эдимми?— деб, Бойсол ҳўмрайиб Абайга қаради.

Абайнинг икки юзи ёниб кетди. Гуп этиб кўтарилиган ҳарорат фақат юзинигина эмас, ичагигача ялаб ўтгандай бўлди. Дили озор топиб, қаттиқ ранжиган бола, чақнаган кўзлари блан ялт этиб Бойсолга қаради.

Бўжей дарҳол Абайнинг руҳидаги ўзгаришни онгла-ди-да, унга тикилиб туриб:

— Болам, тўғрисини айтчи, бизни кўрсанг салом бер деб отанг айтган эдими ё ўзинг салом бердингми? — деди.

— Бўжеке, отам эмас, бу саломни сизга ўзим бердим! .. — деди Абай.

Абайнинг руҳи ҳали ҳам кундузи уйидан чиқиб кетаётган чоғидагидек енгил, беғубор эди. Яраш ҳақидаги гапни Қарқаралининг ба'зи одамлари эшигтан бўлса ҳам Бўжей, Бойсоллар ҳали эшигмаган эди. Кечга томон Олшинбой буларга одам юбориб, ўз уйига тақлиф қилган әдн. Бўжейлар гарчи нима гап эканингини билмаса ҳам, отланиб ўша ерга кетаётган экан.

Абайнинг жавобини эшигтгач, Бўжейнинг ихлоси ошиб, унинг ёнига яқинроқ келди-да:

— Отанг ўргатмай, ўзинг билиб салом берган бўлсанг, фотиҳа берай. Кўзингда олижаноблик аллангаси акс этиб турибди, чироғим! .. — деди.

Бу гап ҳам Бойсолга унча ўтиришмади. У яна юзини ўгирган эди, Бўжей унинг ҳаракатини пайқаб:

— Ҳой, Бойсол, сен фотиҳа бермаганинг блан бу бола «бўламан» деб турган бола-ку, — деди-да, Абайга қараб:

— Бутун умид сендан болам! Оқ йўл берсин! .. Худо ҳамма нарсадан берса ҳам, отангнинг тош бағирлигидан бермасин! — деб фотиҳа қилди.

Отиқлар юриб кетишиди. Бойдали боядан буён дамини чиқармай турган эди, эндигина Бўжейга:

— Ўзининг ҳам икки кўзи саксовулнинг чўғидек ёниб турибди... — деди.

Абай ўйланиб узоқ туриб қолди.

Шундай дедими-а? Чин кўнглидан айтдими шу гапни? Ё Бойсолнинг дағаллиги болага қаттиқ тегмасин деб, раҳми келганидан айтдими? Нима сабабдан бу Бўжей бундай яхши фотиҳа берди! Кутилмаган ерда бу қадар хайриҳоҳлик! Шундай ҳам бўлар экан-да? .. Бўжей Абайнинг яхши билмас эди-ку! Катталар одамни бир кўрганда биладиган, ҳар ишга кўзи етадиган, тажрибакор бўлади! .. Шу тажрибакорлиги орқасида дарҳол билиб, чия кўнглидан шундай фотиҳа бердими? .. Ундан бўлса, Абай жўн одам эмас, яхши одам бўлиши керак-ку! ..

Абай шуларни ўйлаган сайин ўз-ўзидан хурсанд бўлди. Шодлиги ичига сигмай, боши кўкка етиб, юраги ча-пак чалиб борарди.

Абай жадаллади. Қош қорайиб қолибди. Буни ҳам эндиғина пайқади. Үйидан икки-уч күча ўтиб кетибди. Буни ҳам энди билди. Орқасига қайтди.

Овулда юрган чоғида ёзин-қишин төпалик бошида ёлғиз ўзи ўтириб ўтказадиган кечки пайт, унга ҳозир ўзгача бир та'сир этаётган эди...

Абайнинг ўзи қарчиғай солмаса ҳам қарчиғай соладиган катталарга эргашиб ўтган ёз кўпгина юрган эди. Мана шундай қош қорайиб, кеч қоронғуси қуюқлашганда қарчиғай ҳавода алангадек ёниб толпинар эди. Абай ҳозир ўз қалбини ўша қарчиғайдай ҳис этар эди.

Ўзга кунларга қараганда, бу кун нақадар бошқача: кундузи отаси блан Олшинбой, кечқурун Шўже, ҳозирги Бўжей... Кичкинагина Қарқарали шаҳарида икки олам тўқинишди. Булар бир-биридан нақадар узоқ! Бирида куч, бирида санат, яна бирида юрак... Нега бу бир авлоднинг болалари бирлашмайди. Ҳаммаси бир бўлиб, бир ёқадан бош чиқаришса нима бўларди?..

Абайнинг бошига бу фикр тўсатдан келди. Узидан бошқа ҳеч ким ҳали шундай хаёлга бормагандай кўринади. Ҳақиқатда: «Идрок, эрк...», «идрок блан шон-шароф, давлат» деган гапларнинг мудом бир-бирига қарама-қарши бўлишини ўтгани йил «форс, турк» тилидаги хитобларда ўқиган эди.

Энди Абай шуни ҳаётда учратди. Буни ўз идроки блан топди-да, «шуларнинг ҳаммаси бир ерда, бир одамда, бир оламда бўлиши керак...» деган қарорга келди.

Шу блан бирга ўзини Қарқаралига келганидан буён камол топиб, улғайиб қолгандай ҳис этди. Кўп одамларни кўриб, кўп гапларни уқди; ҳатто Шўже оқиннинг сўзларини ҳам ўз қулоги блан эшилди; кўп қабилаларни кўриб, кўп ишларни билди.

Абай кўчадан ғоят кўнгилли бир таассурот олиб, бутунлай қоронғи тушганда Мойбосарнинг уйига кириб келди. У одатдагидан кўра қаттиқроқ ер тепиниб, этигига ёпишган қорни қоқди-да, оёғини қаттиқ-қаттиқ артиб тўрдаги уйга кириб борди. Кечки совуқдан унинг икки юзи қипқизариб кетган, катта-катта кўзларида ўзгача бир аланга ёнарди.

Уйда Мойбосар, Жақиблар бошлиқ кўпгина қариндош-уруғ ўтиришган экан. Булар ҳали тойнинг гўштини ёёлмай кетиб, энди шуни ейиш ниятида йиғилишган бўлса керак. Катта сарнқ самовар ҳам эндиғина олиб

кирилган эди... Чойни аччиқ-аччиқ қилиб узатишаётир. Мойбосар Абайни кўриб севиниб кетиб:

— Абайжон! Совқотмадингми, қаёқда қолдинг? Кел, ешин, ўтириб чой ич, исинасан!— деб ёнidan жой бўшатди... Абай бамайли хотир ешиниб, чой ичгали ўтириди.

Жақиб иссиқ чойни оз-оздан хўпларкан:

— Қани, йигитлар, бўлинглар! Чойни тезроқ ичиб, ҳозирланиб туринглар!— деб, ўтирганларнинг ҳаммасини шоширабошлади.

— Тўғри, тўғри... Қоратой! Изиқуттидан хабар келиши блан бориш керак...— деди Мойбосар қам.

— Эй, овқат тайёр, жой тайёр... ҳали меҳмонлар ҳам «хуфтон»ни ўқиб бўлганларидан кейин келишади дейишаияпти-ку...

— Янги мачитда намозни ҳам хўб қўзишар дейман...

— Бўлмасамчи, Ҳасан мулланинг ҳам имомликка ўтиганлари шу. Намозни ҳали бери битирақолади дейсанми?...

— Шуни айтинг, «ёсинни» ё «таборакни» ўқимаса бўладими? Үзини кўрсатиш учун қироатини келтириб ўқимагунча қўяди дейсанми ҳали!— деб, Тўлепберди, Бурахон, Жумағул сингари ёш йигитлар кулгига олишди.

— Ҳой, нима деяпсиз ўзи?.. Тезроқ бўлинглар! Янги мачитга намозга ўзингиз бормайсизми?.. Мойбосар, сенга нима бўлди, намозга бормайсанми? — деди Жақиб.

Намозга боришга Мойбосарнинг унча бўйни ёр бермаётгандек, қайрилиб Абайга қаради-да:

— Ҳой, ҳали ўша тумонатнинг ичидан мачитдан бизга жой тегади деб ўйлайсанми! Тўрга чиқиб кетсанг, меҳмонлар келгунча уйга етиб келалмайсан... Унда Изиқутти «Нега меҳмонлардан олдин келиб турмадинг» деб бўғузлансан-а?...— деди.

— Эй, пойгага турсанг ҳам бўлаберади... Бормасак айб бўлар! Агар мирза билиб қолса қаттиқ койийди!...— деди Жақиб яна.

— Мирзангга ёлғондан: «бордик, ўқидик» деб қўяқоламиизда...— деди, Мойбосар кулиб,— садағаси кетай, мачитнинг тўри ҳам, пойгаси ҳам мачит-ку, лекин осто-нада ўтиришни айтинг. Намоз ўқийман деб, нуқул на-матбои, Қорашибурларнинг ағдарма этигини қоровуллайманми?.. Ӯшаларнинг оёғи теккан ерга бош қўяманми?... Кап-кatta Мойбосарнинг намозни эрмак қилиб кулаётганига Абай ҳам кулабошлади.

‘ Мачит очилиб, намоз бошланган онда Қарқарали халқининг бор казо-казолари йиғилиб, биринчи намозни ўқиб, Қунанбойга оғарин айтадиган соатда, Мойбосарнинг шундай қилиб, намозни кулгилликка олиб, зермак қилиб ўтириши Жақибнинг ғашига тегди. У ичидан: «Бетовфиқ, оғзига келганини вайсаш одат бўлиб қолган», деб қўйди.

— Агар билсаларинг, бу мачит бизнинг мирзани ҳам, ундан қолаберса шу ерда ўтирганларнинг ҳам зўр обрўта эга қиласидиган мачит-ку, садағалари кетай! — деди.

Мойбосар ҳам гердайиб:

— Ҳа, шуни айтсангчи!.. Бу мачит душманларнинг оғзига қум қуяди-ку ҳали! Кўрмайсизми, Бўжей ҳам шуни сезган-да, ярашишга толиб бўлиб қолган кўринади! — деди.

Ярашишга ким толиб эканлиги ҳали буларга нома’лум эди. Лекин Қунанбой атрофидагилар: «Бўжей енгилди! Кучи етмаслигига кўзи етиб, ярашмоқчи бўлиб қолибди» демай қўйишадими! Турган гап, буни ҳаммадан олдин мана шу Мойбосарлар айтади.

— Бечора Олшекенг ҳам ҳақиқий дўст-да! Бизнинг мирзанинг холис дўсти ўша-ку!.. — деб, Жақиб Олшинбойнинг кундузги гапини, унинг Қунанбойга кўрсатган садоқатини эслаб қўйди.— Кўролмайди, обрўй топиб кетаётганингни улуғларнинг ҳам, фуқоранинг ҳам оғзи катталари кўролмайди. Ҳатто улуғнинг ўзи ҳам кўролмайди, дейди. Рост айтади, ҳаммадан ҳам ҳалиси майор кўролмайди! Тўғри-да, мачит солиб, обрўй ортириб, элни ҳам, эдилни ҳам ўзига оғдириб кетаётганидан кейин мендан баланд бўлиб, сўз бермай қўяди деб, ўйлади-да майоринг ҳам.

— Пишган бош майор кўролмасликка-ку, кўролмайди-я, ундан ташқари Бўжей блан Бойсолдан порани ҳам ўлгунча еб олган кўринади. Уни чирантираётган ўша. Энди зиён кўрадиган бўлди!.. — деб Мойбосар ўзи кулди. Мана энди Бўжей блан ярашиш ҳам шу букун кечқурун бўлади. Шу намозга, шу бериладиган ошга улар ҳам келишади. Эшитдингми?

Жақиб ҳам, бу ерда ўтирган йигитлар ҳам бу гапдан бехабар, Абай ҳам эшитмаган эди. Энди ҳаммаси ҳам Бўжейнинг ярашгали келаётган пайтдаги ҳолини кўришга шошилар эди.

Мойбосар ўз сўзининг бу қадар та’сир этганлигидан мағурланиб:

— Ҳамма яхшиликнинг бошида Олишекенг борда... Ҳарқалай берастган молимиз ҳаромга чиқиб кетаётгани йўқ. Ҳалоллаб олаётир!.. — деди-да, қийшайиб, гавдаси блан ёнида ўтирган Абайнин туртиб:

— Эшитаяпсизми? Билиб қўйинг, шу гал қайнатангизнинг уйларига бормай қутилиб кўрингчи,— деб, яна Абайга тегажаклик қилабошлади. Лекин бу гал Абай аввалгидек гангиб қолмади. Илгарилар Мойбосар шу сингари кўпчиликнинг ичидагазиллашганида терлаб, пишиб, ўнғайсизланиб кетар эди. Ўтирганларнинг ҳаммаси Абайга қараб, қиқир-қиқир кулабошлади. Мойбосар Жақибга кўзини қисиб қўйди...

— Мойаке¹, яна шу гапни бошляяпсизми, шуидай қилаберсангиз, бор дейман-да, бормайман қўяман!.. — деб, Абай бошқаларга қараб кулиб қўйди.

— Вой тентагей! Ҳали ҳаммани шарманда қилмаса дейман бу расво! «Қалин бергандан сўнг ўлик куёв ҳам тобутда ётмайди» деб, сенга нима бўлди ўзи? Келин у ерда, бақбақасини оққушнинг томоғидек ҳилпиллатиб, «шу гал келмай кўр-чи қани» деб, йўлингга кўз тикиб ўтириби-ку! — деб, Мойбосар Абайга яна тегишабошлади.

Абай ҳали ҳам парво қилмади, кулимсираб, Мойбосарни эрмак қилаётгандай, пиқ этиб кулди-да орқасида турган дўмбирани олиб, зўр бериб ҷалабошлади.

Мойбосар бироздан кейин яна Абайнин қитиғига тегиб:

— Шу ўтирган азаматларнинг ҳаммасини ёнингга куёв йўлдош қилиб қўшиб бераман, бораман десанг бас! — деди.

— Мойаке, қўйинг энди...

— Хо, нега қўяр эканман, сра қўймайман!

— Епирим, шундан сизга бирор нарса тегадими? Янга бўлсангиз ҳам майли эди!..

— Янга бўлмасам ҳам, янгалардан ортиқ завқ қиламан!

Абай кулиб юборди-да, одатдан ташқари бир шўхлик блан:

— Шу, дейман, ростдан қўймайсизми? — деб, дўмбрасини тиззасига қўйиб, Мойбосарнинг юзига тикилди. Унинг кулимсираб турган катта-катта кўзларида ўзгача бир учқун акс этди.

¹ Мойбосар.

— Қўймайман дедим қўймайман!— деб Мойбосар, Ҳқани нима қилар экан» дегандай қараб туриб олди.

Абай, ҳали ўзи кўриб келган Шўжега ўхшаб, кулим-сираб турган қўзларини хиёл юмиб, бошини юқори кўта-риб ўлан айтди:

Эй... қўй деганда қўймайсан,
Оз бўлдими, Мой ака,
Бунда кўрган тамошанг!
Еясан-ку тўйгунча,
Қарқарали халқини,
Тагин нима ҳарҳаванг!
Олганларинг озмиди,
Яна бирин топибсан.
Эй... Олишивбойнинг кизи ким!
Унга ҳам кўэ отибсан.
Ҳайт-ҳайтламоқ шармиди
Шу айлана юртининг
Югуруги блан йўртогин!
Айтмаёқ қўйсанг нетардя,
Шунда ҳам бормиди ўртогинг!
Гиж-гижлаб ҳеч қўймайсан,
Буқамидим, қочирсан
Уша овул подасин!
Билсанг агар, шу етар,
Хўп сийладим, қайнога,
Ол уканинг совғасин...

деб хандон ташлаб кулганича, Мойбосарга ёнбошлади.

Ҳамма ҳайрон бўлиб, шарақлаб кулиб юборишди. Мойбосар, шошиб қолганидан нима дейишини билмай, қўпчиликка қўшилиб куларкан бошини чайқаб,— сўкиниб ташлади-да:

— Буни қаранг! Буни! Бу расвоянг гапини қаранг! Энди нима қилдим?— деди.

Абай уни эрмак қилиб кулиб:

— Қани бўлинг, жавоб берадиган бўлсангиз, ўлан-блан беринг, бўлмаса қулоқ солмайман!— деди.

— Ана керак бўлса, ҳа деб осилаберасан!.. Эшитадиганингни эшитдингми?.. Ажаб бўлди... Хўб бўлди... Ана керак бўлса! — деди Жақиб қипқизариб, ичак бағри узулгудай бўлиб куларкан.

— Бу, қўрмағур, Шаншарнинг жияни-да: Сени бундай қилган Улжон янгам-ку... Қараб тур, ҳали уйта

борарсан, онагга айтибtotугингни бердиарман!..— деди
Мойбосар.

Бошқалар гапнинг тагига тушуниб:

— Ҳа, айтмоқчи бу Тўнтай-а!

— Тўнтайнинг жияни-да!

— Гапини кўрмайсанми, Шаншарнинг тиғдор тили-
ман деб турибди-ку!— дейишиди.

— Йўқ, бу ўланни бирор ердан қўйнига солиб келган,
ўзи ўлан чиқаради дейсиэми?.— деди ҳали ҳам ҳайрон
бўлиб ўтирган Мойбосар.

Ҳақиқатда ҳам бу ўтирганларнинг биронтаси ҳам
Абайнинг ше'р тўқиб, ўлан айтганини эшишган эмас эди.
Абай ўзининг ҳазили бунчалик та'сир қилади деб ўла-
маган эди, ўнгайсизлана бошлади-да:

— Ўзим чиқарганим йўқ, ҳали кечқурун Шўжени кўр-
ган эдим, ўша киши айтиб берди!— деди.

Иигитлар ишонишни ҳам, ишонмасликни ҳам билмай
савол ёғдиришиди. Абай шошиб қолмасдан кулимсираб
жавоб берди:

— Мойбосар деган бир оғам бор, шу ҳар куни жо-
нимга тегаберади. Ўша кишига бир жавоб ўргатиб қўйини
деган эдим, шуни айтиб берди,— деди.

Шўженинг ўйноқи, ўткир жавоби Абайнинг қулоғида
ҳали ҳам турган эди. Мойбосарни шу таҳлитда ер блан
яксон қилгани учун ўзи ҳам ич-ичидан хурсанд бўлди ва
ичида «Шўжега ўҳшадим-ку!.. Ҳақиқатда ҳам ўшанга
Ўхшаш бўлаолсам эди!» — деб қўйди. Ўйдагилар бунинг
«Шўже» деганига бир ишониб, бир ишонгуси келмай;
Абайнинг кутилмаган ерда шундай қилганига хурсанд
бўлиб куляётгандарида, эшик очилиб, шошганича кела-
ётган Қорабос кўринди... Ҳамма жим бўлиб қолди. Қо-
рабос эшикдан бошини тиқиши блан, ҳовлиқиб:

— Қани, бўлинглар! Намоз тамом бўлди, меҳмонлар
мирзанинг уйига кетаёттир... Қоратой блан Изиқутти сиз-
ларни дарҳол етиб келсин дейишиди. Қани, тезроқ, тез-
роқ!— деди. Ўйдагиларнинг ҳаммаси кийинабошлади.

Абай, нима қилишини билмай, ҳайрон бўлиб қолди,
негаки, Ҷақиб унга: «Сен меҳмон кутиб, товок ташишга
ярамайсан, отангнинг олдида катталар блан ўтиришини
ҳам тўғри келмайди, жой ҳам етишмайди. Ундан кўра
букун шу ерда ётақол!» — деган эди.

Абайнинг ўзи ҳам бу «жуда соз бўлади» деб ўйлаган
эди. Лекин Мойбосар блан Қорабос:

— Э, ҳеч бўлмаса мәҳмонарни кўриб, салом бериб кел!.. Кўрган яхши, бир вақтлар фойдаси тегади! Кўрганинг қолади! — дейишди.

Бу гап ма'қул тушиб, бошқалардан кейин қолган бўлса ҳам, аста-секин отасининг уйига борди.

Узоққа чўзилган намоздан кейин елиб-югуриб, ошга етиб келган одамлар Абай келгунча, жойлашиб ўтириб олган эди.

Ховлида ошпазлар блан мезмонлардан бошқа ҳечким йўқ эдн. Лекин ҳовлининг ичкарисиу, ташқарисини эгар-лоқлик от тутиб ётарди. Тун совуқ, отларнинг устини кумушдек қиров тўзони босган. Чиройлик чаналар блан жабдуқларини шиқирлатиб турган пар-пар отлар ҳам кўринарди. Чаналарнинг ҳаммаси чиройлик, ихчам чаналар... Бу шаҳар бойларининг отлари бўлиши керак. Ба'зан чананинг ичидаги санг-санг тўнига ўралиб, мудроқ босиб ўтирган кучерлар ҳам кўзга чалинарди.

Катта ёғоч бинонинг ҳовли томондаги эшигига қарши кичикроқ ошхона бор эди. Унинг эшиги дам ўтмай очилиб-ёпилиб турибди. Боя Мойбосар блан уйидаги ўтирган йигитлар елиб-югуриб, товоқ-товоқ иссиқ овқатларни ташимоқда. Мойбосар блан Жақиб ҳам ошхона блан мәҳмонарнинг ўртасида югуриб елар эди. Мәҳмонарнинг олдидан буларга ҳам жой тегмаган кўринади.

Зиёфотбоши Изиқутти эди, у:

— Бүёққа! Илдамроқ... Олиб кел! Бўл!.. Бўл тезроқ!— деб, Мойбосар, Жақибларга ҳам қисқа-қисқа буйруқ берарди. Енгилгина пўстин кийиб, енгини шимариб олган Изиқутти эпчил овчиларга ўхшарди. У бугунги мәҳмонарларга жопини фидо қилиб кутаётir.

Абай мәҳмонарнинг останасига қадам қўйиши блан, у ердан югуриб чиқиб келаётган Қозоқбой блан тўқнашди. У, учганича, ошхонага кетаётган эди. Абай унга йўл бериб, энди ичкари кирай деягандага, орқасидан Изиқуттининг жеркиб:

— Четроқ, четроққа тур!..— деган овози эши билди.

Икки қўлига икки товоқ овқат кўтариб, Бурахон, Тўлепберди, Жумагул, Қорабослар келаётган экан. Абай яна тўхтаб йўл берди. Енидан буғи осмонга чиқиб, товоқ-товоқ гўшт ўтиб кетаётir. Товоқларда нуқул мойлик қази, қарта, сапсариқ олтингдек ёғлик гўшtlар, икки товоққа биттадан калла қўйилган. Буларни ҳам ўтказиб юборди-да, Абай уйга кирмоқчи бўлган эди, уйдан шош-

ганича Қоратой чиқиб, қолди. У Абайни туртиб кета-
ёзди, у:

— Ҳой, мурч, пиёзлик сардакларинг қани... Үзини
алоҳида тортиш керак!— деб чиқиб келаётган эди.

— Бор, бор! Сардак бор! Ана! Мана келаёттир!— деб,
Изиқутти Қоратойни қайтарди. Абай буларга йўл бериб,
яна ичкари кираолмади.

Боядан буён кирган-чиққанга эшик очучидек тургани
ўзига кор қилди-да Изиқуттининг орқасидан суқилиб
ўтиб, уйга кирди, кираётгандা, Изиқуттининг тирсагини
туртиб юборган эди. Бунга орқасини ўгириб турган Изи-
қутти ҳалиги мурч, пиёзлик сардакни бўлиб бир идиш-
дан иккинчи идишга қуяётган экан, қўли туртилиб ке-
тиб, бироз сардакни тўкиб юборди-да:

— Ҳой, худо урган!.. Ким эди ўзи?..— деб орқасига
айланиб Абайни кўрди-да — Э, Абай, сен эдингми?.. Э,
чироққинам, четроқда ўтирангчи!.. Шу ур-ийқитда сен-
га нима бор эди?..

Абайнинг бу ерга келганини фақат Изиқутти эмас,
бошқалар ҳам ёқтирмаётгандай кўринарди -- бери кел
дайдиган биронта одам йўқ. Шуниси дуруст бўлдики, бу
ерда бегона одам йўқ экан.

Даҳлизнинг тўрида ва икки томонида эшик бор эди.
Унг томондагиси — Қунанбой турадиган катта уй... Шу
уйда хурсандчилик қилиб ўтирган Олшинбойлар ва Мой-
босарларнинг товушиниң кўпчиликнинг ора-чўра қаттиқ
кўтарилаётган кулгиси босиб кетаётган эди. Ҳаммани
оғзига қаратиб асқия қилаётган Олшинбой бўлса керак.
Қунанбой турадиган тўрдаги уй икки хонадан иборат
икковида ҳам лиқ тўла одам. Биттасида Қунанбойлар,
яна биттасида ҳам меҳмонлар тўрт томонни олиб, чор-
дона қуриб, қатор ўтиришарди. Бу уйдаги меҳмонларнинг
кўпчилиги савдогар татарлар, қозоқ бойлари, тўрда янги
мачитнинг имоми Ҳасан мулла. Лекин бу уйда нариги уй-
дагилардек ўйин-кулги, асқия йўқ, бу уйда сипогарчилик-
ни қўлдан бермайдиган оғир, босиқ одамлар ўтиришган
бўлса керак. Чап томондаги уйда Бўшанг, Қорашибурлар-
нинг казо-казо мансабдорлари блан тўралар ўтиришарди.
Булар ҳам бир-бирига тегажаклик қилиб, уйни бошига
кўтариб кулиб асқия қилишаётир.

Абай меҳмонлар ўтирган уйларнинг эшигидан бир-бир
бошини суқиб қарадию, ҳечқайсисига кирмади.

Бир ҳисобдан шу даҳлиэда ўтириб, ҳамма уйларда

бўлаётган ҳангамани эшитиб туриш ҳам ма'қул, баджаш Изиқутти яна жеркимаса бўлгани.

Шу ерда бир бурчакда, эсдан чиқиб қолгаңдек, бир бўш стул турган экан. Абай ўшанга ўтириди-да, ўлиб-толиб юргурганича, товоқ ташиётгандарнинг ҳаракатини тамоша қилабошлади. Етти-саккиз йигит ҳали ҳам товоқ ташишдан бўшагани йўқ...

Катта-кatta тўрт уйда ўтиргандарнинг шу топдаги мечкайлиги бутун бошлиқ яйлов зилини айтиб ош берганда, ким кўп овқат ейишга баҳс бойлашиб овқат ейдигандарнинг мечкайлигидан қолишмас эди. Боядан буён бирнеча катта бия, бирнеча ғунон, бирнеча той, қанча-қанча катта қўйларни еб юборишигандир!

...Бир вақт товоқ ташиётгандарнинг югар-югури яна авж олди. Бўш товоқларни уй-удан олиб чиқиб, ошхонага югуришарди... Бўш товоқларнинг энг сўнгиси Қунанбой ўтирган уйининг эшигидан чиққан пайтда яна ошхонадан уйга қараб, товоқ-товоқ палов қаторлашиб кела-бошлади. Унинг ҳам буғи осмонга чиқиб, қипқизил бўлиб «мени емайсанми, қандай қилиб мени қолдирасан» деяётгандай эди.

Даҳлизда хизмат қилаётгандарнинг биронтаси чурқ этиб сўз қотмайди. Изиқутти Қунанбойнинг йигитларига шундай та'лим берган бўлса керак. Жақиб, Мойбосар, Изиқуттилар ҳозир уч эшик олдида туриб олиб, товоқ этиб келганда олади-да индамасдан ичкарига киргизиб юборади.

Палов... паловдан кейин извиллган майизнинг суви, ундан кейин чой... Ҳарқалай ярим кечадан ошиб, эл бир уйқуни олгунча, тўрт уй бўлиб ўтиргандар ҳормай-толмай, бўлдим демай, еб-ютишда давом этишди.

Шу маҳалгача ҳам яқин одамларнинг бироптаси тилга кириб, Абайга сўз қотмади. Абай эснаб ўрнидан турди-да, Мойбосарнинг уйига қайтиб кетмоқчи бўлди. У тийин пўстинининг тумасини солиб, энди эшикка қараб қадам қўйган эди, Қунанбой ўтирган уйдан жаранглаган овоз блан айтилаётган ўлан эшикилди. Товоқ ташиётгандарнинг ҳам бир-иккитаси ялт этиб ўша томонга қараб қўйди. Абай ҳам бориб, эшикни қия қилиб, уйдагиларга кўз солди... Чўқи соқолига хила оқ оралаган, қора тўридан келган бир одам ўлан айтилаёттир... У, дўмбирани жаранглатиб, ўйноқи бир қўйни бошлаб олдида, сўнг, дўмбирасини тиззасига қўйиб, қофияли сўз бошлади.

Меҳмонлар ва овқат ташиётган йигитлар бир-бирла-ридан:

- Бу ким?
- Улан айтаётган ким?
- Бу қайси оқин? — деб сўрашар эди.
- Қунанбойнинг уйидан чиққан Қоратой:
- Болта! Болта оқин! — деди.
- Болта оқин кўйлар эди:

Олган ёрни ёмонлаб,
Яхшини қайдан топарсан.
Оқ тўнингни ёмонлаб,
Атласни қайдан топарсан.
Ўз бошингни улуғлаб,
Тенгдоз қайдан топарсан.
Оғайнингни ёт билиб,
Яқинни қайдан топарсан.
Араз бўлсанг элингга,
Емонлик айтар хабарчинг.
Тоту бўлсанг, оғайнини,
Анави бола-чақага,
Суюнчи айтар хабарчинг.

Уйдан Олшинбой, Қоратой, Тиломочларнинг:

— Балли, балли, раҳмат!

— Баракалла, бебаҳо гап!

— Гапнинг дурдонаси шу-да!.. деган мақташлари эшитилади.

Мана шундай катта ўтиришда, шундай нозик пайтда бир нафасда топиб айтилган ва ярашишга, келишишга, низо'ни кўтариб ташлашга ундейдиган бу сўзлар Абайга ажиб туюлди... У, яна бироз қулоқ солиш мақсадида ҳалиги стулни олиб келиб, яқинроқ ўтиromoқчи бўлган эди, броқ оқиннинг овози ортиқ эшитилмади.

Ўйда ўтирган катталар яна жиддийлик блан ўзга гапларга тушиб кетишли.

Абай Бўжейнинг афтини эндигини яхшилаб кўрди. Унинг симосида ғазабнинг кўланкаси ҳам кўринмайди. Шунинг блан бирга у қадар очиқ кўриниб турган шодлик, ҳушчақчақлик ҳам йўқ, фақат совуққина, сокин бир сабр акс этиб турарди...

Абай Қунанбойга қаради. Қунанбой ўзини эҳтиёт туваётган одамдай ҳарнарсага зийраклик блан қараб ўйин-кулгига берилақолмай, ўтиради.

Олшинбой блан Боймурин муддаога кўчиши. Новча барваста келган Боймурин Бўжейни яраштиргали олиб келган. Ҳозир гапни Олшинбой блан Боймурин олиб бораётир; биттаси Қунанбой томон, биттаси Бўжей томон бўлиб сўзлаётир.

Болта оқиннинг ўлани тўхтаб, гап жиддий томонга кўчганини кўриб, Абай қайтиб кетай деб турган эди, эшик очилиб, уйдан Қоратой чиқиб қолди-ю Изиқутти блан Мойбосарни чақириб олиб:

— Топиштириб қўйиши, яраштириши! Мирза ҳам, Бўжей ҳам ўз ихтиёрларини шуларга топширган эди. Олшинбой блан Боймурин иккаласи битишти — деди.

— Хўш, нимага қарор қилиши?.. Қандай битим бўлди?.. — деди Мойбосар.

— Битим жуда ғалати... ёт, бегона бўлганларнинг-да қуда бўлинглар, шу блан қариндош бўлиб топишиб кетасизлар дер эдик. Энди бир-бирларингга болаларнингни беринглар, Бўжей, Қунанбойнинг боласини олиб, бағрига боссин. Иш шунинг блан тинчисин! — дейишаётир!..

— Топган йўллари шу бўлдими?..

— Қандақа бола? Уз боласиними?.. — деб, Мойбосар блан Жақиб яна сўрашди.

— Оббо, айтаяпман-ку!.. Албатта ўз боласини-да!.. Бўжей асраб олади!.. — деб, Қоратой шошганича қайтиб кириб кетди.

Абай бу қарорга ҳайрон бўлиб, шошиб қолиши блан бирга юраги уюшиб кетди.

— Қайси болани? Кимни берилади?.. Ўспонними ё Смоғулними?.. деб ўйланиб қолди. У албатта ўғил болалардан биттаси берилади деб ўйлаган эди. Иниларидан биронтасини онасининг бағридан ситиб олиб, бирорларга бериб юборишни сра кўз олдига келтираолмас эди.

4

Уч ҳафтадан кейин Қунанбой овулига қайтадиган бўлди.

— Худо хоҳласа, эртага йўлга чиқамиз. Йўл ҳозирлиги кўрилиб, ҳамма нарсани тайёрлаб қўйилсані Иврисиб кеч қоладиган бўлинмасин!. Барвақт отга минайлик! — деб, Қунанбой Қорабос вә Жумағуллардан хабар тарқатди.

Шу гап чиқиши блан Қунанбойнинг ёнидагилар ҳам,

Жақиб, Қоратойлар тушган уйдаги бор Тұбуқтилар ҳам сүнгги бир кунни югар-югар блан ұтказиши.

Уйга кетишнинг дарагини эшитган ёши-қарининг ҳаммасига жон кириб, ғоят хурсанд бұлиши. Үйни ҳаммадан күпроқ Абай соғинган эди.

Сүнгги кунларда Жидебойдаги оналарининг уй ичиси, уруғ аймоғи унинг тушидан чиқмай қолған эди. Булар тушган ҳамма уйларда бугун елиб-югуриб, ҳозирлик күриш блап бирга, үйин-кулғи, хушчақақлик ҳам күп эди.

— Кетамиз... Яқинда кетамиз! — деган гапнинг эши-тилганига буқун беш-олти кун бўлиб қолганидан, ғуларнинг ҳаммаси отларини ҳам, жабдуқларини ҳам ҳозирлатиб қўйишиган эди. Қарқаралига келганларидан буён, минилмай, боқилиб ётган Ҳуркович отлари ғоят семириб кетган эди. Шунинг учун шу сүнгги ҳафта ичиде улар отларни оз-оздан терлатиб, совутиб, тун ошириб қантарив, қишининг узоқ сафарига ярайдиган қилиб олишнинг ҳаракатида эдилар. Абай қайтишида бир «Оймонгдай» деган ёли блан думи қопқара чиройлик югурик отга мишиб кетиши керак эди. Бошини силкитиб, юришидан йўрғага ўтиб кетган чиройлик от ҳақиқатда ҳам йигитчаларга лойиқ от эди.

Бу от ҳам, бошқаларнинг оти блан бирга, бошқа ҳовлида туради. Абай ҳам уйга кетишнинг дарагини эшитиши блан «Оймонгдай» отни кўргали келди. Отнинг пешонасидаги қашқаси ҳақиқатда ҳам ойдек ёниб, бошини чайқаб, боғлоғлик турган эди. Абай бу отни кўпдан буён минмаган ҳам, кўрмаган ҳам, отни соғиниб ҳам қолған экан. Абай ердан бир ҳовуч ҳашак олиб отнинг ёлидаги, устидаги эрталабки совуқдан тушган қировни тозалаб ташлади. Шундан кейин катта кишиларга ўхшаб, отнинг ёлини ушлаб кўрди. Абайнинг узун-узун озғин бармоқлари керилиб кетди... От ҳам юм-юмалоқ бўлиб, семириб кетган эди. Абай орқасига чекиниб, четдан туриб отига қаради. Отнинг усти ҳам тахтакачдай теп-текис бўлиб кетибди. Яна отнинг олдига келиб, бўйнидан қисиб қулоқлаб: «эртага эмас, ҳозир кетақолсак эди!» деб ўйлади. Абай отни яхшилаб эгарлатиб олиб, ўзи тумоғининг боғини боғлади-да, отланиб кўчага чиқди.

Ҳамиша бошини чайқаб, тизгинини чўзиб-чўзиб ташлаб, ўзгача йўрға блан юрадиган от бугун енгил қадам ташлаб, елканли кемадек чайқалиб борарди. Абай ўша куни кечга қадар отдан тушмади дейилса ҳам бўлади.

Ҳали шаҳарнинг бошита чиқиб кетиб, ҳали бозор оралаб, ҳали Тўбуқтилар тушган уйларга бориб кунни кечқилди. Туш пайтида отасининг олдида овқат еб, чой ичиб олиб, яна отига миниб, бозорга қараб кетди, бу гал Изиқутти блан бирга борди. Ҳали тушлик овқат чоғида Абай отасидан пул сўради. Отаси Изиқуттига қараб:

— Бозорга ўзинг бирга бориб, оналарига, укаларига оладиган совғаси бўлса ўзинг олиб бер! — деган эди.

Кечқурунгача Изиқутти блан иккови бирқанча дўконларни айланиб кўп нарсалар олишди. Айниқса энаси чойни яхши кўрар эди. Абай аввало чойдан бошлаб, қанд, конфет, духоба, кимхоб, дуроя, кўйлаклик, камзуллик нарсалар олди. Ўзининг остидаги катта хуржунининг икки кўзини тўлдириб олгач, қолганларини Изиқуттининг қўйин-қўнжига тиқиб, кечқурун отасининг олдига келди.

Жўнаш олдидан бошқалар ҳам шундай буюмлар олишнинг пайидан бўлди. Эртага жўнамоқчи бўлиб турган Қунанбойнинг олдида бугун майор, старшин, тилмочлар ғужрои қилишаётган эди. Абай отасининг олдига кирмади. Қорабос, Изиқуттилар тушган уйда хуржунларини жойлаб, оғзини тикиб, йўл тараддудини кўриш блан овора бўлди.

Эл ёта Қунанбойнинг олдидан чиққан майорни Изиқутти узатиб келди ва:

— Мирзанинг дун'ёсининг ҳузурини кимлар кўрматеётир, пишган бош майор ҳам ҳозир бирқанча нарсанинг бошини еб кетди! — деди.

— Нима, мол олдими, ё пул олдими? — деди Қорабос.

— Мирза: «амалдорсан-ку, одам кўрса кўргудай бўлиб, кулиб юр» деб Бекқорадан келган учта қора отни берди. Пулдан ҳам беш юз сўмни жигифлодонига урди — деди.

Сўнгги кунларда Қунанбойдан фақат майоргина эмас, тилмоҳ ҳам анчагина нарса олди. Бундан ташқари куникеча Қунанбой Мойбосар блан Қоратойдан Олшинбойнинг овулига ҳам қирқ-эллик қорамолни ҳайдатиб юборди. Уша мол ҳайдаб кетганлар вақтида етиб келалмай, эртага жўнайолмай қоламиз деб туришган эди. Мана ҳозир улар ҳам қайтиб келишди. Мойбосар бундан иккичу кун олдин, Олшинбойнинг овулига кетаётганда, Абайга яна бир тегишиди, лекин, ўтган галлаги гапи учун бу сафар эҳтиёт блан: «Келиндан уятга қоладиган бўлдик-да!» деди. Шуни ҳам Абайга қараб эмас, Изиқутти сингари катталарга қараб айтди. Абай яна:

— Бормайман! — деб узил-кесил жавоб берди. Шуппинг блан Абай қайнинотанинг уйига бориш деган гаплардан қутилиб қолди...

Қунанбойнинг жўнашга ҳаракат қилиб қолиши Абайнин қайнин отасининг уйига юбормайман дегани эди. Энди эртага овулга жўнашади. Абай тўшакка ётиб, кўзи уйқуга кетай деяётган пайтда, Мойбосарни кўз олдига келтирди. Уни Дилданинг овулига бориб келганини ўйлади, биринчи мартаба қаллиғига кўнгли исиб, ширин хаёлларга боргандай бўлди.

Қаллигининг олдига бормади... Лекин кўргуси келар эди... Қандай экан? Мойбосар «томоғи оқ қушнинг томонидек» деб тасвирлаган эди. У оққуш, қарчифай, туйғун сингари қушларнинг гўзал бўйинларини кўз олдига келтириб, ҳақиқатда ҳам қушларнинг бўйнига ўхшаш чиройлик, нозик бўйинлар ҳам бўлишини ўйлади. Фақат бугунгина эмас, у авваллар ҳам бирнече марта Дилда ҳақида ўйлаганда, ўзгача бир кучлик ҳисснётга берилиб ўйлар эди.

— Борсам нима бўларди? — деб, ўйлай бошлади Абай ажаб бир хаёлларга бориб. Лекин Мойбосардек дағал одамларнинг қилиғи унинг кўнглидаги сирини зермак қилиб, кулаётгандай туйиларди. У чин кўнглидан Дилда блан учрашишни истайди, лекин «Қаллиқ кўриш»га ўхшаш бўлмағур урф-одатлар, турган-битгани хижолатликдан иборат ҳархил бид'атларни истамайди, Абай хийла вақт тўлғаниб яна уялади!.. шунинг учун ҳам боришга юраги бетламайди, ётиб, ниҳоят кўзи уйқуга кетди.

Эртасига, Қунанбой айтганидек, эрта жўнашди. Ҳар тўп ўзи тушган уйидан гала-гала бўлиб чиқиб, шаҳарнинг четида учрашди.

Бирқанча старшинлар, бийлар, тўралар юзга яқин киши бўлиб Қунанбойни шаҳарнинг четигача кузатиб чиқиб ўша ерда бироз туришди-да, ниҳоят «Хайр, хайр мириза!.. Оқ йўл берсин!.. Сафарингиз бехатар бўлсин» деган тилаклар блан қолишли. Қунанбой ўттизтacha одами блан Тўбуқтига қараб йўл олди.

Қарқаралидан Чинғизга етгунча узоқ йўл босиш керак. Йўлнинг йироқлигидан ташқари, қор ҳам қалин, йўл кириш оғир эди.

Одатда шимолдан эсадиган кучлик шамол бу йил қишида ҳам хийла вақт эсган эди, ҳафталашиб, ўн кунлаб тинмасдан қорни учирив, оқ бўрон қилиб, ҳозир Абайлар кетаётган ёйдоқ дала, адрлар, водийларни қор кафанига

Үраган, бу қор музлаб қолган, музлаган қорнинг уйилиб-уйилиб ажиб шакллар ҳосил қилиб туриши, изгирияннинг нақадар куч блан эсганини кўрсатиб турар эди. Кўп отлиқлар қаторлашиб юриш уёқда турсин, уч салт отлиқ сиғадиган йўл ҳам аҳ'енда тўғри келар эди. Шунинг учун йўловчиларнинг ҳаммаси, қайтиб кетаётган турнадек қаторлашиб, орқама-орқа боришга мажбур эди.

Йўловчиларнинг олдида Қунанбойнинг ўзи борар эди. Унинг остида орқа томони тухумдек юмaloқ келган оқ ёллик, семиз саман от. У, оддий йўрга отлардек, возик эмас, қовирғаси кенг, усти тахтакачдек, булутга сакрайдиган от. Қунанбой узоқ сафарга чиққанда, айниқса қиши кунлари чиқадиган бўлса, кўпинча шу отини минар эди. Қунанбойнинг устидаги қора қулунинг терисидан тўн, белида кумуш камар, бошида қора баҳмал сирилган тулки тумоқ. У, орқасидан қарабандана, барваста, ниҳоятда савлатлик кўринарди. Қора қулуни терисидан тикилган тўн саман отга жуда ярашади. Унинг қаттиқ йўрга саман оти бошқа отларнинг ҳаммасини елишга мажбур қилаёттир. Абайнинг ҳам оти Қунанбойнинг самани астароқ йўрга блан бораётгандана, ўзининг йўл йўргасига тушиб оладида, саман қаттиқ йўргаласа ноchor елиб, устидаги одамни кўп бетинч қилар эди.

— Епирим, бунинг чопишини қаранг... Худди хода мингандай бўлаётирман,— деб Абай Қорабосга отининг юришидан шикоят қилар эди. Ҳақиқатда ҳам аввалги икки кунда Абайнинг ичак-бағри шилқиллаб, ўзини зўрга удалаб, борарди.

— Ҳеч қиси йўқ, ўрганиб, этинг қотиб қолади... Этагингни қимтиб ўтири! — деб, қўярди Қорабос.

Абай ўзига қолса, шошилмасдан, отининг йўл йўргаси блан борарди, лекин элга тезроқ этиш учун кунни ҳисоблаб ўша мўлжалида этиб бормоқчи бўлиб кетаётган Қунанбой бировнинг хоҳишига қараб йўл юрадиган эмас... У, бошқа вақтларда аямайдиган чавондозларини ҳам, олдинга солмай, олдинда ўзи кетаёттир.

Фақат бугун эмас, неча кунлик йўлни шу таҳлитда босишиди. Қунанбой кундузлари қаттиқ юрса ҳам йўлдаги ма'lум огулларга келиб тушганда ҳа деганда чиқақолмао эди. Қунанбой қаерга тунагали тушса, ўша огул уни худди маккадан келаётган ҳожидай қарши олишарди.

Ҳамма ерда ҳам оқсоқоллар, амалдорлар, муллалар, сўфиларнинг оғзида «мачит-мачит» деган гап. Ба'зибир

яхши кўрингуси келган кексалар: «фуқорадан хон туғилдинг!», «қонли жангдан бир ерингга неш теккизмай чиқдинг!», «қўнғироқли катта нор бўлдинг!» деб пилдираб, очиқдан-очиқ хушомадгўйлик ҳам қилишарди. Қунанбой жўнаб кетгунча булар унинг атрофида парвона бўларди.

Йўлда тушилган шу кўп овулларнинг амалдорлари, шу қиши Қарқаралига Қунанбойнинг ҳузурига бориб, да'во жанжалларини битириб келишган одамлар. Буларнинг кўпчилиги Қунанбойнинг орқасидан оладиганини олиб, кеки бўлган одамлар блан ҳисобини тўғрилаб, ўчинни олган кишилар.

Шубортов, Обралидаги тўрт-беш овулда ба'зи бир катталар Қунанбойни кузатишда уни четга тортиб маҳфий ишларнинг маслаҳатини қилиб йўлдан ҳам қолдиришиди. Ўшандай овулларда Қунанбойга яхши отлар, катта биялар тортиқ қилишарди.

Шу сингари тортиқ қилинган икки қора йўрға, бир қизил от яна уч-тўртта тўриқ от ҳозир Қоратойнинг етагида кетаёттир. Абай бу отларга таажжубланган бўлса ҳам, аввалги кунларда аҳамият бериб, буларнинг қаердан келаётганини ўйламаган эди. Тўбуқтига яқинлашган сайнин молининг сони ортаборди. Ҳаш-паш дегунча от етакламаган одам битта-яримтагина қолди. Тўбуқтининг бир учига етиб қолганларида, бу отларнинг сони ўнбешга етиб, энди етаклаб эмас, бир тўп қилиб ҳайдалди.

Бунинг ҳаммаси Оғасултоннинг сафардан тортиқлар блан қўйни-қўнжини тўлдириб келаётганига шоҳид эди. Агар шу кунларда Қунанбойнинг овулида бирор одам ром очган бўлса, албатта, сафардан келаётганларнинг «кўнгли тўқ, қонжуғаси маҳкам, қўша-қўша ўлжалар блан келаётир!» деган бўлар, бир элни босиб талаб, муваффақият қозониб келаётган босмачиларга тушадиган фолдан тушган бўлар эди. Тунаб ўтгали тушилган жойларни з'тиборга олинмаса, ҳатто тушлик қилгали ҳам ҳеч қаерда тўхтамасдан, ўловчилар Қарқаралидан чиқилганига етти кун бўлди деганда Чинғизнинг кун ботиш томондаги ёнбағрига етиб келишди.

Еттинчи куни Қунанбойлар Тўлепберди, Бурахон, Қамишибойларни қувиб етишди. Абай уларнинг нега олдин кетганини билмаган эди.

Бир тेғаликда бирқанча отларни ҳайдаб кетаётган одамларни кўрганда, Мойбосар:

— Ана ўшалар бизнинг йигитларимиз бўлса керак!

Айтгандек, ўша уч йигит Қунанбой мол ҳайдатиб юборган одамлар экан. Улар юзга яқин нуқул сархилланган, ёли қуюқ семиз биялар, яхши отларни ҳайдаб кетишаётган эди.

Қорабос ҳайдаб келаётган ўнбеш оти ҳам ўша отларга қўшилди.

Қунанбой ҳалиги отларнинг орасига келиб, ҳайдаб келаётганлар блан сустгина саломлашди-да, бироз тўхтаб қолди.

Абай шубҳага тушиб, Қорабосдан:

— Бу қандай отлар? Кимнинг отлари? — деб сўради.

— Ҳа, тортиқ қилиб берилган отлар, отангнинг отлари.

— Тортиғингиз нимаси, ким берган?

— Вой тентак, гўдаксимон ўзинг?. . Отангнинг қўл остида озмунча ҳалқ борми? Қарқаралида кечаю-кундуз уймалашиб ётганларни кўрмадингми?. . Ўша ерда қилган хизматига ҳақ олмайдими? Е бекорга ишлайдими?

Абай ортиқ ҳечнарса сўрамади, лекин бу ўзгача ишларнинг тагига етди-да, ўз-ўзидан ҳижолат тортиб, қипқизарив кетди. Енидан ажралмай юргани блан отасининг ҳам, бошқа катталарнинг ҳам ички сирини сезмаган экан.

Абайнинг эсига Шўже тушди. У «Сарасин, ҳалқ молининг сўқир чукур» деган эди. Шўже Қунанбайдан четда, Йироқда юрса ҳам унинг бутун а'молини билар экан, билганидан шундай деган экан-да. «Қандай номус иш» деб, Абай ўз-ўзидан айниқса Шўжедан уялгандай бўлди.

Йўловчилар яна қаттиқ жадаллади. Абай отини елдириб келмоқда эди. Букун Қорашибўқига, Кункенинг овулига етиб бориш керак. Қариндош-уруғларининг ҳаммасини шу букун кечқурун кўриш керак. Лекин Абай, соғиниб юраги узилиб келаётган бўлса ҳам, ҳалиги оғир ҳислар унга шодланишга йўл бермас эди.

Абай чуқур ўйлаган сайн турлик-туман ҳабиҳ ишларни кўпроқ кўрабошлади. Олшинбой овулига юборилган элликта қорамол ҳам шундай молларнинг бири бўлган. Абайга олиб бериладиган келиннинг қалин моли ҳам шу сингари таланган, қақшатиб олинган моллардан...

«Томоғи оққушнинг томоғидек» деб мақталган қаллиғи! Дилда!. Абайнинг кўнглидаги беғубор соғ олам ифлосланиб, кир бўлиб, зарҳал бўёқлари ўнгиб, кўнгилсиз, расво бўлиб бораётгандай бўлди. «Маҳбуба! Маҳбуба!» деган сўз ҳам бу қадар соғлигини йўқотиб бунчалик

ғарип ажволга тушар экан-а, деб ўйлади Абай. Ўзи учун ҳам, Дилда учун ҳам ғоят қаттиқ озор чекди. Озор чекдигина эмас, ғазабланди.

Китобларда баён қилинишига қараганда, порахўрлик — гуноҳларнинг гуноҳи. Бу порахўрлик ўтган замон бойларидан Кегирбойнинг ҳам сугигида кетган, кетмас доғ бўлиб унинг ша'нида қолган. Пора ҳолитанг бўлиб қолган одамларнинг оғзидан тортиб олинадиган маломатлик бир ғанимат. Дулат, Шўжейларнинг айтишига қараганда, пора ҳеч кечирилмайдиган гуноҳларнинг биттаси... Донг чиқариб, обрӯ олиб берадиган «тангрининг уйи» ҳам шу сингари порага келган моллардан солинмадими?.. Порадан тикланган бўлса ҳам, мачит бўлиб тураберар экан-да, «харомдан тикландим» деб емирилиб тушмас экан? Яна унинг ичиде худонинг, пайғамбарнинг номи блан ва'з айтилади. Салласи қозондек имом кўзини сузиб «Бухоро мақомида» «таборак»нинг қироатини келтириб ўқиёди. Севикили ўғилнинг қаллиғига атаб яхши ниятлар блан солинган оқ уй ҳам чимилдигигача порадан тикилар экан-да.

Йўловчилар Қорашибўғига кечқурун етиб келган бўлса ҳам Абай отасининг олдида, Кункенинг овулида қолмади. Ёнига Жумағулни олиб, ўша онда Жидебойга жўнади. Йўл бўйи отини гоҳ чоптириб, гоҳ елдирди.

Қаттиқ юриб келаётган отликлар деразанинг тагидан ўтиб, овулдаги итлар жонининг борича ҳуриб чиқишган пайтда, уйдаги оналар кечки овқатни ҳам ейишмаган, ҳали ухламаган экан. Новча, юзларини шамол олиб қорайган, етилган йигитча салом бериб кирди. Дуппадуруст, катта кишиларга ўхшаб, кийинган; унинг оёқ босиши ҳам катталардек салмоқлик. Абай тўсатдан кириб келганда, Жидебойдагиларнинг ҳаммаси шодланиб қий-чув қилиб:

— Абай!..

— Абайжон!..

— Бўтам!..

— Қора кўзим... Абайжон! — дебчувуллашганича, алоҳида бир хурсандлик блан қарши олишди.

Ўйдагиларнинг ҳаммаси соғ-саломат, энаси блан онасининг вақти чоғ! Иккаласи ҳам галма-гал Абайнинг қуҷоқлаб ўпди. Успон ҳам ухламаган экан. У, шодлиги ичига сиғмай, товушининг борича қичқириб, сонига шаппалаб сакрайбошлади.

— Қани, чиқар совғангни!.. Ширинликдан ҳам бормн!.. Қани чиқар! — деб, Абайни оналари, Ғабитхон, Такежонлар блан сўрашгали ҳам қўймай, қистай бошлиди; унинг қўйнини титиб, чўнтакларига қўл солиб, қайта-қайта:

— Қани, бер!.. Бўл, энди! — дер эди.

Шундан кейин уч-тўрт кунгача Абай уйдан чиқмади, ҳечқаерга бормади. Айниқса отасининг олдига бормади: «Қорашибўқида Қунанбойнинг уйи тўла одам эмиш, Қункенинг уйини меҳмон босиб ётган эмиш, Қунанбойни кўргали келганларнинг сони йўқ эмиш» деган хабарлар ҳаркун деярлик Жидебойга келиб туради. Бу овулдан Қунанбойнинг олдига фақат Такежон борди.

У, отасига ўлжага теккан отларнинг дарагини Жумарудан эшитиб:

— Ҳаммаси ҳам танланган яхши отлар дейишашётир. Бор сархилини Қудойберди танлаб олади,— деди. Қункенинг туғилган акаси Қудойбердидан яхши отларни қизғаниб,— яхшисини териб-териб оламан! Олиб келаман!.. Кўрасан.

У, шу кетганича, қолиб кетди.

Бу кунларда Абай Қарқаралида кўрган, кечирғанларни иккала онаси блан Ғабитхонга ҳикоя қилиб бериш блан бўлди. Унинг ҳикояларини ба'зан, кичик онаси гўзал Ойғиз ҳам келиб тинглар эди. Отаси блан Бўжейнинг қай тахлитда ярашганини ҳам айтиб берди, лекин бола бериш деган гапни оғзидан чиқармади. Бу гап Абайнинг ичини еб бораётган оғир дарднинг бири эди. То отасининг ўзи айтмагунча, оналарининг шу қадар шодланиб, уни қарти олган баҳт-саодатли кунларини қайғи ҳасрат кунига айлантиргуси келмади. Бу гапни отасининг ўзи айтсиз. Қани оналари нима дейишади. Ҳозир агар Абайнинг оғзидан эшигадиган бўлса, олдиндан ғазабланади, яна ғамга ботади. Яхшиси бундай гапни вақтидан олдин билдиримай туриш керак. Абай Жидебойга келаётган чоғнда шу жиҳатларини ўйлаб, ёнидаги Жумарула ҳам: «Бу овулдагиларга билдиримай туратур» деб тайинлаб қўйган эди.

Шундан кейин, тўрт-беш кун ўтгач, «Бўжей ҳам келибди» деган хабар келди.

Қунанбой тездан Жидебойдаги уйга Қорабосни юборди. У келиб Зере блан Улжонга:

— Мирза салом айтиб юборди. Эртага кўп одамлар

блан келмоқчи. Бўжей блан шу уйда ярашиб, шу уйда топишадиган бўлишипти. Бўжей, Бойдалилар ҳам шу ерга келишар эмиш. Шунга ҳозирлик кўриб, кутиб олсни деб, юборди!— деди.

Бу хабар Улжонни ортиқча ташвишга солмади. Ойғиз блан иккови икки кун уриниб, той-той қилиб боғлаб қўйилган буюмларни ешиб, қимматлик гиламлар, яхши шолчалар, чойшалларни олиб Зеренинг катта уйини, меҳмонхонани, Ойғизнинг уйини яхшилаб ясатиб қўйишди. Чора-чора бўғурсоқлар пиширишди, қўй ўтишди, қурут эздиришди, шундай қилиб овқатларни қам бир қадар ҳозирлаб қўйишди. Бирнеча қорин сариқ ёғнинг ичидан тузи дуруст, маззаси яхши, кўриниши сапсариқ олтиндек тоза мойларни танлаб олиб, ўша қорнвларни буздиришди. Айтгандек эртасига Қунанбой блан Бўжейлар одамлари блан келнишди.

Бўжей катта уйга кириб келганда, Зере ўрнидан туриб бориб, йиғлаб, унинг, юзидан ўпиб кўришаркан:

— Бўтам, биздан кўнглинг қолиб, совиб кетмадингми? Сен бола, мен она эдим-ку?— деди.

— Аэзизим, меҳрибоним!..

— Оҳ шўрлик онамиз! . . . деб, Бўжей блан бирга келган Бойдали ва Суондикларнинг кўнгли бўшаб кетди.

Бўжей ҳам, чиндан юраги эзилиб, Зерени қаттиқ қуҷоқлаб туриб, бир хўрсинди да, қўли блан ишора қилиб, ўрнига ўтиргизди; ўзи ҳам Зеренинг ёнида ўтирганича қолди.

Бироз жимлик чекди. Кейин Бўжей бошини кўтариб болаларга қаради. Абай энасидан пастроқда ўтирган эди. Бўжей Зеренинг меҳрибонлигига жавобан, жигарлигини кўрсатиб, аввал Абайнин чақириб юзини-юзига қўйди, сўнг, Успон, Жумагулларнинг юзидан ўпиб кўришди.

Ҳақиқатда ҳам Бўжей бу уйни бошқача қадр қиласди. Бу уйга Қунанбойнинг уйн деб эмас, шу бир отадан тарқалган авлоднинг уйн, барчага баравар, меҳришафқатлик, бегарааз ҳалол уй, деб қарап эди.

Бўжейлар жойлашиб ўтиргандан кейин, Қунанбой ҳам ёнига Қоратой, Мойбосар, Қулуншоқларни олиб, биргала бўлиб кириб келди.

Абай, Бўжей блан ўз отасининг бетма-бет ўтиришидан хижолат бўлгандай, ўз-ўзидан ийманиб, ерга қаради. Катталарга жой бўшатиш керак эди, шуни баҳона

қилиб, чиқиб кетди. Шу блан кечқурун ҳам, эртасига әрталаб ионушта чоғида ҳам ичкарига кирмади; эшикда онасидан сўраб, Бўжей блан Қунашибойнинг у қадар очилиб сўзлашмай, бир-бирларига сиполик блангина мумила қилишаётганини эшилди.

Эртасига, Бўжейлар жўнаш олдида, Абай Қарқаралида эшилган совуқ гап очилди.

Уз уйида бағрини ерга бериб йиғлаб ётган Ойғизнинг қўлидаги Камшотни Қоратой тортиб олиб, кийинтириб, катта уйга олиб келди. Қопқора, қорамӯфдек кўзлари ёниб турган, оппоқ ширингина Камшот катталарга қараб:

— Ака, дада! Дада... Ака!.. — деб, кичкинагина бармоқларини ёзиб, кўзлари жовдираб, қараб туарди.

Улжон, гўдакнинг аянч ҳолини кўришга тоқат қилломай, чиқиб кетди. Зере мук тушиб йиғлаганча қолди. Ўтирган катталардан тош бағирликнинг совуқ изгирини эсаётгандай, Абай ҳам отилиб, чиқиб кетди.

Қунанбой ягона кўзи блан уйдаги, кўнгли бўшаб кетганларнинг ҳаммасига ўқдек қадалиб, отиб юборгудай бўлиб қаради. У Қарқаралидаги шартга биноан шу боласини Ойғизнинг бағридан юлиб олиб, Бўжейга берди.

Уйда бўлаётган фалокат ўзгаришни сеzmай аввалгидек ўйнаб кулиб, ширин тили блан чулдираб ўтирган Камшот бир бегона одам кўтариб эшикка томон юргандагина чўчиб:

— Опа!.. Опа... Эна... Эна... — деб чирқираб йиғлаб юборди.

Кичкинагина юрагини қўрқинч босиб, ўти ёрилиб йиғлаётган бола гўё чўғ босиб олгандай чирқиради.

Гўдакнинг шу фар'ёди, чирқираган овози Бўжейлар йироқлашиб кетгунча босилмади. Улар йироқлашган сайнин, ўтга ўртаниб ё сувга ботиб бораётган кишининг фар'ёдидек, аламлироқ бўлиб юракни тилка-тилка қладиган йиғи овози ўхтин-ўхтин эшитилиб турди.





ЧАНГАЛЗОРДА

1

Абай Қарқаралидан келгандан буён отга миниб, уёқ-буёққа бормайдиган бўлди. У кўпинча Жидебойдаги овулда оналарининг олдида бўлиб, то кўкламгача ке-чаю-кундуз китобдан бош кўтартмади. Мадрасадан келганидан буён ихлос блан қўлига китоб олгани ҳам шу эди. Бирқанча араб, форс сўзлари ёдидан кўтарилиб унугтилаёзган экан. Биринчи ҳафта ўша ёдидан чиққан сўзларни, Габитхондан олинган луғатга қараб эслаб олиш блан ўтди. Шундан буён қўлига тушган ҳарбир қалин китоб унга кўп вақтлар интизорлик тортиб, ниҳоят етишган азиз ва меҳрибон дўстдек туюладиган бўлди.

Габитхон ҳам китобхон эди. Абай унинг китоблари орасидан ўзини қизиқтирадиган кўп асл нарсаларни топди. Булар Фирдавсий, Низомий, Фузулий, Навоий, Бобир асарлари, «Жамшид», «Сайдбаттоли ғози», «Минг бир кечас», Тобора ёзган тарих, «Юсуф Зулайх», «Лайли ва Мажнун», «Гўр ўғли» га ўхшаган китоблар эди. Абай бу китобларни бош кўтартмай ўқир эди. Бироз вақт ўтгач Абай ўқиган ба’зи китобларини кечқурнлари уйдагиларга ажойиб ҳикоя қилиб айтиб берадиган бўлди. Бундай қилишига энаси сабаб бўлди.

✓ Зере Абайнинг қунт қилиб китоб ўқишини кўриб, бир кун кечқурун:

— Болагинам, шу ишинг — иш. Еган-ичганига маст бўлиб, билқиллаб семириб, идрокдан-ҳунардан маҳрум бой болалари кам дейсанми? Ҳарнечук шу ола қофозингдан қолма! Ўшаларга ўхшаш бўлмай.. деган эди.

Абай энаси китобнинг қадрига бунчалик етиб, мақташидан ғоят журсанд бўлди ва ўша гапдан кейин ҳар кун бир ажойиб ҳикоя айтиб берадиган бўлди. Оналари, мол боқути болалардан тортиб, Абайнинг оғзига тикилганича, ҳикоя эшиштали келарди. У, Камшотдан айрилиб қолганидан буён ичига чироғ ёқса ёримайдигая, юрагига қил сифмайдигак бўлиб, ранги кетиб, сўлиб, каттакатта қора қўзлари яна ҳам катталашиб, чакка томирлари кўкимтири товлаб, борлиқ гўзал симосида ғурбат акс этиб турадиган бўлиб қолган эди. Оҳ деялмай алам чекаётган она ўзини ўзи ер эди. Абай онасининг бу аҳволини жуда яхши онгларди. У келган кечаларда ҳикоясини ўзгача қунт блан айтар эди.

Абай ҳикоя айтишга қандайдир жуда чечан, жуда моҳир бўлиб борарди. Ғабитхон бўлса ўша китобларни гарчи ўзи ўқиб чиққан бўлса ҳам Абайнинг ҳикоясига жон-дили блан берилиб қулоқ соларди.

Фақат шуниси ёмон бўлдики, кўклам чиқиб, мол туға бошлигар пайтга келиб, бор қизиқ китоблар ўқилиб, бутун ҳикоя айтилиб тамом бўлиб қолди.

«Ҳикоя, ҳикоя» деб Абайга ёпишадиганлар энди 'Абай айтган ҳикояларни биронта мол боқарга ё болаларга айттириб эшигадиган бўлишди.

Лекин улар Абайдек қойил қилиб айтишаолмас эди. Буни сезгая Улжон:

— Қиши ўтди. Эз чиқиб, мол қўзилаб қолди. Ҳикоянинг ҳам вақти ўтди. Қўйинглар энди, бекор қашнинг охири узаб кетади,— деб, айттирмай қўяр эди.

Лекин оналарининг ўзлари, бўш вақт топилди дегунча, Абайдан яхши китоблардаги яхши ҳикояларни қайтадан айтиб беришни сўрашар эди.

Ғабитхон блан Абай китоби бўлган мулла сифат кесалардан, хашаки муллалардан битта-яримта китоб топиб келишарди. Биркун Ғабитхон атайнин Қораҷўқига Кункенинг овулига бориб, хуржунининг икки кўзини лиқ тўлатиб, китоб олиб келди.

Қунанбой бу китобларни Қарқаралида Ҳасан мулла орқали олган эди. Бир кун Абай:

— Бизга беринг!— деб, сұраганда:

— Енимда ўтириб, менга ҳам ўқиб бер! Шунга хұб десанг бераман, ўзинг ўқиб, ҳузурини ўзинг күрадиган бұлсанг, бермайман!— деб, бермаган эди.

Абай отасининг олдода тұргиси келмай, бу китоблардан маҳрум бўлиб келаётган эди. Ғабитхон кечгача Қунанбойга ялика-ялина бир амаллаб, китобларни ундириб келди. Ғабитхон олиб келган нарса үйдагиларниң ҳаммасига ҳам, Абайга ҳам, Ғабитхоннинг ўзи а ҳам бир улуғ бойлнкдай бўлди.

Броқ ҳудди шу китоблар келган куннинг эртасига отасидан одам келдию Абай Қорашүқига жұнаб кетди.

Абай Қункенинг уйига етиб бориши блан Қунанбой уни бир топшириқ блан Қулуншоқнинг овулига юборди. Абай отасининг Қулуншоққа айтадиган сұзларини яхшилаб ўқиб олиб әшикка чиққанда, Қорабос унинг блан бирга боргали ҳозирланиб турған эди.

Қулуншоқнинг овули у қадар олис әмас, Қорашүқининг күн ботиш томонида қадимги Құдар қистовининг нариги ёғида, Тұрғайларга қарашлиқ қистовлардан бирида. Қулуншоқ Тұрғай зелининг бошлиқларидан эди.

Бирқанча йўл юрганларидан кейин, икки салт отлиқ йўловчи, Құдар қистовининг рұпарасига келишди. Абай Құдар блан Қамқанинг қабрига бориб қур'он ўқиди-да, қовоғини солганича, жимгина отининг бошини буриб, йўлида давом этди.

Уша күнги мудҳиши воқиға гүё шу букун эрта блан бўлиб ўтгандай кўз олдода гавдаланди. Уша куни түккан аламлик иссиқ-иссиқ ёшлари ҳам эсига тушди.

Қулуншоқ овулларига келиб тушганларидан, Абайнинг симоси катта кишилардек жиiddий ва бирқадар ғазаблик эди.

Қулуншоқнинг овули ҳали қистовдан чиқмаган экан. Одатда күн иссиши блая уй ёнига ўтөв тикиб ўтириларди, лекин Қулуншоқнинг овули ҳали чиқмаган экан.

Қулуншоқ, гарчи Абайга бола деб қараса ҳам, Қунанбой юборғанлигини назарда тутиб, катта киши келгандек қарши олди. Мәҳмонар ўтириб, ҳол-аҳвол сұрашиб бўлғанларидан кейин Қулуншоқ:

— Ҳой, хотин, мәҳмон келди. Овқатнинг тараддудини қил!— деб буйруқ берди.

Унинг «Беш қашқа» деб аталадиган бешта азамат ўғли бор. Улардан уйда ҳозир фақат Монос бор экан. Монос «қашқа» деса дегундай, пешонаси кенг, юзидан нур ёғилиб турган паҳлавондек ёш йигит экан. У меҳмонни ёқтирганда бир чеккада жимгина, дўмбирасини тинғиллатиб ўтиради.

Уйда чой тайёр экан. Моноснинг хотини — ёшгина жувон дастурхон ёзиб, чой тайёrlай бошлади. Йилтираб турган қўнғир сочлик, қирра бурун, қора тўри келган келин мулозиматлик, озода ва чақон кўринди. Унинг бутун ҳаракатларида сиполик блан бирга ажойиб бир эпчиллик ҳам кўринар эди. Ўтирган уйига пайз киргизиб, нур сочиб турганда кўп нозанин жувон экан.

Абай унинг ҳаракатларига қараб туриб:

— Қулуншоқ оға,— деб сўз бошлади.

Қулуншоқ хиёлгина Абай томонга ўгирилди. Қўлидаги катта носқовоғини чертиб ўтиракан, кўмкўк носдан олиб, ҳузур қилиб бурнининг икки катагига тортди.

— Отам сизга салом дедилар.

— Саломат бўлсинг...

— Мени юборгани мана шу ердаги Бетқудуқ важидан эди. Илгари бу жой Бўрсоққа тегишлиқ жой экан. Бўрсоқнинг қистовини Оқперди олган экан. Энди ўша ернинг қирию-ўрининг ҳаммасини қўшиб олганман деяпти. Бултур, қистовга кириш олдидан, ўша ерга сизнинг овулнингиз қўниб, бирқанча вақт туритти. Оқперди отамга «ёз келаётир. Қулуншоқ яна ўша ерга бориб ўтирасин, мен мол оғизини теккизмасдан, кузда бичанини ўриб олсан деган эдим. Энди Қулуншоқ шу ернинг баҳридан ўтса!» деб илтимос қилипти.

— Ҳа, ҳа, шундай легин, Оқперди-ку шундай депти, қани энди отанг нима деди?

— Отам Оқпердининг сўзи ўринлик, Қулуншоқ ўша ерга бормаса яхши бўлади деб, мени юборган эди.

Абай тап тортмасдан, қисилмасдан катталардек ётиғи блан гапирди.

Қулуншоқ индамасдан бошини қуйи солди, мийиғида кулиб қўйди-да:

— Чой ич! Қани, дастурхонга қаранглар!— деб, дастурхон томон қўзғалди. Абай чой ичиб, Қулуншоқнинг жавобини кутиб ўтирас эли. Қулуншоқ бир пиёла чой ичиб бўлгундек вақт жим ўтириди-да, сўнг тўсатдан Абайга қараб:

— Хўш, болам, отанг бу Бетқудуқни кимга қарашли эканлигини яхшилаб текшириб кўрдими ўзи? Бўрсоқнинг вақтида ҳам биз галма-гал ўтирас эдик-ку. Ўтини бўлса ўша вақтларда ҳам ўтара эдик, тенг бўлиб олар эдик. Отанг шуларни ҳам биладими?— деди.

— Албатта у гаплардан хабари бўлса керак. Лекин бу ерда гап ернинг кимга қарашлигига эмас, гап келишиб иш қилишда, оқсоқол. Отам бу ернинг асл эгаси Бўрсоқ эди, бу ўша Бўрсоқларнинг ери, Қулуншоқ ҳаққи бўлгани учун эмас, келишгани учун улуш олиб келган, келишаман деса, Оқперди блан ҳам келишиши мумкин, фақат ўша ернинг Оқпердига қарашлик эканлигини унумасин деб юборди.

— Шундайми, ҳали отнинг эгаси Оқперди денг. Отнинг эгаси минади-да, бизларни хоҳласа мингаштиради, хоҳламаса мингаштирамайди. Қистовимдан бир қадам жойда бўлса ҳам, Бетқудуқдан қўлни ювига қўлтиққа уриб қўяқол денг,— деб Қулуншоқнинг фе'ли айнаб қовоғи тушиб кетди.

Абай унинг нима учун ранжиётганини яхши билар эди. Узига қолса унинг дилини сиёҳ қилиш хаёлида ҳам йўқ эди. Отаси топширган иш нақадар оғир эканлигини энди ҳис қилди. У, кимсан Қулуншоқдек одамнинг бошини қаерга уришини билмай қолганини кўриб, бу гапларнинг қанчалик оғир эканлигини онглаб:

— Мен сизга фақат отам айтиб юборган омонат гапни етказдим, энди у ёғини ўзингиз биласиз,— деган эди, Қулуншоқ:

— Начора Оқперди— Оқперди! Оқпердига худо баҳт берди,— деб заҳарханда қилиб кулиб қўйди.

Қулуншоқнинг буқадар ўзини тутиб, қилаётган ҳазили ма'қул тушиб Абай кулиб юборди. Отасининг топшириғини бўйнидан соқит қилган Абай энди Қулуншоқнинг ҳазилини илиб олиб:

— Баҳт берганда нақд берди денг,— деди.

Абайнинг бу сўзига уйда ўтирганларнинг ҳаммаси хандон ташлаб кулиб юбориши. Бу сўз айниқса ҳалиги чой қуйинб ўтирган келинчакка кўп ма'қул тушди шекиллик, қип-қизарив, шарақлаб кулиб юборди-да, ялт этиб Абайга қараб, лабини тишлаб қолди.

Қулуншоқ завқ қилиб, Абайга:

— Оббо боламей, бу гапинг ажойиб гап бўлди. Асли

шу гапнингни Оқперди эшишганда бўлар эди-да! — деди хурсанд бўлиб.

Шундан сўнг Қулуншоқ Бетқудуқ можарасини бир чеккага қўйиб:

— Чироғим, бир вақтлар Бўжейга берилган гўдакнинг аҳволи қандоқ экан? Шўрлик Ойғиз йиғлаб қолди дейишган эди. У қалай — деб, Абайнинг уй ичисини, Зеренинг аҳволини, Улжонни сўради. Абай Камшот ҳақида оғиз очмай ўтирган эди. Қулуншоқ яна сўз бошлаб:

— Менинг билишимча Бўжей томон мол олмаганидан норози бўлса керак. Кичкина синглингнинг ҳам кутуми унча яхши эмас деб эшиштаман. Бечора Ойғиз ҳам шуларни сезиб, ич-этини еяётган бўлса керак! — деб, йўқ ердаги дилни вайрон қиласиган кўнгилсиз гапларни қўзғай-бошлади.

Абай ёрилиб, бу ишлар ҳақида гапириб, сир бермоқчи эмас эди. Бир қадар жим ўтириди-да, сўнг гапни бошқа ёққа буриб:

— Оқсоқол, нима сабабдан сизнинг болаларнингизни «Беш қашқа» дейишади? Шуни айтиб беринг! — деди.

Қулуншоқ бу боланинг гапни буриб юборганини кўриб ичидан:

«Ўзи кўп эслик бола кўринади, хила вазмин, сир очилмасин деб ўтиришини кўр, буни, бунга ҳам ўргатган экан» деб қўйди, сўнг у гапларни қўйиб:

— Қашқа дегани ботир дегани — дейишади-ку, лекин булар, — деди Моносни туртиб — Ботир бўлиб жуда минганин минг уриб берипти дейсанми? Бир вақтларда Бўкенше блан Бўрсоқ «ўлсак ўламизки, Қорашибини бермаймиз» деб келганда, отангнинг бир оғиз саломини ерда қолдирмай, шу бешқашқаларни әргаштириб борган мен эдим. Эгаси кетиб, сабил қолган ердан ҳеч бўлмаса бирор қудуқ тегар деб умид қиласиган эдим. Қашқаларнинг пешонасига тош тегди ҳалос,— деб, яна аввалги, Абайга ма'кул бўлмаган сўзига кўчди.

— Талангандан тортиқ олма деган гап бор. Ет бўлганда ҳам майли эди, бегона эмас, ўша Бўкеншени қақшатиб олган ер кимга вафо қиласиди? Унга ўкиниб нима қиласиз? — деди Абай салмоқлик қилиб.

Монос блан хотини Абайнинг бу гапини ма'кул кўришса ҳам, Қулуншоқ кўнмади, Қунанбойга адовати борлигини билдириди.

Абай бу сўзлардан Қулуншоқнинг ичида «талангандан

ердан ўлжа тегмади» деган армони борлигини билдириди. Шунинг блан бирга ер ва емдан бошқа дарди бўлмаган Қулуншоқдан ранжиб, отланди.

Абай отасига Қулуншоқнинг кўнганини айтса ҳам аччиғ-тиззиқ гапларини айтмади. Қунанбой Абайнинг айтган гапларини яхшилаб билмоқчи бўлиб Қорабосни бир чеккага чақирди. Қорабос Абайнинг бугунги ишидан кўп хурсанд бўлган экан:

— Болангиз сўзга уста бўлиб қолипти, худди катта кишилардек, гаплашади!— деб Абайни мақтай бошлаган эди, Қунанбой «Бўлди, бас қил» дегандек ишора қилиб унинг сўзини кесиб қўйди.

Эртасига Қунанбой Абайни яна бир топшириқ блан жўнатди. Енiga Қорабосни қўшиб, энди Суюндикка юборди.

Суюндикнинг овулига Абайлар эл ётарда етиб боришди. Ўз қистовидан айрилиб, Қоровулнинг бош томонида— Туйеўркеш деган ерда қишилган Суюндикнинг овули ҳозир уйларда эмас, ўтовларга кўчиб чиққан экан. У моли кўп овул, қистовликка шу жойни лойиқ кўриб, шу ерда турган бўлса ҳам ҳали янги уй сола олмаган, эски кўрага сифишимай, кун кўзи кўриниши блан ўтовларга чиқиб олишган эди.

Суюндикнинг оппоқ ҳенг, иссиқ ўтови сандиқлар, тахлаб ва тираб ташланган гиламлар блан безатилган. Бўсағанинг икки томонигача қипқизил гиламлар, шолчалар тутилган. Ҳали ҳам иссиқ этик, тийин пўстин кийиб юрган Абай бу уйда совуқ қотмади. Кўклам чиққандан буён унинг ўтовда ўтиргани ҳам шу эди. Бу уйнинг ҳавоси енгил, киши эркинлаб нафас оладиган салқин. Абай кўкламда ўтовда ўтиришни жуда яхши кўрар эди. Уйнинг ўртасида милтиллаб шам ёниб турарди. Суюндик хотини ва Адилбек, Осилбек деган ўғиллари блан меҳмонларнинг олдида ўтиришарди. Бу уйга баҳор нурини ёғдириб ҳусн киргизиб турган яна бир кимса ҳам бор эди.. Бу— Суюндикнинг қизи Туғжон. У Суюндикнинг кичик хотини бўлмиш онаси ўтирган кичик уйга дам-бадам чиқиб турар эди. У келаётганда чўлписининг шилдирлаши эшитилар эди. Унинг қулоғидаги ёниб турган исирғаси, бошидаги камчат телпаги, билагидаги билак узуклари Абайга ўзгача бир латофат блан кўринди. Унинг юзи тўладан келган оппоқ, қирра бурун, кўзлари қопқора, қошлари қалдирғочнинг қанотидек.

Түғжон гапга қулоқ солиб ўтирганида, култанида ёки уялганида қошлари парвоз қилмоқчи бўлган қалдирғочинг қаноти сингари кўтарилади, яна тушади, ҳарбир ҳаракати кишини энтиклиради. Абай ундан кўзини олмас, форс шоирларининг ғазалларидан унинг та'риф ва тавсифига сўз ва татбиқлар излар эди.

Қизнинг кўп кириб чиқишининг боиси меҳмонларни кутиш тараддути экан.

У, бироздаг сўнг, оқсоқ хотинга дастурхон ёздириб чой қўйинши буюрди-да, ўзи отасининг ёнига ўтириб, пиёлаларни узатиб, хизмат қиласланади.

Абай Суюндикдан ҳам тортинмади, у блан ҳам етилган йигитлардек сўзлашди.

Түғжон келиб ўтиргандан сўнг Абай Суюндикка қараб:

— Суюндик оға, мана бу сизнинг ерингизнинг олдидаги ёлғиз турган тепаликни нега «Қоровул» дейишади?

— Ким билади, чироғим! — деди Суюндик бироздан сўнг илова қилди, — Тўбуқти блан Мотойнинг уруши, бир-бирағта ёвлиги ҷечқачон босилганми? Уша вақтларда ёқочтган, ё қувган томон қўйган номдир-да, ўзи ҳам бошқа тоғлардан айрилиб, атайин қўйилгандек, яйдоқ дала-да қўққайиб турибди-ку, ўшанга чиқиб қўриқламаса, қаердан қўриқларди.

— Шундай қилиб, бу номни Тўбуқтилар қўйган дейисими? Улар келмасдан олдин бундай ном йўқ эканда?

— Қаёқдан бўлсин? Бу атрофдаги номларнинг ҳаммасини Тўбуқтиларнинг ўзи қўйган.

— Бу номларнинг ҳаммасини Тўбуқтилар қўйган бўлса, нега Чинғиз дейилади? Е Чинғиз деган Тўбуқти ўтганими?

— Йўқ! Бу сўзингнинг жони бор. Ҳақиқатда ҳам бу буюк Чинғиз тоғини нима учун Чинғиз дейилар экан? — деб Суюндик ўйланиб қолди.

Адилбек отасининг тутилиб қолганига ҳижолат бўлиб:

— Чинғиз деган сўз «Чинқиши» деган сўздан, кишининг қаттиқлигидан олинган дейишади-ку! — деган эди, Абай кулиб қўйдияда:

— Үндай эмасдир. Чинғиз отоқли хоннинг исми-ку, деди.

— Ҳа, тўғри, бу сўз менинг ҳам қулоғимга бир чалингундай бўлган эди, ёдимдан чиқибди. Қани, билсанг

ўзинг айтиб берчи, чирогим,— деб, Суюндиқ Абайга қулоқ берди.

Еш меҳмон Чинғизхон ҳақида ўз билган-эшигтганларини айтиб бўлиб, охирида ўз фикрини ҳам қўшиб қўйди:

— Тоғнинг номи «Чинғиз» бўлиб, чўққисини «Хон» аталишининг ҳам сабаби шудир. Ана у тоғнинг ҳам «Ўрда» дейилиши ўша Чинғизхоннинг турган жойи эканлигини кўрсатади. «Қоровул» ҳам ўша замонлардан қолган ном бўлса керак дейман,— деди.

Суюндиқ Абайнинг сўзларига кўп диққат блан қулоқ солди: ҳатто олдидаги чойи ҳам совуб қолган эди. Туғжон отасининг бу қадар диққат блан эшигаётганини энди пайқади. Лекин Туғжоннинг ўзи ҳам Абайга тикилганида хийла вақт ундан кўзини узалмай қоларди.

Булас Абай айтган янгиликларни қизиқиб тингларкан, суҳбат жонланиб кетди. Осиљбек блан Қорабослар ҳам:

— Ҳа, шундай бўлса керак!— дейишиди.

Абай энди Чинғиз тоғини қўйиб, худди шу Суюндиқнинг қистови Түйеўркеш олдидаги «Хон» чўққисини, ундан кейин Момой эли қишлиайдиган «Ўрда» деб атала-диган тоғлар ҳақида ҳикоя қилиб берди. Бу ерларнинг нима учун шундай деб аталишини шу кунга қадар билмаганликлари ўтирган ёши улуғларнинг ҳаммасига ҳам кор қилди.

Суюндиқ Абайнинг пиёласини олиб бериб:

— Ол, Абай, еб-ичиб ўтири!— деди-да, меҳмоннинг олдига бўғирсоқ, мой ва жентдан¹ мўлроқ сурини қўйди. Отасининг бу ёш меҳмонга қилаётган мулоғиматини Туғжон ҳам сезиб ўтиради. Ба'зи-ба'зида Абай Туғжоннинг қопқора қўзларини ўзига тикилиб турган ҳолда учратарди. Бу қараш сўнник қараш эмас, тикилиб, термилиб қараш эди.

Абайининг аёл кишига астойдил қарагани ҳам шу эди. Туғжон Абайга узоқ тикилиб туради-да, қизариб, аста кўзини олади.

— Кўп яшаган билмай, кўпни кўрган билади, шунинг сингари эшигтганинг ўрганганинг дуруст, болам! — деб Суюндиқ бир нафас жим қолган эди, Абай унинг шу сўзига илаштириб:

¹ Жент — Сариқ ёғ ва асалга қорилгани сут унъ.

— Үзингизга ўхшаш кексалардан эшилтлган гапларда, Суюндиқ оға! — деди. Бироздан сўнг сиполик блан мулойимгина қилиб:

— Рухсат этсангиз сиз айтган ба'зибир гапларни ҳам, ўз оғзингиздан эшитсан, — деб Суюндиқга қаради. Суюндиқ:

— Майли, сўра, болам! Нимани сўрамоқчи эдинг? — деди.

— Кичик ўрданинг ёнидаги Қўжекбой Қулажбойнинг ер да'восида қозилик қиласан экансиз, шунда «мен қўйга қараб бўлмайман, худога қараб бўламан!» деган экансиз, нима учун шундай деган эдингиз? Шуни сўрамоқчи эдим, — деди.

Абайнинг бу саволига Қорабос, Адилбек, Осиљбеклар кулиб юбориши. Бу гап Абайдан бошқа, ўтирганларнинг ҳаммасига ма'lум бўлса керак. Суюндиқ Абайнинг саволига жавоб беришга гавигиб, ўйланиб қолди:

— Чироғим буни отангдан эшитсанг бўларди.

— Узингиз биласиз-ку, отам бола блан очилиб сўзлашмайди.

— Бу гапга отангнинг ҳам алоқаси бор, биласанми?

Қорабос, Осиљбеклар ҳамон кулиб ўтиришарди. Улар бир томондан Суюндиқнинг сипогарчилик қилиб, жавоб беришдан бош тортаётганига, иккинчи томондан кутмаган ердан Абайнинг бундай ногаҳоний саволни бериб қолишидан кулишаётган ёди.

— Ҳа отамнинг алоқаси борлигини биламан.

— Ундаи бўлса, отангнинг номи аралашган гапни аввало отангнинг ўзидан эшитсанг дуруст бўларди!

— Баракалла, Суюндиқ оға, бу гапингиз тўғри! Лекин сиз блан отамнинг орасига совуқчилик тушишига сабаб ёўлтан ўша қозилик дейишади. Бу ҳам тўғри гап-ку, шундай эмасми?

— Тўғри.

— Шундай бўлганидан кейин сизларнинг орангизга яизо' тушишининг сабабини мен ўз отамдан, мана бу Адилбек оғам блан Осиљбек оғам сиздан эшитиб қўяқолса қандоқ бўлади? Бу нарсани ҳарким ўз отасидан эшигадиган бўлса, биз болалар, бу ишга бир томонлама қараган бўламиз; биринчидан янглишамиз, иккинчидан биз ҳам бир-биримизга ола қарайдиган бўламиз. Сиз менга, менинг отам буларга айтиб берса тарози тенг босади.

Абайнинг бу далиллари Суюндиқка ҳам, бошқаларга ҳам ма'қул тушди. Қорабос терисига сиғмай кетиб:

— Боланинг сўзи тўғри-ку! — деб, Суюндиқни воқиани айтиб беришга ундаdi.

Суюндиқ кулимсираб туриб:

— Оббо болам, жуда орқа-олдимни ўраб олдинг-ку-а! — деб, иккиланиб Адилбекка қаради-да:

— Бу меҳмон йигитни кўрдиларингми, болаларим, бунинг ҳуш'ёргигини фаҳмлаётисизми? — деди хурсавд бўлиб.

Чой ичини бўлингани блан Туғжон дастурхонни йиғдирмай, жилмайиб, сўзга қулоқ солиб ўтиради. У ҳалидан-ҳали Абайга қаар, кўзи-кўзига тушганда, кўзларидан дўстга боққандаги садоқат ва ишоич ифодаси акс этарди.

Абай сўзини аввало ўзи ўйлаган томонга бурди:

— Суюндиқ оға, ўша менинг отам блан айтишиб қолганингизни ўзингиз айтиб берақолинг энди,— деди.

— Бунчалик ўтиссанг, айтсам айтиб берақолай! Билиб қўярсан! Сенинг отанг Момойлардан Жомонтой блан кўнгли яқин бўлиб юрди-ю, оқибат Жомонтой отангга ўкил куёв бўлди. Ушанда у сарпо тариқасида отангнинг олдига юз қўй солди.

— Ўкил куёв нима?

— Ўкил куёв чин куёв эмас, дўстга ўхшаган гап.

— Ундаи бўлса, нега дўст дейилмайди?

— Дўстлик тенгкурлар орасида бўлади. Бордию ёши катта одам блан ёш йигит дўстлашмоқчи бўлса, ба'зида уни ўкил куёв деб ҳам атайдилар.

— Хўш, ундан кейин нима бўлди?

— Бирда ўша Жомонтоининг ўғли Қўжекбой ўзининг Қулжабой деган қашшоқ қариндоши блан ер та-лашди. Ушанда Мирза мени «Шу ишга қозилик қилиб, ерни бўлиб бер» деб олиб борди. Мен икки томоннинг ҳам арзини эштиб, қандай бўлмасин, одиллик блан бўлишини ўйладим-да, «мана шу ердан бўлинсин» деб юриб бўлабошладим. Отангнинг ўзи ҳам бу ишнинг бошида, Қўжекбойлар блан орқамдан келаётган эди. Мен ерни кўнгилдагидай қилиб, одиллик блан бўлмоқчи эдим. Сезиб турибман, юришим Қўжекбойга ёқмаётир — орқамда ғижиниб ёрилгудай бўлиб келаётир. Бир нафасдан кейин, ҳовлиққанича пицирлаб, Мирзага бир нима деди. Отанг ўша Қўжекбойнинг сўзини ма'қул кўрди шекилли,

орқамдан ҳайқириб: «Ҳой, пес, қанақасига бўлаётисан» деди. Мен холис қози эдим-ку? Алам қилди. «Қўйига қараб бўлаётганим йўқ, худога қараб бўлаётирман» деб жавоб бердим.

— Хўш ундан кейин нима бўлди? — деди Абай.

— У ёғинн сўраб нима қиласан, чирофим? Тўс-тўполон кўтарилиб, қиёмат бўлди, иш қилиб,— деди Суюндик қўл силтаб.

Абай қипқизариб кетиб, юзини ўгириб, чуқур ўйга толди. Шам алангасига тикилиб турган кўзларининг чуқур-чуқурида шам алангасидек қипқизил аланга кўриниб турарди. Туғжон мәҳмондаги бу ҳолатга ҳайрон бўлиб, астойдил қараб қолди.

Бу ерда Абайнинг шу аҳволда сукут қилиб қолганинга кулиб ўтирган одам ҳам бор эди. У Суюндикнинг кичик ўғли Адилбек эди. У ғоят ўжар, тўнг йигит; акаси Осиљекка ўхшамайди. У, Абайнини бу қадар гангиб қолганини кўриб, ичиди:

«Ажаб бўлди, истаганинг шу бўлса, оғзи-бурнингдан чиқарди-ку!» деяётгандай, мийиғида кулиб қўйди.

Лекин Абай, нақадар ҳижолатда қолмасин, ўзини йўқотмади. Бироэдан сўнг яна ўзи гап бошлаб, иккинчи бир воқиани сўради. Бу гап ҳам Ўсекенбойга ош берилганда Суюндик айтган гап эди.

Суюндик уни ҳам айтиб бермоқчи бўлди.

— Мирза отасига, Ўсекеягга¹ ош бераман деб, Кўкшетовнинг бор халқини йиғди-ку. Тўбуқти элида унинг олдига тушадиган ма'рака бўлган эмас. Эшитган бўлсанг керак?

— Эшитган эдим, сиз ҳам борган эдингиэм?

— Отанг блан ўртамиз бузилиб юрган вақтимиз эди, бормадим. Лекин мана бу Ойдўс, Жигитек, Момой, Жувантаёқ элларидан бормаган одам қолмади. Юрти-олам кўчиб, ўша Кўкшетовга бориб ас'аса — даб-даба блан ма'рака қилди. Ушанда Бўжей блан Мойбосар сўзга боришиб қолади. Мойбосар старшия. Жуонтаёқнинг ўғрилари Бўжейнинг Наймондаги қариндошларининг овулига бориб, кўп йилқисини ҳайдаб келиб, ғаротини келтиради. Ушаларнинг орқасидан қувлаб келган одам «ҳақимни олиб бер» — деб Бўжейга осилади. Бўжей Мойбосарга ёнишади: «ҳақиқатига кўч, молини олиб бер!» —

¹ Ускен ака.

дэйди. Мойбосар «нима деб алжияпсан, эсингни едингми» деб, Бўжейни жеркиб ташлайди. Бўжейнинг кеки шундан бошланди-да. «Ҳаддим сиғмайдиган бўлса, орқангда чочвоқбардорлик қилиб юришимнинг нима хожати бор» деб, ўпкалақ қолади. Шундай қилиб, Бўжей мағрака тарқамасданоқ кўчиб кетади. Унга қараб Жигитек, Бойшўра ва Жуонтаёқлардан ҳам ошни ташлаб кетганлар бўлган. Ушанда мен уйда ётган еримда бир гап айтган эдим. Тиқилинч қилаётганинг ўша гап-ку.

— Нима деган эдингиз?

— Билтинг келаётган бўлса, уни ҳам айтиб берай:

Узга згиз бўлгаяда, худо якка,
Олдингда ота-онанг ҳудди Макка,
Қирқ уйликни қирқ пичоқ қилган эдив.
Уз ошииг ҳам бузилди, Оскан ака!

деган эдим. Эл-юрт оғзидан қўймай юрган гап — шу гап.

Бу гапнинг тагида яна бир гап борлиги Абайга очиқ кўриниб туарди.

— Бу гапнинг тагида яна бир гап бор-ку, энди уёғини ҳам айтиб бераколинг-да.

— У ёғинг нимаси, болам?

— «Қирқ уйликни қирқ пичоқ қилдинг» дедингиз-ку! У ишни ҳам Бек отам қилганми ё бошқа бироми?

— Оббо, Абайжон, йўқ ердаги гапларни қўзғадининг да! Бу ишда айблик Бек отанг эмас, бунда ҳам ўз отанг айбли. Энди менга бу гапларнинг ҳаммасини айттириб олиб, отанг блан бизни яна нари-бери қилиб қўймасанг бўлгани — деб Суюндик кулиб қўйди.

— Йўқ, Суюндик оға, билай деб сўраётубман-да. Устингиздан чақимчилиқ қилгали сўраётганим йўқ.

— Албатта шундайку, болам! Ундаи бўлса, «қирқ уйлик» деб ана у Қўкентоғининг бағридаги Уоқ элинин айтилади. Ушаларнинг ичидаги фитна чиқиб юрган чогида Қунанбой аралашиб, Қўной деган ботирни қўллайди. Фитна авж олиб кетган пайтда отанг Қўнойга маслаҳат бераб, душман томонни қирдириб ташлади. Қамолда қолган эл қаршилик кўрсатолмай, кўлиниг бўйидаги қалин тўқайга уриб кетади. Шунда Қунанбой тўқайга ўт қўйдиртириб юборди. Утдан қочиб чиқсанларни урдириб, Қўнойга бўйсундириб беради. У сўзим шунга ишора эди.

Абай бундай кейин бошқа гап сўрамади.

Бироздан сўнг таом келтирилиб ҳамма овқатта ўтири-

ди. Уй ичи, Абай блан Қорабосни бегона мөҳмон деб ҳисобламагани учун, одатдагича дастурхонга Суюндинг ҳамма болаларидан тортиб, катта хотинигача ўтириди. Отаси блан онасининг ўртасида ўтирган Туғжон энди Абайга аввалгидан яқинроқ ўтириди. Шу онгача Туғжоннинг юзи Абайга тўғридан кўриниб турган бўлса, энди ён томондан кўринарди.

Уртacha келган қирра бурни энди аниқ кўринди. Ён томондан қарапланда Туғжон яна ҳам жозибалик экан. Унинг юмaloқ ияги остидаги бақбақаси ўзига кўп ярашган, йўғон-йўғон ҳопқора ялтироқ соchlari оплоқ нозик бўйни орқалик ўриб ташланган. Уртacha исирғаси дамбадам силкиниб титраб туради.

Негадир, Туғжон гоҳ қизариниб, гоҳ оқариб кетади, у ҳаяжонга соладиган алангалик ўзгача бир ҳис қучоғида эди.

Умуман Суюндинг уйи мөҳмондўстлиқда ном чиқарган, бугун ҳам гўштни жойига қўйиб пиширди. Қорабоснинг мўғиз сопли пиҷоғи қишидан қолган қазини ҳам, сапсариқ от ёғини ҳам лип-лип кесиб япроқламоқда. Сургўшт блан янги гўшт қўшиб пиширилган эди. Бунинг устига қиш бўйи бўрдоқига боқилган семиз қўй ўттирилиб сўнг сўйилган экан. Овқатга шундан ҳам солинибди. Бу гўшт овқатга яна бошқача лаззат ва ҳусн киргизган эди.

Лекин, овқат шу қадар лаззатлик бўлиб, ҳамма зўр иштаҳа блан ея ётган бўлса ҳам, Абай дурустгина емади.

Туғжон ҳам билак узукларга тўла оппоқ нозик қўлини овқатга камдан-кам узатарди. Суюндинг блан Осилбек Абайга қайта-қайта:

— Ол чироғим!

— Есангчи, нега дурустроқ емайсан! — деб турса ҳам Абай еялмади.

Овқатдан кейин, Суюндинг кўпдан бери соғиб ичажётган қисир бияларининг яхши қимизи келтирилди. Уни ҳам узоқ сўзлашиб ўтириб ичишли. Шу кеча ўтиришнинг охирига бориб Абай олдингидаи эмас, қандайдир тортиниб, ўнғайсизланаётгандай кўринди. Буни уй эгалари «ёш мөҳмоннинг уйқуси келди» га чиқаришди. Ниҳоят ўрин солинадиган бўлди. Эркакларнинг ҳаммаси эшикка чиқди. Бу кеч Абайнинг кўнгли қандайдир бир алангалик ҳис блан тўлган эди.

Илгари Абай «ма'шуқа» деган гални достонларда, бе-

Ҳисоб ҳикояларда кўп учратган бўлса, мана бугун китобда, ҳикояларда эмас, ўзининг соф симоси, шодлиги, изтиборлари иссиқ нафаси блан «ӯша мен эдим», «мен шу ерда эдим» деб келиб, энди ўз бошига тушгандай бўлди.

Суюндикнинг ҳикояларидан сўнг кўнглида озордек бўлиб қолган оғир ҳис, назарида, ҳозир ағдарилиб тушиб, чуқурларга чўкиб кетгандай бўлди. У ташқарига чиқиб, ўзи ёлғиз қолганда, юлдузлар тўла осмонга тикилиб туриб, кўкрагини тўлдириб, ҳузур қилиб нафас олди.

Кўк саҳнида яримта ой кўтарилиб, сузуб бораркан, юракни аламдан, гуссадан халос қилиб, йироқларга, мана шу булутсиз кўкдек юксакларга — аллақайларга бошларди...

Туйеўркешдан Чинғиз чўққиларининг ярмигина кўринар экан, қорамтири ой ёруғи остида кўқимтири минораларга ўхшаб, жимгина сукут қилиб турарди. Тоғ томондан мулойим шабода эсарди.

Бир-бирига ёндашиб ётган беҳисоб қўй қимир этмасдан ором олиб, унсизгина нафас олаётир. Осилбек блан Адилбек ўз уйларига кетишди. Кўғалсойдаги беш-олтига ўтовнинг тунлиги ёпиқ эди. Улар ой ёруғи остида гумбаз-гумбаз бўлиб кўзга чалинарди.

Суюндик блан Қорабос меҳмонларнинг оти олдида ўралашиб юришарди. Абай шу баҳор кечасининг соғлигини, тонг шабодасини, бошқача бир тонгнинг, фақат унинг юраги учун отадиган тонгнинг бўлакча шабодасини ҳис этаётгандай бўлди.

«Бу ўшами? Севгими? Агар севги шу бўлса, мана бу фараҳбахш олам, шу тип-тинч гўзал кеча унинг бешиги ўша ажид сознинг кўйловчиси экан-да».

Сутдек ойдин кеча. Ҳали тонг отишидан дарак йўқ. Абай тонг ҳали отмаслигини билса ҳам, қандайдир ўзгача тонгнинг яқинлигини ҳис этарди. Изтироблар, умидлар, шодликлар, қайғуларга тўла юрак тонгини сезарди. Унинг вужуди ўзгача иссиқ қандайдир онглаб бўлмайдиган бир ҳис блан тўлган. Ўша ҳис, парвоз қилиб бораёти ин қушқанотидек ҳис энтиклираётир.

— Бу нима? Буни нима деса бўлади? Бу қандай ҳис? Менга нима бўлди ўзи? Тоқатим, сабрим қанн?

У, худди совқатаётгандек, бутун вужудини титроқ босди. Юраги ҳам арзиқиб санчиб кетгандай бўлди.

— Тонг... Юрак тонги... Ўша сен эдингми? Ҳаётимни ёрнитучи сенми? Нимасан ўзингни?

Унинг кўз олдида Туғжоннинг оппоқ билаги, ёш боланинг бўйнидек оппоқ нозик бўйни!. . Тонг шу-да... Шунинг ўзи!

... Оқ юзинг оппоқ экан, отган тонгдек!

Бу қалбининг тараннуми, севгилиси Туғжонга бағишланган биринчى мұҳаббат қўшиғи эди.

Абай бу икки — уч оғиз севги сўзини ичида тақорлади. Бу сўзлар қандайдир енгил, оромбахш бўлиб, ўз-ўзидан қуюлиб келаётгандай туюларди. Лекин шу онда Қорабос чақириб қолди. Эшикда икковидан бошқа ҳечким қолмаган эди. Абай уйга томон кетаётib, ҳалиги ше'ринн яна қайтармоқчи бўлган эди, «Оқ юзинг оппоқ экан отган тонгдек!» дан бошқасини эслай олмади.

Қорабос блан Абай уйга кирганды Суюндик блан катта хотини баланд каравотда ётишган эди. Уларнинг тушаги қалин, сариқ шоҳи парда блан тўсилган эди. Кенг уйнинг тўргига иккала мәҳмонга тушак ёзилаётир, уядан бошқа тушак кўринмади.

Туғжоннинг уйи бошқа эди. У Суюндикнинг кичик хотини Қантжоннинг қизи экан. Буни ҳали уйга кириб келаётгандарида Қорабосдан эшитди. Абайнинг кўнглидан «Гуғжон ўз уйига кетган бўлиши керак» деган гап ўтди, негаким тушакни ҳали чой қуйиб ўтирган сариқ хотин ёзаётган эди. Абай тўрга қараб юрди. Шу онда шоҳи чимилдиқ қимиirlаб кетди-да, эшик томондан чўлпининг шилдирлаши эшитилиб, Туғжоннинг латиф қомати кўринди. У бир шоҳи кўрпа кўтариб келаётир. У чўлписининг шилдирлашидан сиқилаётгандай қиснилиб, қимтилиб, кўп ахтиёт блан ҳаракат қиласарди.

Ҳалиги келин Абайнинг тушагини яхшилаб ёзиб бўлган пайтда, қўлидаги шоҳи кўрпани бағрига босиб кирган Туғжон одоб блан келинга:

— Оёқ томонини, оёқ томонини юқорироқ қилсангчи! — деди.

Бу гап ҳам Абайга, гуё фақат унга аталган ўзгача бир илтифотдай туйилди. Бир нарса демоқчи бўлди... дегуси ҳам келиб турган эди, лекин юраги арзиқиб, оғзига тиқилиб, бирон оғиз сўз тополмади; фақат қипқизариб, ўнғайсизланиб, сиртқи кийимини ешабошлади.

Туғжон аста келиб қўлидаги шоҳи кўрпани Абайнинг тушагига ёпди-ю, эшикка қараб юрди. У юрак сирини сўёсиз англатгандай, зўр илтифот қилди. Шундоқми, ё бу ҳамма мәҳмонларга ҳам қилинадиган ҳурматми? Туғ-

жон ҳалиги келинни эргаштириб, аста-аста қадам қўйиб, эшикка томон кетди, қайрилиб ҳам қарамади. Эшикдан чиқиб кетаётганидагина ўзидан олдин эшик очган келинчакни аввал чиқариб юборди-да, мулойим бир ҳаракат блан орқасига қайрилди; сўнгги марта уйга юзини ўгириб, эшикдан орқаси блан чиқиб кетди.

Туғжон эшикка томон кетаётган чоғида Абай термилиб қараб тураркан, чопони елкасидан тушиб кетган эди. Лекин Туғжоннинг бирон марта қарамаганига ҳайрон бўлиб, турган жойида туриб қолган эди.

Туғжон эшикдан чиқар чоғида кўзининг қирини ташлаб, Абайнин серрайиб қотиб турган ҳолда кўрди. Унинг чопони икки елкасидан тушиб, оппоқ кўйлаги кўриниб тургав эди. Абай, гангиб қолган одамдай, икки қўли бўшашиб, шалвираганича турарди.

Абай пайқадими, йўқми — Туғжон чиқиб кетаётган чоғида юзи яна дув этиб, қизариб кетгандай бўлди. Мулойим жилмайиш оппоқ, марварид доналаридек тишларини аниқ кўрсатди ва табассумдан ҳижолат тортгандай бўлиб чиқиб кетди.

— Бу нима? Мендан кулдими? Бирон ножӯя иш қилиб қўйдими? — деб Абай ўз-ўзидан сиқилди-да, тезгина ешиниб, шоҳи кўрпага ўралиб, мук тушганича ётаберди.

Чўлтининг шилдирлаши бироздан кейин эшитилмай қолди. Бироздан сўнг онда-сонда яна бир шилдирлаб, йироқлашиб кетди. Абай юрагининг фавқулодда бир шиддат блан тепаётганини сезди. Узгача эшитилаётган қимматли чўлпи сўнгги марта бир шилдир этди-ю яна қайтиб эшитилмади. Тун қоронғиси ўғирлаб кетгандай, йўқ бўлди кетди.

Шамни Қорабос ўчирди.

Чироғ ўчсин, ўчмасин ҳозирги долат Абайнинг кўз олдиди машалдай ёниб турарди. Чироғнинг сўндирилганини пайқагани ҳам йўқ. Кўзи юмуқ, лекин дили оромдан, тоқатдан айрилган, хаёли кўкка кўтарилаётган қуондек чарх урад эди.

Тонг отгуича кўзига уйқу келмади. Фақат кун чиқиши олдидангина бироз мизғиб кетди. Лекин меҳмонлар уйғонганда бирга уйғониб, эрта турди. Ранги синиқиб, сўлиб қолгандай кўринарди.

Нонуштадан олдин эшикка чиқиб айланниб юрган чоғида атрофига назар ташлаб, Туғжон ётган уйни излайди.

бошлади. Суюндикнинг катта уйнига ёндош кичикроқ оқ уй кўринди. Бу Осилбекнинг ўтоби бўлиши керак. Ундан нарироқдаги олти қанотлик оқ уй кичик хотиннинг уйи бўлиши керак. Абай бирнече марта ўша уйга қаради. Лекин у уйнинг тунлиги ҳали ёпиқ энди. Туғжон ҳам, онаси ҳам турмаган бўлиши керак.

Суюндик ҳам ташқарига чиқди. Уша ерда Абай отаси топширган олди-берди ишларини сўзлашиб, ишини битирди.

Нонушта чоғида Туғжон келмади. Осилбек ва Адилбеклар ҳам, ўз уйларида бўлса керак, келишмади.

Иш битгандан сўнг, Қорабос әрталабки салқинда йўлга чиқайлик деб, дастурхон йиғилиши блан отларни эгарлагани чиқиб кетди.

Бу овулдан Абайнинг асло кетгуси келмас эди. Мехмондўст ёқимлик, хуш фе'л кексаларнинг уйи худди жуда кам учрайдиган файзлик уйларга, иссиққина уяга ўхшарди. Абай ўзича «қаин энди шу сувланинг қариандоши ё бирон яқин кишиси бўлсан! Истаган вақтимда келиб, хоҳлаган вақтимда ётиб қолиб, кундузлари ҳам тушиб ўтадиган бўлсан!» деган хаёлга борди. Лекин кетмай илож йўқ эди.

Уйда Суюндик блан Абай ва Суюндикнинг катта хотини қолишганда, Суюндик Абайдан Зеренинг ҳол-аҳволини, Улжонни сўраркан:

— Оналаринга салом айт! — деди.

Суюндикнинг катта хотини кечадан буён индамай ўтирган эди, энди у ҳам Улжонга салом айтаркан, Ойғиз эсига тушиб, ундан сўнг Камшотни ҳам сўради:

— Чирогим! Бир вақтларда Бўжейга берилган гўдакнинг аҳволи қандай экан? Ойғиз шўрлик боласини қандоқ берди-а? Болани ўзидан айириб, чирқиллатиб, йиғлатиб юборишга қандоқ кўнгли бўлди? — деб, норозилик оҳангода сўрайбошлади. Абай ноилож қисқа-қисқа жавоб бериб ўтиради. Хотин бироз өзмалик қилиб:

— Бўжейнинг хотини ўлгунча қурумсоқ хотин эди, ўзининг ҳам қизлари кўп. Қизга муҳтоҷлиги ҳам йўқ, гўдак шўрликка ялчитиб қарапиди, — деб, ғамгин тортиди.

— Йўғе, Бўжей бор-ку, хотиннинг эсига келмаса Бўжей-чи, Бўжей ўйлар охир! Нега қарамасин? — деб. Суюндик хотини айтган сўзнинг шахтини кесишга уринди.

— Байлмадим-да! Уруг аймоғидан тортиб, «Жаримага берилган қиз, молини кўзи қиймай, жонини кўзи қийди»

деб, ҳархил совуқ-совуқ гапларни гапиришар эмиш деб эшиитдим-ку. Асли ўзи гўдакнинг кўз ёшини оқизишлари чакки иш бўлганку. Ҳарқандоқ бўлганда ҳам, ичдан чиқ-қан эмасмиди? Шўрлик Ойғиз ҳам қай аҳволда юрган экан?— деб, кампир тўлиб-тошиб йиғлаб юборди. Йкки кўзи қипқизариб ёшга тўлган ҳолда, хўрсаниб, жим бўлиб қолди.

Унинг бу гаплари Абайга она меҳри, бебаҳо одамгарчилик, чин раҳмдилликдай кўринди.

Жидебойда ўз уйида ҳам, Камшот масаласи ҳеч ари-мас аламлик дард бўлиб қолган эди. Энди Абай у ерадаги ёш тўкиб, доғ-ҳасратда ўтаётган энасини, кичик онасини, ўз онасини эслади.

Шуниси борки, улар фақат Камшотни соғиниб, унинг аҳволига юрак бағри ээилганидан йиғлайди холос. Мана бу хотиннинг оғзидан чиқаётган совуқ сўзларни эшиитган эмас.

Кечак Қулунишоқ ҳам, бугун булар ҳам Камшотни худди «кундош қўлига, азоб-уқубатга юборилган етим боладек, ожиз гўдакдек» қилиб сўзлаёттир. Бу сўзлар бекорга айтилаётган бўлмаса керак! Жидебойга бориши бланоқ, эшиитга гапларининг ҳаммасини оналарига айтиб, Камшотдан хабар олиш керак. Отам нима деса шуни десин, энди бошқа чора йўқ. Абай шундай қилишга бел боғлади. Йўлга чиқиши олдидан яна қимиз ичиб олиб, икки йўловчи отга минди.

Улар Суюндиқнинг уйи олдида кексалар блан хайрлашиб, раҳмат айтиб кетаётганларида, Абай яна кичик уйнинг тунлигига қаради. Тувлик ҳали ҳам очилмаган эди. «Гуфжон яна бир кўрай ҳам демабди! Туришга ҳам, кўришга ҳам шошилмапти-да...»

Бу фикр ёш йигитта кор қилди. Отига қамчи берди. Овулдан йироқлашиб бораётганларида кўнгли бўлмай, сўнгти марта қайрилиб, яна кичик уйга қаради. Уй ёнида бошига қора чопон ёпиниб бораётган, узун оқ кўйлаклик бир хотин кўринди. Туғжонга ўхшайди. Энди турган бўлса керак. Лекин эшикдан чиқди-ю, Абай кетган томонга қайрилиб ҳам қарамади. Аста-секин босиб нариги ёқقا, Қўкаттепага қараб кетди.

Абайнинг назарида шилдир-шилдир қилиб Туғжоннинг чўлписининг овози эшиитаётгандай бўлди. Бу шиддат блан ураётган ўз юрак тўлқинининг садоси эди.

Абай якор ѹироқлашиб кетди. Жозибали Туйеўркеш

орқада қолиб кетди. Шу баҳор ойининг мана шундай ажойиб беғубор, оромбахш чошгоҳида уясизгина, «хайр» ҳам демасдан қолаберди. Гўзал макон, гўзал жонон қолди. Йўловчилар тоғ орасидан чиқиб, Қоровул сувни бўйлаб, адир бағридан кетишаётган эди.

Хаёл сурисиб, ғамгин бўлиб кетаётган Абай бир вақт орқа томондан тасирлаб чопиб келаётган отнинг туёқ тову-пини эшигиди. Яна тундагидек юраги арзиқиб, беихтиёр қайрилиб қаради. Броқ ўринсиз умид тез сўнди. Суюн-дикнинг уйидаги одамлардан эмас, тўладан келган бир қора тўри йигит келаётган эди.

Юпинггина кийиңган, мўйлаби энди сабз уриб келаётган ёш йигит, ёлини тойнинг ёлига ўхшатиб қирқилган кулранг биятга миниб келаётган эди. Оппоқ гўзал тишларининг ҳамасини кўрсатиб илжайиб келаётган бу йигит Абайларга яқинлаб келиб салом берди. Ҳамроҳсиз йўл юриш кишини зериктиради. Судбатлашиб кетамиз деб, атайин буларга етиб олиш учун отини чоптириб келаётган экан. Кулранг бия кўкраги терлаб, пишқириб, энтикиб, сувлиқнинг икки томонидан кўпик сочиб келарди.

Бу яяги ҳамроҳнинг қўшилиши Қорабос блан Абайга малол келмади. Бу йигит Суюндиқнинг ҳамовули Кўмек-бойнинг ўғли Эрбўл деган йигит экан.

Қорабос блан дарров танишиб, сўзлашиб кетди. Уларнинг сўзларига қулоқ солиб келаётган Абай дижқат қилиб Эрбўлга тикиларкан, нимагадир унинг кўнглига ўтиришабошлади, чунки Эрбўл Суюндиқ овулининг энг яқин кишиларидан эди. Унинг онаси блан Түжоннинг онаси Қантжон холавачча бўлиб, у Суюндиқларнинг уйига кириб-чиқиб юрадиган ўз кишиси экан. Судбати ширин, хушчақчақ Эрбўл энди Абайга бутувлай ёқабошладя. Бироздан сўнг иккоти сўзлашиб кетиб, Қорабос четга чиқиб қолди. Абай Қоровул атрофида қуш кўл экан деб, овга чиқиш орзусини айтган эди, Эрбўл:

— Қарчиғайнинг борми, бўлса, бир айланиб келсакчи! Урдак бор ерга ҳам, ғоз бор ерга ҳам ўзим бошлаб борам! — деди.

Уйда Такежоннинг кўк қарчиғайи бор эди. Эрбўлнинг бу сўзлари Абайга зўр умид бағишлиди. Ҳали Туйеўр-кешдан чиққанидан бўён «Энди қачон келаман... Нима деб келаман» деб яна қандай қилиб келишга бир йўл тополмай келаётган ёш йигитга бунинг сўзлари гўё бир

бебаҳо нарса топиб олгандай туюлди. Суҳбат қуш солиш, ов қилишга кўчганда Абай блан Эрбўл гўё кечаюндуз сўзлашса ҳам гапи тамом бўлмайдиган яқин дўстлардек бўлиб кетишиди.

Лекин адирга чиққанларидан кейин, Эрбўлнинг йўли айрилиб, бошқа томонга кетадиган бўлиб қолди. Эрбўл ўнг томондаги Кўлқайнарга бурилмоқчи эди. Бир иш блан ўша ерга кетаётган экан. Абайлар бўлса, тоғнинг кунчиқиши бағри блан бориб, Қорашибўқига, Кункенинг овулита қараб кетишадиган эди.

Абай Эрбўлдан айрилиб кетгуси келмай:

— Кўлқайнарда жуда зарур ишинг бўлмаса бирга кетайлик! — деган эди, Эрбўл:

— Йўғей, нима деб бораман? Нега келдинг дейишса, нима дейман? — деб, кулди.

— Сенинг блан кимнинг иши бор! Айланиб меҳмов бўлиб келасан! Қуш соламиз.

Эрбўл Абайнинг сўзига қизиқиб:

— Ўзимга қолсаку борардим-а! — деб, бироз ўйланниб турди-да, — Йўқ! Бўлмайди. Иш қолади! — деб ноилож узр айтди.

Бирордан кейин Эрбўл Абайлардан айрилиб, Кўлқайнар томонга қараб кетди. Келишида очиқ чирой блан кулиб келган йигит кетишида ҳам кулиб туриб хайрлашиди. Абай унинг хушфе'лигига завқ қилиб, қараб қолди. Суюндиқнинг овулита бориш учун Эрбўлнинг йўлида биронта тўсқинлик йўқ. У истаса, Туғжонини кунда кўраолади. Яқин кишиси, қариндоши. Туғжонга шундай яқин бўлишнинг ўзи қандай баҳт деб Абай унинг бемалол ўша ерга бориб-келиб юришига хасад қилди. Эрбўл бўлса, ўша тутамнис хушчақчақлиги блан отини елдириб йироқлашиб кетмоқда эди. Туғжонга етиш ҳақидаги энг сўнгги умид бу ҳам кетиб қолди.

2

Абайлар Қорашибўқига тушдан кейин келишиди. Кункенинг катта оқ ўйи блан меҳмонхонанинг орасида бирнечча от боғланиб турар эди. Афтидан Кунанбой бирор мажлис қурган.

Қорабос бу меҳмонларни отларидан таниб, булар узоқ ердан келган меҳмонлар эмас, шу атрофиини одамлари эканини айтди.

— Жуантаёқ, Тўпай, Иргизбой өлининг кишилари. Ҳаркун бўладиган йиғилишлардан бўлса керак. Лекин кетгали ҳозирланиб, отларини янги эгарлашипти, тушликни ҳам еб бўлишганга ўхшайди, қуруқ қолибмиз! — деди.

Абай салом бериб уйга кирганда, катта уйнинг ичи лиқ тўла одам эди. Каравот ёнида ҳаммадан яриинлик, барваста отаси ўтиради. Унинг ёқаси очиқ, тўшидаги туклари кўриниб турарди.

Энди тарқалмоқчи бўлиб кийиниб олган катталар ке-тиш олдидан қимиз ичиб, Қунанбойнинг сўнгги сўзларни эшиитмоқда экан. Тумоғларигача кийиб олиб, бир тиззаси блан чўккалас Қунанбойнинг сўзига қулоқ солаёт-ганлар ҳам бор эди.

Ўйдагилар Абайнинг саломига алик олишди, лекин ҳечким сўрашмади.

Қўнака каравотнинг сёқ томонида ўтириб Жумабойга шопиртириб қимиз қўйдираёттир. Абай унинг ёнига бориб ўтиаркан, сўнгги сўзларини эшиитди.

— Фитна бор, биламав. Лекин «ундоқ гап йўқ» дейи-шади. Майли бунга ҳам ишонай. Садоқатим орқасида жафо чексам ҳам ишонай... — деб, ранги ўчинқираб ғазаб блан: қулогим эшиитганини ёлғон деяй, кўзим блан кўр-ганимдагина ишонай, то кўзим блан кўргувимча тоқат қиласай, менга дўст бўлсаларинг! — деди. Қунанбой ягона кўзи блан, тешиб юборгудай бўлиб, тўрдан бўсағагача ўтирганларнинг ҳаммасига бир-бир қараб чиқди, сўнг яна тўрда, ёнгинасида ўтирган Жуантаёқ ва Тўпайнинг кек-саларига тикилди,— дўстман десаларинг, мен қанча чи-дасам, сенлар ҳам шунча чидайсан! Фақат мен қўзғалгап куним бирга қўзғалгали тоқат қилиб турасанлар. Шундай қилсаларинг, мен ҳам рози, худо ҳам рози. Ҳозирча менинг тилагим фақат шу! — деб сўзини тамом қилди ва «кетучиларга рухсат» дегандай ҳаракат қилган эди, ўтирганларнинг ҳаммаси баравар ўрнидан турар экан:

— Сен нима дессанг шу бўлсин.

— Сенинг айганинг бўлсин!

— Шартимизни ҳам, ва'даларимизни ҳам айтдик-ку!

— Сен нима қил дессанг шуни қиламиз! — дейишди.

Абай ицидан:

— Бир ишга аҳд қилиб, фотиҳа олишаётган бўлса керак! Бир гап бор-ку. Атрофига одам тўплаб, улар блан сўзни бир жойга қўйгали чақирган бўлса керак! — деди-да, отасининг ҳалиги «дўст» деган гапини эслади.

Энди Абай, тўрдан бўсағагача ўтирганларга қараб чиқиб, бир нарсага ҳайрон бўлди.

Мана бу отаси «дўст» деяётган одамларни Абай мутлақо танимайди ёки жуда кам кўрган. Илгарилар бундай йиғилишларда отаси, «дўст» деб Бойсол, Қоратой, Бўжей, Суюндиқ, Тўсипларни айтарди. Бугун уларнинг биттаси ҳам йўқ. Бирда ўзи борган Қулуншоқ ҳам йўқ. Бошқа бир гап бўлса керак. Дўстларнинг устига яна дўст ортироқчими ё уларни бутунлай четлатиб ташлаганми? Булар блан зимдан тил бириктириб, яна бир балони бошламоқчими?

Абай Қарқаралидан келгандан буён, қиши бўйи эл ичи тотулашди. Қамшотни йиглатиб бериб юбориш блан ҳаммаси «тинди, битди» деб юрган эди. Шундан буён кўзга кўринарлик фитна ҳам чиқмаган эди. Эл ичида қандай гаплар қўзғалаётганини суриштириб ҳам кўрмаган эди.

Меҳмонларнинг кўпчилиги жўнаб кетди. Қунанбой иккита-учта оқсоқолни ётиб қолгани олиб қолди.

Абай Суюндиқнинг олдига бориб келганини хийла вақтгача отасига айтиолмади. Ниҳоят бир пайт топиб, отаси блан сўзлашиб, вазифасини адо қилди-да, бугун бу ерда ётиб қолмасдан, Жидебойга кетмоқчи бўлди. Бу ниятини отасига айтган эди, отаси:

— Нима, сен қўғирчиқ ўйнайдиган қиз бола эдингми, онангнинг олдидан чиққинг келмайди? Менинг ёнимда туришдан, ўша хотинларнинг ёнида туриш ортиқ бўлдими? Бу ерда эл-юртни кўрасан, тап-сўз ўрганасан, таълим-тарбия оласан, у ерда нима бор? — деб жеркиб ташлади.

Отасининг бу сўzlари Абайга уичалик зўр далил бўлолмади. У ичида: «Сиз ота бўлсангиз, у она, бола деган ота блан онанинг тарбиясида ўсади» деб қўйди. Лекин отасига гал қайтармади.

— Уйда қарчифай бор эди, бу йил қуш кўп экан, Жидебойга бориб қарчифай солай деган эдим, — деди.

Қунанбой тушунди-да бу тўғрисида индамади, лекин:

— Яна бирор кун туратур, эртага сени Бойдалига юбормоқчи бўлаб турибман, ундан кейин кетарсан, — деди.

Абай ноилож кўнди-да, белини ешиб жойлашиб ўтириди. Угай онасининг уйида қоладиган бўлди.

Бойдали Абай блан кўп ҳамсуҳбат бўлган одам эмас, у ҳам кечагина Қунанбой блан низо'лашиб кетган одамларнинг биттаси. Энди отаси уни ўшанга юбормоқчи.

Олдин Қулуншоққа юборди. У ҳам Қунанбойдан хафа бўлиб кетганлардан. Суюндиқ бўлса, азалдан Қунанбойга кек сақлаб келаётган одам. Абай кечаси Суюндиқ блан суҳбатлашиб ўтирганда, биринчи марта катта одамнинг оғзидан ўз отаси тўғрисида анча кўнгилга тегадиган гапларни эшилди. У гапларнинг тегида ҳам, дун'ё-дун'ё ма'но бор эди. Суюндиқ ҳам, Қулуншоқ ҳам отасидан кўнгли қолган одамлар. Мана энди душманликда Бўжей блан бир ёқадан бош чиқариб келаётган Бойдалига юбормоқчи. Унинг кўнглидаги ғараз кўтарилиганими, ё ҳали ҳам эски ҳолича турибдими? Буни Абай билмайди.

Абай «бу қандай бўлди»— деб, бироз ўйланиб туриб, отасининг мақсадига энди тушунгандай бўлди. Эҳтимол отаси уни душманларнинг уйига жўрттага юбораётгандир. «Душман борлигини билсин. Унинг кимлигини биллиб, қандайлигини кўриб келса, мени билиб қўяди» деб ўйлаётгандир. Абай шуни онглагандан кейин қаттиқ ҳаяжон ичидаги ўйга чўмди. Чангальзордай бўлган бу ишларга Абай бир нафас, четдан қаради ва ўзини гўё ёлғиз, қуролсиз, тинкасан қуриб, чор-ночор чангальзор ичига кириб кетаётгандай сезди.

Икки кундан кейин Қунанбой Абай блан Қорабосни Бойдалига юборди. Бойдали Қулуншоқ блан Суюндиқдек эмас — буларга чиройини очиб қарамади. Абайлар унинг катта оқ уйига кириб келаётгандаридаёқ, бир ишдан бўғилиб, ғоят жаҳли чиқиб ҳайқираётган Бойдалининг овози эшилди.

Ўй ичи тўс-тўполон эди. Остонада мол боқучи хотин катта кувда иркит пишираётир. Бир томонда катта қозонда қурт қайнайтирилди. Уйининг ичи иссиқ. Абайлар келаётган пайтда Бойдали кичкинагина, қопқора пучук қизни шапалоғи блан шартиллатиб кетига уриб:

— Худо ҳайрингни бергур, нарироқ турчи, худо ҳайрингни бергур! Асти одамни типчитмайдиган бўлдингкуй — деб қичқирганича, болани итариб юборди.

Қиз ўтга тушиб кетаёзиб, бир томондан ўти ёрилиб, иккинчи томондан ўжарлик қилиб йиғлайбошлади. Аввал чириллаб чинқириб йиғлайётган бола энди кўмкўк бўлиб қотиб-қотиб йиғлай бошлади. Унинг кўз ёши блан мишиқ тупуги аралашиб оқиб борарди.

— Йўқот! Йўқот қоранг ўчкирни,— деди Бойдали хотинига ҳайқириб ва болани қувлаб чиқарди.

Абайлар шу жанжалнинг устига келиб қолиб, салом бериб кўришида тўрга чиқиб ўтиришди.

Бойдали саломга дурустгина алик ҳам олмади, совуқ-қина сўрашиб қўяқолди.

Қурт қайнатилаётган уйда қозон бўш бўлмайди. Меҳмонларга овқат қилғуси келмаган мезмон учун бу катта баҳона. Абай шу иссиқ, дим уйда шундай тажанг, баджашил одамнинг уйидаги овқат пишгунчалик бир вақт ўтиришни ўзига катта жазо деб биларди. Шунинг учун улар овқатнинг тарааддудига тушмаганига хурсанд эди. Абай ичидан, Қорабосга кулиб: «Ула, ажаб бўлди! Қани-шу уйдан бирон нарса еганингни кўрарман» деб қўйди.

Ҳақиқатда ҳам Қорабоснинг бир ярамас одати бор, унинг жони-дили «тушлик», «меҳмонга қўйиладиган овқат» бўлиб, дун'ёда ҳамма нарсадан ҳам, шунга ўзгача хирс қўйган эди. Ба'зан Абай қўнмайлик деган ерларда «йўқ қўнамиз, буларда сургўшт мўл бўлади» дер, ба'зан Абай «тушликни шу ерда қилмайлик» деса: «тушликни шу ерда қиламиз, булар жуда меҳмондўст» деб Абайнинг хуноб қиласади.

Бу гал Бойдалининг фе'ли-автори Абайнинг кўнглидагидек бўлди. Қорасоқол, бащараси совуқ Бойдали меҳмонларнинг бетига қарамай, юзини четга ўғирганича ўтиради. Бироздан сўнг иркит пишираётган хотинга қараб:

— Қимиз олиб қел, буларга дастурхон ёз энди! — деди.

Қорабос белбоғини ешиб, бемалолроқ жойлашиб ўтиради. Абай уй эгаларининг чиройини кўриб белбоғини ешмади. Кичкинароқ ёғоч чорада қимиз келтирилди. Бойдалининг ўзи қимизни шопириб-шопириб, бир косадан меҳмонларга узатди-да:

— Нима қилиб юрибсанз? Қаерга кетаётисиз? — деди. Абай қандай иш блан келганларини дарров айтди.

Яна ер масаласи эди. Эл яйловга чиқмасдан Қунанбой ўтган йил ўзи Қорашибидан ҳайдаб юборган Бўкеншеблан Бўрсоқларга Жигитек ери блан чегарадош жойдан яйлов берган эди. Энди Бойдалига «Сугир блан Суюндик Бойдали блан бирга унинг Кўпа деган ерида яйласин!» деб юборган эди. Абай қимизни ичмай, олдита қўйиб, отаснинг шу гапларини айтди.

Бу сўзларни ўшигандан сўнг Бойдали қаттиқ ғазабланди, жавоб беришнинг ўрнига ўқрайганича Абайга ти-

килди. Абай Бойдалининг бундай кайфиятда қарашидан ҳайиқмади. Боланинг юзида на ҳижолат аломати кўринди, на гараз, юзидан фақат «бу одам нега бундай қилиб қараётир!» дейётгандек, ма'сумона ҳайрат акс этди.

Бойдали бир нуқтага тикилганича, ўйланиб туриб, ниҳоят, Қунанбойнинг айтиб юборган гапларига ичидан ёниб бораётган бўлса ҳам, жавобни шартта кесиб айтди:

— Хўб, майли! Сугир блан Суюндик менинг еримда қўнақолсан, яйласин, нима ҳам дердим! — деди. Шу блан гапни қисқа қилди. Уйда жимлик чўқди. Абай қимизни ичиб бўлиб, раҳмат айтиб, энди кетайлик дегандай ҳаракат қилгандагина, Бойдали бир қўзғалиб қўйиб, гап бошлади:

— Айтганига кўндум. Лекин сен ўзинг гапга тушувадиган кўринасан, отангга айтадиган икки оғиз саломим бор, шуни етказиш қўлингдан келадими? — деди.

— Айтаберинг, оқсоқол! Бирон оғизини хато қилмай, етказишга ва'да бераман. Мен фақат икки орадаги элчиман. Айт деган омонат сўзларингизни бориб айтмасам ё бошқача қилиб етказсам хиёнат қилган бўламан-ку. Гапларингиз гарданимда қарз бўлиб қолмас!

Бу гапларни эшишиб, Бойдали яхшигина қаноат ҳосил қилди. Бола деб ўйлагани бола эмасдек кўринди.

— Етдан айтиб юборсам, четдан айтган бўламан, сенга айтсам отангнинг юзига айтганим бўлади! — деди Бойдали ва бироз жиддийлашди,— кечагина бутун аргин әлини йиғиб «ярашдик, топишдик» деган эдик. Энди ярашганимиздаги аҳволимиз шуми? Топишдик деган вақтимизда яна ғалла чиқарадиган бўлса, душманлашиб юрган вақтимиздан бунинг нимаси ортиқ? Гуноҳим нима ўзи? Сенинг отангга Жигитек нима гуноҳ қилди? Бизнинг бобомиз Кенгирбой сизларнинг боболаринг Ирғизбойга оқ фотиҳа берганда, ўз болаларининг ё яқин кишиларининг ичida бийликни уdda қиладиган одам қуриб қолганидан берган эмас эди-ку. Қунанбой бўлса обрўи қанча ошса, шунча айланиб келиб Жигитеекка ёпишади. Бир умр шу тахлитда раҳм қилиш деган гапни билмай ўтмоқчими? Жигитеекни туртқилаб бориб-бориб аҳир бир кун «ўлар ҳолатта ет-да, ўзиниғни ўтга ташла, шу ҳолга тушганингни кўрмасам, ҳисоб эмас» дейётганида, бу. Нияти шу бўлса, уни ҳам кўрар! Шуни кўрмагунча сенинг отанг тинмайди! Бориб шу гапларимни айт! Бир

менинг номидан эмас, «бутун Жигитек номидан» айт! Майли, мана бу ерни ҳам олсин, яна кўз тиккан жойи бўлса уни ҳам олсин!

Үй ичи жимжигт эди. Ўт ҳали ҳам бир зайдада ёниб, катта қозоннинг тагини қизил аланга тинмасдан ялаб турарди. Ҳалиги тўла қозон қайнаб ярмидан пастга тушди. Боя Бойдали заҳарханда қилиб сўзлаётганида Абай ўша қайнаётган қозоннинг бетига қараб турган эди. Қуёйилиб келаётган қурутнинг ўртаси ба'зан кўпик отиб, бақиллаб худди Бойдалининг ғазабига ўхшаб қайнарди. Элдаги қизишиб етган ғазаб, шу қозонда қайнаётган қурутга ўхшайди. Қозон, шу элдаги Қулуншоқ, Суюндик, Бўжейларнинг ҳар ердан бир бурқ-бурқ отилиб қайнаёттир. Ҳақиқатда ҳалиги айтилган озгина сўзларнинг тагида қанча чуқур жароҳатлар, қанчадан-қанча чигал тугунлар, кўп замонлардан бўён йигилиб келаётган норозиликлар, катта киноялар бор эди.

Абай Бойдалининг сўзларига қарши жавоб қилмади, яхши-ёмон сўз айтишиб, сир бермади. Бойдалининг саломини эшишиб олди-да, унинг блан хайрлашмоқчи бўлиб қамчинини қўлига олди ва телпагини кийди.

Шу онда Бойдали яна бир қўзғалиб «буни ҳам эшишиб кет!» деяфтандай ишора қилди. Абай телпагини қайта қўлига олди.

Бойдали энди бутунлай бошқа бўлиб қолгандай, бамайил хотир ўтириб, Абайга қараб жилмайиб салмоқлаб сўз бошлади. Унинг ҳозирги кўриниши ҳалиги Бойдалига ҳеч ўхшамас эди.

Кексаларнинг алвон-турли фе'ли, бир зумда ўзини босиб сир бермай ўтирадиган одати бўлади. Лекин худди шу таҳлитда ғазабини ҳам, сабрини ҳам тез ишга солиб, яна шу қадар осонлик блан ўзини қўлга олабилиш хусусиятини Абай биринчи мартаба шу Бойдалида кўрди.

Ҳалигина ғазаб ўтида ёнаётган Бойдали энди дуппадуруст вазминлик блан:

— Мана шу ўзларинг кўриб юрган Қоратой бор-ку? Ая ўша ҳақиқий тилла одам! Қурғиринг бир ҳовучгина Кўкше элидан чиққан-да. Агар Йргизбойлардан чиққанда борми, кўрадинг! Бир кун Қоратой, Бўжей, Бойсал ҳаммамиз Қавменинг уйида тушлик овқат еб ўтирган ёдик. Ушанда гапдан-гап чиқиб: «Биз биладиган одамларнинг ичидаги энг сахибси ким» деган савол чиқиб қол-

ди. Одамлар ўйланиб қолишиди. Бойсол гапга аралашмай, қуёшда ётган тозидек, кўзларини бир очиб, бир юмиб, бир чеккада кўкка қараб ётарди. «Сахий ким» деган саволга Қоратой жавоб бериб: «Сахий Қунанбой» деди. Яна бироздан кейин «сўзамол ким?» деган савол ўргага ташланди, яна Қоратой жавоб бериб «сўзамол Қунанбой» деди. Икки довондан ошди, яна сўз айланиб келиб: «Юрт яхиси ким?» дейишиди. Яна ҳалиги Қоратой жавоб бериб: «Юрт яхиси Қунанбой»— деди. Шунда Бойсол бошини кўтариб Қоратоға қараб: «Хой, Кўкшे, нима деяпсан ўзинг? Сахий Қунанбой бўјса, сўзамол Қунанбой бўлса! Юрт яхиси Қунанбой бўлса! Биз нима жин уриб унинг блан олишиб юрибмиз?»— деди. Унга Қоратой ўша оннинг ўзидаёқ жавоб берди: «Ераббий, мен Қунанбойнинг бошқа томонларидан иуқсон топиб олишиб юрганим йўқ! Фақатгина «шафқат» деган гапни билмайди, шу тўғрисида хафа бўлиб юрибман» деди. Хийла гапга тушундиган бола кўринасан!— деб Бойдали Абайга кўз қирини ташлади,— бу сўзлардан отангнинг хабари бўлмаса керак, шуни ҳам бориб айт. Шафқати-меҳри йўқлигини Кўкшे эли неча марта кўрганини билмайман. Лекин Жигитек унинг шафқатсизлигини ҳар кун кўраётир, кечирдим деган гапини ҳеч эшиитмай ўтадиган бўлдик!

Шу блан Бойдали сўзини тамом қилди.

Йўл бўйи Абай ҳеч ерда тўхтамади. Бутув эшиитган сўзлари унга ҳам оғир, ҳам ибратомиз туйилар эди. Бойдалининг овулидан сал йироқлашиш блан Абай Қорабосга:

— Кел, ким ўзишга!— деб, тепиниб жўнаб қолди.

Қорабос бунақа чопишларни унча ёқтирилас эди. Лекин Қорашибукага кун ботмасдан етиш учун тезроқ юрилмаса бўлмас эди. Қорабоснинг остида оқ туёқлик қора бедов— қашқир овлаб юрган югурик от. Югурнишда у Абайнинг отидан қолишимас эди. Шунинг учун:

— Қани юрчи!— деб, у ҳам от қўйди.

Икки йўловчи кўп чопишиди. Оймангдай блан қора бедов галма-гал ўзишиб, қаттиқ чопиб борар, ўзиб кетган чоғларида Қорабос «тўхтайлик» дегандай қилиб, отининг бошини тортса, орқасидан етиб келган Абай:

— Юр! Юрабер!— деб, отини қамчилаб кетарди. Қорабос ичида:

«Бу болага Бойдалининг сўзлари кор қилаётган бўлса керак! Шунга тутақиб бораётiri!» деб ўйлади.

Улар кун ботиш олдидан, отларини қора терга туширған ҳолда, Қорашўқига кириб боришиди.

Оувул ёнида кичкинагина тепа бор эди. Қунанбой блан Мойбосар иккови ўша ерда ўтирган экан. Абай отдан тушасолиб отининг жиловини Қорабосга ташлади-ю, ҳечнарсага қарамасдан, отасининг олдига кетди. Қунанбой хийла узоқ ерда ўтирган бўлса ҳам, булатнинг ғоят қаттиқ юриб келганларини отларнинг аҳволидан пайқаган эди. Қора бедов сулигини чайнаб, тинчланолмасдан чилвирини узтудай бўлиб, тепиниб турарди. Отнинг аҳволини яхши биладиган, кўзи пишиб қолган Қунанбой учун шу аломатларнинг ўзи етарлик эди.

Лекин Қунанбой бунга аҳамият бермади. Аслида Қунанбой болаларга отни қийнабсан, ишдан чиқарибсан, деб майдо-чўйда гапларга аралашиб, эзмалик қилмас эди. Шунинг учун ҳам битта-яримта бола отни оқсатиб ёки зўриқтириб ўлдириб қўйса ҳам парво қилмас эди. Мол-дун'ё тўғрисидан Абайга ҳечқаочон ҳасислик қилган ёмас.

Лекин Қунанбой Абайнинг уйга ҳам кирмай, шошганича тепаликка чиқиб келаётганига ҳайрон бўлиб қараб турди. Абай яқинроқ келганда, боласининг юзига зеҳн солиб қараса, боланинг икки кўзидан ўт сочилиб, юзларн бўртиб, бурун катаклари пириллаб келаётир. Унинг ёши вужудида ловиллаб бир ўт ёнаётгандай кўринди. У одатдати оғир, босиқ Абайга ўхшамайди.

Боласи яқин келганда Қунанбой:

— Хўш, болам, нима бўлди? Нага мунча ҳаяжонга тушдинг, қани айтчи! — деди.

Абай пастроққа ўтиаркан, отаси бир қарашда кайфиятини билаолганига ҳайрон қолди.

Абай ўтириши блан гап бошлаб, Бойдалидан эшитган бутун сўзларини батафсил айтиб берди. У отасининг кўзларига тик қараб туриб сўзлади. Аввал Қунанбой бу сўзларни кўп совуққонлик блан тинглади. Фақат Бойдалининг: «Асти Жигитекни қўймайдиган бўлди!», «шафқат деган нарсани биладими йўқми?» деганини эшитганида-гина жиддий вазият олиб, «Қанн бу гапларга бунинг ўзи қандай қарайди» деяётгандай синовчи назар блан Абайга тикилди.

Абай отасининг ҳалигидай қарашидан ҳам тортинмади. Бойдалининг кинояси нақадар оғирлигини та'сирлик қилиб айтиш блан бирга бу ҳақда ўзининг отасига

бергуси келаётган саволларини ҳам шу сўзларга қўшиб айтаётганга ўхшарди. Ота-бала биринчи марта бетма-бет келиб, очиқ сўзлашиш зарур бўлган бир пайт келғанини сөзб турешарди.

Абай Бойдалининг аввалги сўзларини айтиб бўлиб, бир нафас жим қолди. Отасидан очиқ жавоб ололмаганидан кейин Бойдалининг сўнгги сўзларини ҳам айти-да, энди ҳеч бўлмаса, шунга «бир жавоб қилар», «нимадер экан?» деб тоқати тоқ бўлиб унинг оғзиға тикилди.

Қунанбой боласидаги бу кайфиятни жуда яхши онглади. Қоратой блан Бойдали учун бўлмаса ҳам, ўз боласи учун бир жавоб қилиши, бир нарса дейиши керак эди. Бу айниқса ўшалар ҳақида боласига тушунча бериш учун керак эди.

— Қоратой пиҳини ёрган одам,— деди Қунанбой — ҳар балони билади. Шундай деган бўлса дегандир. Лекин менингча, одамнинг нуқсонлари унинг фазилатидан туғилиши ҳам мумкин. Мен ҳаётимда нимага ёпишсам, ўшанга қаттиқ ёпишаман. Чидам ва сабот инсоннинг энг буюк фазилатларидан бири деб биламан. Эҳтимол менинг нуқсонларим шундан туғилса.

У, ранги ўчиб жим бўлиб қолди.

Абай фақат отасининг жавобини билмоқчи эди, у ўйлатиб қўядиган жавоб берди.

Бироздан сўнг Қунанбой хийла мулойнмлашиб:

— Бандалик! Қамчилиги бўлмаган банда борми! — деди.

Шу топда отаси Абайнинг назарида зўр одам кўринди. У тўппа-тўғри бўлмаса ҳам, ҳарқалай айбини бўйнига олди. У, Бойдалига ўхшаган, бировга осонгина айб қўйиб ўз айбини қийинлик блан бўйнига оладиган одам эмас. Унинг сўзлари қуруқ гап эмас, чуқур ма'носи бор.

Қунанбойнинг ўз йўли, кўзлаган мақсади бор. Абай ўз кўнглидаги чигилини ечолмай, яна оғир ўйга ботди.

3

Абзӣ Жидебойга кетаётганида отасидан қачон ва қаерга кўчишни сўради. Қунанбой катта овул тез кўчсин деб буйруқ берди. Лекин бу йил кўч бошқа йўлдан юрадиган бўлди. Илгарилар Қунанбойга қарашлик овуллар аввал Қорашибўки атрофига тўпланиб Чинғиз тоғидан Бўкенше довони орқали ошиб боришарди.

Эпди Қунанбой бу ерга келмаеда, Қоровул дар'ёсидая юқори кўтарилиб бориб, Оқбайтал довонидан ошинглар! — деди. Ёзги яйловга ўша довоннинг ёнидан ўтадиган Боқонос сувининг бўйини тайин қилди.

Боқонос блан Бойқўшқор Тўбуқти элининг яйловидағи энг катта дар'ёлардан бўлиб, шу икки дар'ё Чинғиздаги кўп яйловларни бўйлаб оқарди. Лекин илгари Қунанбойнинг овуллари ўша Бойқўшқорга бориб туришарди. Боқонос дар'ёси Кўкше элига қарашлик эди.

Қоратой блан ўрталарида келишмовчилик туғилиб қолгандан бўён, Қунанбой Кўкше элининг яйловига ҳам шерик бўлгуси келиб қолди.

Бу ишининг тагида бошқа кўп гап бор эди. Афтидан шу йил ёз Жигитек, Бўкенше, Кўкше эллари яна бош кўшадиган кўринади. Бойдалининг кеча Абайдан айтиб юборган гаплари бекорга айтилган гап эмас, зимдан эл блан тил бириттираётган одамнинг гапи. Шундай бўлгандан кейин уларнинг турли-туман хийла-найрангидан, ивир-шивир гапидан хабардор бўлиб туриш керак. Бунинг учун Қунанбой ўзига қарашлик ҳалқнинг бир қисмини ўшаларнинг ичига киргизиб қўймоқчи бўлди. Ҳаммадан мувофиғи у ерга Зеренинг катта овулини юборишидир: уни ҳамма Тўбуқти ҳурмат қиласди. Бундан ташқари Улжон Кункега ўхшаш эмас. Улжон мәҳмондўст, кам сухав, сахий. Яна унинг дастурхони ва барчага бараварлити бор. Одамларни ўзига торта билади, дўстлашаолади. Ичида қон блан қотган душманлик бўлсин, эт блан терининг орасинда юрадиган икир-чикир гина-кудурат бўлсин, ҳаммасини ювиб, артиб туради. Унинг бундай хусусиятлари Қунанбойга эл олиб беради.

Қунанбойнинг: «Оқбайтал орқали боринглар, Боқоносга кўчинглар! Бўкенше блан Кўкше элига ҳам яйлов бўлинглар!» дейишининг асосий сабаби шу эди.

Абай отасининг нима учун бундай қилаётганини онгламади. Ўз овулининг ёлғиз овул бўлиб кўчиши қийин кўринса ҳам ичдан шодлиқ ҳис этди. Кўчнинг, Қоровулни бўйлаб, Боқоносгача бориши ёз бўйи Суюндик овуллига яқин бўлиш деган гап. Абай бунга қадар Туғжонни энди ҳеч кўрмасман, «ҳеч учратмасман» дер эди, мана кутилмаган ерда Абай Туғжон маконига яқин бораёттипи.

Сўнгги кунлардаги барча оғир-енгил ҳислар қаторида Туғжоннинг дарди ҳам ёш йигитнинг хаёлидаи бир

нафас нари кетмаган эди. Абай шодлигини, юрагининг чапак чалиб бораётганини яшираолмасди. У отаси бирнима деса қипқизил бўлиб кетди. Қунанбой буни пайқаган бўлса ҳам, сабабини сўрамади. Турган гап Абай Оқбайталга томон кўчишга қарши эмас эди. Фақатгина ўз тўпларидан бўлинниб яйлайдиган бўлганлари учун ёлғиз овул бўлиб кетишлари яхши эканлигига имони комил эмас эди. Шу томонини отасига айтди. Қунанбой бу ёғини ҳам пишиқлаб қўйган экан.

— Ёлғиз овул бўлмайсиз! Нега ёлғиз овул бўласиз? Уша Жидебой, Мусақулдаги, Кўлқайнар, Шуйгинда яшайдиган Иргизбой, Жуонтаёқ, Қоработир залларидан кам деганда ўнлаб овул бирга кўчади. Ҳаммасига ҳам ўзим айтаман, — деди.

Жуонтаёқ, Қоработир деганлари Қунанбой овулини павоҳ тортиб атрофида юрадига, қишин-ёзин бирга кўчадиган мўмин, барчага баравар қўшнилар. Абайга бу гап ҳам ма'қул тушди, шунинг блан Жидебойга қайтиб кетди.

Абайнинг Қорашўқидан олиб қайтган зўр ўлжаси Туғжонни яна кўриш, тез-тез кўриб туриш умиди бўлди. Иўл бўйи бор-йўқни унутиб, фақат Туғжоннигина кўз оладига келтириб, ширин хаёлларга ботди.

«Ҳаётдаги умидим! Ёлғизим!» деган сўзлар ўз-ўзидан қуйилиб келаётир. Унинг юраги мана шу Оймангдай гижинглар эди. Унутылмас минутлар! Олов ёшлик!

Абай Қорашўқидан Жидебойгача отини қаттиқ елдириб келди. Бу икки овулнинг орасида букунгидек тез юрган куни бўлган эмас. Қандай қилиб бунчалик тез етиб қолганини ўзи ҳам билмай қолди.

Жидебойда ҳамма ўтовларга чиқиб олган экан. Бу йил Қоровул суви тошиб, Жидебой, Мусақулдаги ўтлокларни босиб кетган, ўт кўкариб, қулф уриб турибди. Оппоқ-оппоқ ўтоалиқ бу овул кеч пайтида ажиб бир манзара кашф этган. Кўнгиллик бўлиб, кишини ўзига қандайдир бир куч блан тортарди. Атрофда қўй-қўзи маграйди, итлар ҳуради. Онулдан қий-чув кўтарилиб турарди.

Абай катта уйга тушди. Оналари блан сўрашиб бўлгач, кўчиш масаласини айтди. Йилда бу овул аввал төр бағирларига кўкламда турладиган жойларга кўчар эди. Улжон бу йил ҳам шундай қиласиз деб, қистовда қолдирадиган юклариши ҳали айриб қўймаган эди.

Яйлов бу йил өрта кўклиди. Чинғиздаги эл тоғ бағрига кўчмай, биратўла яйловга кўчишга шошилинч радиша ҳаракат қилмоқда эди. Шунинг учун буларнинг ҳам тўпдан айрилиб қолишлари тўғри келмас эди. Буни Улжон ҳам яхши биларди. Лекин боласи тез кўчиш керак экан деганда, у қадар тезлик блан кўчаолмаслигини билдириди. Уй ичини енгиллаштириб, юкларини бойлатиб, бу ерда қоладиган нарсаларини қолдириб, керак-яроғини ғамлаб, икир-чикир ишларини битириб олиш учун ҳеч бўлмаса беш-олти кун вақт кераклигини айтди.

Абай ичиди: «Суюндикнинг овули кўчиб кетиб қоладиган бўлди-да, биз етгунча йироқлашиб кетади энди» деб тинчсизланди. Ҳақиқатда ҳам қўшни овул блан, ё кўнглинг яқин кишилари бўлган овул блан бирга кўчиш қандай баҳт. Эртаю-кеч бирга кўчиб, бирга қўниб юрилганда, истаган одаминг блан кечаю-кундуз кўришиб туришга баҳона кўп топилади. Яна кўпчилик халқ яйловга кўчиб бораётганларида ёппасига бир ерга қўниб қоладиган одатлари ҳам бўлади. Икки кўнгил қўшилса, ойдин кечаларда хилват капада учрашиш қандай яхши.. Бу ишларни Абай ўзи кўрмаган бўлса ҳам, бошқа йигитлардан бу онларнинг нақадар шприн бўлишини кўп эшитган эди. Лекин онасининг қарори ҳалигингандай ишларга боғлиқ бўлганидан уни ўзгартириб бўлмис эди. Бундай чоғларда Улжон Қунанбойнинг ҳам гапига қулоқ солмай, ўз билганича иш қиласарди.

Абай турли ширин ҳаёлларга бориб, севиклиси томон юраги нақадар толпинмасин ноилож кўнди.

Кечки овқат вақтида Абай Зере блан Улжонга Камшот тўғрисида гапирди, эшитганларининг биттасини ҳам қолдирмасдан тўғрисини айтди. Гарчи оналари йиғласа ҳам, куйса ҳам, оналаримни аяман деб, Камшотнинг аҳволини яширгуси келмади.

Зере хўрсиниб, ғазабланиб Қунанбойдан койиди. Улжон, дамини чиқармай, сиқилиб ўтириб-ўтириб Абайга:

— Бу гапларни Ойғизга билдиримай туратур. Бусиз ҳам шўрликнинг юраги тилка-тилка бўлиб юрибли. Бугун өрталаб: «туш кўрдим, Камшот ўчоққа тушиб кетган эмиш, усти-боши ловиллаб ёниб кетаётган эмиш» — деяётган эди. Суюндикнинг хотини кўп меҳр-шафқатлик одам, гапининг жони бор. Чинғизга борайликчи, ўша ердан битта каттароқ одамни олиб, тўғри Ширақнинг овулига бориб, Камшотни кўзинг блан кўриб, ҳол-аҳволини билиб

келасан. Ундан кейин Ойғизга айтиб, отанг блан ҳам яхшилаб сўзлашамиз,— деди.

Шунга қарор қилишиди.

Уша кечадан ўн кун ўтиб Қунанбойнинг катта овули Оқбайтал довонидан ошиб бориб, Чинғиз тогининг устидаги Қўпа деган яйловга — Жигитек блан Бўкенше яйловининг кираберишига ўрнашди.

Қунанбой айтгандек, бу ерга ўнтача овул кўчди. Бугун худди мана шу ерга етгуналарича ҳам, Чинғизнинг этагидан булардан олдинроқ кўчган Бўкенше ва Жигитеқ овулларини қувиб етишаолмади. Афтидан катта овул секин юрган эди.

Келган кунларининг ўзидаёқ «Зеренинг насибаси», «Катта овулни йўқлаш» деб, атрофдан товоқ-товоқ гўшт, саноч-саноч қимиз кўтариб, тўда-тўда хотинлар келабошлиди. Элнинг кўнгли Қунанбойга нисбатан ҳар хил бўлса ҳам, эскидан қолган одатлари бўйича, бу атрофдаги овуллар Зеренинг уйини, катта овулни ётсанишмас эди.

Насиба чиқаручилар, йўқловчиларнинг ҳисоби йўқ. Лекин буларнинг орасида Бўжей, Бойдали, Сугир ва Суюндик овулларининг одамлари кўринмас эди. Келаётганларнинг ҳаммаси беғараৎ таниш-билишлар. Икир-чикир гапга хуши йўқ, барчага баравар, меҳнаткаш элларнинг одамлари эди. Зерелар келганларнинг ҳаммасидан хурсанд бўлди-ю келмаганлардан гина қилишмади. Абайгина бу ишларни ўзича муҳокама қилиб, ўзича йўйиб қўйди.

Абай, оналарига берган ва'да бўйича, Бўжейнинг овулита боришга шошилаётган эди. Қўпага келиб ўрнашган кунларининг эртасига ёнига Ғабитхонни олиб, Бўжейнинг овулита жўнаб кетди.

Бўжейнинг овулни Қўпадан у қадар йироқ эмас, кунботиш томонда, Қўктепанинг нариёғидаги Сарикўл деган суви ширин кўлнинг бўйида эди. Туш пайтида икки ёш йигит Бўжейнинг овулита кириб боришиди. Сарикўл бўйида беҳисоб овуллар турарди. Абайлар Бўжейнинг овулини бир осов тойга миниб, бияларни қайтариб юрган боладан сўрашди. Бола ўргада турган ўнтача ўтовни кўрсатади. Бу овул кўринишда у қадар бадавлат овул эмас, ичида битта-яримтагина оқишроқ уй кўринмаса, кўпчилиги кулранг ўтовлар, ўрта ҳол одамларнинг овулита ўхшарди. Ҳақиқатда ҳам Бўжей ҳечқачон бой бўлган эмас.

Абайлар Бўжейнинг уйига келиб, отдан тушабошлиди. Уйда бирорта бегона одам йўқ бўлса керак, эгарлоғлик от кўринмади. Бирон йиғилиш бўлса ҳам кўлнинг нариги четидаги оппоқ уйда бўлаётганга ўхшайди. Умуман Сарикўл атрофидаги овулларнинг йиғилишлари, мажлислари, афтидан, ўша овулда бўлса керак. Абайлар Бўжейнинг ўзи ҳам уйда йўқ бўлса керак деган хаёлга боришиди. Бу хаёллари тўғри чиқди. Бўжей ўша оқ уйдаги йиғилишда бўлиб, тушликни ҳам ўша ерда қилаётган экан.

Булар отларини боғлаб уйга томон кетаётганларида, Абайнинг қулоғига ўша уйда ёлвориб йиғлаёттан бир гўдакнинг овози келди. Касал боланинг овозига ўхшайди.

Бир кор-ҳол борлигини сезгандай, Абайнинг юраги шув этиб кетди. Овоз худди Камшоткинг овозига ўхшарди. Абайлар ўтовни айланиб, эшик олдига келганларида ҳалиги боланинг йиғиси жонига тегиб, қарғаётган хотиннинг товуши эшитилди. Қарғаётган Бўжейнинг катта хотини экан. Унинг ҳарбир сўзи бошга тушаётган муштдай эди.

— Ириллатма! Ириллатма-чи, ана у қўзинг ўйилгур етимчани!

Абайлар ичкари киришиди, катта уйнинг ичи сиртидек юпин эмас, гиламлар, шолчалар блан безатилган, лекин режа йўқ эди. Бу, уйнинг супуруқсизлигидан, қингир-қийшиқ йиғилган кўрпа-тушакдан очиқ кўришиб турарди.

Уйда тушак ёнида барваста келган қопқора сурбетгина хотин ип йигириб ўтирган экан. Бурун катаклари қисилиб, лаби-лабига тегмай пичирлаётган бу қора хотин, афтидан, кўп жizzаки, урушқоқ нарса кўринади. Каравотнинг бош томонида, ерга ташлаб қўйилган кўрпачада, Бўжейнинг бўйга етган иккя қизи капита тикиб ўтирган экан. Бу балоғатта етган қизлар гўзал, иссиқ-қина, бежирим қизлардан эмас, ўшишайган, ёқимсиз, яна худди онасига ўхшаш, жizzаки нарсаларга ўхшарди.

Йиғлаётгая Камшот экан. У меҳмоналарнинг ўнг томонида бир ёмон жулдур кўрпачада мук тушиб йиғлаёттир. Бошида ястиқ ҳам йўқ. Номига ястиқ деб, эски чопондан юлиб олинган еянги ястаб қўйишибди.

Камшот келган одамларни танимади. Лекин уй ичидагиларнинг бераҳмлигини шу янги келган одамларга чақаётгандай, ияги титраб, лабини буриб яна йиғлаб юборди.

Илгари тўлагина, икки юзи қипқизил, кўзлари қопқора Камшот зяди ўлат теккандек ориқлаб, қошиқлай бўлиб, қонсизланиб кетибди. Оёқ-қўллари ҳам чиллакдай. Юзида азоб ва хорлик кўланкаси, киприклари узунузун, юзлари худди ғам чеккан, очлик кўрган катта одамларнинг юзига ўхшаб сўлиб, ажия босиб кетитти. Катта-катта бўлиб кетган кўзларидан томчи-томчи ёшлилар оқиб туради. Қаровсиз, ҳор-зор бўлган бола ғарифона бир аҳволда ётарди. Унинг шу ҳолатда ётганини кўрган Габитхон блан Абай иккови барабар, болага қараб итилишиди.

Бола буларни танимади, тортиниб юзини ўғирди.

Габитхон тоқат киломай.

— Э, мазлума! Шундай азоб-уқубатларни кўрдингми, бегуноҳ мазлума! — деб, йиғлаб юборди.

Абай мурдадек оқариб, ғазаб ва озордан, ачиниш ва ҳайғидан қалтираб кетди.

Үйдаги хотинлар, буларнинг олдида сир бой бермаслик учун, у эди, бу эди деб турли-туман баҳоналар кўрсатабошлашди.

— Бошқа болалар соппа-соғ! Фақат шу бола бечорага бир дард тегса-ю, тузалмаса қўйса! — деб, ҳалиги хотин важ-тақал қилган бўлди.

— Қорнинг оғриса, оғзингни тий дейдилар! Бола биладими? Узи ҳам сал тузалабошласа бўлди — кечгача кўзига нима кўринса оғзига тиқади!

— Бу аҳволда тузаладими!.. Ҳаммаси ўшандар.., Ҳаммаси ўзидан-да! — деди, ҳалиги қизлар ҳам кекса хотинларга ўхшаб.

Абай бу уйдагилар блан нари-бери сўзга боришимади. Бу бераҳм, тош юрак нарсалар Абайнинг кўнглига кириб келганидаёқ муздек теккан эди.

Бўжейнинг хотини чой тараддуви қилабошлагав эди, Абай:

— Ичмаймиз, кетамиз! — деди.

Камшотни шу ҳолатда, шундай азоб-уқубат ичнда бу қадар ғариф аҳволда ётганини кўриб турган бир онда томоқдан овқат ўтадими!

Одамлар яқин кишини ўлганда «жигарим, жигарим» лаб йиглайди. Ўлгандан кейин «жигарим» дейишнинг нима ҳожати бор. Абай яна бирор ўтирса, Камшотни қутоқлаб, бағрига босиб:

— Шўрлик жигарим, бегуноҳ жигарим! — деб зор-зор

йиглаган бўларди. Лекин кўнгли душманлик блан қотиб қолган одамларнинг олдида шундай қилса, янгишган бўларди.

Бир ҳисобда ҳалиги икки қизнинг сўзига ғазабланиб, қони қайнаб, уришиб-уришиб, ҳамаёқни тор-мор қилиб чиқиб кетиши ҳам керак эди-ку. Аввалига бир шундай қилмоқчи ҳам бўлиб, ғазаби бўғзига тиқилиб келган эди. Лекин бундай қилиш Камшот учун фойдали иш бўлмайди, аксинча, унинг тортаётган азобини орттириш мумкин эди. Абай нима қилишини билмай қолди, ҳалиги хотин узатган қимизни ҳам ичмади. Хўш, кимга аччиқ қиласди? Кимдан гина қилиб, кимдан койийди? Фақат шуларми? Шуларгина эмас! Абай шу томонларини ўйлаб, тезгина хайрлашди-ю, уйдан чиқиб жўнади. Унинг бутун вужудини ўзгача бир алам, қаттиқ ғазаб қамраб олди. Кечқурун ўз овулларига борганда ҳам, ундаги алам, ғазаб на бир нафас нари кетдию, па бир мисқол камайди.

Катта уй блан меҳмонхона орасидаги кермада Қунанбойнинг узун тўриқ оти боғлоғлиқ турган экан. Унинг ёнида битта ҳам бегона от кўринмади. Отаси бу овулга эндиғина келган бўлса керак. Зап яхши келибди. Абай бор аламини унинг олдига тўкиб солишга бел боғлаб уйга кирди.

Айтидан Қунанбой яқиндагина келган экан. Ёнида Жумабойдан бошқа одам йўқ эди.

Йигитлар уйга кириши блан Ойғиз ҳам уларнинг орқасидан кириб келди. Она юраги бир ёмон гап борлигини сезгандай, қандайдир бир куч уни шу уй томон сургаб келган эди. Қундузи Абайнинг Бўжей овуллига кетганини Ойғиз ҳам билган эди, уйга кириши блан Абайга қараб:

— Кўриб келдингми, Абайжон! Кўриб келдингми ҳалиги ҳасратга туғилган бебаҳт жигарингни, қай аҳволда ётибди!— деди. Унинг товушидан аламлик ўт сочилиб турарди.

Зере блан Улжон ҳам Абайга қарапкан, уларнинг симосида ҳам, худди шундай савол акс этиб турарди.

Абай отасига назар солса, у индамасдан, қовоини солиб ўқрайиб Ойғизга қараб турган экан.

Ўзи ўртаниб келган Абай отасининг қовоини ҳам писанд қилмади.

— Кўриб келдик. Камшот касал, бир аҳволда ётибди. Бизни танимади. Бутунлай кўнгли совуб кетибди. Ҳаммэ унга душмандай... Нимасини айтаман?— деб тўхтаб қол-

ди. Қунанбойнинг олдида ҳали шу кунга қадар ҳечким бирорининг оҳи-зорини ҳам, ўз ҳасратини ҳам бу хилда тўкиб солиб гапирган эмас эди.

Қунанбой жаҳл блан бурилиб Абайга ўқрайдию индамади.

Хотинларнинг ҳаммаси пиқ-пиқ, йиғлай бошлади.

Вужуди ғазабга, кўзи ёшга тўлган Ойғиз қалтироқ овоз блан:

— Оҳ, болагинам, гўдаккинам, шўр пешона етимчам, қандай қарғишларга учраб туғилган эдинг,— деган эди. Қунанбой, худди юзини шу қарғишдан тўсмоқчи бўлгандай, чап қўлини кўтариб, «бас» деди.

Унинг зарбидан ҳайиқиб ўсган Ойғиз эсанкираб қолди. Лекин пичир-пичир қилиб, бўғилиб йиғлайбошлади, Қунанбой қичқириб:

— Кўп вайсама энди, бир нарса бўлдими ўзи, бўйнинг узилгур! — деди.

Ойғиз гап қайтармади. Лекин Абайнинг ёнида ўтирган Улжон рўмолининг уни блан кўз ёшларини артаркан:

— Куйсанг ҳам, ўртансанг ҳам дамингни виқармал Бу ердагилар Камшотни ҳар эслагандা, бир ўлиб ўтиргани блан кимнинг иши бор, додингни кимга айтасан? Йиғлаганда қўлингдан нима келади? — деди.

Қунанбой уни ҳам оғиз очгали қўймай, жеркиб ташлади:

— Бўлди-да, биринг олиб, биринг қўйиб! Катта деган сабр беради! Бу нимаси? — деди.

Қунанбой оиласидаги норозиликни шу тахлитда босиб кетмоқчи эди, лекин бунга Зере кўнмади.

— Қўрқитма, қўрқитма келинларимни... Бу нима қилганинг! — деб жеркиб ташлаб, сурилиб Қунанбойнинг олдига келиб, икки қўлини ерга тираганича, боласининг юзига қаҳр блан қаради. Абай энасининг бундай жаҳли чиққанини ҳечқачон кўрмаган эди.

Зере, ўқрайганича, Қунанбойнинг юзига тикилиб турарди. Қунанбой онасининг фе'ли жуда айниб кетганини кўриб, паст тушди, унинг кўзига тик қаралмай, ерга қаради.

— Шўрликлар сени ойида бир, ҳафтада бир кўришади. Ҳасратини сенга айтмай, кимга айтсан? Бераҳм бўлсанг душманга бўл, дўстингга, бола-чақангга бераҳмлик қилиб қаерга бормоқчисан ўзинг? «Ер тангриси сенсан» деб хушомадгўйларинг айтсан. Бу ерда, бу уйда сен гар-

данидаги қарз битмас отасан, билдингми? Билиб қўй «Ер тангриси» бўлсанг ҳам, осмондан оёғингни узатиб тушганинг йўқ. Сен ҳам бир бандасан. Сен ҳам онадан туғилгансан. Мана, сени мен туққанман. Мана бу оналар оналик зорини айтаяпти. Камшот тўғрисидан бизларни не азобларга солиб ўтирибсан. Энди давосини топ. Бақиргунча давосини топ! Қутқар ана у бечора етимчани!

Уй ичи жимжит. Қунанбой нима дейншини билмай, бўғилиб кетди. У ҳечқаочон бундай гап эшитмаган эди. Онасининг гапи ор-номусга тегадиган гап бўлиб, қаттиқ ботди.

— Қандоқ қиласай?. . Мен нима қиласай? Кечагина бутув Арғиннинг яхшилари йифилиб, шундай қарор қилишди. шундай қил дейишди! — деб, онасига арзи-ҳол айтган бўлди.

Абайнинг энг ғашига теккан нарса ўша қарор, ўша битимнинг ўзи эди.

— Аяшни, ачинишни билмаган битим қандай расво битим ўзи? Кошки тотулаштирадиган битим бўлса! Ахир бу кўнгилни қотириб, совутиб юборадиган битим-ку. Камшотни зўрлик блан тортиб олган Жигитекларни бу ердаги онадар, жигарлар қандай қилиб ўзига яқин кўраолади? Мол ўрнига ёш болани олганига рози бўладими? Ўша бераҳи, бефаҳмларга қодса бутув бошлиқ Камшотдан бешта байтални ортиқ кўради. Мана энди ичимиздаги энг ожиз, энг шўрлик бир ғарибни қаерларга ташлаб қўйдик? Ит-қушга ем қилиб қўйганимиз йўқми? — деди Абай. Бу сўзлар отасига ма'кул тушди. Ўзи ҳам ҳечкимнинг хаёлига келмаган янги гап эди. Лекин, қараса, боласи ўзича янги бир йўлга қараб кетаёттир. Қозоқ урфи-одати, қозоқ йўлидан эмас, ўзгача бир йўлга тушинб бораёттир.

— Эй, болам, ҳали хомсан! Қўнглинг тўғри бўлгани блан йўлдан чиқиб кетаётирсан! — деди Қунанбой.

Энди Қунанбой боягидай эмас, бу уйнинг дардига шерик бўлгандай кўринарди. Гарчи Абайни «хомсан» деган бўлса ҳам, унга бир маслаҳатгўйдек қараётгандиги кўриниб турарди. Яна бунга иссиқ жавоб бериши Улжонга ҳам, Ойғизга ҳам ялинабошлаганини кўрсатарди. Турган гап, бу шунинг аломати. У яна бироз жим ўтириб:

— Оға-инилик шундай бўладими? Бир-биридан аразлаган элни яратирилганда, улар бир-бирига қалинга

қиз беради. Кундош устига беради. Биз берган бўлсақ, жигар парчасини бола қил деб берганимиз йўқ! Ҳамма гап Бўжейда. Агар билса, менинг болам унинг боласи эмасми, ёт кўриб, душман кўриб, кирпидай ҳурпаядиган бўлса, айб ўзида! Ана гуноҳкор бўлсам, мен гуноҳкордирман. Бешикдан суфуриб, уни одам боласи деб, бағрига ташлаган боламда нима гуноҳ? Хотин-халажга, уруғ-аймоғига ҳеч бўлмаса шуни тушунтираолмаса, Бўжейнинг саёз сувга оқиб ўлганику! — деди.

Унинг бу сўзларида айбни Бўжейнинг бўйнига қўядиган далиллар ҳам бор эди. Абайнинг ўзи ҳам умрида биринчи марта Бўжейдан кўнгли қолиб қайтган эди, «хотинини онт урган бўлса, Бўжей йўлга солса нима бўларди» деб ўйлаган эди. Бу фикрини йўлда Ғабитхонга ҳам айтган эди.

Улжон, Жумабой, Ойғизлар, бутун гуноҳни Бўжейнинг хотинига қўйиши. Уша томондан қулоққа чалинаётган аччиқ-тиззиқ, совуқ гапларнинг ҳам бирқанчасини айтиб ўтиши. Ойғиз тўғридан-тўғри «аямасдан душманлик қилаётган Бўжейнинг хотини» деган қарорга келди.

Шу куннинг эртасига Жумабой Қунанбойнинг саломи блан Бўжейнинг овулига бориб келди.

Ойғиз ҳам қўшнилардан бир кекса хотинни Бўжейнинг хотинига юбориб, ундан:

— Боламга ўғайлик қилаётир, эси бўлса, номуси бўлса, шундай қилар эдими, қарамай дардга чалинтириб қўйибди!—деб гина қилиб юборган эди.

Жумабой Бўжейнинг ёнидан хафа бўлиб қайтди. Абай Жумабойдан Бўжейларнинг жавобини яхшилаб эшнти.

Бўжейнинг ёнида Бойдали блан Тусиплар бор экан. Хотини ҳам Ойғиз айтиб юборган сўзларни эрига етказган экан. Бўжей уй ичиси биродарлари блан маслаҳатлашиб олиб, Қунанбойга ғазаб блан жавоб бериб юборибди.

— Қунанбой ёққан ўтга менинг номусим куйиб кетдику, «яраси тузалди, синиги битди» деяётгандир. Чивиндек танимда нима жон қолди деб ўйлар экан? Бошқалар уй ичиси блан ўртаниб кетсину, ўзимдан бир ушоқ ҳам кетмасин дейдими? Қунанбойнинг нимаси кетди? Битта сачраган уруғими? Ҳа деб сўраб, безовта қилабермасин. Тинч юрсин, тоқатимни тоқ қилмасин!— дебди.

Бу гапларнинг тагидан зўр аламнинг заҳри чиқиб

туради. Ўти сўнмаган душманлик «мен битганим йўқ» дегандай, яна бир қайта йилт этиб ўзини кўрсатиб ўтди.

Бу гапларни эшитганда Қунанбой ғазабидан бўғилиб, қорамтири товлаб кетди. Бўжейнинг жавобидан Абай ҳам қаттиқ хафа бўлди.

— Одамгарчилик қанию, шафқат қани? Бошқалар эмас, ахмоқ хотини эмас, Бўжейдан шу гап келдими? Кўз олдида шундай бегуноҳ норасидани ўлимга маҳкум этиб, шуни кўриб туриб, заррача озор чекмаслик қандай бағри қаттиқлиқ? Одамохунлиги, шафқати фақат кўринишда эканда. Аслида, бу тўғрисига келганда, ўзига енг бўллар маса ҳам, бошқаларга бўй бўлиб юаркан да. Қунанбойнинг-ку ёмон отлиқ Қилиб, унинг блан ёвлашиб, гуноҳкор қилиб юрибди. Қани, Қунанбойдан ўзининг қайси фазилати ортиқ?

Шунда ҳам Қунанбой ёрилиб бир нарса демай, фақат Абайга қараб:

— Менинг болами одам боласидек эмас, бўрининг боласидек кўрибди да. Бўжейнинг бу душманлиги гўрига ҳам бирга олиб кетадиган душманлик десанг чи. Мана шу юрган гўдакларнинг қайсибири оғзиңга тушса ҳам ғажиб ташлашга, кўзини ўйиб олишга тайёр экан да! Таваккал! Майли, оқибатини кутаман! — деб, жим бўлиб қолди.

Шундан бирнечча кун ўтгач, Ойғизлар Бўжейнинг овули томонидан кутиб юрган совуқ хабар тўсатдан келиб қолди.

Камшот ўлипти. Эрталаб узилган болани, тўхтатмасдан, тушдан кейиноқ, юмалоқ-ястиқ қилиб, тиқиб кела-қолишипти. Мана бўллар маса дегандек Қунанбойнинг овуллага, Ойғиздек ҳали кўзи ҳаёт, онасига ҳам хабар қилишмапти. Ойғиз блан Улжонлар бу совуқ хабарни бир чўбондан эшитишиди.

Бўжейнинг бу қилиғидан фақат Қунанбой эмас Зередан тортиб Абайгача қаттиқ ранжиди. У кунги жавоби бир марта кўнгил қолдирган бўлса, бу иши ўлган устига тепгандай бўлди. Бўжейнинг ўзи ҳам буни сезган бўлса керак, негаким, Камшот ўлган куни «Ойғизга хабар берсанк бўлармиди» деб, уй ичидагиларга, Бойдалига маслаҳат солган экан. Лекин Бойдали Қунанбой Жигитекларнинг ерни Бўкеншеларга берганини эслатиб, унга хабар бердирмади.

Кўпа, Қарчиға сингари қўнисларни Жигитекдан олиб, Бўкеншега берганидан буён бу қўнислар ҳам, яйловлар

ҳам, сувлар ҳам кундан-кунга жанжаллик бўлиб, икки нноқ элниңг ўртаси бузилишига сабаб бўлаётган эди. Бойдали блан Тусиплар бу кайфиятни фоят яхши билишар, шунинг учун ҳам: «иш қилиб, Бўкеншени хафа қилиб қўймасак, қўлтиғимиздан чиқариб юбормасак бўлгани» деб ташвишга тушиб қолишган эди. Шу безовталикинг ўзи ҳам буларни Қунанбойга баттарроқ ўчакиштириб қўйди. Қунанбойнинг туб мақсадини яхши билгани учун Бўжейнинг ҳам Қунанбойга адовати ортиб бормоқда эди.

Камшотнинг ўлими, Бўжейнинг шу сингари куйиб, ёниб юрган вақтига тўғри келган эди, шунинг учун парво ҳам қилмади.

Лекин, қандай бўлмасин, Абай кўнглида Бўжей Камшот олдида, бегуноҳ норасида бола олдида айбдор деган ҳукм чиқармай қолмади, негаким, катталар ўртасидаги келишмовчиликлар мана шундай пайтда, одамгарчилик синаладиган бир пайтда ўртага тушаолмас эди.

Уларнинг хабар ҳам бермай, Камшотни кўмиб қўйганига Қунанбой қаттиқ ғазабланди. У зимдан хабар қилиб, ўзининг катта овулига Иргизбой, Тўпай, Жуонтаёқ влларининг кўп казо-казоларини йиғди. Бўжейнинг бу қилмишини ўшаларнинг олдида, ўртага ташлаб, маслаҳатлашиб, яна Бўжейга одам юборди.

Энди бу гал Жигитекларга Жумабой эмас, Қунанбойнинг жонкуяр яқин кишиларидан Изиқутти блан Жақил борди.

Изиқутти бориб Бўжейга:

— Бу нима қилганинг? Евдан қолган қул бола эмас әди-ку, Қунанбойнинг боласи эди-ку! Ҳеч бўлмаса, туққан онасига хабар бердирсанг, ўша шўрликка боласининг совуқ дийдори буюрса нима қиласа эди! Бу қандай жоҳиллик, қандай душманлик? — деди.

Бўжей Бойдали ва Тусипларнинг олдида жавоб берди:

— Қунанбойнинг ўзи қилдан қийиқ топалмай юриптику. Муштумдек қизи ўлди деб азо очиб, юртга ош берайми энди? Ош берганимда ҳам бошим балодан қутилмайди! Хун оладиган бўлса олақолсин. Лекин қўлидан келса олиб кўрсин! — деди-да, безрайиб ўтираберди.

Афтидан ер тўғрисидаги жанжалларнинг пичоги суякка бориб тақалган кўринарди. Бу сўзлардан мана шу ёз, қандай бўлмасин зўр алангалар, катта фалокатлар чиқадиган ёзга айланишининг ҳиди келиб турарди.

Изиқутти блан Жақиб жұнатилиши блан Бүжейлар ұзларынға қарашлиқ әллардан барча фикрдошларини маслаҳатта қақиришди.

Уша куни кечқурун Қунанбой ўз атрофидагилар блан гапни бир ерга қўйиб, янгидан душманликка бел боғлаётган бир пайтда Бойсол, Қоратой, Суюндиклар ҳам Бүжей овулида бир ёқадан бош чиқаришга аҳд қилишди. Ез боши, кўп огуллар Чинғиздан энди ошиб, энди юрт тикабошлаган пайт эди.

Энди икки тараф ҳам мумкин қадар тезроқ кўчиб, Боқонос, Бойқўшқор, Қозбола, Жанибекка ўхаш кенг яйловларга олдинроқ бориб олишнинг пайида эди. Афтидан уларнинг бу йил ёз кўрадиган кунлари майдонга чиққан сафлар, жанг қилаётган лашкарларнинг кунига ўшаб ўтадиган кўринарди. Кўп эллик Тўбуқти жони борича ҳаракат қилиб яйловга кўчиб келмоқда. Жигитеклар бўлса, сўйил-чўқморини тайёрлаб, ёзда минадиган отларини совитиб, зўр ҳозирлик қўришмоқда...

Душманлик ўти алана олиб келарди. Қўшни огулларда кундан-кун безовталиқ авж олиб, ёшлар ҳам, қарилар ҳам, хотин-халаж ҳам: «Ана келиб қолди!», «Ана босди!» «Олнб кетди, юлиб кетди!» деган совуқ хабарларни кутиб жон титроғига учраб, тинч ётиб ухлайолмайдиган бўлиб қолишган.

Зеренинг овули мана шундай тинчсиэзлик ҳукм сурисиб турган бир пайтда, тўхтамасдан юриб Боқоносга етди. Бу ерга ўнтағина овул эмас, ўттиз-қирққа яқин овул бўлиб қелишди. Қечаю-кундуз Улжон блан Ойғизнинг уйини қуроллик одамлар босиб ётарди. Қунанбой шу овули Боқоносга етгунча, ўзи ҳам бирга келди. Үпир-тўпирнинг ҳаммасини шу ерга йигиб, улуғлик вазифасини ҳам шу ерда қилиб, буйруқларини ҳам шу ердан бериб турди. Барча чопарлар, старшинлар, бийлар ҳам бу кунларда Боқонос бўйида бўлишди. Бу атрофдаги ўттиз-қирқ оувунинг ҳаммаси ҳозирги фавқулодда йигилишларнинг ўрдасига айланди. Йигилишга сабаб бўлгудек сиёз ҳам, сайлов ҳам, ма'рака ҳам, пойга ҳам йўқ. Тўй-хашам ҳам йўқ. Шундай бўлса ҳам, уларнинг йигилишдан боши чиқмай қолди.

Бу ишлардан отасининг мақсади нима эканлигини Абай билмас, негаки Қунанбайнинг атрофини казо-казолар қуршаб олгандан буён яна Қамшот ўлиб, оналари ғамлик бўлиб қолганидан буён Абай отасидан анча йироқ-

лашиб қолган эди. Қунанбой овуллари Боқоносга етған куннинг эртасига шу Боқоносга яқин Жанибек, Тезек, Қорашўқи, Қозбола яйловларига Жигитек, Бўкенше, Ко-тибақ элиниңг овуллари етиб келиши керак эди. Лекин нимагадир улар келишмади. Суриштириб кўришса, улар орқада, довоининг у ёғида қолиб Оқтўмар, Қоршиғали, Шоқпок деган қўнисларда қолишибди. Одатда ўчакишган эллар кўчилаётган пайтда талашиб тортишиб, бир-бирига халақит беришга уриниб кўчар эди. Уларнинг аввалги авзойи ҳам шундай эди. Нима бўлди? Нима сабабдан бу таҳлилда бўқиниб қолищди... Ҳамма ҳайрон бўлиб «нега бундай қилишди? Сабаби нима экан?» деб туришган эди, туш пайтида тўсатдан Боқонос бўйига ўзгача бир хабар келиб қолди.

Иэнкуттининг овулига йўлакай тусиб, қимиз ичиб ўтган уч йўловчи Бўкенше: «беш кундан буён Бўжей қаттиқ касал. Сўнгги кунларда касалнинг аҳволи оғирлашиб қолди. Дардининг оғирлигини Бўжейнинг ўзи ҳам сезганиданми, ё эҳтиёт яхши деганиданми, ҳарқалай кеча кечқурун бор жон куярларини, биродарларини чақиртириб олиб, ризолик тилашаётир деган гапни эшитдик» дебди. Бу йўловчиларнинг гапи ваҳма гап эмас, ҳақиқат эди.

Боқонос бўйидаги, катта жангга ҳозирланиб юрган элнинг оғзида букун кун бўйи Бўжейнинг гапи бўлиб, «Бўжей ризолик тилаётган эмиш! Бойсол, Бойдали, Тусиплар йиғлашиб, видо'лашаётган эмиш! Беморнинг ҳоли оғирлашиб қолган эмиш! У дун'ёга сафар қилиб қолмаса гўрга эди»— деган гап тарқалиб бўриоқда эди. Даладаги бир-бирига дуч келган чўбонлар, қўшоқ бошида учрашган хотинлар, йўлда бир-бирига йўлиққан йўловчилар бир-бiri блан ивир-шивир қилиб сўзлашаётган овсинлар ҳамманинг оғзида фақат Бўжейнинг гапи.

Эртасига совуқ сўзлар аниқда чиқиб, Бўжей ўтган кеча ўлипти деган хабар ҳам келиб қолди.

Бу хабарларни йўлда эшитиб келган Жумабой, Улжоннинг уйига келиб тушганида, булар новушта қилишаётган эди. Уйда Қунанбой, Зере, Улжон, болалардан Абай, Успон, Такежон бор эди.

Бўжейнинг ўлганини эшитганда уйдагиларнинг ҳаммаси эсанкираб қолди. Бирқанча вақт гангиг, товушини ҳам чиқараолмай қолган катталар бу тўсиндан келган хабарни ҳарким ўз ҳолича қарши олди. Қунанбойнинг ранги ўчиб кетди, у очиқ турган эшикдан, узоқдаги кўм-

кўқ адирга тикилганича, лабларини қимирлатиб астагйна фотиҳа қилди. Зере қаттиқ куйиб, оҳ тортиб, кўзларидан дона-дона ёш тўка бошлади. Абай ўпкаси оғизига тиқилиб келаётгандай бўлиб, дами қайтиб, юраги қаттиқ уриб кетди. Шундай қилиб Боқонос бўйидаги Иргизбой овуллари Бўжейнинг ўлимини хабар қилгали алоҳида одам келар деб кўз тутабошлади. Ҳеч бўлмаса эскидан қолиб келаётган урфи-одат бўйича, жанозага хабар қилгали бирорта одам келар деб, ўйлашган эди.

Одатда орадан не-не оғир гаплар ўтиб, ҳарқанча юз кўрмас бўлиб кетилганда ҳам бошга «хашаматли тўй, тупроқлик ўлим» тушганда, кина-гудратни бир ёққа қўйиб туриларди. Айниқса Бўжейдек одам ўлганда бориб йиғламагаи, мозор бошига бормаган, тобутини кўтармаган қариндош-уругнинг бўлиши мумкин эмас. Қунаубой ҳам, Зере блан Улжон ҳам, чошгоҳгача улардан дарак бўлмаганига тушунаолмай жуда гангиг қолишиди.

Булар Бўжейнинг жанозасига олиб бориладиган мешмеш қимииз, сўйиладиган мол ва ўтвларини ҳам тайёрлаб, энди одам келмаса ҳам бора бериш керак деган гапни унча-мунча тилга олишаётган эди. Кечгача ҳам одам келмади. Бу ҳолат нақадар оғир бўлмасин, кўнмасликка чора йўқ эди. Бўжейнинг жанозасига Қунаубойни айтилмади. Жўрттага уни четга чиқариб қўйилди.

Бу Бўжейнинг васияти бўлиши керак, ё бўлмаса, унинг орқасида қолган Бойдали, Бойсол, Тусиплардан чиқсан гап. Қимдан чиқсан бўлса ҳам, осон гап эмас. Ӯша вужудида душманлик қони қотиб қолган қариндош энди ўлим блан, ўлими блан ҳам ўқ отиб кетди! Бир отадан тарқалган ўлжай эли у ёқда турсин, бутун бошлиқ Тўбуқти элида, ота-боболарнинг замонида ҳам шу сингари четга чиқариб қўйиш, кўкракка туртиш бўлган эмас.

Қунаубой қаттиқ қийналиб, ниҳоят ғазабланди. Бу иш унинг кўкрагидан асло кетмайдиган кек бўлиб қолди. Ӯликка чора йўқ. Лекин Тўбуқти элида кўз кўриб, қулоқ эшиитмаган бадфе'лликни қилаётган Бойдали ва Бойсолларга у ичидা «Ҳа, саними!» деб қўйди.

Лекин, шунинг блан бирга, жанг қилиш учун шу кунга қадар икки томонда ҳам кўрилаётган зўр ҳозирлик тўхтайдиган бўлиб қолди. Бу Қунаубойга очиқ кўриниб турарди. Шунинг учун Қунаубой Боқоносдаги овулларнинг бошлиқларига ҳам, Улжонга ҳам:

— Ховатир қилмасдан молларни яйлатиб, бемалол

ўтираберинглар! — деди-да, ўзи Жумабойни эргаштириб, Бойқушқар сувининг бўйидаги Кункенинг овулуга кетди.

Жанг майдонига айланай деб турган яйловларда энди тинчлик ҳукм сурди. «Тўс-тўполон бўлар, ҳамма оёқ ости бўлар» дейилган бу ёз, энди мутлақо бошқача ўтадиганга ўхшаб қолди. Қандай ўтар экан? Униси аниқ ма’лум эмас. Лекин, ҳарқалай, Жигитек, бошига шундай ўлим тушиб турган пайтда, отга миниб, қўлига қурол олиб жанг қиласлиги керак.

Бўжейнинг жанозасига айтилмаган Зере блан Улжон хўп куйишиди. Лекин на чора. Беғараз икки меҳрибон, бегуноҳ икки жон Бўжей учун тўқадиган ёшларини уйларида ўтириб тўкишиди. Бўжейга бағишли настидиган қур’онни ҳам ўз болаларига, Абай блан Габитхонга ўқитиб, ўз уйларида бағишлишашиди. Чалпак пишириб, дастурхон ёзиб, Бўжейнинг еттисигача ўз уйларида аза очиб ўтиришиди.

Жигитек, Бўкенше ва Котибақ эллари тантанали дағи маросимига тайёрланмоқда эди. Азага ёш-қарир эркак-аёл ҳамма келмоқда. Ҳамма ёқда йиги, фар'ёд...

Бўжейнинг олис-яқиндаги дўстлари, қариндошлари ҳарқайсиси ўзи катта ўтовларини, сўядиган молларини, меш-меш қимизларини, эркак ва аёл хизматкорларини тугал олиб келишган.

Кунанбойнинг овуллари етиб борган олис яйловларга бу элларнинг овули етиб боролмай қолди. Булар ҳеч бўлмаса Бўжейнинг еттисини, иложи бўлса қирқини ҳам шу кенг қўнис — Шалқарда ўтказмоқчи эди. Фотиҳага келгандарни ҳам, «бел боғлаб тургали» келгандарни ҳам шу ерда кутмоқчи бўлишди. Бўжей ўлган куни эрталаб Бойсол, Бойдали, Тусип, Суюндиқлар маслаҳатлашиб, ўзларига қарашлик бутун овулларни бир куннинг ичидагана шу Қаршиғалига етказиб келиб, Бўжейнинг овулларини қуршаб, ўртага олиб ўтиришиди.

Бўжей касал бўлиб кўп ётмади, ҳаммаси бўлиб бир хафтағина ётди. Лекин гуп учиб ётганича сра кўзини очмади. Уни аввало тушак тортуб ётиши бланоқ, ер тортиб бораётгандай бўлди-да, юзига мурданинг акси урди қолди. Дарднинг учинчи куни тинчини йўқотиб, бетоқат бўлабошлади. Нафас ололмай, жон талвасасига учраб, вужуди ўт бўлиб ёна берди.

Ўлимни кўп кўрган Бойсол, Бўжейнинг томирини ушлаб кўриб, дами ичига тушиб, оғир ҳаёлга ботди. Касалнинг ёнида ундан бошқа Бойдали, Тусип, Суюндиқлар

ҳам ўтиришган эди. Эҳтимол Бўжей шу пайтдан фойдаланмоқчи бўлдими, ҳарқалай Бойсол:

— Учинган! Учинганда одам шундай бўлади. Яхшилаб бир терласа бошини кўтариб қолади! Тер қисиб турибди-да! — деган эди, Бўжей бор қувватини тўплаётгандай бир ҳаракат қилди-да, қовоғини солиб, қонсиз юзи газабдан кўкимтири товлаб, нафаси сиқилиб, гоҳ қаттиқ-қаттиқ, гоҳ пицирлаб:

— Учиниқ! Учинган одам шундай бўлади? Ичимни еб ётган аламнинг учиниги эмасми? Иш қилиб... Ҳарқалай вақт-соатим етиб қолди... Кенг дун'ё Кунаёнбойга қолар!.. Мен... Мен кетаман... Ортиқ унинг оёғига тўғаноқ бўлмайман... Лекин... Мендан сўнг аҳволларинг қандай бўлар экан? — деди.

Утирган дўстларнинг ичидаги фақат Суюндик сир бериб, кўзига ёш олди. Қолганлар даминни чиқармай, тошдек қотиб, бўзрайганича қараб қолишди. Бўжейнинг рози-риволик тилагани ҳам, ётганидан буён оғиз очиб сўз қотгани ҳам шу бўлди. Орадан тўрт кун ўтгач вафот қилди.

Кунаёнбойга хабар бердирмаган Бойдалн блан Бойсол эди. Эл ётар чоғида, Бўжей жон бергач, ярим кечагача барча хотин-халаж, бола-чақа блан бирга ҳалиги катталар ҳам, эси-ҳушини йиғишириб ололмай, ўкриб-ўкриб йиғлашди. Йиғлаётган қариндош-уруглар, ёру дўстлар энди ўликнинг тепасига дув кириб, бирма-бир йиғлаб кўришаётган пайтда Бойсол ҳушидан кетиб йиқилиб тушди, сунниб турган хассаси ҳам унга таянчиқ бўлолмади.

Бу аҳволни кўрган Бойдали, Тусип блан Суюндикни ёнига олиб, Бойсолни доврадан олиб чиқишиди ва четроқ-қа бориб ўтиришди-да:

— Йиғлаганинг блан яхши Бўжей қайтиб келадими? Йиғлаш блан тириладиган бўлса фар'ед қилаётгандар, ёш тўйкайтгандар озми? Ана,— деди Бойдали қўли блан тун кечада оҳу-зори кўкларга кўтарилиб, фар'ед қилаётган қиз-жувонлар, эр-азаматларни кўрсатиб.

— Эс-ҳушингни йиғ, Бойсол! Белни маҳкам бояла! — деди яна бошқаларга ҳам айтаётгандай,— ундан кўра маслаҳат қилайлик, эл-юртга хабар берайлик, жанозанинг тараддудини кўрайлик!

Эндиги бўладиган гап ўтирганларнинг ҳаммасига ма'лум эди. Булар шу кеча қирқ-элликка яхин йигитни яна бир-иккита маслаҳаттўй кексаларни ёnlарига олиб, ўлик кўмиш маросимига ҳозирлик кўра бошлишди.

Кимга хабар бериш, кимга хабар бермасликни Бойдалининг ўзи айтиб берди. Шунда Қунанбой овулларини атайлаб чиқариб ташлаган эди. Қирқ-үттиз хабарчи тун ярмидан оғиши бланоқ, қўш-қўш отлар блан ҳозир бўлишди. Бу югурик отларга мингган йигитлар кўп эллик Тўбуқти блан қўшни бўлган Карей, Матай элларини оралаб бориб, Қарқаралига яқин ердаги Шўр ва Бўшан элининг отоғлик-отоғлик кишиларига ҳам хабар бергали жўнаб кетишди.

Тонг оппоқ отгунча мижжа қоқмаган Бойдалилар тонг отиши блан шу атрофдаги энг катта уй, Суюндик-нинг саккиз қанотлик катта оқ уйини келтириб Бўжей уйининг ёнига ўрнатиши. Уй ўрнатилиб бўлиши блан, унга бошқа ажом киргизмасдан, эшикдан тўргача гилем солинди. Уйнинг ўнг томонига асл сувклар блан безатилган, катта каровот кўйилди. Уйнинг устига тахи бузилмаган асл гилемлар солдирилди ва Бўжейнинг жасади шунинг устига ётқизилди.

Бўжейнинг жасадини ўз уйидан олиб чиқиб, бу ерга ётқизиш қора кийган хотилар блан Бўжейнинг қизлари-нинг доди-фар'ёдини ошириб юборди. Мурдани ётқизиб бўлишлари бланоқ, Бойдали эшикка чиқиб, оқ уйининг ўнг томонига ўз қўли блан «қора» тикиб қўйди.

Бу иш ўлиқ қўмиш маросимииниг энг катта ишларидан. Қора деб, узун наизага боғланган түғни айтилади. Агар Бўжей оддий фуқародан эмас, оқ сувклар авлодидан бўлганда, ўша авлоднинг ўзига хос түғи тикилиши керак эди. Ўликнинг қайси урурга оидлиги ўша тикилган кўк түғ, ола түғлардан ма'лум бўлади. Агар ўлиқ фуқаролардан бўлса, унга тикиладиган түғ ўликнинг ёшига қараб тикилади. Шунисига қолганда Бойдали эски урфодатларни яхши биладиган Суюндик блан маслаҳатлапди. Суюндик унга «ёш ўлса қизил тур, қари ўлса оқ тур тикилади. Бўжейдек ўрта яшар кишининг та'зиясига бир ёғи оқ, бир ёғи қизил түғ тикилиши керак» деди.

Бўжей ўлган куннинг эртасига қора тикилиши унинг та'зиясини бошқалардан ўзгачароқ кутилишини билдиради. Түғ тикиш — Бўжейга катта ма'рака қилинади, йил бўйи қаттиқ аза тутилади деган гап эди. Бойдали қора тикиб, йиғилиб турган барча жонкуяр яқинлар блан фотиха қилган онда шу уй бўсағасининг икки томонига икки от етаклаб келинди. Биттаси ёли қалин, семиз кулранг от бўлиб, иккинчиси ингичка, келишган от эди. Кўлранг

от Бўжейнинг қишида миниб юрадиган оти бўлиб, кўк отни у шу йил кўклам чиқсандан бўён миниб юрган эди.

Бўжейдек азаматнинг кўз қорачигидек бўлиб қолган иккита от келтирилганда катталарнинг ўзи ҳам ҳўнграб йиғлаб юбориши. Ба'зилар ҳассасига суюниб, ба'зи кексалар тиз чўкиб:

— Номусим, орим, жигарим, арслоним! — деб фар'ёд қилишди. Бойдали яна бошқалардан олдинроқ ўзини тўхтатиб олди. У бўсағанинг ўнг ёғида турган кулранг отнинг ёнига келиб:

— Жонивор, эганг ўлиб, эгасиз қолдинг-ку, бебаҳт жонивор! — деб, кулранг отнинг ёлини сўнг, думини отнинг тиззасидан юқорироқ қилиб чўрт қирқиб ташлади.

Кўк отнинг ҳам ёли блан думини қирқди-да, эгасиз қолган отларни бу атрофдаги отлардан бошқача бир тусга киргизиб қўйди. Бу икки от янаги йилгача минилмаслиги, семиртириб, бир йилдан сўнг эгасининг йил ошига сўйилиши керак эди.

Бойдали икки отнинг орқасидан қараб туриб:

— Кўк отнинг ёли, думи қора, та'зия оти шу бўлсин. Кўчилган пайтда эр-азаматимнинг қора ёпилган эгар жабдуғи шу отга урилсин. Марҳумнинг кийимлари ҳам шу жониворнинг устига ёпилсин! — деди.

Шундан кейин Бойдали бошлиқ бутун кексалар, Қаршиғалидаги барча казо-казоларни йигиб, Бўжейнинг ма'ракасига сўйиладиган мол, бўладиган сарф-харажат ҳақида маслаҳат бошлашди. «Улим борнинг молини сочар, йўқнинг этагини очар». Бўжей «бор» бўлмагани блан «йўқ» ҳам эмас: орқасида мана шундай ёр-биродарлари, қариндош-уруғлари бел боғлашиб турганда, нега «йўқ» бўлар экан? Тириклигида нияти бир бўлган қариндошни ўлганда нега унутсан? Гарчи айтилмаса ҳам, шу гап ҳамма ёру биродарларининг кўнглидан ўтди.

Шунинг учун улар, Бўжейнинг ўз уйига оғирлиқ туширмай, иложи бўлса ўзидан бир улоқ ҳам чиқартирмасликка аҳд қилишди. Эртага бўладиган ма'рака ошини ҳам катта қилиб ўтказадиган бўлишди. Айниқса азалик уй, ўтган-кетган тушиб фотиҳа ўқиб кетадиган уй бўлади. Ҳорган борми, чарчаган борми, оч-яланғоч борми, олис-яқиндан келаётган бегона йўловчилар борми, ҳаммаси бир йил давомида фақат Бўжейнинг уйига тушиши керак. Булар ўқиган фотиҳанинг савоби Бўжейга тегади.

Шундай қилиб Бўжейнинг ўз уйида бўладиган чиқим

ҳали олдинда турибди. Унинг ҳисоби йўқ. Шунинг учун ҳам булар шу қадар кўп чиқимни унинг уйига солмай, бўлиб олмоқчи бўлишди. Ҳаммадан олдин Суюндиқ ва Бойсоллар «та'зиясига», «ошига қўшганим», «арвоҳига атаганим» деб, бир бошдан қўш от, қўш тую, тойтуёқ, қўйтуёқ, ёмбилар ҳам қўшишди. Шундай қилиб кенгашнинг охирида Бўжейнинг та'зиясига сарф қилинадиган мол-дун'ё анчага бориб қолди. Мана шу кенгашда қора тикилган уйни, азадор уйни ясатиб қўйиш учун нарса йиғиши масаласи ҳам кўрилди. Суюндиқ, Бойсол, Бойдалиларнинг уйларидаги бисотда ётган қимматбаҳо пўстинлар, тўнлар, азалик уйларда тутиладиган гиламлар, чойшоблар, асл буюмларнинг ҳаммасини йиғиб олиб келадиган бўлишди. Азалик уйда Бўжейнинг ғамдан абгор бўлган хотини ўтирас, у сочини ёзиб, бошига қора рўмол соглан эди.

Бўжейнинг иккала қизи ҳам бошларидағи телпакни ташлаб, қора рўмол ўрашди. Булар, отаси ўлиши блан, айтиб йиғлаш учун қайғилик-дардлик сўзлар, доғ ҳасратни ифодалайдиган байтлар тўқиб олишган, бугун аzonдан буён жанозага келганларни шу байтларни айтиб, йиғлаб қаршиларди. Бугун Чинғиз устидаги поёнсиз катта ўлка, кенг дала, беҳисоб яйлов, қалашиб ётган адирлар, қатор-қатор тоғлардан эл зўр бир оқимдек тўлиб-тошиб Бўжейнинг жанозасига келабошлиди. Ерни ларзага солиб фар'ёд қилаётган тумонат аза очиб, бирнечча кун йиғи-сиғи қилгандаридан сўнг Бўжейнинг жасадини чиқаришди. Бўжейнинг жасадини бу яйловга қўймай, қайтадан Чинғиз ошиб, унинг ўз қистовининг устига, Тўқмамбетга қўйишиди. Элнинг мана шундай ҳурматига сазовор бўлган Бўжейдек одамнинг қабрига тупроқ ташламай қолган фақат Қунанбой атрофидагиларгина бўлди.





ТОҒ ЭТАКЛАРИДА

1

Туш бўлмасданоқ Боқонос бўйи ғоят қаттиқ исиб кетди. Ҳавода тангадек булат ӣўқ. Бу атрофда булат кўринмаганига, бир томчи ёмғир ёғмаганига кўп вақтлар бўлди. Чинғиздаги бошқа яйловлар салқин, сер ёмғир бўлса ҳам шу Боқоноснинг ўнг томони ўзгача иссиқ, дим бўлади. Бу ерда турганда сувлинг мўллигига, кўмкўк дарахтларига, қулғ уриб турган турли-туман ўланларига қизиқиб турилмаса, аслида ёзда яшаш учун ана у кўриниб турган катта қоратоғнинг нарити томонидаги яйловлардан яхши ер йўқ.

Абай, уйда дами қайтиб, эшикка чиққанида бу ердаги жон эгасики бор, ҳамма иссиқдан, лоҳас бўлиб, зўрга юрган эди.

Катта оқ уйнинг ёнида ётган юнги ҳурпайган сариқола кўппак ҳам, оғзиғи катта очиб, тилини чиқариб, ҳарсиллаётган эди.

Отларнинг ҳаммаси ўтлоқларни ташлаб, узоқдаги адирнинг тепасига чиқиб, думи блан елпиниб тўп-тўп бўлиб туришарди. Қўйлар ҳам ўтлоқни ташлаб, сув бўйига тушиб, бағрини захга бериб ковуш қайтариб ётарди. Утлоқ эсларига ҳам келмайди. Агар бирор ҳайдамаса, сув бўйидан турадиган эмас.

Сигирлар бўлса, Боқонос сувидан чиққан чалчиқ сувларга кириб, ётиб олишган эди. Четда қолған битта-яримта бузоқлар ва ғунажинлар бўлса украининг қувғинига учраб, думиши гажак қилиб, бурун катаклари керилиб, бўғизланадек икки кўзи олайиб, ўйин тушниб, қутиргандек уёқдан-буёқка чопишарди.

Утодагилар ўйнинг тунлигини ёпиб, пастки томонини ярим белигача кўтариб қўйишган.

Абай мудроқ босаётгандай эснаб, ғаш тортиб турди-да, қаерга боришини билмай, сув бўйига қараб кетди. Бурнининг учи терлаб, бошидан кун ўтиб, Боқоноснинг иссиғидан койиб, жадаллаб борар эди. Сув бўйига келса, Успон, Смоғуллар бошлаб келган бирқанча майдада болалар муздек тиниқ сувни сачратиб, қий-чув қилиб чўмилишаётган экан. Абай болалардан нарироққа бориб, ёлғиз ўзи чўмилабошлади; шу ёз сузишни ҳам ўрганиб олган эди. У ёйилиб оқадиган Боқонос сувининг у юзидан-бу юзига икки марта сузиб ўтди. Энди муздаккина бўлиб, баҳри-дили очилгандай бўлди-да, шўнғий бошлади.

Абай бошқа болаларнинг қий-чувига парво қилмай чўмилаётган эди. Лекин нарироқдан Абайнинг шўнғишига қизиқиб қараб турган Успон бир болани эргаштириб, юргурганича унинг ёнига келди. У шовқин-сурон кўтариб ўзининг яланғоч сонига шаппалаб қичқирганича Абайга:

— Шўнғи, шўнғи! Яна битта шўнғи! — деб сакраб, бирга келаётган Смоғулнинг орқасига миниб олди. Смоғул уни улоқтириб ураман деб юлқина бошлади.

— Қани йиқитиб кўр-чи, сен эмас, осов-қисир биянинг оқ тойи ҳам мени йиқитаолган эмас, овора бўлма, йиқитаолмайсан! — деб, Смоғулнинг бўйнидан маҳкам қучоқлаб олиб, икки оёғи блан тепинабошлади.

Смоғул Успоннинг зўрлигига ноилож бўйсиниб уни опичлаб, қоқилиб-суқилиб юргурганича Абайнинг ёнига келди-да, орқасидаги Успон блан ўзини шалоп этиб сувга ташлаб юборди.

Успоннинг шу сингари хираги Абайнинг ғашига тегарди. Бундан бир-икки йил муқаддам бу иниси блан ўзи ҳам ўйнашиб, олишиб кетадиган Абайга энди унинг хирагиги ёқмай, ўзини четга тортадиган бўлиб қолган эди. Ба'зан, ҳа деб жонига тегаберса, уришиб ҳайдаб юборарди. Ҳозир ҳам Успонлар қий-чув қилиб келганига жаҳли чиқиб, сувдан чиқди, кийинабошлади. Успон Абайнинг фе'ли айниганига парво ҳам қилмай:

— Мана ҳозир Абайчасига шўнгийман!— деб, саёз ерга бор бўйича ётиб олди-да, мункиб кетган тойдек, тўнқайиб, икки оёғи блан сувни шапиллата бошлади.

Абай шошмасдан кийиниб бўлиб, энди уйига кетмоқчи бўлиб орқасига қайрилган эди, жар бошига келиб турган Такежонни кўриб қолди. У ғоят яхши кийинган, қўлига қарчиғасини қўндириб, чиройлик от устида туради. Унинг остидаги саман, ёли, думи қора дунан қаттиқ терлаган; кумуш юганининг сувлигини чайнаб ўйноқлаб турарди. Такежон қонжуғасига битта сариқ ола ғоз блан икки ўрдакни боғлаб олган эди. уни қўриши блан болаларнинг ҳаммаси:

— Ҳой, ака!

— Ақажон менга!..

— Менга беринг!— дейишиб, иргишлаб сувдан чиқиб югуришди.

Такежон қуш солиб келганда, овлаб келган ўлжасини шу сингари олдидан югуриб чиқсан болаларга берар эди. Лекин уларни олдин хўб ялинтириб, атрофида чувуллаштириб, зориллатиб бўлиб, кейин берарди.

Болалар ҳам унинг дарров берақолмаслигини билиб, қўярда-қўймай, осилаберар эди. Такежон Абайга қараб мағурурлик блан кулди. У ҳамиша ўзини қарчиғайга қуш олдирадиган йигит бўлиб қолганини Абайга билдириб қўйишга уринарди. У Абайни ҳали ўзига тенг кўрмас, унга ҳечнарсани билмайдиган, бўш бола деб қааради. Такежон бу йил ёзда қаллиғига ҳам бориб келган. Уз тенги йигит-яланглардан ўртоқлари ҳам бор. Шу кунларда ҳам ҳаркеча ўша ўртоқлари блан бирга қизларнинг дардида овулма-овул изғиб юришарди. Ҳали Абай бундай ишларга уринган эмас.

Успон блан Смоғул Такежоннинг ёнига баравар югуриб бориб, ялинабошлади. Такежон уларга улуғворлик блан бир қараб аввал бир сўкиб ташлади. Бу қилиғи ҳам уни Абайдан катта қилиб кўрсатадиган аломатларининг биттаси эди. Аслида Такежоннинг оғзидан сўкиш тушмас эди. Қунанбойнинг олдида мушукка ўхшаб писиб ўтиrsa ҳам буёққа чиқди дегунча оғзидан оқ ит кириб, қора ит чиқиб, бола-чақани, чўбонларни, хизматкорларни сўкаберарди.

У Успон блан Смоғулни хўб ялинтириб бўлди-да, сўнг, қонжуғасидаги иккита ўрдакни ешаётib:

— Ху, ўша сени... Қоравойлар! Эртадав кечгача сув-

ни лойқатгандан кўра, ҳеч бўлмаса, маймунжон терсаларинг бўлмайдими!— деди.

— Маймунжон?

— Қани маймунжон, маймунжон бор эканми?

— Қаерда маймунжон бор экан?

— Жон ака айтақолинг!— деб, Үспон блан Смоғул яна ёпишди.

Ез бўлди дегунча, болаотликнинг фикр-ёди маймунжон бўлади. Лекин Боқонос бўйида маймунжон битмас эди. Қаерда бор экан? Пишганми-йўқми? Униси блан ишлари йўқ.

Маймунжон деганда Абай ҳам ялт этиб қараб, суриштира бошлади. Такежон ҳали келаётib йўлда Боқонос блан қатор оқадиган Жанибек сувининг бўйида ана у қорайиб турган адирнинг нариги томонида ер кўкни маймунжон тутиб ётиби деган гапни эшитган эди. Бугун-эрта у ерларга Жигитек, Бўкенше эллари кўчиб келади. Улар келгандан кейин булар тералмай қолишади. Шунинг учун тезроқ бориб териб келиши керак. Такежон шундай деганда, ҳалиги бир гала бола шошиб қолиб:

— Юр бўлмаса, борайлик, борайлик, борайлик!

— Бориб териб келамиз!

— Юринглар!

— Қани, от тутинглар!

— Ол, ана баракасини берсин. Маймунжон, маймунжон! — деб, ҳамма бола ўйин тушабошлади.

Такежон ўзи ҳам маймунжонга боргуси келиб турган экан. У Абайнини ҳам «юр!» деди. Абай ўйланиб тортиниб-роқ турди-да, ниҳоят, ҳеч бўлмаса отга миниб бирпас ёзилиб келиш ниятида бирга бормоқчи бўлди. Шу блан бирга чой қайнагудек вақт ичиди Абай блан Такежон бошлаган майда болаларинг ҳаммаси тойларга, фуналларга миниб, елиб-югуриб этиб келишди. Буларнинг ичиди каттаси Абай блан Такежон эди. Майда болаларнинг кўпчилиги биттадан тойга миниб, ба'зилари битта тойга иккитадан мингашиб Абайларга эргашиб чиқишигдана Үспон ҳали келмаган эди. У, бия бокучиларнинг «ёввош тойга мин» деганига кўнмай, шу кундан бошлаб ўргатилаётган, ёли қирқилган осов тойни — оқ тойни танлади. Оқ той учтўрт кундан буён Үспоннинг ҳаёлидан нари кетмай юрган эди. Дуркун, дуп-думалоқ оқ той қисир қолган осов кўк биянинг боласи эди. Кўк бия азбаройи осовлигидан соғдирмас эди. Шунинг учун ҳам унинг тойи боғланмай,

онасини эмиб юарди, ҳатто шу кунларда ҳам эмар эди. Оқ той осовликда онасининг ўзи эди. Бу тойга яқинда кўзи тушиб қолган Успон бугун эрта блан бия боқучи Масақбойга ёпишиб олиб, биялар биринчи соғиладиган пайтда оқ тойнинг бўйнига сиртмоқ ташлатиб ушлатиб олган эди. Масақбой осов отлар учун яратилган алвасти. Успон қўярда қўймай ялинабергач, ноилож кўнган Масақбой эртадан бери шу тойни ўргатаётган эди. Тойнинг осовлиги, қийиқлиги шу даражада эдик, гоҳ сапчиб, гоҳ пишқириб, Масақбойни ҳам икки марта устидан улоқтириб урди. Лекин бошқа осов отдан кўрмаган азобни шундан кўрган Масақбой, аламнга чидалмай, оқ тойга қаттиқ ўчакишиб қолди. У тойни қулоғидан олиб, сиртмоқ блан бўйнидан бўғиб, сувалиқ блан икки лунжини эзив, ўлгудек қийнади. Тойнинг устига катта тўқимни ташлаб, чизимча блан чандиб-чандиб боғлади-да, сакраб миниб олди. Боши-кўзи демай уриб, югуртириб, қора терга тушириб бўлиб, онаси соғиладиган қулунларнинг қаторига боғлаб қўймоқчи бўлди. Масақбойнинг ҳунарига завқ қилиб қараб туриб, ўзи ҳам завқлаяниб кетган Успон той ҳоддан кетган пайтда, одамларнинг «тўхта!» деганига ҳам қарамай, иргиб миииб олди. Икки лунжи титилиб, қонаб кетган той ҳали ҳам тихирлнгни қўймаган ёкан, Успон мингандан яна қайтадан сапчиб, иргиб, кўп ҳийиғлиқ қилди. Лекин Успон йнқилиш, қўрқиши ўрнига завқ қилиб савалаб, хандон ташлаб кулабошлади. Устидаги болани улоқтириб уролмаган той ниҳоят олиб қочди. Успоннинг муддаоси ҳам шу эди. У олиб қочиб бораётган тойни баттарроқ ҳуркитиб, боши-кўзи демай савалаб:

— Арвоҳ! Арвоҳ! — деб, шоақин солганича, Абайларни қувиб етди.

Оқ той, Успонга бош бермай, бўйини бир томонга қийшайтирганича, елдек учиб бориб, бор бўйича Такежоннинг саман отига урилди. Болалар кайфи учиб, эсанкираб қолишиди, Успон тойининг бошини буриб тўпдан чиқаётган пайтда той яна бўйини ўнглаб пишқириб чопабошлади.

Абай Успонни аяб «нобуд бўлмаса гўрга эди!» деб қўрққан эди. Лекин Успонга кўзи тушганда, ҳайрон қолди: кўзлари ўтдек ёниб қўрқиши ў ёқда турсин, аксинча, «яна ҳам баттарроқ ҳурк» деягандай той ўзини не ал-позларга солмасин, шунинг ҳаммасига пайров келаётган

эди. Шу пайт Абайнинг назарида Ўспоннинг болалик жиннилиги бирданига йўқолиб, у қадим замонлардаги жанговар паҳлавонларга ўхшаб кетди. Ҳамма ҳангманг бўлиб, оқ той блан Ўспоннинг курашига қараб қолди.

Бир-иккита каттароқ бола тойнинг мункишидан чўчиб, Ўспонга ёрдамлашмоқчи бўлди. Ўспон шошганича қичқириб, уларга:

— Тегма, қоч! — деди.

Шу топда оқ той болани бошидан ошириб туширмоқчи бўлиб, бошини қуи солиб мункиди. Ўспон икки оёғини тойнинг қўлтиғига тиқиб олиб чалғанча ётиб олди. Болани йиқитаолмаган той ўша оннинг ўзида орқа оёқларини кўтариб, тегина бошлади. Энди Ўспон тақимини ёзмасдан, энгашиб, тойнинг бўйнидан қучоқлаб олди. Бир нафасдан кейин той яна тўсатдан сапчиб, олишаёттан итга ўхшаб, орқа оёғига турди. Бу аҳволга Ўспон ҳам ҳайрон қолди шекиллик, икки юзи қипқизил бўлиб, сочларин ҳурпайиб, ялт этиб Абайларга қаради-да, кулиб юборди.

Уининг атрофида дамини чиқармай турган болалар ҳам бу ишта ҳайрон бўлиб кулишди. Такежон Ўспоннинг ботирлигига завқ қилиб:

— Оббо, абраҳеј, қай гўрдаги бало эди бунинг ўзи? — деб, саман отига қамчи урганича елдириб кетди. Ҳамма болалар уининг орқасидан кетишди. Энди оқ той ҳам юнлож кўнгандай, чопиб кетди. Ўспон яна тойни қамчилашиб:

— Арвоқ! Арвоҳ! Масақбой, Масақбой! — деб қичқириб осов отларнинг кушандаси бўлган бия боқути Масақбойга сиғинади. Ҳақиқатда ҳам Ўспон боядан буён ўша Масақбойнинг ҳунарига сиғинчаётган эди.

Маймунжоннинг ҳиди анқиб, кўк майса қулф уриб турган ям-яшил тоғ этакларида бу болаларнинг маймунжон тераётганинга хийла вақт бўлди. Кун кечга яқинлашиб, адирларнинг сояси узайиб, сойларда мулоим шабада эсабошлади.

Отларини тушовлаб қўйиб юборган болалар ҳали маймунжон теришнинг завқига қонгани йўқ. Аввал келиб тушган жойларидан силжишмаган бўлса ҳам, ўша ернинг мевасини тутатишаолмади, ўзларидан ортганини дўппиларига, телпакларига, чўнтакларига кола бошлади.

Бир вақт болаларнинг қулогига, дун'ёни ўт олиб кетаётган ёки лашкар босиб келаёттандек, бир гулдурос эши-тилди.

Болалар аланг-жалаң қилиб, ичларидаги катталари Такежон блан Абайга қарашибди. Абай, бу гулдурос нима эканлигини яхши биладиган кишидек, лоқайдлик блан Чингиз томондаги төгнинг этакларига қараб ўтиради. Бир нафасдан сўнг шу төгнинг нариги томонидан ёпирилиб, ошиб келаётган отлар кўриниб қолди. Бу отлар кенг сойга тушиб, пишқириб мўрмалаҳдек босиб келарди.

Отларнинг орасидаги қулунлар, тойларнинг ҳам кишинами эшитилиб тураг, бошқа отлардан айрилиб чиқиб, ўйноқлаб чопаётган ғунонлар ҳам кўриниарди. Болаларнинг тойлари бу ўпир-тўпирни пайқаб, баравар қимираҳ қолишибди. Ба'зилари тушовлари блан сакраб-сакраб ўша томонга кетиш ҳаракатига тушиб қолди. Уюрини қумсаబ қолган тойлар ва ғунонларнинг ҳаммаси бошларини кўтариб, қулоқларини тиккайтириб, ўша йилқилар келаётган томонга қараб югуришибди. Бу кимсасиз ерда кўринган отлар кўчиб келаётган элнинг йилқиси экан. Болалар отларига миниб, овул томон юзланганларида, ҳалиги отлар ошган давондан ошиб келаётган бирқанча кўч кўринди. Үнбеш туюни қатор тизган бир кўч бошқа кўчлардан айрилиб олдинга чиқди. Бу кўчнинг орқасидан ўн таялик, ўн беш таялик, саккиз-тўққиз таялик кўчлар қатор бўлиб тизилишибди. Аввал ўтган отларнинг орқасидан бирқанча отлиқлар келаёттири. Буларнинг орасида қўлига сўйил, чўқмор тутганлар ҳам бор... Бошига қалпоқ кийгизиб қўйилган бургутларини қўлга қўндириб келаётган абжир йигитлар ҳам бор эди.

Абайлар яқинлашгунча ҳалигилар қайрилишга қараб кетди. Буларнинг орқасидан келаётган энг олдинги катта кўч Абайнинг ҳам, бошқа болаларнинг ҳам диққатини беихтиёр ўзига жалб қилди. Бу кўчнинг атрофини бирқанча отлиқлар ўраб келаёттири, ҳаммаси деярлик хотинлар. Савлат тўкиб кийинган қиз-жувонлар блан кексайиб қолган хотинлар. Ҳаммасининг тагида яхши-яхши семиз йўрға, келишган бедов отлар. Бу отларнинг ҳаммасига кумуш блан ишланган эгар-жабдуқ урилган. Эгар-жабдуқдаги кумуш кун шу'ласига чақилиб, яроқ-яроқ ёниб келаёттири. Катта кўчнинг олдида, отларини баравар юргизиб, ёли-думи қирқилган бир кўк отни ўрталарига олиб бир тўда қизлар келишаёттири. Булардан бироз кейинроқ-

да бошига юпқа қора рўмол ёпинган озғин, рангида қони йўқ бир хотин катта кўчни бошлаб келаётир. Бу хотин бошлаб келаётган ўнбеш туялик кўчнинг кўриниши ҳам ўзгача эди. Ҳамма туяларнинг устидаги юкнинг устига қора гиламлар, тўқ жигар ранг шолчалар, қора наматлар ёпилган, астагина елпиниб келаётган бу қора ёпиқлар туяларнинг икки томонига оғир бир нафас тарқатиб келаёттандай кўринарди.

Кўчнинг кўринишига ҳайрон бўлиб, жимгина тўхтаб қолган болалар бундай тантананинг олдидан кесиб ўтишга ботинолмади. Кўч ўтиб кетгунча ноилож қараб турдиган бўлишди.

Бир тўп қизлар яқинлаб келиб қолди. Булар ўзаро бир нарса дейишаётгандай бўлди-да, отларининг бошини тортиб, ораларини очиб, ичларидан иккита қизни олдинроқ чиқаришди. Ҳалиги ёли қирқилган кўк отни шу иккита қиз етаклаб келаётган экан.

Успон аввалгидан ҳам ҳайрон бўлиб, Абайнинг олдига келди-да:

— Булар ким? Бу қандай кўч?— деб қамчини блан акасини туртди ва бирдан кулиб юборди.

— Вой, Абай уни қара! Тумоғини қара!

Успонга қизиқ кўринган нарсани Абай ҳам умрида биринчи марта кўраётган эди. Бу кўчнинг та'зияли кўч— Бўжейнинг кўчи эканлигини Абай блан Такежон аллақачон билган эди. Марҳумнинг дум ва ёли қирқилган отига қизил поча пўстин ёпилган, эгарининг қошига қамчини тикка ўрнатиб унга Бўжейнинг тумоғи илиб қўйилган эди. Олдинда келаёттан икки қизнинг кийими ғалати эди: икковининг ҳам бошида әркаклар тумоғи; тумоғнинг орқа қулоғини кўзига тушириб, олдини орқаснга қилиб кийган эди. Қизлар тўдаланиб турган отлиқларни кўриб, баланд овоз блан йиғи бошлаб юоришиди. Одат бўйича та'зиядор кўч овлу ёнидан, ёки йўлда бегона йўловчиларнинг олдидан ўтса, қора кийган қизлар шу сингари то-вуш чиқариб йиғлаши керак эди.

Успон бундай ишларни қаёқдан билсин? У эсини танигандан буён ўз уйларидан ўлик чиққан бўлмаса, ўликни қандай қилиб кўмилишиши, та'зия тутишни кўрмаган бўлса. Шунинг учун ҳам бу ўтиб бораётган кўч унинг кўзига қизиқ кўриниб, беихтиёр кулиб юборган эди. Гарчи Абайдан қўрққанидан бошини кўтармай турган бўлса ҳам, лекин отининг ёлига ёпишганича, кўзининг қири блан

қараб қўйиб, ичак-бағри узилгудай бўлиб, ҳали ҳам қулаётган эди. Олдинги икки қиз йиги бошлиши блан кейинда келаётган бешта қиз ҳам отларининг бошини уларга тенглаштириб олиб, аста-аста бостириб, йигига қўшилди.

Абай буларга қарашиб блан юраги арзиқиб эсанкираб қолди. «Бир нафас тўхтасонг нима бўлади?» дегандай, бармоғига қамчивинг бофини илиб қўйган ўнг қўлини беихтиёр кўтариб юборди, лекин ҳеччима деялмади. Юраги қаттиқ уриб, ранги ўчиб кетди-да, мадори қуриб қўли шилқ этиб, саман отнинг ёнига тушди. Утиб кетаётган бешта қизнинг ўртасида ёли ипакдек оқ йўрға мингган қиз Туғжон экан. Қўкламдан буён Абай уни энди кўрди.

Эгнида қора ипак беқасамдан камзул, бошида янги қора камчат теллак, бўйнида бўшгина боғлаб қўйилган катта ипак рўмол, қулоғида исирғалари силкиниб келаётган Туғжон бир тўп қизларнинг ўртасида, худди юлдузлар орасидаги чўлпонга ўҳшарди.

Туғжон қора ипак беқасам камзулининг устидан сариқ шоҳи белбоғ боғлаган, ўнг қўлини ўша белбоғга қўйиб, белини ушлаб атрофга қарамасдан, баланд овоз блан йиғлаб бораради. Абай киприк қоқмай, нафас олишини ҳам унутиб, Туғжоннинг овозига қулоқ солиб турарди. Қизлар ўтиб кетаётганда, бошқа қизларнинг овози ичиди Туғжоннинг ипакдек майин овози алоҳида эшитилаётгандай бўлди. Шу овоз чиндан ҳам Туғжоннинг овозими? Буни билиш қпийн бўлса ҳам, Абайнинг назарида, бу ҳилдаги бошқалардан айрилиб турган ўзгача овоз фақат Туғжоннинг оғзидангина чиқадигандай туйилди. Туғжон йироқлашиб кетаётир. Унинг орқадан кўринишида ҳам, отда ўтиришида ҳам қандайдир бир латофат бор эди. Йўғон ўрим ялтироқ соchlарининг учидаги катта чўлписи қамирлаб шилдираб бораради. Ўша унтилмас баҳорда юракни ёндирган, ўшандан буён кўзини юмса ҳамиша қулогида шилдираб: «Унутмадингми?» деб турадиган мана шу чўлпининг овози эди. Бу ажиб кўриниш гўё, қалин булат ёрилиб, ярқ этиб нурлик ой чиққандай туюлди. Абайнин эс-хушидан бегона қилиб, ўзгача бир нурга бош эгдиргандай бўлди. Лекин бу ҳис бир павасгини давом этди. Шунинг блан бирга ёш йигитпинг кўнглида бирқанча ҳислар қуюндек кўтарилиб, дилига ўзгача бир озор етказди.

Инглаетган Туғжон Бўжейнинг қизлари, барча та'зиялик кўч, эгасиз қолган кийимлар, эгасиз қолган от-ҳам-

маси бир бўлиб, Абайга шу қавм-қариндошнинг қайғусини яна ҳам чуқурроқ онглатди. Қунанбойнинг қилмишини кечирмай, уни жанозага айтмай, дард-ҳасратига шерик қилмай кетаётган шу қадар кўп қавм-қариндош, Туғжондек гавҳари бўлган эл-урӯғ гўё Абайларга «нари тур! Кўрма! Сенга мумкин эмас!» деятгандай туолар ёди. Бу туйғи Абайнинг кўнглини синдириб, қаттиқ ўқситди. У, «менда нима айб» деб ўзига тасалли бермоқчи бўлди, лекин бу гап тасалли бўлмади.

Бир вақт кимдир туртиб: «Кетайлик» дегандай бўлди. Абай уйқудан уйғонган кишидай, гангид, ялт этиб қарди. Такежон экан. У Абайнинг аҳволини кўриб, афтини бужмайтирганича кесатиб:

— Ҳа, нима бўлди, нега сўлжайиб қолдинг? — деб кулди.

Абай қовоғини солиб, юзини силади. У йиғлаётганини кўзидан оғир томчилар оқиб бораётганини пайқамаган экан.

Хатта кўч аллақачон ўтиб кетибди. Ҳатто кўчнинг охир ҳам булардан хийла йироқлашибди. Такежон блан бирга ҳамма болалар қўзғолди. Боядан бери тойнинг бўйнидан қучоқлашганича хириллаб кулаётган Успон ҳали ҳам кулаётган эди. Энди бошини кўтариши блан ёнидаги бир боланинг телтагини юлиб олиб, олдини орқасига қилиб кийди-да, хандон ташлаб кулиб, оқ тойини тепинганича кетди.

Успон ўйинқароқлик блан бўлиб, оқтойнинг осовлигини ҳам унутиб юборган бўлса керак; бамайли хотир ўтирганича, тепиниб юборган эди, оқ той бир иргиб, мункиб кетди. Успон тойнинг тизгинини ҳам тортолмай қолди. Тўсатдан ҳуркиб кетган той устидаги тентак болани осонгина улоқтириб урди. Успон, гуп учиб тушган бўлса ҳам, шошиб қолмади. Тойнинг чилвирига ёпишганича туриб кетди; икки юзи қипқизил бўлиб, хириллаб кулганича иргиб яна отга миниб олди-да, қамчилаганича қуюн-дек учиб кетди.

Бошқа болалар ҳам отларини чоптириб кетишли. Абай блан Такежон шошмасдан, аста-секин йўлга тушди. Такежон ҳалиги гапининг устига яна бир марта инисиға ўзининг катталигини кўрсатмоқчи бўлиб:

— Хўш, боламисан, ё хотинмисан? Нима гап ўзи, нега йиғладинг? — деди. Энди Абайнинг жаҳли чиқиб Такежонга киноя омиз:

— Катта бўлганингда топган ақлинг шуми? Ҳарқандай бўлғанда ҳам жигар эмасми? Ҳўш нега ўзинг йиғламайсан!— деди.

— Оббо, ўшани нимасига йиғладим? Жанозасига ҳам айтмади-ку? Шунда ҳам тушунмадингми?

— Ҳа, жуда яхши тушунибсан! Тушуниш ҳам гапми! Айтмаган тириклар, бунинг учун Бўжей айбликми?

— Бўжей отанг блан уришгани учун айтмади-да!

— Уришгани учун әмиш!.. Уша уришга ким айбор? Душманликни ким кўпроқ қилди? Қим оқ, ким қоралигини ҳам жуда яхши билар экансан!

— Яхши билай-билмай мен отамнинг томонидаман! Отамга дўст бўлса, менга ҳам дўст, отамга душман бўлса, менга ҳам душман.

— Бўрининг боласи ақллик бўлгани учун бўрининг орқасидан эргашади демоқчисан-ку.

— Ҳай, сен ўзингдан-ўзинг нима деб алжиётибсан? Үзинг ҳам, дейман, ўша алжиб қолган энамнинг ақлидан бошқа ақл йўқ деб ўйласанг керак-да!..

— Сенчи, сен, отамдан ўрнак олиб, ҳечқандай ақл ўрганаётганинг йўқ!

— Ҳўш, нима демоқчисан? Мени саҳрода ўсган ёввойи деб ўйлайсанми? Онангни...

— Йўқол, «катта бўлдим» деганингда бор-йўқ ўрганганинг шу сўкиш! Шўрлик мол боқучиларни, чўбонларни бекордан-бекорга сўкиб, зўровонлик қилишдан бошқа бирон фазилатинг йўқ!

— Вой, вой, жуда дурустсан-ку, тўхтаб тур, бола. Ҳали шу гапларингни отамга айтаман.

— Айтсанг, айтавер! Мен ҳам ҳали «алжиган» деганингни бориб энамга айтаман!

Шу ерга келгандা Такежон ноилож Абай блан олишишдан бош тортиди, аслида унинг катта тортишувга тоби йўқ, тезгина бебурудлиги очилиб қоларди. Отага бориб чақишига, отаси йироқда, яна қийин гап. Унинг устига ота бунинг гапини э'тиборга оладими, олмайдими? Бу томони ҳам бор. Аммо Абай суянаётган «энасичи» у кўп хатарлик нарса. Аслида Зере унар-унмас гапга ғазабланабермас эди. Лекин, бордию, онда-сонда бир жаҳли чиққундек бўлиб, қовоғини солиб олса, ҳамаёқни заҳар босиб кетар эди. Мана шу йил кўкламда Такежон қўшнилардан бир кекса хотинни ҳақорат қилиб қўйиб хўп балога қолган эди. Бегуноҳ ҳақорат эшитган хотин қаттиқ

ранжиб, йиғлаб Зере блан Улжоннинг олдига келган эди. Кекса эна қаттиқ ғазабланиб, күйиб-әниб қарғаб, Такежонни ўша онда олдига чақиририб, кўп қаттиқ тергов қилган эди. Такежон энасининг қаҳратон совуқдек қаҳридан, тушиб кетган қовоғидан қўрқиб, тонмоқчи бўлди. Ниҳоят иш оңт ичишга бориб қолганда, Улжон блан Зерепе баттар тувақиб кетиб, қари эна қўлидаги ҳассаси блан Такежоннинг бошига солиб-солиб юборган эди. Бу воқиа шу яқиндагина, яна келиб-келиб Такежон «Йигит бўлиб қаллиғимга бораман» деб ҳозирлик кўриб юрган кунда бўлган эди. Ҳали гап талашиб келаётсиб, бу ишлар ёдига тушиб кетди-да, ҳалиги гапини бир илож қилиб ювиб кетмоқчи бўлди.

— Оббо, тур нари, бўлди-да! Онангни... — деб бир сўкиб олиб, саман отини қамчилаганича кетди.

Абай ундан қутилганига шукур қилиб, орқада қолди ва аста-секин келмоқда эди. Ҳалиги ҳисларни, Такежон блан гап талашиб келаётган чоғида айтган гапларини қайтадан эсига олиб шуларни чуқурроқ ўйлай бошлади.

Уришиб келаётсиб, жаҳл устида бехосдан тилига келиб қолган бўлса ҳам «Бўрининг боласи ақллик бўлгани учун бўрининг орқасидан эргашар экан-да» деган сўзи энди ўзига бошқача бир ма'носи бўлган қалтис фикрдай туюлди. Ота-бободан қолган тайёр йўл-йўриқдан аста-секин бориш кимнинг қўлидан келмайди? Ўша йўлдан кета беришин йиртқич ёввойи ҳайвонлар ҳам билади. Киройи бўлганинга яраша, ундей бўлма, одам бўл! Ҳозир ёлғиз келаётган Абайнинг хаёлинин шу фикр чулғаб олган эди. Энди у бир четда туриб бутув ҳариндошларига танқид назари блан қараётгандай бўлди. Бу уининг ўзига бир ўзгача йўлнинг бошидай бўлиб кўринди. Шу сингари оғир хаёллар ичиди ҳалидан ҳали кўз олдида Туғжон гавдаланиб гўё «шу йўлдан юр» деягандай бўлар, дам ўтмай, ипакдек буралиб, жилва қилиб келиб, уни яхши одам бўлишга ундар, соф муҳаббатга, раҳмдил бўлишга чақиради. Борлиқ ҳаётни, одамзодни бирхилда севишга, бирхилда қимматли деб санашга чақиргандай, ғоят қадрлик бир эзгу йўлга етаклаётгандай бўларди.

Шундай хаёлларга ботиб бораётган Абай, Боқоносга келиб қолганини ҳам пайқамай қолди.

Зере блан Улжон Бўжей овулларининг Жанибекка қўчиб келганини Абайдан эшитиши блан ўша куни кечади.

си Бойқушқарга Қунанбойнинг олдига тезлик блан одам юбориб ундан:

— Шундоқ рўпарамизга келиб ўтиришибди. Энди ҳаялласак бўлмайди. Қандоқ қилиб қавм-қариндошнинг юзига қараймиз? Фотиҳа ўқигани нима олиб борайлик? Яна Бойқушқар блан Боқоносдаги овул бирга борадими, ё айрим-айрим борадими? Тезлик блан шунинг хабарини берсин! — деб сўрашди.

Қунанбой ҳам шуни кутиб турган бўлса керак, ўша куннинг ўзидаёқ ёнинг Қункени, яна ўнтача кексаларни, ёш-яланг йигитларни олиб, кечаси Боқоносга етиб келди. Шундай қилиб, Боқоносдаги 20 га яқин овул тезлик блан ҳаракат қилиб, олиб бориладиган меш-меш қимиз ва сўйнладиган молларини ғамлашди. Ҳар овул олиб борадиган қўйлари, қўзиларини эрталаб сўйиб, тайёрлаб қўйди. Қунанбойнинг катта уйи та'зияга атаб меш-меш қимиз, сўйиш учун бир катта бия блан бир той олиб борадиган бўлди. Зере блан Улжон ҳам ма'ракасига сўйилсин деб, бир катта түя олиб борадиган бўлишди.

Бу ишларнинг ҳаммаси эрталаб, бия соғилаётган пайтда бартараф қилинди. Фотиҳа ўқигали кетаётган ҳалқ айни туш қизигида бирқанча салт отлик — 50 та эркақ, 30—40 га яқин хотин бўлиб, кун ботиш томондаги Жанибекка қараб йўл олди. Буларнинг ичida Абай ва Такежонга ўхшаш ёшлар, Ўспонга ўхшаш болалар ҳам бир тўда бўлиб кетишаётган эди.

Ҳамма от устида, фақат Зере, Улжон яна Сарнқопа деган бир хотин блан иккита ёш келин аравага тушди. Қунанбой бу аравани илгарироқ қўштириб, олдин жўнатиб юборди. Шу арава ярим йўлга етган пайтда, отлиқлар йўлга чиқди. Жанибек суви блан Боқоноснинг ораси кўп ыроқ эмас эди.

Қунанбой ёнида бир гала хушомадгўйлари, Иргизбойлардан Мойбосар, Жақиб, Изиқуттилардек қариндошлари; бу кунларда Қунанбой тарафдори бўлиб юрган Жуонтаёқ, Қоработир, Тўпай, Тўрғай элларининг оқсоқол-қорасоқоллари.

Булар блан кетаётган аёллар бир тўп бўлиб, кейинроқда келишаштирилар. Уларнинг ичida Қунанбойнинг катта хотини Кунке, кичик хотини Ойғиз ва Қолиқа сингари овсингилар. Кексалардан — Тонгшўлпондек эналар ҳам бор.

Отлиқлар Қунанбойни олдиларига солиб, гала-гала бўлиб келишаёттир. Бир нафасдан кейин булар икки қў-

нис ўртасидаги яйдоқ далани дод-фар'ёдга тўлатиб, ўнг томондаги баланд қора адирни бағирлаб, Жанибекка қараб ёт тутди.

Бу элнинг эскидан қолган урфи-одати шуки, ўлган кишига фотиҳа ўқигали боришининг энг зарур шартла-ридан биттаси шу сингари узоқдан от қўйиб «Вой жигарим!» лаб додлаб келади. Буни аввало катталар бошлаши керак. Шунинг учун ҳам келаётганларнинг ҳаммаси Қунанбойнинг йифи бошлашини кутиб турган эди. Энди Қунанбой йифи бошлаб, тепиниб, от қўйиб кетганида орқада келаётган эркагу-хотинлар, бола-чақа баравар йифи солиб, унинг орқасидан дув югурди.

Абай Кункедан туғилган акаси Қудойберди, чопар Жумағул, Жумабой, Такежон, Успонлар блан ўртароқдаги бир тўпнинг ичидаги келаётган эди. Унинг ёнидаги кек-сароқ кишилар товушининг борича:

— Вой жигар-ри-им!

— Вой отам! Асқар тоғим!

— Қут баракам!— деб, йиглайбошлашди.

Чопар Жумағул блан Тәкежон бўлса, дам отнинг ўёғига, дам буёғига оғиб, ўзларини отдан ташлаб юборгудай бўлиб товушининг борича йиғлаб кетишаётир.

Булар, кўринишда ҳақиқатда ҳам, икки букилган, эсидан айрилган, жигар-бағри эзилиб бораётган одамларга ўхшарди. Икки томонга оғмасдан тўғри чопиб бораётган Абай уларнинг ҳалигидай юзаки йиғисига ишонмас эди.

Абай ёнида келаётган акаси Қудойбердига ўхшаб, тортишиброқ йиғлар, лекин чин кўнглидан «жигарим»лаб бораарди. Кам учрашса ҳам Абай шу акасини яхши кўрарди. Ҳозир ҳам ўзини ўшанга қараб тутиб «шу нима қилса, ўшандай қилсан, дуруст бўлар» деб ўйлади. Ўввос солиб, тошқиндек келаётган отлиқлар Жанибекда, кўк майса блан қопланган яйлок далада тартибсиз турган беҳисоб огулларнинг устидан келиб чиқди.

Худди шу топда Зеренинг араваси ҳам тиғиз турган огулларнинг ўртасидаги катта оқ ўтовга — Бўжей огулига етган экан. Қучқоқлашиб, йиғлаб кўришаётганлар ўшалар бўлса керак. Белига қора боғлаган оқ ўтов бошка ўтовлардан айрилиб турарди. Отлиқлар беҳисоб огулнинг устидаги тепаликка чиқиб келиши блан та'зиядор огулни дарров таниди ва қай томонга йўл тутишни фаҳмлаб пастга қараб қуйилди. Ўввос солиб, чинқириб

қаттиқ селдай келаёттир. Ўрталикада келаётган Абай оқ ўтовнинг ёнида узун-узун оқ ҳассаларига таяниб, икки букилиб, қатор турган ўттизга яқин эркакларни кўрди. Булар фотиҳа ўқигали келаётганларни қарши олиб, йиғлаб турган жон куярлар бўлса керак. Абай чопиб келиб, отдан тушаётгандагина таниди: ўртада турганлар Бойдали, Бойсол, Тусип, Қорашалар экан. Четроқда Болагоз, Бозорали сингари ёш йигитлар ҳам ҳассага таяниб, икки букилиб туришар эди.

Бирқанча ёш йигитлар юрганича ҳалиги от қўйиб келаётган катталарнинг олдини тўсиб чиқиб, кутиб олишиди. Уларни қўлтиғидан олиб отдан тушириб, ҳалиги қатор турган эркакларнинг ёнига бошлаб кетишиди. Фотиҳа ўқигали келганларнинг ҳарбирини биттадан, иккита-дан йигит қарши олди.

Йиғлаётган Бойдали, Бойсолларни кўрганида Абайнинг бутун вужуди бўшашиб кетди. Отдан тушаётуб, юрак бағри эзилиб, ўкраб йиғлаб юборди. Ҳалиги йигитлар эшикда эркаклар блан бирма-бир қучоқлашиб кўришиб бўлган, ҳали ҳам йиғлаётган катталарни қўлма-қўл олиб, оқ уйга олиб киришмоқда. Йиғининг каттаси ўша уйда, хотинларнинг олдида эди. Кўп эркаклар блан бирга уйга Абай ҳам кирди.

Катта оқ ўтовда бўсағанинг ўнг томонидан то тўргача тизилиб ўтирган хотинлар икки қўлини белига қўйиб йиғлашаёттир.

Бўжейнинг катта хотини бошига қора рўмол ёпинган, ўртада ўтириб, товушининг борича йиғлаёттир. Унинг кўзларидан ҳақиқий алам ёшлари оқиб борарди. Ундан юқорироқда беш-тўртта қиз йиғлаёттир. Уйнинг ичи охузор, йиги-сиги, уввосга тўлган.

Йиғлаб кирган эркаклар, ўтирган хотинларнинг олдига чўкка тушиб, қучоқлашиб кўришиб, йиғлашарди.

Абай Қудойбердининг кетидан юриб, у кимнинг олдига борса ўша блан қучоқлашиб кўришарди.

Атрофда ўтирган хотинларнинг ҳаммаси блан кўришиб йиғлаш кўп вақт оларди. Яна бўсағадан тўргача ўтирган хотинларнинг ичидаги биронтаси бўш эмас. Шунинг учун Қудойберди, йиғлаганича, тўғри Бўжейнинг катта хотинининг олдига ўтди. У кўришаётган одамдан бўшандан кейин Қудойберди бориб, қучоқлаб:

— Бош паноҳим, жигарим! — деб йиғлай бошлади.

Абай ҳам шу ердан бошлаб кўришиб, юқорироқда

ўтирган қизлар томонга ўтди. Уй ичидагилар, бир-бир кўришиб, бир қатор йиғлаб олганларидан кейин, ҳамма ўтирги. Эркаклар энди секин-секин йиғлашарди. Хотинларнинг ҳам кўпчилиги йиғини тўхтатди. Фақат Бўжейнинг хотини блан ҳалиги бешта қиз ҳамон йиғларди. Бўжейнинг катта хотини кўнглидаги бор армонини, эрта айрилганини, етим-есир бўлиб қолганини айтиб йиғлаб, ҳамманинг юрак-бағрини эзиз аста тўхтади.

Ундан кейин қизлар айтиб йиғлади. Уларнинг йиғисида кўнгилни вайрон қнладиган ўзгача бир оҳанг бор эди. Овозлари ҳам қўйиб қўйгандек баравар чиқарди. Бешови ҳам узоқ йиғлашди. Бўжейнинг катта хотини йиғини тўхтатгандан кейин бошқа қизлар ҳам босилиб, энди, йиғини Бўжейнинг бўй етган иккита қизи олиб кетди. Булар онда-сонда аллангалик «оҳ» тортиб айтиб айтиб йиғлашмоқда эди.

«Вой отам... Болалари ўйлда қолган отам... Орзуси ичиди кетган... Етим қилиб кетдинг, бизларни кимга ташлаб кетдинг... Зор йиғлатиб кетган отам!» деган ерларида уйдагиларнинг ҳаммаси ўзини тутолмай, ўкраб-ўкраб йиғлашарди. Абайга ҳам юракдан чиқаётган бу йиғининг энг оғир пайти шу бўлди. У ўзини ҳеч тутолмади, тобора тўлиб-тошиб, ўкраб-ўкраб йиғлади.

Шу таҳлитда бироз вақт ўттақ, икки қиз йиғига отасининг ҳаётлигига қилган ээгулик ишларини, унинг мардлигини қўшиб келди-да, бир нафасдан сўнг йиғини кўп қалтис томонга бурдн. Энди улар Бўжейпинг ўзини қўйиб, йиғига унинг қариндошларини қўшиб, ҳаммасининг номини бирма-бир айтиб келиб, уйдагилар жимжит бўлиб тинган пайтда, тўсатдан Кунанбойнинг номини тилга олишиди.

Бу икки қизнинг беомон йиғиси тўрда ерга қараб, туғомини кўзига тушириб, қовоғини солиб ўтирган Кунанбойнинг бошига ургандай бўлиб тушди. Бу йиғи, намоз сингари, уни бузиб бўлмайди. На сўз қотишнинг иложи бор, на тўхтатишнинг.

Икки қиз тоборо сўзларини аччиқ-аччиқ қилиб келиб:

— Ев бўлиб чиқдинг, Иргизбоя,
Айбга бердинг бир қиз,вой!

деб бир чертиб ўтиб, яна бир нафасдан сўнг:

Унинг номи Кунанбой,
Югруклиги қулоидай,
Чипорлиги илондай...

деб тешиб ўтди. Бу гап пойлаб туриб Қунанбойнинг ягона кўзига қамчин блан ургандай бўлиб тушди.

Қунанбойнинг ёнидаги катталар, яна биро бало чиқиб кетмаса гўрга эди дегандек, қимиirlаб қолиши. Ба'зилари йўталиб, ба'зилари тамоқ қириб безовталанишди. Лекин Қунанбой, тишини-тишига қўйиб чидади—сир бермади. Шу пайтда Абай уялиб, қисилиб кетганидан ўла-ёэди. У, уйдагилар блан кўрнишиб келиб ўтирганида, ўша ўтирган бир тўда қизларнинг ичиди Туғжон ҳам борлигини кўрган эди. У, рўмоли блан юзини бекитиб, Абай томонга хиёл орқасини ўғирнброқ ўтирган эди. Абай айниқса шу Туғжондан уялди. Ичиди: «Епириим, бундан кўра, ер ёрилиб, бизларни ютиб кета қолса-чи» деб ўтиради.

Шу топда тўрда ўтирганларнинг ичидан бирор томонини қириб қўйди. Абай қараса, Сариқ опа экан. У жаҳли чиқиб, қовоғини солганича, бошига қора чопонини ёпиниб олиб, чўққайиб ўтирди-да, баланд овоз блан йифи бошлади. У, айтиб йигларкан, аввалю Бўжейни хўп мақтаб, унинг яхшиликларини хотирлаб келиб, ниҳоят:

Буида гарлар не лейди!
Яхшидан ёмон кўнайди.
Қадимнинг асиш кўзи эди,
Ўғирлаб кўмдиг Бўжейни.

деди.

Икки тарафдагилар ҳам бир-бирларига «айтамиз, ҳали бир тапирамиз» деб йиғиб юрган сўзларини шу аёлларнинг йиғиси спркали айтишиди. Шундан кейин бу тўғрида сўз очган одам бўлмади. Икки қизнинг йиғиси яна бироз чўзилиб бориб тўхтади. Шу топда Зеренинг ёнгинасида ўтирган Ғабитхон домла чўкка тушиб, томоғини қириб олди-да, «таборакаллазийн»ни бошлаб юборди. Ҳамма жим бўлиб, сукут қилди.

Қунанбойнинг Бўжейга фотиҳа ўқиши шу таҳлитда бўлди. Хотинларни шу уйда қолдириб, эркак меҳмонларни та'зия кутилаётган бўши уйга олиб ўтишиди. Уй эгаси — та'зиянинг бошлиғи Бойдали блан Тусип эди. Чой ва қимиз устида ҳам, овқат устида ҳам уй эгалари блан фотиҳа ўқигали келганларнинг ўртасидаги суҳбат сўнг даражада руҳсиз ўтди. Онда-сонда Бойдали блан Қунанбой бирон нарса ҳақида гап очишса ҳам, бир-бирларига сиполик блангина қисқа-қисқа жавоб қилишарди. Гарчи Бойдали Қунанбойнинг писёласини ўзи олиб бериб, чойга са-

риғ ёғни ҳам ўз қўли блан солиб, унга эҳтиром билдириб ўтирган бўлса ҳам, яхши муносабати шугина бўлди. Улар очилиб-ёзилиб сўзлашишга нақадар уринишмасин, сўз қовушмас эди. Бу йил молнинг тўйиши, бу ерда ўтнинг қандай чиққанлиги ҳақида бир-икки марта гап кетди-ю, яна жимлик чўкди. Яна бир марта бир-бирига қўшни бўлган Керей блан Найман элиниң шу йил ёзда бир-бирини босиб, баримта олиб, қирпичноқ бўлганлиги тўғрисида гап очилган эди, бу ҳам узоққа бормади. Кечқурун Қунанбойлар жўнашгунча ўртада танакор бўлган гап фақат шу бўлди холос. Фотиҳа ўқигали келганларнинг ҳаммаси ўша куни кечқурун ғамгин тортиб, бирон оғиз сўз қотмаганлари ҳолда яйлов-яйловларига қайтиб кетишиди. Қунанбой ҳам, бир қарзидан қутилгандек, «Уҳ» деб, Қункени эргаштириб, Бойқўшқорга кетди. Йўл бўйи оғиз очиб гапирган бор-йўқ гапи фақат:

— Иззат-икром қилмоқчи бўлсаларнинг, Сариқ опангни иззат қилинглар,— дегани бўлди холос.

2

Куз келди. Уч кундан буён тинмасдан майдага ёмғир ёғаётир. Эл Чингиз оша яйловдан қайтиб пичани ўриб, қистовда тўхтамасдан кузовларга томон келмоқда эди.

Жидебой, Мусақул, Коровул, Шуйгинсув сингари бичани ўриб олинган қўриқларга овуллар тиқилиб кетди. Чингизнинг кўп қистовлик узундан-узоқ бағри блан Қидир, Қизилшўқи, Бўрлидек исси тоғларни ҳам, адир ораларини ҳам овлу тутиб ётарди.

Халқ катта-катта ёзлик ўтовларни йиғишириб қўйиб, оддийгина кичик-кичик иссиқ ўтовларни тикиди. Ҳарким ўз ўтовини иситишга ҳаракат қиласарди. Ўтовларга ўғ ёқилди, қалин кийгизлар тутилди. Куз фаслида кичикроқ, қурм босмайдиган ўтовлар яхши бўлади. Қурби етган ҳарким шунинг чорасига киришган эди.

Кузовга кўчилганлигининг аломатларидан бири — қўй соғилмаслигидир. Қўзиллар катта бўлиб қелган, катта қўйлар блан бирга яйлар эди.

Фиди-фиди гап, муноқаша излаб овулма-овул санқиб юрадиган эркакларда ҳам ўзгариш пайдо бўлди. Совуқ лойгарчилик уларни, иссиқ ағдарма этиклар, қалин чакманлар, барра тўнлар кийишга, ёз бўйи минилган ориқ отларига дам бериб боқувдаги отларни минишга мажбур

қилди. Улар бу отларни авайлаб секин-секин юришар, тез-тез совутишар, ўқтин-ўқтин тун ошириб қантариб ҳам қўйишарди.

Мана шундай куз пайтида бирордан бирор ишқи тушиб қолған отни сўраб миниш, сотиб олиш, айрибошлаш деган гаплар кўп бўлади. Айниқса «куз олди йигим-терим чоғида бориб тўполон чиқиб кетадими ёки тўсатдан кўчиш, узоқ юриш тўғри келадими» деб турилган пайтларда, чиниқкан пишиқ отларга қизиқиш, айниқса уни қўлга киргизишига уринишлар авж олади.

Ҳозир, кун ботиш олдида, ёмғирдан қўнишиб, отларни елдириб келаётган Мойбосар блан Қудойберди ҳам ёnlарига Жумабой блан чопар Жумағулни олиб бир от важидан туғилган фавқулодда иш блан Қизилшўқидаги Қулуншоқ овулига кетаётган эди. Булутлик куз ҳавоси кечқурунлари манзилни аниқ кўришга имконият бермайди. Шунинг учун қоронги тушмасдан етиб олайлик, деб қаттиқ юриб келишмоқда.

Қулуншоқ овули гўё бугун Қунанбой томонидан бир хабар келишини сезиб кутиб тургандай эди. Отлиқлар овал ёнидаги ялангликда намоён бўлиш блан, ўзининг «Бешқашқа»си блан тепаликда ўтирган Қулуншоқ дарҳол ўрнидан турди ва отлиқларни кўрсатиб:

— Ана келишаётир! Қупанбой одамларининг олди шу!— деди.

— Юриши ҳунук-ку!— деб, Бешқашқанинг каттаси Турсинбой ҳам, ўша томонга тикилди. Қулуншоқ:

— Қани, туринглар, энди ўтиришнинг фойдаси йўқ! Биттанг тезроқ бориб, Пушарбойга хабар қил! Олисадигиларга хабар беришга вақт тифизлиқ қиласди. Пушарбой бор Котибаққа хабар қиласин!— дейиши блан Қулуншоқнинг тўрт ўғли — Турсинбой, Содирбой, Мунгисабой, Но-донбойлар ҳам:

— Тўғри, Жигитек блан Бўкеншеларга ҳам ўзи хабар қиласди.

— Кўчириб кетиш қўлидан келадиган бўлса ҳаммаси етиб келсин!

— Ва'далари чин бўлса, сўзининг устидан чиқсан!— дейишиди. Бешқашқага Монос ҳам кўшилар эди. У ҳаммасидан кичиги. Монос аслида Қулуншоқнинг ўз боласи эмас, эрта етилган набира, Турсинбойнинг ўғли. Монос катталарнинг буйруғини кутиб турди, ўзи сўз қотмади. У тезлик блан бориб, Пушарбой овулига хабар етказмоқ-

чи, фақатгина келаётган тўрт отлиқнинг келиб тушишини кутиб турарди.

Мойбосарлар Қулуншоқ овулининг олдига келиб тўхтаганида тепаликнинг бошида ўтирган Қулуншоқлар ҳам ўша ерга етиб келишган эди. Ҳар икки томон ҳам истаристамас, совуққина сўрашишди. Лекин келганларни эшикда кўп маҳтал қилмай, Турсинбой, бошлаб:

— Қани, уйга киринглар! — деб, ҳаммасини катта уйга олиб кирди.

Катталар уйга кириб кетиши блан Монос четдаги ўтовнинг ёнида турган бир семиз отга миңди-ю, Қоровул томонга қараб, тасирлатганича от қўйиб кетди. У боядан буён фақат: «келаётганлар кимлар экан?» кўриб кетай деб, кутиб турган эди. Уларнинг ичидаги Мойбосарнинг борлигини кўрганидан кейин, дарров жўнаб қолди.

Мойбосар ғазабидан ёрилгудай бўлиб уйга кирди, белини ҳам ечмади. Қўқ эл тери тумоғининг бир қулоғини қинғайтириб кийиб, қамчинини икки буклаб, белига таяниб ўтириб, қўзининг қири блан Қулуншоқларга бир қараб қўйди. Унинг ранги ўчган, бурун катаклари керилган, кўзларидан таҳқир ўти сочилиб турарди. У, ўтириши блан, Қулуншоқка ўқрайиб:

— Хўш, биродар, бу нима қилганинг, юборган чопаримни ѡега урдирдинг? Нотўғри бўлса, арз қилгундек жой топмадингми? Ҳеч бўлмаса бир марта Мирзанинг олдидан ўтсанг нима бўлар эди? Унга ҳам ишонмай, унга ҳам ўзимни кўрсатиб қўяй дедингми? Тўнг бўйинлигингни кўрсатмоқчи бўлсанг керак-да! Кечагина пинжига кириб юрган қариндош эдинг-ку, хўш нима муддаонг бор? Қани, тўғри юзимга айтчи. Мирза бизни «қани нима демоқчи, ўз оғзидан эшишиб кел» деб юборди. Мана, ўғли Қудойбердини ҳам қўшиб юборди,— деди да, уйининг ўртасидаги ўчоқда ёнаётган сариқ қийнинг чўғига тупуриб юбориб, Қулуншоққа тикилди.

Бешқашқанинг тўрттаси лоқайдлик блан ерга қараб, чурқ этмасдан ўтиришарди. Мунгизбой блан Нодонбой бўлса, дурустроқ ўтиришгани ҳам йўқ. Булар четга чиқиб, чўққайганича керағага суюниб, бурунларини чакмонларининг ёқасига тиқиб ўтиришарди.

Қулуншоқ ерга ташлаб қўйилган кўрпачада ўтиради. Унинг ёнида, пастроқда ўтирган Содирбой Мойбосарга тик қараб турарди.

Қулуншоқ кўзини юмиб бироз ўтириди-да:

— Чоларингни урдирганимни айтасан, хўп, азизим, Мойбосар; бошимга ғам, молимга ғорат келтираётган ўз қилмишингни, мана шу Мойбосарнинг қилмишини нега айтмайсан? Мирзанинг кўзи кўрадиган бўлса нега олдин шуни кўрмайди? Нега сени тергамайди?— деди.

— Тескариликка олма! Тескари қараб кетма, тўғрига юр, оқсоқол! Мен сендан гина қилгани, ўртадаги низо'ни кўтариб ташлагали келдим.

— Тескари қараб кетма дедингми? Йўқ, мен юз ўғирмоқчиман. Сендан ажраб, ана у жони ачиидиган биродарларниң ичига кўчиб кетмоқчиман.

— Бу ишингга розилик бермайман. Кўчишга рухсат ҳам бермайман! Мирза ҳам кўчмасин, кетмасин! Тўрғай блан ўзим сўзлашиб, ўзим тушунтираман деб, салом айтиб юборди.

— Саломат бўлсин! Лекин энди воқиф бўлсин, кўчаман!

— Нима бўлди, оқсоқол?— деб энди Қудойберди ҳам гапга аралашди,— отам: «бу кўчиш бор Тўрғайнини мендан бегона қиласидиган кўчиш. Қимдан айб ўтган бўлса, бирга ҳал қилайлик. Айтадигани бўлса айтсан, оладигани бўлса олсин. Қаерда учрашаман деса, ҳоҳлаган жойини тайин қилсин, лекин кўчишни оғзига олмасин. Менинг душманларимнинг олдига бормасин!» деб юборди.

Қулуншоқ оғиз очгунча бўлмай, Мойбосар илиб кетиб:

— Хўш менга нима айб юклаётисан ўзи, қани айти! Чоларимни урдирган ўзинг эмасми?— деди.

— Мана шу бешта боламнинг ўртасида биттагина яхши от бор. Сен шуни сўрадинг, мен бералмаслигимни айтдим. Қулоқ солақолсанг нима бўларди, мендан нима гуноҳ ўтган эди, Мойбосар, «ушлаб кел» деб ҳалол молимга чоларингни юборибсан.

— Отни сўраган мен эмас, Мирза эди. Ўша отга ма на бу боланинг, Қудойбердининг ишқи тушиб қолган экан. Ўзининг ҳам «от минаман» дегани шу эди. Мен ҳам: «Қулуншоқ бир эркаликин кўтарар, ранжимас» деб юборақолган эдим. Хўш, нима бўлти?

— Эркалик! Қандай эркалик!

— Қул-қўтонға қилинадиган зўрликнинг отини алдашга келганда, «эркалик» қўйибди,— деб Турсунбой блан Содирбой кесатиб қўйди.

От важидан чиқсан жанжални бартараф қилиб бўл-

мади. Баҳс тамом бўлиб, ўртада сўз узилиб, бир нафас жимлик чўқди. Бироздан сўнг Мойбосар Қулуншоқнинг ҳалиги барча Тўрғай авлодини бошлаб, Жигитек тарафига кетаман деган сўзига ёпишиб олди.

Бугун Қунанбой Қудойберди икковини юборганда топширган асосий иши ҳам шу эди. Бундан беш кун олдин бўлган от мажорасини, чопарнинг таёқ ейиб кетганинп Мойбосарнинг ўзи атайин қўшди, негаким, шу гапларни уларнинг эсига солиб, тилини қисиб олмақчи эди. Қулуншоқлар бўлса, бу тўғрида ўзларини айблик ҳисоблагудай эмас.

Булар от тўғрисида алам ўтиб, келган чопарни ўлгунча урганларидан сўнг ҳақиқатда ҳам Жигитек томонига: «энди бизни кўчириб кетсан» деб одам юборишган эди. Мана шу ивир-шивир гап бугун эрталаб Қунанбойнинг қулогига етган эди. У Тўрғайдек яқин уруғни ҳам қанотининг остидан чиқариб юборишни номус билиб ҳалигиларни, бориб бу гапларни бости-бости қилиб келинглар деб, юборган эди.

Бўжей ўлгандан бўён ёз бўйи икки тараф ҳам очиқ тўқинишларга бормаган бўлса ҳам эимдан бор кучини сарф қилиб, элни атрофига тортиб, куч тўплайтган эди. Икки тарафнинг ҳам душманлиги, ғарази тўлиб-тошиб бўғизга етган. Энди бўлмағур бир баҳона, арзимаган бир илгакка илингудек бўлса портлаб, ости-устин келай деб турган эди.

Бўжей борлигига Тўқмамбетда бўлган жангдан кейин катта жанжал бўлган эмас. Лекин шундан бўён Жигитек, Котибақ, Бўкенше эллари бир бўлиб, Қунанбойга қарши бош кўтариш пайида зўр ҳозирлик кўраётган эди.

Бўжей ўлди-да, бу дард сиртдан қараганда бироз бўшашгандай бўлди, лекин кўринишдагина шундай, ҳақиқатда эса Бўжейнинг ўлими, аксинча, чипқоннинг кўзини бекитиб, маддалатган эди. Бўжей ўлими блан ҳам Қунанбойга ёв бўлиб юрган элларнинг сафини бириктириб кетгандай бўлди. Айниқса Бўжейнинг Бойдали, Бойсол, Қоратой, Тусип, Суюндиклардек узангидошлари типини қайраб қолган эди.

Мана шундай пайтда Қунанбойнинг Қулуншоқ овулидан отоғлик «семиз от» сўратиши айни муддао бўлди. Қулуншоқ отни бермади. Бундан олдин ҳам Бойсол ва Пушарбойлар Қулуншоқни қўярда қўймай, ўз томонла-

рига тортиб юргаи эди. Тўрғай авлодига Иргизбойлар қариндошлиқ жиҳатидан яқинлиги қандай бўлса Котибақ авлоди — Бойсолларга ҳам шундай эди.

Бошқа вақтда бўлганда Қулуншоқ семиз отни Қунанбойга берган бўларди, бермай чораси ҳам йўқ эди. Эл тарозисини яхши онгламаган Мойбосар:

— Бермади, бу қандай гап? Тўрғайдан ололмасак, нима қилиб юрибмиз? Хафа бўлиб қаерга борарди? Борганда қўлидан нима келарди? — деб, ўз бошимчалик қилиб, зўравонлик кўрсатган эди. Оқибати шу бўлди. Мана энди ғаразнинг юзини бира-тўла очиб ташлаб, кўкрагини кўтариб олган Тўрғай булардан айрилиб кетишини ҳам очиқ айтаётир.

Мойбосар Қулуншоқни бу фикрдан айнитаман деб хўп авради, лекин Қулуншоқ унинг сўзларига жавоб бермай, ба’зан индамай, бош тортабошлади. Энди унинг жавоб бермаётгани Мойбосарга кор қилиб, Қулуншоқларни илгариги алпозга солиб, қўрқитиб, эсини чиқариб юбормоқчи бўлди.

— Ҳой, Қулуншоқ оқсоқол, Мирзанинг кўчмасин деган саломини айтдим. Ўзим ҳам кўчма деяётиран. Хўп айтдим, ҳоргунча айтдим. Қани, оқсоқол, кўчмасликка сўз бер! Шуни эшитаману кетаман! — деган эди, Қулуншоқ жаҳли чиқиб, ялт этиб Мойбосарга қаради-да:

— Эндиликда менинг ҳам жавобим қисқа, Мойбосар, тўйдим, бўғзимга келди! Кўчаман дедим, кўчаман! — деб чўрт кесиб ташлади.

Бу сўзларга уйда ўтирганларнинг ҳаммаси ҳайрон қолиб, бақрайиб қолишиди.

Мойбосар, жунуни қўзғаб, қамчининг сопи блан кўрпачани савалаб:

— Кимнинг олдига боришингни биламан! «Паноҳ, бўлишига яраймиз, тап тортма!» дёётган бўлса керак! Қани, келиб чангалимдан олиб кўрсин-чи, Бойдали блан Бойсолнинг иштаҳаси катта экан, қараб турсин. Мўғиздек темир қозиқни ўша Мирзаларнинг қорнига қоқмасам! — деб вайсаб кетди. Кўзларидан ўт сочиб ўйноқлатиб: — кечаги Тўқмамбетдагидай қилиб, этакларини орқасига туғиб қўйиб, яланғочлаб туриб сазои қиласман! — деди.

Бешқашқанинг ичидаги закий, энг ўткири Содирбой эди. У бир ҳурпайиб, қаттиқ бўйилганича:

— Қўй, чироқ! Қўй, Мирзал ўша можародан ким обрўй топди, уни аста атамай қўяқол! — деди. Худди шу

пайт, ёнига икки йигитни олиб, эшикдан Пушарбой кириб келди.

Пушарбой ўтган йил Тўқмамбетда Бўжейни ажратаман деб, Қунанбойдан таёқ еган эди. Шу блан бирга Бойсол бошлиқ бор Қотибақнинг Жигитек томонига ўтиб кетишига сабабчи бўлган ҳам шу эди. Паҳмоқ соқоллик, барваста келган Пушарбойдан сра ўша таёқнинг алами чиқмас эди.

Пушарбойлар кириб келиши блан Бешқашқанинг ҳаммаси баравар қўзғалиб, бир ишга ҳозирланаётгандай қимирлаб қолишиди. Эшикда ҳам ўпир-тўпир эшитилаётгандай бўлди. Жумабоӣ ичида: «Булар ким экан? Бу қандай кайфият ўзи?» деятгандай Мойбосарга қараши блан, эшикдан бирор дағал товуш блан:

— Ҳой, уйда ким бор? — деди.

Пушарбой товушининг борича:

— Келабер, мен борман! — деди.

Монос бошлаб келган ўнтача йигит эшикдан отилиб кириб, тўрга ташланди. Боядан буён шу пайтни кутиб турган Содирбой, Мунгсизбойлар ҳам Мойбосарларга ташланди.

— Йўқол! — деб ҳайқирганича, Мойбосар ўтирган жойида қамчин урабошлаган эди, Содирбой калла қилиб уни йиқитди-да, устига миниб олди. Колган учтасини бошқалар юмaloқ-ёстиқ қилиб кетишиди. Чопардан ҳам кўра буларнинг ҳолига маймунлар йиглайдиган бўлди.

Пушарбой, Содирбой, Мунгсизбойлар Мойбосарни хўп телкига олишиди. Унинг ўйлдошлари ҳам кўрадиганини кўрди. Фақат Қудойбердини Қулуншоқ сақлаб қолди, уни бошинни этаги блан ўраб олиб, урдирмади. Индамасдан Мойбосарни тепкилаётган Содирбойлар уни ўласи қилиб уриб бўлгандан кейин:

— Эшикка олиб чиқ! Қани, эшикка олиб чиқинглар! — деб, эшикка сургаб чиқишиди.

Содирбой қичқириб:

— Бу ҳали «этакларингни орқаларингга туғиб кўйиб, шарманда қиласман» деган эди. Буники қуруқ гап бўлса, биз амалда кўрсатайлик! Еш, сидириб ташла кийимини! — деб чанг солиб, Мойбосарнинг этиги, шими, бор кийимини сидириб, қип-яланғоч қилиб олди. Ундан кейин бир уриб учирриб юборди-да, устига чиқиб олиб: — сен нималар қиласмининг ўзи-а? Нега мунча ошиниб кетдинг? — деди уни муқкасидан ётқизиб, — шарманда қи-

лиш мана бундақа бўлади! Темирқозиқ деган эдинг мана темирқозиқ!— деб, Мойбосарнинг кетига түяning қотган қумологини қўйиб, бир тепиб ботириб юборди.— Номусинг бўлса бу кунингдан кўра ўл! Бу исноддан ўлганинг яхши!— деб, яна бир тепди.

Қунанбойнинг иниси блан боласини шу таҳлитда шарманда қилган Қулуншоқ овули ўша кечанинг ўзидаёқ уйларини йиғишириб кўчиб қолди. Кечқурундан буён Монос орқали хабар қилинган бирқанча Жигитек ва Котибақлар бу овулнинг кўчи жўнай деятган пайтда лаклак бўлиб келишди-да, атрофини қуршаб-қўриқлаб олиб кетишиди. Буларни ўша кечанинг ўзида Қоровул сувининг у юзига ўтказиб, Тўргайнинг кўп овулларини ўз тўпларига қўшиб олишди.

Кўч жўнаб, йироқлашиб кетгандан кейин Мойбосарларни қўйиб юборишиди. Улар кун чиқиш олдидангина отларини топиб олиб, Қунанбойнинг олдига Жидебойга тушга яқин етиб боришиди. Қунанбойнинг барча овуллари Жидебойда эди. Айланаси ўн чақирик келадиган Шиқуриқда Иргизбой, Тўпай, Жуонтаёқ, Қоработир элларининг беҳисоб овуллари бир-бирига тиркалишиб ўтиришарди.

«Мойбосар блан Қудойбердини Жигитеклар урибди. Қулуншоқ овулини зўрлик блан олиб кетибди» деган хабар бу ердаги элларга лаҳзада тарқалиб кетди. Қунанбойнинг шошилинч равишда берган буйруги бўйича бир чой қайнарлик вақт ичida юз эллик йигит отга минди. Лашкар боши Изикутти, Оқперди ва Қунанбойнинг ўзи эди.

Жигитекнинг кўчиш-қўнишидан хабардор бўлиб турган Қунанбой айни туш пайтида, тайёр турган лашкарга буйруқ бериб, баравар отлантириди-да:

— Зўрликни, зўровонликни биздан кўрсинг! Жигитекнинг кўчини бос! Босиб олиб келинглар!— деб, Мусақул томондан четлаб ўтиб бораётган кўчга ёпирилтириб юборди.

Тўсатдан йифилган лашкар бу кўч кимнинг кўчи эканлигини ҳам суриштирмади. Қунанбой ҳам жаҳл устида, орқа-олдини ўйламай, «Жигитек кўчи бўлса бос!» деб, буйруқ бериб юборган эди. Кўч ҳақиқатда ҳам, Жигитек кўчи, лекин буларнинг ичida Бўжейнинг та'зиялик кўчи ҳам бор эди.

Қунанбой лашкарларини юбориб, ўзи орқада қолди. Қуроллик лашкар босиб бориб, кўчдаги эркакларни сўйил остига олиб тўқмоқлаб, тўзғитиб юборди-да, от ва сигир-

ларини босиб олди. Энди кўчнинг ўзига ҳужум қилмоқчи бўлиб ташланганларида бу кўчнинг Бўжейнинг кўчи эканлигини билиб қолиб, лашкар бошилар — Изикутти блан Жақиб бетлаб боролмай қолди. Бошқа йигитларни ҳам қайтарди. Эгасиз қолган та'зиялик отни етаклаб кетаётган икки қиз, буларга қайрилиб ҳам қарамасдан, баланд овоз блан йиғлаганича кетаберди. Фақат Бўжейнинг хотини отининг бошини тортиб, туяларни ҳам тўхтатиб:

— Ҳой, юзи қоралар! Та'зиялик кўчни ҳам оёқ ости қиласанмн! — деб қичқирди.

Қунанбой бу кўчнинг Бўжейнинг та'зиядор кўчи эканлигини билиши блан:

— Кўчга тегманлар! Лекин кўч турган жойида турсин, кетмасин! — деди.

Бўжейнинг кўчи тўхтаб бир ерга тўпланди-да, Мусақулга жойлашди. Қунанбой лашкарлари қайтиб кетди.

«Бўжейнинг та'зиялик кўчини босипти! Арвоҳни ҳам ҳақорат қилипти» деган хабар ўша куннинг ўзидаёқ у томондаги овулларнинг ҳаммасига етиб борди. Шунинг блан ўша куни кечқурундан бошлаб, кун бўйи белида белбоғи бор эркакнинг ҳаммаси қўлига қурол кўтариб отга минди. Қуроллик лашкарларнинг тўпланадиган маркази қилиб, худди ўша Бўжейнинг овули турган ернинг устидаги Мусақул тайин қилинди. Қунанбойга қарши чиқиб, беллашмоқчи бўлиб лашкар тўплаётган Бойсол блан Бойдали эди.

Уша куни Қунанбой лашкарлари ҳам кун бўйи тинмасдан оқиб келди, Жидебойга қўйилаберди... Мусақул блан Жидебойларнинг ораси йироқ эмас, уч чақиримгина. Шу икки води катта жанг майдонига айланадиган бўлди. Қунанбой шу ўртадаги уруғларидан ташқари буюк Чинғиз тоғининг Қидир, Шунай, Дўғаланг деган тармоқларини макон қилган Тўғалоқ, Анет, Бекенди элларига ҳам қўш-қўш отлиқ хабарчилар юборди.

Бойдали блан Бойсол бўлса, Жигитек, Котибақ, Бўкеншеларни батамом отлантириш блан бирга Қоратойнинг эли Кўкшега ҳам ундан наридаги кўп авлюдлик Мирза, Момой элларига ҳам одам югуртирди. Қуроллик сафга чақирилаётган бу эллар Тўбуқтининг чатишиб кетган йироқ қариндошлари. Агар Тўбуқтидан бирор ота кейин ўтган «Қўнғир» уран чақириб бор авлодини оёқга турғизаднган бўлса, ўшанда мана шулар ҳам Бойдали, Бойсолларнинг авлоди блан бирга турар эди. Бойдали

кўраётган ҳозирликнинг бири шу бўлса, иккинчиси худди шу кечанинг ўзида Тусипни Қарқаралига жўнатиш эди. Бойдали тезлик блан Қунанбойнинг устидан «элни тормор қилди, та'зиялик кўчга ҳужум қилди, Тўбуқтида қаттиқ жанг-қирғин қилаётир!» деб ўттизга яқин шикоятномалар ёздириб, унга ўзига қарашлик қабилалардаги муҳирдор одамларнинг муҳрини бостириб, пишиқлатиб Тусипга берди ва Тусипнинг қўйни-қўнжига пул тўлатиб ёнига беш йигитни қўшиб, қўш-қўш ёрдамчи отлар блан Қарқаралига жўнатиб юборди.

Бойдалининг бундан сўнгги қиладиган иши, қандай бўлмасин Қунанбойга қарши чиқиб тап тортмай олишиш, чекинмай урушиш эди.

Тонг отиши блан Қунанбойнинг Жидебойга йигилган беҳисоб лашкари от ўйнатиб, еру кўкни чангитиб, на'ра тортиб чиқиши. Бойдали, Бойсол, Суюндиқлар ҳам лаҳзада отларига миниб, урон чақириб, бутун лашкарни оёқ-қа турғизди. Булар ҳам ғамини еб қўйган: отлари этарлоғлиқ, сўйил чўқморлари ҳам тайёр эди. Кўкрак кериб, тап тортмасдан, Қунанбой лашкарларига қаршн чиқиши. Икки тараф ҳам, еру кўкни чангитиб, от қўйганичачуввос солиб наиза ва сўйилларини ўқалиб бетма-бет келиб, қаттиқ жанг қилиб ўтишиди.

Мана шу «Мусақул жангги» деб аталиб, кейин кўп замонларгача Тўбуқтининг эсидан чиқмай юрган бу жангга икки тарафдан ҳам кам деганда минглаб лашкар чақирилган эди. Соң жиҳатидан ортиқлиги бўлмаган Қунанбой лашкарлари неча марта ҳужумга ташланса ҳам, орқага қайтиб турди. Ҳарбир ҳужум қилиб босиб боришида ўнтадан, бештадан йиқилаётган ярадорларни икки тараф ҳам олиб кетарди.

Қанча олишса ҳам бир-бирини енгаолмаган лашкарлар, кечга яқин бориб, икки тараф ҳам орқасига чекинди. Иккинчи кун ҳам шу тахлитда яна бир-бирини енгаолмаслик блан ўтди. Кўпдан буён кўрилмаган бу даҳшатли, зўр жанг учинчи кунга қараб кетди. Худди шу учинчи кун туш пайтида Қунанбой юз элликтacha чавандоз азаматларини югурик отларга миндириб, сўйилларини ташлатиб, ҳаммасининг қўлига ойболта, наиза берди. У, икки кундан буён, Жигитекни енгаолмаганига қони кайнаб, ғазаби бўғзига келган эди, энди қон тўкишга борди. Қаттиқ қўллик, кеки кучлик Қунанбой енгданда ҳам шу йўл блан енмоқчи эди.

Душманнинг зўр кучларини ғафлатга солиб, олдинга тортиш ниятида аввалги кундагидек сўйиллик, чўқморлик лашкарларни олдин юбориб, уларни жўрттага орқага чекинтириб уруш олиб борди.

Жигитекдан, Котибақдан отилиб чиқиб, тап тортмай қувиб келаётган тўдалар бошқалардан айрилиб чиқиб қолди. Уларнинг бошлиғи Болағоз, Қулуншоқнинг «Беш-қашқалари» эди. Котибақдан Пушарбой, Қорекеларга ўхшаш азаматлар эди. Булар Қунанбой турган тепаликкача босиб бориб, бетлашиб келган пайтда, Қунанбой пиистирмадаги тўдаларни жангга солиб юборди. Унинг ўзи ҳам шуларнинг ичиди эди.

Ойболталик, наизалик тўдаларнинг бошлиғи ботир Изикутти эди. Булар қўшилиши блан Жигитек томон но-чор орқага чекинди. Қувиб кетаётганларида ўнтача йигитни найза блан санчиб туширишди. Изикуттининг ўзи қўлидаги ойболтасини кўтариб, Пушарбойнинг изига тушиб олди. Пушарбойни сақламоқчи бўлиб Қореке орага кирганди Изикутти ойболтасини айлантириб унинг бошига солди. Болта, чап бериб қолган Қорекенинг бошига тегмай, бурнини сипириб тушди. Қопқора қонга беланиб чопиб келаётган Қореке Пушарбойнинг кўз олдида отдан қулади. Жигитеклар ҳатто ўшани ҳам олиб чиқишаолмади, ёвга чап бериб қочаберишди. Қунанбой энди бостириб, ёқадан олиб «Жигитекнинг барча лашкарларни қочираман» деб ҳовлиққанича келаётган эди. Лекин худди шу пайт Жигитек лашкарларининг орқасидаги оқ адир томонда булутдек тўзон кўтарилди. Адирнинг устини селдай қоплаб, от қўйиб келаётган беҳисоб лашкар кўриниб қолди.

Қунанбойлар бир жосусдан «Жигитеклар Қўнғир элига одам чоптирипти. Момойнинг қуроллик лашкарлари келади деб, кўз тутиб турипти!» деган гапни эшитган эди. Агар Момой келса Жигитек томон Қунанбойларни босиб кетар эди. Бу куннинг энг катта хавфи шу эди. Янгигина Қунанбойнинг хийласи иш бериб, ёвни суриб бораётганида, мана бу Момой лашкарларининг кўриниб қолиши қувиб кетаётганларнинг юрагини ёриб юборди. Изикуттилар ноилож ўзини орқага олди. Тоғдан ёпирилиб келаётган лашкарнинг сони кам деганда беш юзга борар эди. Қунанбайнинг лашкарлари тўхтаб қолди, шу тўхтаганича кейинга чекинаберди. Жигитеклар босиб бормади.

Энг қизиқ жанг бўладиган бир пайтда икки тараф ҳам орқасига қайтиб кетди. Қунанбой бугун қаттиқ алданганини билмаган эди, билганида ҳалиги босиб боришининг ўзида Жигитекни енгиб олган бўлар эди.

Учинчи кундаги жангда Қунанбой Жигитекни таслим қиламан деб турган бир пайтда Бойдали ҳам бир чора топган эди. Бойдали ҳам шу учинчи кунни ғалаба кунига айлантироқчи эди. Шунинг учун бир томондан «Қўнгир келади!» деган шов-шувни тарқатиб юбориб, иккинчи томондан ўзига яқин овулларнинг ҳамма туяларини йиғдириб келиб, қирғин жанг қизиб турган пайтда, ўша туяларни қаттиқ қувиб оқ адирнинг устидан туширди. Бу туяларни Қунанбой томон лашкар гумон қилиб гапгиб қолди ва орқага чекинди. Лекин Бойдали найза, ойболта блан қуролланган лашкарларини бу душманни қувишига ундамади. Шундай қилиб учинчи куни кечқурун «Мусақул жангги» тамом бўлди. Тамом бўлганда ҳам Қунанбойниг енгаолмаслигини, Жигитекларнинг қарши чиқишига, бетма-бет олишишга қодир эканлигини кўрсатиб тамом бўлди. Буларни лашкар блан, зўрлик блан босиб ололмаслигига Қунанбойнинг кўзи етди.

Жанг майдонидагилар тарқалди, лекин жанг доврифи, олди қочди гап, қизғин баҳслар, ҳикоялар ҳамаёқни тутиб кетди.

Бошлиқларга келсак Бойдали ва унинг яқинлари ишонч блан, гердайиб гапирав, Қунанбой тарафдагилар эса кўпинча сукутда, дарди ичиди, тажанг кўринарди. Шунинг ўзи ҳам Қунанбой томондагиларнинг муроди ҳосил бўлмаганини кўрсатади.

Энди буёғи нима бўлади? Қўзғолон кўтариб, бетмабет келиб олишаётган элни қандай қилиб бўйсундириш керак? Қунанбой шу сингари ўйлар ичиди гангиб қолди.

Орадан ўн кун жим-жит ўтди. У томондагилар «Қунанбойнинг тоғи емирилди, шохи синди!» деб терисига сифлас эди. Меҳмондорчиликлар, зиёфатлар, борди-келди авж олган эди. Мана шу умумий шодлик устида қуда тушишлар ҳам кўпайиб кетган эди.

Жигитекларнинг бу шодлиги бекор кетмади. Тусипнинг кетганига ўн кун бўлди деганда Тўбуқтинга — Қунанбойнинг овулига Қарқаралидан ўнбештacha қозоқўрис келиб тушди. Булар Қунанбойнинг овулига келиб тушган пайтда Тусип ҳам Жигитек овулига келиб тушган эди. Ҳалиги қозоқўрислар, турган гап, ўша Тусипнинг арзига

биноан Қунанбойни текширгали келган тўра бўлиб, қуролли соқчилари блан келган эди. Бу келган аскарларнинг бошлиғи Чернов деган чиновник бўлиб Қарқаралидаги майорнинг топшириғи бўйича ишни текпиргани ўзи келибди.

Тўрага атаб Жидебой блан Мусақул ўртасига ўнтача уй тикилди. Тўра уч кун ётиб тергов олиб борди. Келган кунидан бошлаб Қунанбойни ғазабига олаберди. У, очиб айтмаса ҳам, чиройидан Қунанбойга оғасултон деб қарамай, тергов остидаги айборд деб қараётганлиги кўриниб турарди. Кайфиятнинг шундай эканлигини билган Жигитек, Бўкенше, Бўрсоқ, Котибақ эллари Қуванбойнинг устидан турлик-туман шикоятларни ёғдириб юборишиди.

«Сендан у гина, мендан бу гина» қилиб Қунанбой томон ҳам уларнинг казо-казо бошлиқларини қоралаб, уларнинг устига «одам ўлдирди! Овулларни босиб олди, ўтлоқларни ёндириди, икки қат хотиннинг боласини туширди» деб турли уйдирма бўхтонларни ортишиди. «Қунанбой ана шундай расво эл блан олишди, шунинг учун уларга душман бўлиб кўринди» деб Қунанбойни сқлашга уринишиди.

Тўра бу ерда ажрим қилмади, икки тарафнинг ҳам арзини эшишиб, ипга чизиб олди-да, учинчи кун кечқурун Қунанбойга:

— Қарқаралига борасан, эртага эрталаб биз блан бирга жўнайсан, ҳозирлан! — деди.

Турган гап бу ишнинг ёмонликка томон юз тутишининг аломати эди. Қуванбой тўра олдидан қайтиб келиши блан шу кечанинг ўзидаёқ, ўзига қарашлик яқинларидан ўнтача одамни қақириб, кенгаш қилди.

Бу йиғилишда Изиқутти, Жақип, Мойбосарлар, болалардан Қудойберди блан Абай бўлди. Кенгашга Қунанбойнинг ўзи бош бўлиб, олда катта хавф турганин айтди. Битта-яримта Ирсойга ўхшаш бўш-боёв кексалар кўзига ёш олган эди, Қунанбой жеркиб:

— Кўз ёшингни кўрсатма, бас қил! Қўлингдан келса маслаҳат бер, ёрдам қил! — деди.

Бунақа вақтда маҳмаданалик, сўзамолликнинг фойдаси йўқ. Фақат йўл кўрсатиб, бир дурустроқ маслаҳат бериш керак эди. Броқ бундай маслаҳат ҳечкимдан чиқмади. Қунанбой дўстларининг сувга тушган ўндек бўкиб ўтиришларини кўриб, ўзи гап бошлади:

— Иш улуғларнинг терговига боради. Эндиғи ҳамма

бало қофозда. Қофоз деган нарса обрўйга ҳам, мартабага ҳам, дун'ёга ҳам қарамайди! Қўлларингдан келса, ўша томоннинг арзини тўхтатишнинг чорасига киришинглар. Бор-йўқни сарф қилиб бўлса ҳам, қофозни тўхтатинглар. Орқамдан арза бормасин!— деди.

Бу ўтирган ёру-биродарлардан шунга ҳам чора топаладиган одам чиқмади.

Абай отаси атрофидаги одамлар шу сингари дўпли тор келганда нақадар хом-ғўр эканлигини шу кечагина аниқ билди. Шу онгача Абай йўл кўрсатиш, маслаҳат беришлардан тортиниб келган бўлса ҳам, ҳозир кўнглидаги гапини айтишга қарор қилди:

— Арза бормаслиги учун ёвлашаётган одамларнинг кўнглини топиш керак-ку!— деди.

Бу гап Қунанбойга ма'қул тушмай, Абайга хўмрайиб бир қараб қўйди-да:

— Оёғига йиқил демоқчимисан?— деди.

— Йўқ, нега. Тортиб олинган нарсаларни бериш керак. Шундай қилиб, кўнглини тўлдириб, қофозни тўхтатмасак, бошқа чора йўқ!

Қунанбой унинг гапини онглади-да, қани бу гапга бошқалар нима дер экан деяётгандай қараб турди.

Абайнинг маслаҳати бошқаларга ҳам ма'қул тушгандай бўлди шекиллик, ўтирганларнинг ҳаммаси ҳам гап айлантириб келиб, шу фикрни қувватлай беришди. Фақат Изиқуттигина очиқ қилиб:

— Жигитекнинг ҳам, Бўкеншенинг ҳам, Котибақларнинг ҳам дарди ер-ку, қистов-ку. Энди шу ерлардан бўлиб бериб, бир иложини қиласиз-да, қандоқ қиласиз!— деди.

Гапни ортиқча чўзиб ўтиришининг ҳожати йўқ эди. Бошдан-оёқ ма'носини ўйланса, Жигитекдан узр сўраш деган гап. Қисқаси бору-йўқни ўшаларга бериб, ялиниш деган гап. Гарчи бу иш Қунанбойнинг иззат нафсига қаттиқ тегиб, куйиб-ёниб ўтирган бўлса ҳам, шундай қилишга кўнадиган бўлди:

— Ер блан, мол блан тинадиган кўнгли бўлса, олиб тиясин! На чора, ҳаёт қандай кунларни солмайди кишининг бошига!— деб жим бўлиб қолди.

Қунанбой шу блан кўпчиликни тарқатиб юборди-да, Жақиб, Мойбосар, Изиқуттиларни олиб қолди. Уларга бу ишларни олиб борища кимлар танокор бўлаолишини айтиб берди.

Евнинг кўнглини юмшатиш осон эмас. Тўғри Бойдалининг олдига бўйин эгиб боришдан ҳам ёмон хўрлик бўлади-ми? Мана бу маслаҳат чиқмайдиган биродарлар шундай қилишдан ҳам тоймайди. Шу томонларини ўйлаган Қунанбой орада турадиган кишиларни ном-баном айтиб берди. Бири Тўғалоқ элидан чиққан, кўп ичидан пишган йигитлардан Бойғулақ, иккинчиси, Қунанбой блан ўртаси бузилиб қолган бўлса ҳам, кеча Жигитекларнинг сафига келмай қолган Кўкиш элидан — Қоратоини кўрсатди. Уртада туришга, Бойдалига шуларни юборинглар деди.

Аслида булардан пишиқроғи Қоратоини эди. У аввало Қунанбой блан дўст бўлиб юриб, кейинчалик ундан қаттиқ хафа бўлиб кетган эди. Қунанбой ўша Қоратоинига салом айтиб:

— Улмасак ҳали кўп кўришармиз. Бир-бирамизга ишимиз тушадиган кунлар кўп бўлар. Яхшилик блан дидор кўришайлик! Бошқа нима ҳам дейман. Бориб шундай денглар,— деди.

Эртасига Қунанбой овулидагилар, бола-чақалари блан жимгина, шов-шув кўтармасдан хайирлашди-да ёнига ўзининг бешта йигитини олиб тўрага эргашиб отта минди. Буларнинг ичидан энг ишончлиси болалик чоғидан буён Қунанбойга йигит бўлиб юриб, сингишиб кетган Мирзахон деган йигит эди. У Қунанбойдан жонини ҳам аямас эди. Гарчи у Ескене деган узоқ элнинг одами бўлса ҳам, Қунанбой бошига шундай кун тушган пайтда, ишонадиган одами шу эди.

Қунанбой эл ичидан тўралар блан жўнаб кетди. Тўра кечагина шу элнинг улуғи бўлган Оғасултонга, нима учун олиб кетаётганини айтмади. Урнидан туширадими, ё ўрнида қолдирадими? Буни ҳам оездирмади. Бойдалилар бор-йўгини сарф қилиб, ҳеч бўлмаса шу томонини билишга уринишаётган эди.

Лекин, қандай бўлганда ҳам, кечагина жанг қилиб, элии босиб-янчиб юрган Қунанбой округга боришга мажбур бўлиб кетмоқда эди.

Шунинг ўзи ҳам Жигитек ва Бўкенше элларини қаттиқ қувонтирди. Уларнинг кўчасида ҳам байрам бўлиб, каттадан-кичик ҳаммасининг шодлиги ичига сифмас, ўйин-кулгидан бўшамас эди. Бирлашиб қаршилик кўрсатган бу уч эл биратўла бир-бирига бағрини очиб, опоқ-чопоқ бўлиб кетишиди. Шу блан бирга энди Қунанбойни элга

келтирмаймиз, ўша ёқнинг ўзидан ҳайдатиб юборамиз, устидан ариза ташлаб сувнинг тагига чўқтириб юборамиз; Бўйейнинг ўчини оламиз, арвоҳ қарғишига учратамиз!» деган гаплар ҳам авж олиб кетди. Шикоятномаларни тайёрлатиб, яна ўша Тусипни Қарқаралига жўнатадиган бўлишти.

Лекин шу пайтда Қоратой блан Бойгулоқ келиб қолди. Булар у ёққа тортиб, бу ёққа тортиб кўп уринганларидан кейин арза юбориш деган гапларни тўхтатдирадиган бўлишли. Жигитек элининг сўз эгаси Бойдали эди. Қоратой бор вазмини блан ўшанга ёпишиб олди-да:

— Қайтмайман дейишинг тўғри келмайди, ахир ўргага мана биз тушаётимиз. Бу қайтмаслик Қунанбойдек одамини ҳам ўқинтираётир, кўрдингми! Ундан кўра берадётган ерини ол, ҳақи кетган элларингнинг ҳақини олиб бериб, ками-кўстини тўлдир!— деди.

Бу хилдаги тортишув икки-уч кунга чўзилиб, кўп нари-бери бўлди-да, ниҳоят ўша Қоратойнинг дегани бўлди.

Лекин Бойдали ер тўғрисига келганда, истаган жоини талаб қилди. Қунанбойнинг ўн йилдан бўён тишлаб, тирноқлаб юриб тортиб олган ерларидан ўнбеш қистовни қайтариб олди. Жигитек, Котибақ, Бўкенше, Тўрғайларнинг ҳаммасига ҳам бирнечтадан қистов тегди. Лекин Қунанбойдан олинган ерларнинг ҳаммаси ўша элларинг бошлиқларига, моли-ҳоллик, ўзига тўқ овулларга тегди. «Кўпнинг дарди, кўпнинг зори, кўпнинг ташвиши» деган гапларнинг ҳаммаси Бойдали, Бойсол, Суюндикларининг ўзларининг қистов босиб олиши блан тамом бўлди. Халқни бўлса, шунчаки мол блан, минишга берилган от блан, сўйгали берилган сўқим блан, тана-турпоқ блан рози қилган бўлишти. Бу иш важидан Жигитекларга тўланадиган молни Ирғизбойларнинг бутун овули баравар бўлиб олиб тўлади.

Қунанбой кетгандан кейин ўн кун ўтгач, Жигитек томон оладиганини олиб тинчланабошлади-да, Қунанбойнинг орқасидан қувиб борган арза бўлмади. Қистов олиб, мол олган қабила бошлиқлари эл-элларга шу ишнинг ўзи ҳам ғалаба деб, яна кўп мол тарқатишиди. Бу ўртада яна бирқанча кўк-қашқалар атасиб, хайр-худойига зўр бериб, шодлиги ичига сиғмай, бир томонда ашулачи, бир томонда улоқ, бир томонда аскиячилар блан ўйин-кулги, хурсандчилик қилди...

Уруш босилиб, осойишига ҳаёт бошланиб, ҳарким ўзтирикчилигига тушгандан буён эл Жидебой, Мусақул сингари қистовларни ташлаб, қуйига кўчиб келабошлади. Ҳар уруғ, ҳар овул ўз кузовларига жойлашмоқда. Бу ерда овуллар яйловдаги ёки қистовдагидек бир-бирига яқин ўтиrmай, тарқалиб ўтиришади. Бу пайтда тўда-тўда овуллар аҳёнда бир дуч келмаса, кам учрайди.

Қунанбой овуллари ҳам бир-биридан узоқ ўтиришади. Тўбуқтига қарашлиқ кўп увалар, бепоён далалар, беҳисоб адирлар ҳам шу «Бавур» деган кузовда. Ҳалқ қиши тушмасдан, кузовнинг ҳўл ва қуруқ ўтини молига едириб, семиртириб олиш пайида бўлгани учун бир-биридан йироқда бўлишни хоҳлади.

Зеренинг овули бу йил кузовга йилдагидек йироқлаб кетмади. Жидебойдан уч манзил кўчиб, Есембояга етдида «кузни шу ерда ўтказиб, қистовга әртароқ қайтамиз» деб бошқалардан орқада қолди.

Бу йил куз хийла әрта келди. Ёғингарчилик ҳам эрта бошланди. Совуқ шамол эсиб, майда ёмғир шувалаб турарди. Афтидан қиши изфирини эрта турадиган кўринади. Қистовга яқинроқ ўтириш ма'қул. Шунинг учун Улжон кекса онаси блан болаларини ўйлаб, атаяин орқада қолган эди. Улжоннинг атрофида қўшини эллардан учтагина чоғроқ овул бор эди ҳолос.

Абай отаси кетгандан буён уйдан чиқмади, лекин Жигитек томонининг ҳишиниб, ошиб-тошиб, зўр тантана блан ўйин-кулги қиласётганидан хабардор эди. Йргизбоялардан теккан ўнбеш қистовни уларнинг ўзига тўқ каттлари босиб қолганини, ўша йўғонлар ўлжани бўлишда келишаолмай, энди бир-бирининг пайини қирқаётганларини ҳам эшитиб турарди. Бу гапларни эшитганида Абай, ҳарнарсани синчилаб қарайдиган катта одамлардек, истеҳзо блан кулиб қўярди.

Шундай пок, шундай юксак нарса важидан пайдо бўлган жароҳатни ер блан, қистов блан даволаб бўлар эканми? Катталарнинг: «Элнинг кўзёши тўкилаётir... Ҳалқнинг тинкаси қуриди, кўп сиқилди» деган гаплари қани? Абай шуларни ўйлаб, кўп қийналар, сиқилар эди. Ниҳоят «бу дард, бу аламларнинг ҳаммаси ўша одамларнинг жигифидони тўлдирилса босилиб, тиичланиб қолар экан» деган қарорга келди.

Абай шу нарсалар ҳақида ўйларкан, шу йил кузда барча катталарнинг нима эканлигини яхши билиб олди; билган сайнин бош чайқаб, ўз-ўзидан ҳижолат бўларди; чуқурроқ ўйлаган сайнин мийиғида кулиб қўярди. Шунинг учун ҳам Иргизбойларнинг хўрлиги келиб: «Жигитеклар яйраб, яшнаб, хурсандчилик қилишаётир, биз Мирзанинг дардида ёниб, ташвиш тортаётирмиз, ана улар бўлса, ўйин-кулгидан бўшамайди!» деб, ич-ичидан ўртанаётган пайтларда Абай бу гапларга ортиқча э'тибор қилас эди.

Шундай гапларни эшитганида Абай кўпинча, ўқ ўтмас совут кийиб олган одамдай, сукутини бузмас, кулимсираб қўяқоларди. Бу кунларда у барчадан бегона, ўз ҳолича юрар, ҳаётдан кўп дағаллик кўриб ўсаётганга ўхшарди.

Сўнгги кунларда Абай кўпинча қўлига дўмбира олиб гўзал кўйлар, нафис оҳангларни кўйлайберадиган бўлиб қолди. Абай бугун кечқурун отга миниб, бир айланниб келди-да, оналарининг уйига кирди. Уйда Фабитхон, Тажекон, Ўспон, бирнече молбоқорлар ўтирган эди. Абай дўмбирани қўлига олиб, чордона қуриб ўтириди-да, ғоят ўткир, ҳажвалик бир ўлан айтиб берди. Бу ўланда у, ниҳоят ерларини қайтариб олган бўлса ҳам асти тинчи масдан, энди ер бўлиш масаласида бир-бирлари блан келишаолмай можаро қилаётган Бойдали блан Бойсолдан қаттиқ кулган эди. Бу ўлан ўлгунча аччиқ тил блан айтилган эди.

Абай айттан бу ўланни улар ҳузур қилиб эшитиб, қаттиқ кулишиди. Ўланнинг сўэлари ма'қул бўлди шекиллик, Улжон «бу кимнинг ўлани экан ўзи» деган эди, Абай беларвогина, жиддийлик блан:

— Бойкўкшенинг ўлани! Ўша чиқарган! — деди.

Бу ўлан Байкўкшенини эмас, ўзиники эди.

Мана шу куз бўйи, айниқса қиши тушиб, Жидебойдаги уйга кириб олганларидан буён, Абай дўмбирага қаттиқ уринди. Унга та'лим бергали Биткенбой дўмбирачи, Таттимбет дўмбирачи деган отоғлик бастакорлардан та'лим олган кекса дўмбирачи ҳам топилди. Абай дўмбира ўрганаркан, шу блан бирга Бойкўкше чиқарган қилиб бирқанча ҳажвий ўланлар айтиб бериб юрди. Қистовга келиши блан, Фабитхон мулла Ўспон блан Смоғулларни йигниб яна ўқиш бошлаган эди.

Абай ҳам ҳаркеч шулар блан ўтириб, хийла вақтгача китоб ўқирди. Ба'зан Бобир, Навоий, Сўфиоллоёр син-

гари китобларни ўқиб, қўлига қоғоз-қалам олиб, ўшаларга тақлид қилиб бирнарсалар ёзиб кетарди.

Уни «ишик ўти, ма'шуқа» деган дард етаклайберарди. Абай ҳали умрида ўша кўп эшигтан ма'шуқа блан дидор кўришиб сұхбат қилмаган бўлса ҳам, кўнгли блан ҳис этиб, тотиб кўрарди. Хаёлидан нари кетмай, бир нафас холи қўймай, алангаси тортиб турган бир офати жон бор. Туғжон... орага қонли жанглар, курашлар тушиб иккови икки ёқда қолиб кетди... Туғжон бир нафас ҳам Абайнинг хаёлидан нари кетмас эди. Шу йил қишиш бўйи ёзган озми-кўпми ўланларининг ҳаммасини тортичоқ, ботинолмайдиган юрак блан ўшанга атарди, Абай шу қишиш «Алиф деб ой юзингга ибрат этдим»¹ деган бир ше'р тўпламини ёзди. «Оқ юзинг оппоқ экан, отган тонг-дек» деган ше'рини тамомлади. Ба'зан ше'рларини дўм-бирага солиб, Такежон ва Фабитхонларга кўйлаб берадиган ҳам бўлди.

Абай ғида-сонда уйидан чиқса, оғзи қора саринқ тозини эргаштириб, қуён қувар эди.

Бир кун Чинғизга Қорашўқига бориб, Кункенинг овулида ётиб акаси Қудойберди блан бирга бўлди. Қудойберди ёш уйланган бўлиб, шу йил қишиш унинг учинчи ўғли туғилди.

Қунанбой томонидан келадиган хабар аввало шу Кункенинг овулига келар эди. Илгарилар Оғасултоннинг кенгашлари ҳам мана шу катта хотинининг овулида бўлар эди.

Чинғизнинг бағрида ва бир тор оша водида Ирғизбойлар ҳам, бошқа беҳисоб эл ҳам кўп бўлиб, турли хабарлар ўша ерга келиб туришининг сабаби ҳам шу эди.

Ўй ичидагилар отасидан дарак суруштирабергандарда, Абай атайин шу ерга бориб, ҳархил гапларни топиб келар эди. Лекин хабар олгали келиш блан бирга, Кункенинг турли-туман ўринсиз гапларини ҳам эшишиб кетарди.

Қунанбой кетганидан буён Кунке Улжонни ёмон отлик қилиб Абайнинг олдида ҳам турли-туман гапларни айта берарди. Гапининг хulosаси: «Мирзанинг ҳоли нима? Қай аҳволда юрибди? Бу Улжоннинг эсига ҳам кириб чиқмайди. Агар уни ўйлаганида зерининг ёр-биродарларини

¹ Мазмуни: «Биринчи ҳарфимни ой юзингдан гула кўтариб ёздим»

қариндош-уруғини йиғиб, катта уйни Мирза боридагидек хонбозор қилиб ўтирган бўлар эди. Кўчадиган бўлса элдан айрилиб кўчади, хоҳласа Жидебойда ёлғиз қолади. Қолган элнинг бошини қўшиб, хайри-худойи қилиб, эрининг тилагини тилаб ўтириш ўрнига ўз тинчини кўзлайди. Йўқлаб келадиганларни кутиш ҳам, бутун чиқим ҳам бизнинг устимизга, тўҳматнинг ҳаммаси бизнинг бўйнимизда!» деб ёзғираберар эди.

Улжоннинг казо-казоларни ўз овулита йиғабермаслиги ҳам рост. Чинғизда беҳисоб эллар ўртасида бўлгани учун Кункенинг дастурхон ёзиб, меҳмон кутишининг кўплиги ҳам рост. Кунке айниқса Улжонга қараганда кўпроқ мол сўйиб, ортиқчароқ чиқимдор бўлаётганига чидамас эди. Бу ҳам кундошлик ғаразининг бир чигал тугуни-да..

Кунке ночор мол сўяди, чиқим устига чиқим бўлади. Бу чиқим ортган сайин оғриниб, ниҳоят, Улжонки овсин-ажинга, йироқ-яқин, таниш-билишларга, қариндош-уруғларга, ҳатто бола-чақага ҳам ёмонлайдиган бўлди.

Абай бу онаси блан сан-манга боришмас, унинг ҳалигиндай гапларини ҳам лоқайдлик блан эшитиб, ўша ондаёқ, унугашга тиришарди, чунки онаси Кункедан келаётган бу хилдаги гаплар акаси Қудойбердидан келмас эди. У ҳамиша Абай келганда суюниб қарши олар, жигар-жонлик қиласди.

Абай Кункенинг гапларини ўз онасига етказмас эди. Лекин Қорашибига ҳар бориб келганидан кейин, уйни холи топиб, энасига айтар, унинг блан маслаҳатлашарди. Энаси, Кункенинг сўзларини эшитиб туриб-туриб:

— Бу гапларга парво қилма! Ҳарким ўз билганича тириклик қиласди, бу кундошлик орқасида чиқаётган шум фе'лнинг изғирини! Кунке блан Ойғиздан шу сингари қўланса сўзлар чиқмай юрган эдими? Онангга айтмай қўяқол, ўзим тийиб қўярман!— дерди.

Айтганидек Зере бир кун Изиқуттини чақириб, Кункега бориб айт, ҳалигиндай гапларни гапирмасин, ундан кўра эрининг ёр-биродарлари, қавм-қариндошларининг фамини есин,— деб, атайн Кункенинг олдига юборди.

Қунанбойнинг овуллари блан ён-биродарларининг Қунанбойни кутиши узоққа чўзилди. Жигитек томондагилар олган ўнбеш қистовга Бойдали, Бойсоллар талашиб, бирбирини бўлиб, аллақачон жойлашиб ҳам олишди. Қўрарда кўзи, отарда ўқи йўқ. Бутун куз ўтди-ю, Қунанбайдан

дарак бўлмади. Қиши ҳам ярмидан ошиб борарди. Ҳамон Қунанбойнинг келишидан дарак йўқ. У ҳар ой ёнидаги йигитларни галма-гал юбориб, мол олдириб кетар, хўжалик тўғрисидаги буйруқларини ҳам ўшалардан айтиб юборар, эсон-омонлигини билдиради, холос.

Уз иши тўғрисида берган аниқ хабари шу бўлди: бориши блан Оғасултонликдан тушинти. Энди бунинг оқибати осонлик блан битадими? Текшираётир. Область юбормаётир.

Ҳақиқатда ҳам Қарқаралига янги Оғасултон тайин қилинди. Энди Оғасултон қилиб аввал бир Оғасултон бўлиб, кейин ўрнидан тушиб қолган Бўкей тўранинг авлоди Қусбек тайин қилинди. У, қайта ўрнига ўтирганидан кейин, Қунанбойга рўй-хуш бермади, негаким, Қунанбояда ўтган сайловдан қолган кеки бор эди. Бунинг устига у, Боймурин орқали Бўжей тарафини қўллаб келаётган одамлардан эди.

Оғасултон алмашгани блан майор алмашмади. У ҳам Қунанбойга ола қарайдиган бўлиб қолди. Мана шу иккаласи куздан буён Қунанбойнинг ишини чўзиб, унинг устидан тушаётган чақиқ қоғозларни зиндан Омскга, корпусга жўнатмоқда, Қунанбойга билдирамасдан, терговни се-кин ўшаёққа ошириб юборишишмоқчи эди. Агар иш корпусга оширилса Қунанбойнинг ҳайдалиб кетиши аниқ эди.

Кайфият шундайлигини бир ойда аниқ билиб олган Қунанбой, энди Қарқаралидаги ягона жонкуяри бўлган Олшинбойдек одамларни ишга солди.

Үртага Олшинбой тушгандан кейин Қусбек, ишии енгиллаширадиган бўлиб, аввалги шахтидан тушабошлади. Лекин қоғозлар корпусга юборилиб қўйилган. Бунинг устига Омскдан келган чиновник блан жиғилдони тўлмайдиган майор ҳам бор эди. Буларнинг корини қилишни Қунанбой Олшинбойнинг ўзига топширди. Бу пора каттакатта пул, беҳисоб мол чиқариш деган гап. Қиши келиб, мол арzonлашди. Бунинг устига элдан семиз мол олдиришга йўл ҳам йироқлик қилди. Қунанбой ҳам, Олшинбой ҳам пулдан сиқилиб қолишиди. Худди шу пайтда, қишининг ярмида бирқанча киракашларга той-той маталар ортдирб, Семейлик¹ катта савдогар Тинибой Қарқаралига келиб қолди. У бутун Қарқарали халқи сўйган сўқимнинг терисини ёлғиз ўзи йирғиб олмоқчи бўлиб келган эди.

¹ Семей — Семипалатинск.

Тинибой Қунанбой блан Олшинбойни эл ичидаги савдо-сотиқ олиб боришда ўзига зарур бўлган мустаҳкам суюнчиқ деб билар эди. Бу савдогар халқга насияга мол берриб, қўйинни тўпроқ, тўпроғини ҳўкиз, қўзисини қўй қилиб олиш учун ўша элнинг йўғонларига суюниши керак эди. Унинг халқдан оладиган молини хоҳ қўрқитиб, хоҳ тортиб ундириб берадиганлар шулар. Тинибойнинг Қунанбойга яқинлашишидан мақсади шу бўлиб, бундан ташқари ўтган йил Семейга келганида қуда бўлсақ, яқинлашсақ, деб Қунанбойнинг қизига бир оғиз солиб кўрган эди.

У вақтда Қунанбой шаҳарлик савдогарга қиз беришни ўзига ор билган эди. Юртнинг «отоғлик ерга бермади, моли учун берди» деган гапидан қочиб, очиқ жавоб бермай, дудмал қилиб кетган эди.

Ҳозир пулдан қисилиб турган Қунанбойнинг қизига Тинибой яна оғиз солди. Ўртада Олшинбой туриб, иккенини қуда қилиб, Қунанбойнинг Кункедан туғилган олти яшар қизини Тинибойнинг ўғлига фотиҳа қилиб қўйилди.

Шундан кейин, Тинибойнинг ҳам'ени очилди-да, майорнинг ҳам кўпиги пасаяборди.

Қунанбой «Омскдан келган Чернов деган чиновникни ўлга солиб бўлармикан, пул олмаса нима қиласиз?» деб кўнгли ғаш тортиб юради.

Олшинбой блан Қасқа тилмоч иккови ўша чиновникини алоҳида кутиб, икки кун меҳмон қилишди-да яхши хабар олиб келишди. Олшинбой кулиб:

— Куздан буён шуни кўрсам, қонлик қопқонни кўргандай бўлиб юрадим. Тилагингни бергур, асти иштаҳа шуники эканку, ўзи ҳам кўзини юмиб, ютаберадиган хилидан экан, толиқадиган ҳам, танлайдиган ҳам эмас. Лаққасини бер деб, ноз ҳам қилмайди, қили-қилчиқни қўшиб ютқизсанг ҳам йўқ дейдиган эмас! — деди.

Шундай қилиб, Қунанбойнинг иши пора блан учикланиб, яхшилаб эми-дими қилиб қўйилди. Энди иш фақат унинг устидан тушаётган қоғозларни тўхтатишда қолган эди. Худди шу вақтда, лоп этиб Омскдан буйруқ келиб қолди. Корпус майорга илгари олинган материалларга асосан Қунанбойни ҳам, унинг барча «ишини» ҳам Омскга олиб кел деб, буйруқ юборган эди.

Энди Қарқаралидаги пора еб қўйган улуғларнинг ҳаммаси исканжага тушиб қолди. Қунанбойни Омскга юбормай илож йўқ. Бу орада Қунанбой яна тезлик блан ўз овулига киши юборди. Қунанбой Омскга жўнар эмиш

деган хабарни эшитганда ҳалқ, Қунанбой ҳайдалиб кетипти, кесилиб кетипти, деб тушунди. Жигитек, Бўженшелар «Қунанбой кесилиб кетипти, ит қўшиб юриладиган ерга юборишипти» деб бир гап қиласа, «йўқ, Қоф тоғига юборилар эмиш» деб бир гап чиқарар эди.

Қунанбой ўз овулларига айниқса онасига салом айтиб «қўрқмасин, бир сафар бориб келишга тўғри келиб қолди, охири хайрлик бўлар» — деб юборди. Шундоқ бўлса ҳам Зеренинг пинҳоний чекаётган қайфуси ортди. Тоат-ибодатдан, намоздан бош кўтармайдиган бўлиб қолди. Ба'зи-ба'зида намоз ичидаги «ёлғиз... ёлғизгина эди шўрлик» деб юборар эди.

Омскдан буйруқ келгандан кейин, Олшинбой, майор, Чернов ва Тинибой — тўрт киши ўтириб маслаҳатлашиб, қандай бўлмасин, аввало Қунанбойни Омскга жўнатиш керак деган қарорга келишиди.

Майор Омскга «юбордик» деб «Жиғалик почта»¹ жўнатиб, ўзи ҳам, қоғозларни олиб, кетма-кет жўнайдиган бўлди. Йўлда бир илож қиммоқчи бўлишди. Агар йўлда иложини қилишаолмаса, Омскнинг ўзида тўғрилайдиган бўлишди. Ҳарқалай бориб уни қутқариб келишини майор ўз гарданига олди.

Шундай қилиб, Қунанбой Омскга жўнатилди. У қўйни-қўнжига пул тиқиб, озиқ-овқатини ғамлаб, булатга сапчидиган отлардан запас қилиб олди-да, иссиқ чанага тушиб, уч йигити блан жўнаб кетди.

Лекин, ҳарқандай бўлганда ҳам, Омскга қараб юз тутгандан буён Қунанбойнинг кўнглига катта ғулғула тушиб қолди. Айниқса майорнинг дини бўлак, сири бўлак, уни билиб бўладими деб, порани кўп олган ва кўп ва'далар қилган бўлса ҳам ўшанинг ўзига ишонгуси келмас эди. Жўнаб кетаётган вақтида Олшинбой блан Тинибойга: «Ўшандан, ўша томондан баҳабар бўлинглар. Ҳаммасини гаплашиб, очиқ гаплашиб, менинг орқадан тезлик блан бирорни юбориб, хабар қилинглар!» деди.

Олшинбойнинг кўккўз деган кўп абжир йигити уч кун деганда Қунанбойнинг орқасидан бир от етаклаб етиб борди. Ҳаво очиқ, чараклаб кун чиқиб турган бўлса ҳам совуқ эди. Икки саман отнинг қалин ёли, узун кокиллари, узун думларигача қирор бойлаган, қаттиқ чопиб кел-

¹ Почтанинг тўхтовсиз боришига ишора қилиб почта аравасининг дугасига ёки кучернинг қалпоғига жига тақиларда.

ганидан вужудидан буғ чиқиб турарди. Қунанбойни ча-
надан кўккўз тушириб, қўлтиқлаб четроққа олиб чиқди-
да, шивирлаб бор галини шипшиштди. Бироздая сўнг йигит
унга оқ йўл тилаб қолди. Қунанбойнинг югурик тройкаси
жўнаб кетди.

Қунанбой бу гапни фақат Мирзахонга айтди:

— Олшинбой, майорни Керекуда¹ кутинглар! Кутуб
олиб, у ёғига бирга кетинглар депди,— деди.

— Иш қилиб ўзи айниб қолмасмикан?— деди Мирза-
хон.

— Айнимас! Нега айнийди?— деб бироз жим қолди-
да,— лекин ҳали ўзимиз қиласидиган катта бир иш ҳам
бор, бир ботирлик кўрсатишимиш керак. Вақтида айтар-
ман, белингни маҳкам боғлаб турасан!— деди.

Майорнинг нияти дуруст бўлса нега Қунанбойни
Омскга олиб кетаётганига Мирзахон асло тушунолмас
эди.

Унга Қунанбой:

— Шундай қилиши керак! Қорпусга буйруқни бажар-
ганини, мени юборганини, ўзи ҳам чиққанини, уларнинг
сўзини иккита қилмаганини кўрсатиши керак. Оқланиб
қайтадиган бўлсан Омск деган икки қадам йўл эмасми?
У томондан хавотир қилма!— деди.

Қунанбой Керекуда уч-тўрт кун ҳаяллаган эди, чиг-
дан ҳам «пишган бош» майор қувиб етди. У келган куни
кечқурун Қунанбойни ўзи тушган ҳовлига чақиртирди.
Қунанбой Мирзахонни олиб борди. Майор ўзининг Кере-
кудаги яқин ошнаси қозоқлар блан борди-келди қилиб
юрадиган Сергей деган савдогарнинг уйига тушган эди.

Майор Қунанбой блан Мирзахонни ўша савдогарнинг
ясатуғлик холи уйида ёлғиз ўзи қарши олди. У Қарқара-
лида тилмоч тутса ҳам, қозоқчани анча билар эди.

— Хўш, Оскенбаич Мирза, энди ўзингни қоралайди-
ган қофозларни кўрмакчисан-ку, шундай эмасми?— деди.

— Қани энди, кўрсат! Лекин битта-яримтасини қол-
дирмасдан, ҳаммасини кўрсатасан-да!..

— О-о, кўрсатаман! Мен сени алдамайман! Олшин-
бойга ва'да берганман — кўрсатаман! — деб, майор эшик-
нинг илгагини солиб келди-да, сафар сумкасини олиб,
тахлаб боғлаб ташланган даста-даста қофозларни чи-
қарди.

¹ К е р е к у — Павлодар.

Майор қоғозларни чиқараётган пайтда, Қунанбой совқотаётгандек қўлини бир бирига ишқаб:

— Майор, уйингиз хийла совуқ дейман, одам совқотаёт! Ўт ёқтирангиз қандай бўлади! — деди.

Майор бир нафас ўйланиб, қараб турди-да, хизматкорини чақириб, ўт қўйишга буюрди.

Хизматкор бир қучоқ ўтин келтириб печкага қалаб, гуруллатиб ёқиб юборди. Шу топда майор икки шиша конъяк олиб, закускаларини ҳам қўйди-да, Қунанбойга таклиғ қилиб, ўзи ҳам ича бошлади.

Қунанбой Мирзахонга ичириб, майорга ҳам «ич, ич!» деганича, гапни чўзаберди. Бироздап сўнг, ҳалиги печкага қаланган ўтин ёниб, қипқизил чўғга айланди. Майор конъякни кўпроқ кўтариб қўйиб анча кайфи ошиб қолган эди.

Қунанбой стол устидаги қоғозларни туртиб:

— Майор, иккаламиз бирга кўпгина ишлашдиқ, туз totишdiк, энди мени қоралайдиган қоғозларинг бўлса, ҳаммасини чиқар! Ҳаммасини кўрсат! Дўстлигимиз шу бўлсин! — деди.

— Ҳаммаси шу, Оскенбаич, худо бор-ку... Ҳаммаси шу! Бошка қоғоз йўқ! — деди майор.

Қунанбой иргиб туриб, майорнинг икки қўлини орқасига қайриб, маҳкам қучоқлаб олди-да, шошганича Мирзахонга: боши блан печни кўрсатиб:

— Тур, Мирзахон! Еқ қоғозларни, куйдир ҳаммасини! — деди.

Майор маст бўлиб қолиб ўз вазифасини унугтаниданми, ё Қунанбой бир ёмонлик қилмоқчи леб чўчиганиданми, ҳарнечук олишмоқчи бўлиб юлқинган бўлди. Лекин ёшлигида зўр қиличбоз ўтган Қунанбой бўш келмади — майорни қимирлагани қўймади.

Мирзахон иргиб туриб бор қоғозларни қучоқлаб олиб борди-да, ўтга ташлади. Майор қутилаолмаслигига кўзи етиб:

— Э, Оскенбаич, қўйсангиэчи! Законни қандоқ қиласиз, Оскенбаич, қўйсангиэчи! — леб ёлворган бўлди. Бу мастиликими ё ўзини гўлликка солишими — билиш қийин эди. — Шундай экан-да? Қўйинг, куйдирмайлик, ҳаммасини бирдан йўқ қилмайлик! Мен қандай қиласман?

Лекин бу гапларни у чин кўнглидан эмас, Қунанбояга қўл келадиган бу чорани ҳали ҳам бўлса қимматга сотиш учун айтиётган эди.

Қоғозларнинг ҳаммаси лопиллаб ёниб, бироздан кеин, қоп-қора кул бўлиб тушди. Мирзахон блан Қунанбой печкинг оғзини ёпди-да, индамасдан бир-бирларига қараб, кулиб қўйишди. Майор ўтирган ерида, ухлаб қолган кишидай, кўзини юмиб, чалқасидан кетиб ётарди.

Қунанбойлар у блан хайрлашиб чиқиб кетишиди. Мехмонлар кетиши блан майор ирғиб ўриидан турди. Унинг кўриниши ҳам, ҳаракатлари ҳам сергак эди. Бошини бир силкитиб, яна бироз копъякни ютиб, ишга киришиди.

Унинг эндиги шериги шу уйнинг эгаси Сергей эди. Улар эрталаб тузиб қўйилган режалари бўйича, ҳовлига чиқиб, Сержейнинг кичикроқ бостирмасига ўт қўйиб юборишиди. Бостирманинг тагида майор тушиб келган катта чана, эгар-жабдуқ, ўша чанага ташлаб қўйилган эски намат, эски яшиклар ва бирқанча эски-туски қоғозлар ёнди. Бу ишларга Сергейнинг пишиқ саркори Мишка ҳам ёрдамлашди.

Шу таҳлитда ўз ҳовлисига ўт тушириш блан Сергей майорнинг еган порасини ва ғайри қонуний ишларини ёпиб қўйдн. Албатта «ол товоғим — бер товоғим» бўлади-да. Утган йил Қарқаралида Сергей хазинанинг пулини еб қўйганда майор ҳам, шу сингари, ўт тушди деб, ўзи акт ёзиб, ўзи қўл қўйиб Сергейни қутқариб қолган эди.

Эртасига Сергей, ўз шаҳарининг жиғилдон масаласида машҳур бўлган округ бошлигининг олдига бориб, ўзларига ма’лум йўллар блан гувоҳлар кўрсатиб, «қоғозлар куйдн» қилиб, акт туздирди.

Шундай қилиб, орадан беш кун ўтгач, Қунанбой бир бошқа, майор бир бошқа бўлиб, Омскга, корлусга кириб боришиди.

Корпус маҳкамаси Қунанбойни ўн кунча қисқа-қисқа тергади-да, ниҳоят, гуноҳсиз топиб, бўшатиб юборди. Майор ўз ишларини битириб, тинчгина округга қайтиб кетди.

Мана шундай йўллар блан оқланиб келган Қунанбой қайтиб Қарқаралига келиши блан «суюнчи» деб, Тўбуқтига чопар учиб кетди. Қунанбойнинг ўзи овулага кетишига шошилмай, Қарқаралида яна бироз туриб қолди.

Мирзахон Омск сафарини Олшинбойнинг овулидагиларга, сирни четга чиқармайдиган кўнгли яқин бошқа кишиларга ажойиб эртак қилиб айтиб берди. Унинг ҳижоясига қараганда, майор тиш-тирноғи блан Қунанбойга

қарши бўлиб, қоғозларни дастлаб чиқариб, унга кўрсатганда ҳам: «Мана, сени шулар блан йўқ қиласман, мана шулар блан бошингни ейман, бундан қандоқ қутилардинг» деб дўқ қилиб, мақтаниш учун кўрсатга ё эмиш. Мирзахон майорни Қунанбойга қарши қилиб кўрсатиш блан бирга уни анқов, аҳмоқ, қилиб тасвирлади. Бунга ишонмаган одам қолмади. Ҳамма «худди шундай» деб, бири олиб, бири қўйиб сўзларкан, гарчи Қунанбойнинг «юрак ютгандек ботирлиги, усталиги» айтилмаган бўлса ҳам, ўз-ўзидан довриқ бўлиб кетди.

Мирзахоннинг бу эртаги ёнига қўшилиб, чатилиб биринчи чопар бланоқ Қунанбойнинг овулларига етиб борди.

Майор блан ҳам, Қарқаралининг бор улуғлари блан ҳам қайта топишиб олган Қунанбой, кўкламгача элга қайтмай, Қарқаралида ётиб, яна мансабдорликнинг кетига тушди, лекин эндиги талаби Оғасултонлик эмас эди.

Қор кетиб, ердан майса бош кўтариб чиқсан пайтда Қунанбой Қарқаралидан чиқиб, Тўбуқтнга йўл олди. Бу келишида Тўбуқтнинг старшини Мойбосарни ўрнидан олдириб, унинг ўрнига ўзи тайин бўлиб келаётган эди.

Бу хабар ҳам Қунанбой округдан чиқмасданоқ Тўбуқтига, овулларга етиб келган эди.

4

Шу кўклам Абайнинг кўнгли ҳаётнинг бор ғалваларидан, одамларининг қайғу ва шодликларидан бегона, у қандайдир ўзгача бир пинҳоний дард чангалида бўлиб қолди. Бу дардга бутун юраги, барча ҳислари блан мубтало. Дўмбира ҳам, ёзган ше'рлари ҳам шу дардни кўйларди. Кўйлардигина эмас, ёш юракни арзиқтириб, тўлқинлатаётган сирни изҳор этарди. Лекин изҳор қилинмаган дард кўп. Бу дардлар ҳали аллақайларда, ичкарида ётипти. Агар унинг кўксини титкилаб кўрадиган, тинглайдиган, илтифот этадиган бир одам бўлса ҳеч туганмас, тил блан онглатиб бўлмас, аламлик дарднинг ажиб кўйларини эшитарди. У кўнглида борини онглатаолмай энтиккай ноқларида, бошини қаерга уришини билмай, қийналиб:

— Ёрабби, энди қандоқ қиласман? Тил ожиз, сўз топилмайди! — дерди.

Уша айтилган, ёзилган ше'рлар шу кунгача Абайнинг ўзида, ўз юрагида, аталган кимсасига биттаси ҳам, би-

рортаси ҳам етган эмас. Етишига умид борми? Умид ҳам йўқ! Фақатгина алам чекиб тўлғанади, фақатгина ширин хаёллар ичидаги қулоғига гоҳ яқинлаб, гоҳ йироқлаб кетаётган ўша чўлпининг шилдираши аниқ эшитилаёттандай бўлади холос. Отиб келётган тонгнинг қизил шафагидек, жонсизгина шу'ласидек бўлиб, кўз олдидан ўша симо кетмайди. На хаёлидан нари кетади, на бир нафас холи қўяди.

Кун исиб, кор эрий бошлади. Меҳрибон онадек, ча рақлаган очиқ кунлар келди. Абай тоқат қилаолмай, отга миниб, боши оққан томонга қараб елдириб кетадиган бўлди. Топган баҳонаси — овчи сариқ този. Абай овулдан чиққанидан кейин отининг бошини қўйиб юборар эли.

У, ба'зан, сариқ тозини унугиб қўяр, онда-сонда эси га тушиб қолганидагина қичқириб чақиради. Гойда този қалин буталар орасидан қуён қочириб, текис ерга чиқариб қувлаб бораётганда ҳам, Абай лоқайдлик блан серрайиб тураберарди. Ба'зан този унинг кўз олдида қуённи пипалаб қочирмасдан турган бўлса ҳам, қарамасдан ўтиб кетиб қоларди.

Одатда този ов туттганда эгаси отдан тушасолиб, едирмай, айриб оларди. Абай ундаи қилмагани учун сариқ този ҳайрон бўлиб туриб-туриб, унинг узоқлашиб кетаётганини кўриб, ҳура бошлар, лекин бу ҳам кор қилмас эди. Този бу аҳволга тушунаолмай, ўз меҳнатининг шунчалик қадрисиз бўлганига койигандай безовта бўлиб, гоҳ эгасига, гоҳ қуёнга қараб югуради. Шунда ҳам Абай парво қилмаса ит орқада қолиб, тутган қуёнининг титигини чиқариб еб, ўлгунча тўйиб оларди. Абай бўлса, фақат този оғзи-бурнини қопқора қон қилиб, орқасидан қувиб етганидагина итнинг қуён туттганини пайқарди.

Абай ўшандаги ҳам юрак созининг кўйини узмас, чўзиб айтиладиган бир гўзал қўйни жони-дили блан қўйлаётгандай, ҳаёлини бузмас эди. Қаршисидан ўтган йилдан қолган қуруқ ўтларни тебратиб майин шабада эсганда Абай бошидаги тумоғини олиб, хийла вақтгача юзини тутиб турди. Чинғиздан, Туйеўркешдан, Қоровулдан эсган ел ҳам унга қандайдир яқинлик шарпасини келтираётгандай бўлар, мулоим шабададек ором бағишлардими? Ҳақиқатда ҳам шундай бўларди.

Бир кун Абай ёлғиз ўзи борлик блан йўқлик, туш блан таёл орасидек қандайдир бир кучли ҳис қучоғида турган

эди. Тўсатдан ёнига бир салт отлик елиб келди. Бу даштбиёбонда пайдо бўлиб қолган йўловчи уни чўчишиб, уйғотиб юборгандай бўлди. Бу ёшгина бир йўловчи эди.

Қўриқ четидаги бир тепаликнинг этагига чиқиб турган Абай бу ёш йўловчига совуққина назар ташлади. Лекин у йигит, қадрдонлардек, кулимсираб, яқинлашиб келаберди. Яқинлаб келганда Абайнинг отини айтиб сўрашди. Абай уни энди таниди, таниши блан икки юзи ловиллаб, қипқизариб суюниб кетди.

Бу йигит Абай ўтган йил Туғжоннинг овулидан келаётган чоғида йўлда танишган Эрбўл экан. Абай ўзининг тўсатдан ўзгариб кетганига ҳижолат бўлди. Эрбўл буни пайқамади-да:

— Ов қилиб юрибсанми? Итиңг қани? — деди.

— Ит шу ерда... Ҳозир шу чийнинг ичидан юрган эди... — деди Абай, ити эндигина эсига тушиб орқасига қарапкан.

Сарик този шу пайтда чийнинг ичидан чиқиб, югуриб келаётган эди. Эрбўл тозининг турқини кўриб, кулиб юборди.

— Дурустсан-ку, яхши овчи экансан! Овга шундай тўқ ит блан чиқадими киши.

— Йўғе, тўқ эмас эди!

— Нима бало, бу нимаси? Биқинини қара! Бунинг ўзи нима еган? Ҳозиргина ебди,— деб Эрбўл итнинг уёқ-буёғига қараб, тумшуғидаги қояни кўрди-да:—итнинг ов олганини ҳам пайқамабсан-да, қуён ебди-ку! — деди.

Бироздан кейин Абай този ҳақидаги сўзни тўхтатиб, гапни бошқа ёққа айлантирди. Эрбўлдан айрилгуси келмай, гапни чўзиб, анча вақт бирга юрди-да, кейин уни овулга таклиф қилди.

Эрбўлнинг кўли бўш, овул-овулга бориб айланиб юрган экан. Абайнинг сўзини иккита қилғиси келмай бирга кетди.

Шу учрашгандаридан бошлаб Абай Эрбўлни бўш кунгача юбормади, уни яхшилаб кутди, турлик-туман ўйинлар ўйнашди, ҳикоялар айтишди. Кеч бўлди дегунча, ўлан айтишиб, хийла вақтгача ўтиришарди. Уша кунларда Абай унга ўз ўланларидан ҳам айтиб берди. Шундай қилиб Эрбўл унинг энг яқин сирдоши бўлиб қолди. Абай умрида биринчи марта юрак сирларини шу йигитта айтди, бу ўланларни «Туғжонга айт» деди.

Шундан кейин Эрбўл Абайнинг ўланларини ёдлаб

олиб, ёш йигитнинг чин кўнглидан айтган саломини Туғжонга етказмоқчи бўлиб, жўнаб кетди.

Орадан ойдек чўзилган уч кун ўтгач Эрбўл Жидебойга қайтиб келди-да, Абайни олиб Чинғизга, Туйеўркешга қараб йўл олди.

Абайнинг бутун тилаги фақат бир мартагина Туғжон блан холи ерда учрашиб сўзлашиш эди. Эрбўл унинг шу орзусини Туғжоннинг янгасига Асилбекнинг хотинига айтди, салом блан юборган ўланларини айтиб берди. Туғжоннинг бу янгаси Туғжон блан ғоят сирдош эди. Гарчи шу кунгача қайин синглиси блан бегона йигит ўртасида турмаган бўлса ҳам, лекин шу гал бу иш унга ҳам ўзгача кўринган эди. Эрбўл ҳам сўзамол, айтганини қилдирадиган ўтлик-шўхлик, бама'ни йигитлардан эди.

Ҳарқалай ўша янга блан Эрбўл икки киши бўлиб, Туғжонга Абайнинг барча ўланларини эшилдириб, ниҳоят Абай блан бир марта учрашишга кўндиришиди.

Сабр-тоқатидан айрилган Абай Туйеўркешга қандай етганини билмай қолди. Қош қорайиб қоронғи тушабошлигар пайтда икки йигит тоғ орасидаги овулга Эрбўлнинг овулита етиб боришиди.

Кичкинагина ғарибона қўргонда Эрбўлнинг уйидан бошқа уй йўқ эди. Бу қистов Қоровул сувининг бу томонида. Суюндикнинг қўргони сувнинг у томонида бир чақирим ерда эди.

Бу овулнинг катта-катта, баҳайбат итлари ҳуриб турар, мўриларидан қопқора тутун бўриқсиб чиқар, овул бадавлат овул эди. Лекин унинг одамлари Абайга душман. У ерга боришлик учун Қунанбойнинг боласига йўл йўқ.

Айниқса унинг қандай мақсад блан келганини билса қўлидан келгай ёмонлигини аямайди. Осилбек, Адилбеклар бу атрофнинг ҳамннатлиқ мағур йигитларидан. Улар душман ўғлининг бундай мақсад блан келганини билиб қолгунлай бўлса, омон қўймайди.

Кайфият шундайлигини яхши билган икки йигит қоронғи тушгунча, сувнинг бу юзида ўтиришиди.

Қоронғи тушгач. Эрбўл блан Абай отларини ташлаб, у томонга пиёда ўтишди. Овул уйқуда, итлар ҳам тинчиган, жимжит эли.

Эрбўл бир амаллаб секингина, ғичирлатмасдан мол-қўранинг эшигини очли-да Абайни тuya қўдаға киргизиб ўзи қоронғида туртина-туртина чиқиб кетди.

Абай ўша зулматда қимирламай, дамини чиқармай тураркан, фавқул'одда бир шиддат блан ураётган юрагининг гупиллашини эшишиб турарди. Эрбўл тезтина қайтиб келди-да, унинг қўлидан ушлаб:

— Худо берди! Осилик бугун уйда йўқ экан! Ҳозир ўшанинг ўтовига кирамиз! — деди секингина.

Абай астагина салом бериб, жиҳозлар блан тўла уйга киргандা, оппоқ дўндиққина янга каравот ёнида турар. Туғжон ерда кўрпачада ўтиради. Остоанадан тўргача яхши гиламлар солинган, ўтовни айлантириб гул кўрпалар, ипак гиламлар тутиб ташланган. Бир томонга суриб қўйилган оппоқ шойи чимилдиқнинг ичидан қимматбаҳо суюклар қадаб ишланган баланд каравотнинг ярми кўриниб турарди.

Абай сўрашиб бўлгандап кейин мўлозиматлик янга келиб, унинг тумоғини олиб, белбоғини ешди.

Туғжон шу қаттиқ хижолатдан титраган товуши блан сўрашаркан, қипқизариб, бўртениб кетди. Бир нафасдан кейин оппоқ оқариб, рангги ўчиб кетди. Эрбўл ёшлар бемалол ўтирсин дегандай қилиб:

— Энди мен у томонга ўтиб, отларни тайёрлаб турман! — деди.

Абай жимгина бош эгди.

Туғжоннинг янгаси ҳам чой тараддудини қилмоқчи бўлиб, эшикка чиқиб кетди, ўша кетганича қайтиб келмади.

Абай блан Туғжон ёлғиз қолди. Энди Абай нима дешишга ҳайрон, қандоқ қилиб сўз бошлишини билмай, сўнг даража ўнгайсизланди. Лекин зиҳн солиб кўрса, Туғжон жуда уятчан, жуда тортинчоқ, гўдакларга ўхшайди; бу аҳволда иккени ҳам шундай баҳтлик кечани беҳуда ўтказадиган.

Абай энгашиб, Туғжонга бироз қараб турди-да:

— Туғжон, менинг саломларимни эшиздингми? Ҳаммаси фақат Сизга аталган, ҳамма сўзлари ҳам, қаттиқ изтироб чекиши орқасида туғилган сўзлар,— деди.

Туғжон астагина жилмайди-да:

— Эшиздим Абай! Жуда яхши ўланлар ёзар эканисиз! — деди.

— Мен оқин эмасман! Фақат ўтган йил сизни бир кўрдиму, шу дард, шу кўйларга мубтало бўлдим... Шундан буён бир нафас ҳаёлимдан нари кетмайсиз.

— Ҳаёлимдан нари кетмайсиз дейсиз-ку, лекин ўшандан буён ҳеч келмадингиз-ку?

— Қандай келаман? Элнинг аҳволини кўрмайсизми?
Бир кўришнинг ўзи ҳам орзу бўлди-ку!

— Тўғри! — деб Туғжон қизариниб ерга қаради-да: —
мен сизни бир кўрдим, кўч блан кетаёттанимизда, пай-
қадингизми, билмадим,— деди.

Абай шодлиги ичига сиғмай, хурсанд бўлиб:

— Туғжон, шуни айтинг! Мен ўтганда «бир нафас
тўхта, бир нафас тўхта» деб юбораёзиб, зўреа ўзимни
тўхтатиб қолган эдим. Кўрмади, кўrsa ҳам э'тибор қил-
май кетаётир деб ўйлаган эдим. Туғжон сени унугиб
бўладими? — деб Абай, Туғжоннинг оппоқ нозик қўлидан
ушлади.

Туғжон қўлини тортиброқ четланди.

Шу кечак икки ёш бир-бирига шу қадар севикли, шу
қадар дилбар эди. Икковининг ҳам фақат шу учрашиш,
суҳбатлашишдан ўзга тилаги йўқ эди. Гарчи кўришгани
лари шу бўлса ҳам, кўп нарсалар ҳақида сўзлашиб
бир-бириларига нақалар интизор, нақадар меҳрибон экан-
ликларини онглашибди. Тонг отарга яқин қолгандагина
Туғжоннинг янгаси келди. У чой ҳозирларкан, яна бир
эшикка чиқиб кетганида, Абай Туғжонга яқинроқ келиб,
юзидан ўпди. Туғжоннинг икки юзи ўтдай ёниб қипқиза-
риб кетди, кучсизгина қаршилик қилиб, икки қўли блан
Абайнинг юзини ушлаб орқага чекинтириди. Бу қаршилик
эмас, уялиш эди. Абай интилиб, Туғжонни қаттиқ қулоқ-
лаб олди-да, ўнг қўзидан узоқ бўса олди. Бу онда Туғ-
жоннинг кучсизгина қаршилиги ҳам сезилмай кетди. У
бағрига босиб ўпид турган пайдада Туғжон астагина сир-
гилнб, иссиқ юзини Абайнинг юзига босди.

— Менинг ҳаётим! — деди, Абай

Шу топда эшикдан Туғжоннинг янгаси кириб кел-
ди-да:

— Ераббий, азизим Абай, сизга қийин бўлмаса гўрга
эли! Муз кўчипти! Қоровул сувининг музи кўчипти!
Оtingиз қаерда эди? — деди.

Бу ваҳмалик хабар шундай ҳолат устида Абайнини чў-
читаолмади. Лекин Туғжон шошиб қолиб:

— Сувдан қандай ўтасиз Абай, отингиз қаерда? Бу
томонда қандоқ қоласиз? — деб, севикли дўстининг бо-
шига тушган бу ҳийинчиликни ёш қиз шу қадар сергак-
лик блан қарши олди.

Абай эндигина ўзига келди. Ўйласа, ҳақиқатла ҳам
бти нариги томонда. Ўзи ёлғиз. Қоровул суви тентак. Бу,

томондаги овулда қолишининг ҳеч ҳисоби йўқ. Энди ҳаялласа қўлга тушади. Бу ерда қўлга тушмаса, тонг отиши блан сув бўйида кўзга чалинади. Бу осон гап эмас, неғаким бу атрофда, айниқса сувнинг бу томонида Абайнин дўст деб қарайдиган, уни яқин кўрадиган биронта одам ёйқ.

Абай шу томонларини ўйлаб, айниқса шуидай хуш чирой блан қарши олган ёш аёлларни хавф остида қолдирмаслик учун тезгина кийиниб хайрлашди-да, чиқиб кетди.

Абай чиқиб кетаётган пайтда Туғжоннинг янгаси, бoshiga чопон ёпиниб, эшикни очиб олдин чиқиб кетди. Абай уйда қолган Туғжоннинг қўлини қаттиқ қисиб туриб:

— Қўрқма, Туғжон, бир илож қилиб ўтарман! Энди бундан буён хабарни Эрбўлдан кут? — деди.

Туғжон Абайнинг бағрига кириб, унинг бўйига оппоқ билагини солиб:

— Хайр, унумта! — деди.

Туғжоннинг меҳмондўст, хуш феъл янгаси Абайни эргаштириб қоронғида эшиккача олиб бориб:

— Азизим, бирга ўтиришга, сўзлашишга тўғри келмади, лекин дўстларинг борлигини кўрдинг! Бизни унумта! Фақат сувдан эҳтиёт бўлиб ўт! Хайр! — деди.

Абай бу келинчакнинг икки қўлини қўшиб ушлаб:

— Янгажон, унумтамайман! Бу яхшилигингизні ўлгу-иумча унумтамайман! — деб хайрлашди-да, кичкина эшикни кўп эҳтиёт блан очиб шошмасдан, салмоқлик қадам ташлаб кетди.

Қўрадан йироқлашиб кетгунча, Абайнинг хаёли ҳозиргина ўзи блан хайрлашиб қолган гўзал ва азиз жонларда бўлди. Кўз олдида ўшаларнинг симоси, кўкраги порлоқ нурга, чексиз шодликка, ҳақиқий бир баҳтга тўлган эди. Олдида гулдирос солиб оқаётган, ўзгача бир тошқиннинг шовуллаши эшитилиб турган бўлса ҳам, парво қилмади. Муз қўзғалиб, тентак сув тошиб кетибди. Гоҳ гумбурлаб тош кўчиб, гоҳ шапиллаб муз ёрилиб, шовиллаб оқаёттир.

Абай сув бўйида бироз туриб, аҳволини мулоҳаза қилиб кўрди. Кечиб ўтишининг ҳисоби йўқ. Қараса тонг бўзариб қолипти. Сувни бўйлаб, тўқай ичидан уёқ-буёқча бориб разм солиб кўрди. Ҳеч илож йўқ! Ҳаяллаган сайин кун оқара, атроф аниқ кўринаётир. Эл ўрнидан туриб чиқиши блан мана бу тошқинни кўргани келади. Айниқса

мол қўриқлаб кам ухлайдиган кексалар ҳаммадан олдин келишади. Суюндиқ овулининг атрофида Қунанбойнинг ўғлини пиёда юрган ҳолда кўришса, фақат бир қарорга келишлари мумкин.

Абай шунда ҳам қўрқмади. Юрагини қамраб олган шодлик бир нафас ҳам уни ташлаб, хавф остида қолганини сездирмади. Гарчи шу кунга қадар ёш бошига бундай мушкул иш тушиб кўрмаган бўлса ҳам, Абай ўз-ўзидан ажабланмади. Худли кўпни кўриб пишиб қолган катта кишилардек ўзини йўқотмас, шошмас эди.

У бир тўп сийраккина толнинг ичига яширинида, толнинг панасида туриб, Эрбўлнинг қистови томонга кўз солди. Қараса, нариги томонда бирор аланг-жаланг қилиб шошганича келёттир.

— Эрбўл! Ҳой Эрбўл! — деб қичқирди Абай.

Келётган Эрбўл экан. У Абайга қараб, енгини пастга қаттиқ силкитиб, «буқин!» — дегандай ишора қилди. Абай буқинмай тураберди.

Қоровул сувни қаттиқ тошиб кетган бўлса ҳам энгсиз эди. Эрбўл, бу мушкул холга Абайнини худди ўзи дучор қилгандай, рангги ўчган ҳолда юргурганича сувнинг бўйига келди. Абай чўчидими деб ҳам руҳи сиқилаётган эди. Лекин Абай унинг рўпарасига бориб, оғзининг таноби қочганича:

— Қани, қутқор энди! Мана бу Қоровул қўлга туширай деб туриби-ку! — деди.

Жар бошида турган Эрбўл бир сакраб сувнинг бўйига тушиб, Абайга қараб қичқириб:

— Сен шу толнинг орасида қимирламай туратур, ҳозир келаман, қўрқма! — деди-да, юргурганича қайтиб кетди.

Эрбўл уйига бориб, бироздан кейин катта қизил ҳўқизга миниб келди. Абай унинг от блан келмаганига ҳайрон бўлди. Эрбўл келиб, ҳўқизни қамчилаганича сувга тушди. Ҳўқиз музлик сувга тушгуси келмай, кўп қинқлик қилди. Ҳўқиз сувга бир тушиб олгандан кейин, ўёғига кетаберди. Сув у қадар чуқур эмас, лекин тез оқар сув, унинг устига яна муз оқаёттир. Ҳўқиз музлик сувдан ўтишга дуруст экан, писанд қилмай сувни тўғри кесиб ўтди. Сувнинг у юзига яқинлашиб қолғанда, Эрбўл ҳўқизнинг бошвоғини улоқтирди. Абай дарҳол бошвоғни олиб, тортабошлади. Эрбўл ҳўқизни қамчилаганича, сувнинг бўйига чиқди.

Абай Эрбўлни қутоқлаб:

— Ҳой, от қани? Нега от блан келмадинг? — деб юборди.

— Отларни олиб келмадим. Ана у овулдагилар ҳозир туришади. Муз кўчганини билишса ёпирилиб келишади.

Иккови қизил ҳўқизга мингалиб олиб, уни яна сувга солмоқчи бўлишган эди, ўжар ҳўқиз энди юрмай қўйди. Қаттиқ уриниш блан ярим соат ўтди. Диққати ошиб, чатнаб кетгудай бўлган Эрбўл қизил ҳўқизни сўка-сўка тинкаси қуриди-да, ниҳоят ҳўқизни ташлаб, тол орасидан бориб атрофга қаради. Кун чиқиши томон қизариб, олам ёришиб, ҳамаёқ қундузигидай кўринаётган эди. Бахтга қарши овулдагилар ҳали турмаган экан. Эрбўл атрофга кўз ташлаб олиб, юрганича кетди.

Абай бир нафас кутиб турган эди, ҳаш-паш дегунча Эрбўл қандайдир семиз кўк бияга миниб келди. Абай ҳайрон бўлиб:

— Ҳой, буни қаердан олдинг? — деди.

— Дамингни чиқарма, Суюндикнинг чўбони минадиган бия, ана у ерда ўтлаб юрган экан.

— Э, чўбон нима қилади?

— Нима қилгани блан нима ишинг бор?

— Қўйини нима қилади? Чўбони пиёда қолади-ку!

— Вой, хумтарей, чўбони эмас, пири пиёда қолмайдими! Сени душман қўлида қолдириб кетайми? Нима деяпсан ўзинг? Кел, тезроқ, мин! — деб гапни қисқа қилди-да, Абайнин оёғидан олиб, яйдоқ бияга миндириди. Абай дўстининг бу қадар жон фидо қилаётганини, унинг гапларига ўзида йўқ қувониб, миннатдор бўлганидан:

— Эрбўл тушкурей! Қандай ярлақогур эдинг! Асли дўст сен экансан-ку! Унутилмас иш қилдинг! — деди.

Унгача қизил ҳўқизга миниб олган Эрбўл, ҳўқизнинг бошвоғини Абайга узатаётуб:

— Қани энди, Абай, гапни қўй, юр! — деди.

Кўк бия музлик сув ичиди пишқириб, гандираклаб, тойғана-тойғана кетаётган бўлса ҳам, йиқилмади. Қизил ҳўқиз ҳам уни қора тортиб бориб, омон чиқди.

Икки йигитча сувнинг бу юзига ўтиши блан ҳўқизни ҳам, бияни ҳам қўйиб юборишиди-да, жарни ёқалаб хийла ергача биқиниб бориб, баландликка чиқишиди, сўнг, Эрбўлнинг уйига қараб кетишиди.

Уз қўрғонининг олдига етиб қолганда Эрбўл орқасига қараган экан, Суюндик овулининг ёнидаги тепанинг

бошига чиқиб, атрофга кўз солиб, биясини излаётган ҷубонни кўриб қолди.

— Кўк бия букунги хизматини адо этди. Букунча қўйга бормайди, қўйни пиёда боқасан!— деб кулиб қўйди.

Абай уйга кирмади, отни эгарлатиб, Эрбўлдан гоят миниатдор бўлиб, чин дестларча хайрлашди-да, Қоровул сувини ёқалаб, отини елдирганича кетди.

5

Қунанбой Қарқаралидан келганида элнинг олди уйлардан ўтовларга кўчиб чиқишган эди. Ҳар қистовнинг олдидаги кўкламзорда оппоқ-оппоқ, сурранг ўтовлар кўринарди. Чол-кампирлари бўлган уйлар ўтовларга бутунлай кўчиб чиқишмай, ҳавоси кенг ўтовларга ёшлиаргина чиқишган эди. Янги туғилган қўзилар, бўталар, бузоқлар ҳали ҳам қўра деворининг тагига, офтоб тушиб турадиган ерларга тиқилишарди.

Езинг ҳиди келиб қолган овул худди қўл блан безатиб қўйилгандай кўрниар, қандайдир ёшлик нафасига, энди туғилаётган ҳаётга тўлган; ғоят тўзал турли-туман мурғақ қўзилар, улоқлар қуёш нури остида ўйноқлашиб тинмай ма'рашарди. Юнги ҳилпиллаган бўталар ҳам кўринарди. Йилки ичиди қулоқлари узун-узун, жингалак жунлик, ширингина тоғчоқлар ҳам кўпайган эди. Узини тутиб олган бузоқлар ҳам думини гажак қилиб, тинмасдан, ўқдан-буёққа чопиб ўйнашарди. Мана шундай энди бўртиб, униб келаётган жонли олам ҳаёт тантанасини қўйлар эди.

Қунанбойнинг ҳар икки овули ҳам Жидебойда. Ҳар икки уйда ҳам қисир биялар соғилар, эртаю-кеч ялтироқ қора саноchlарда қимиз етилиб турар эди.

Фақат Қунанбойнинг ўз овулларигина эмас, Ирғизбой авлодидан бўлган Тўпай, Жуонтаёқларнинг ҳам кўп овуллари Қунанбойни зўр тантана блан қарши олди.

Бирнече кун давомида суюнчи сўраб елиб-югуриб юрган қариндош-уруглар энди гала-гала бўлиб, Қунанбойни кўргани келишар, эшикдан салом бераб келиб, қучоқлаб кўришиб, меҳмон бўлиб кетишар, сўнг, Қунанбойни кўп одамлар блан бирга зиёфатга чақириб, эртаю-кеч меҳмон кутишдан бўшамас эдилар. Бу йил қиши дуруст келиб, яхши ўтди. Сургўшtlар ҳам кўп. Қунанбойга атаб, бўрдоқига боқилган семиз қўйлар, қисир онани

эмис семирган тойлар ҳам кўп эди. Дун'ёдор биродарларнинг кўпчилиги Қунанбойни чақиргандада мана шундай нарсаларни сўйишарди. Уни кекса оналари, хотинлари, бола-чақаси, барча қариндош-уруглари блан бирга чақиришарди.

Зере ўғлига атаб қўйган кўк қашқани сўйди. Қунанбойнинг ўзи ҳам кўк қашқа атаб қўйган экан. Уни Кункенинг овулида сўйидирди. Бу таҳлитда усти-устига қашқа сўйишдан мақсад эл йигиб, қабила-қабиланинг яқинини-яқинга, ётини ётга айириб саралаб олиш эди. Жафо чекиб келгандада, шодланиб қарши олганлар ким? Қувониб қарши олмаганлар ким? Мана шуни билиб олиш эди.

Мана шундай ма'ракаларда катта-кичик қабилаларнинг бошлиқлари, оқсоқол-қорасоқоллари аралашиб, қуралашиб кетишиди.

Уша куз жангга аралашмай холис қолган Кўкше қабила бошлиғи Қоратой Қунанбойни шодланиб, қучогини ёзиб қарши олиб, энди унинг пинжига кириб олди, кечаю-кундуз ундан бир нафас айрилмади.

Кечагина «бадарға бўлди, енгилди, улуғликдан, бегликдан айрилди» дейилган Қунанбой, эсон-омон келдигина эмас, старшин бўлиб келди. Турли миш-мишлар дарров хотима топди.

Шу блан бирга Мирзахонлар келиб ҳикоя қилиб берган Қунанбойнинг ботирлиги ҳақидаги эртак ҳам атрофга дарров тарқалди. Бунинг устига мана бундай қўл қовишитириб кутнишлар, зиёфатлар, устма-уст сўйилаётган оқ қашқа, кўк қашқалар фақатгина Қунанбойнинг келганига қувонганликдан эмас, бундан мақсад яна бошқаларни сафга тортиш, фотижани ўртага солиб қайтадан топишиш, тарқалиб кетганларни қайтадан йиғиши, камчиликларни тўлдириш — қисқаси уларнинг кўз олдидага ўзининг аввалги обрўйини тиклаб олиш эди.

Мана шундай бошқаларга кўрик, ўзларига ҳузур бўлган зиёфатлар ярим ой давом этди. Бу пайтда бутун эл қистовларидан кўчиб, кўкламда турадиган жойларига қараб кетмоқда эди. Энди огуллар ҳам бир-биридан, куздагидек, йироқлашиб ўтиришарди. Энди ҳар кун тўдатўда бўлиб Қунанбойнинг уйини босаётган меҳмонлар ҳам анча пайсаллаб қолди. Шундан кейин Қунанбой меҳмонлардан ортиб бола чақасига қолди.

Қунанбой ҳозир водига жойлашган Улжоннинг овулида уч-тўрт кун меҳмон бўлди. Кункенинг овули ҳам

буларга яқин ерда эди. Абай шу кунларда отасининг сочидаги оқи күпайиб, юзини ажин босганини пайқади.

Тушлик овқат чоғида Кунке, Қудойберди, Ойғизлар Улжоннинг уйига йиғилишиб ўтиришарди. Қунанбой Зерега қараб бутун оиласига тааллуқли бир гап гапирди. Уша узоқ сафарда юрган чоғида қылган армонини айтди: Шу йил Қунанбийнинг ёлғизлиги ўзига қаттиқ билинибди. Ўйлаб қараса, құллаб-құлтиқладиган оға-иниси, суюнчиғи йүқ экан. Болаларининг ҳаммаси ёш, ундан кейин болаларини уйлантириб, набираларини әркалатиб ўтирадынган ёшга етган бўлса ҳам, дун'ёнинг шу қизифини кўришни кечиктириб юборган экан. Шундай қилиб энди болаларимнинг орзу-ҳавасини кўрсам, деган фикрга келибди.

Унинг бу ниятини Зере бошлиқ ҳамма оналар шодлик блан қарши олишди. Орзу-ҳавас нима? Бунинг оқибати нима бўлади? Бу — етилган ўғилларни уйлантириш, сўнг набираларни севиб, әркалатиш деган гап. Бу иш ҳарқандай одамнинг кўзига ҳам баҳт-саодатдай кўринадиган нарса. Сўз орасида Қунанбой: «шу сафар, аввало худо қолаберса, суюнчиғим қудаларим бўлди. Ҳалол дўстликни, ҳақиқий одамгарчиликни ўшалардан — Олшинбой, Тинибойлардан кўрдим. Яна Тўбуқтидан терговга кетаётган чоғимда йўлда Тасбўлат авлодидан бўлган Бойтос ҳам кўп яхшилик қилид» деди.

Үдагилар Бойтоснинг номини илгари эшишишмаган эди. Қунанбой ўша сафарга кетаётган чоғида, бир ишни кўнглидан ўтказнити. Бойтоснинг Эркежон деган қизи бор экан, шупи думбул Ўспонга айттириб қўяқолипти. Утирганлар, айниқса оналар Ўспоннинг оёғига боғ тушганини ўзига қашдай қилиб билдириш, қайси йўл блан онглатишни кула-кула муҳокама қилишди. Ҳаммаси бу гапларга хайрлик бўлсин, умр-жонларига барака берсин деган фотиҳа блан розилик билдиришди.

Шундан кейин Қунанбой Улжоннинг иккита катта болалари тўғрисидаги гапга кўчиб, яна бир янгилик айтди. Бу — Такежон тўғрисида эди. Утган йил қуда тушиб қўйилган Такежоннинг яқин кунларда тўйини қилмоқчи экан. Қуда томон қалин молини олиб бўлган. Энди чўзишнинг нима ҳожати бор? Бу ҳам уй-жойлик бўлсин, ўзидан тинсин. Иккинчиси шу ерда ўтирганларнинг бошидаги катта ташвишларнинг каттаси Абайни қаллиғининг олдига юбориш масаласи эди.

Қунанбой шу сафар Олшинбой блан маслаҳатлашиб, тўйни шу кўкламга тайин қилишилти.

Ҳақиқатда ҳам, ўзга қудалардан Олшинбойнинг йўли бўлак. У Қунанбойга жонажон дўст бўлиши блан бирга, ўзи Орғин элининг отоғлик, Қазибек Тиленши авлодидан. Бу атрофдаги қозоқларнинг ичидаги улардан азиз, улардан улуғ ўтган одам йўқ. Шундай жойга қуда бўлиш осон гап эмас. Бу — беҳисоб молу дун‘е сарф қилиш деган гап.

▲ Қунанбойнинг бу ниятини ҳам оналар яхши тилаклар блан қарши олишиди. Фаҳат Зерегина:

— Эл яйловга чиқиб, орқа-олдига офтоб теккандаги борилса яхши бўлмас эдими? — деган эди, унга Қунанбой:

— Бу гапининг ўринлиқ-ку, лекин Олшинбойнинг ёзлиқ яйлови четда, йироқда. Бориш-келишга йўл олислик қиласди. Йўл йироқ бўлгандан кейин юриш ҳам қийин бўлади. Ҳайдаб бориладиган мол ҳам уриниб боради. Яна куда томонга борадиган кексалар ҳам бор, уларга ҳам қийин бўлади. Мол семирсин деб ўтиришнинг хожати йўқ. Шукур, қўлимизда семиз мол ҳам бор. Шундай бўлгандан кейин, худо хоҳласа, шу беш-олти куннинг ичидаги ҳозирлик кўриб, сафарга чиқинглар, — деди сўнг Улжонга қаради — ўзинг борасан-да, қуданинг уйига болангни ўзинг бошлаб борасан! — деди.

Улжон буни ҳам шодланиб қарши олди. Шу гап чиққандан кейин уй ичининг бор маслаҳатларни, бутун кенгашлари ўша Олшинбойнинг овулига борганга яраша, уялиб қолмайдиган бўлиб боришни устида кетди.

Қунанбой бошлаган ишини кечиктириб, кўп чўзабермас эди, ўша ондаёқ, қуда томонга кимлар боришини, қанча туёқли мол, қанча йиртиш, қанча пул, қанча кумуш юборилишини айтабошлади. Турган гап бу маслаҳат узоққа чўзилди, негаким, йиртиш бўлсин, беҳисоб ирим-чириларга кетадиган нарсалар бўлсин, ҳаммаси шу гап очилган пайтда аниқ белгиланиши керак эди. Улжон шуларнинг ҳаммасини аниқлаб олмоқчи бўлди.

„ Етмиш етти от, ўтиз тия олиб бориладиган бўлди. Қунанбойнинг саман оти блан жийран оти юртнинг оғзида Қунанбойини Олшинбойдан аяйдиган нарсаси йўқ. Шунинг учун у, олиб бориладиган отларнинг ичига саман от блан жийран от ҳам кирсии, молнинг боши шу бир пар от бўлсин деди.

Бундан кейинги катта ҳозирлик талаб қиласидиган нарса йиртишга бериладиган газлама эди.

Шу нарсаларни олиб келиш учун шу кечанинг ўзидаёқ, Изиқутти блан Қудойберди Семей шаҳарига жўна-тиладиган бўлди. Булар у ерга бориб Тинибой блан маслаҳатлашиб, керак-яроқни олиб, тўрт кунда етиб келишадиган бўлишиди.

Бу маслаҳатга болалардан фақат Қудойбердигина иштирок этди. Бошқа болалар кейин эшишиди.

Ҳарқайси бола ўз бошига тушиган бу нарсани ҳархил қарши олди. Ойғиз блан Изиқутти кула-кула Үспонга:

— Сенга қаллиқ айттириб қўйдик! — дейишганларида, у аввало тушунолмай:

— Қаллиқ деган нима? Хотинми? — деб сўради.

Изиқутти унга тушунтириб бўлиб, қалай, нима дейсан деган эди, Үспон ўйлаб-нетиб ўтирамасдан:

— Ҳа, оламан... Бўпти! Хотинми?... Хотин керак! — деди.

Бу хабарни Абай дамини чиқармай, эсанкираб, ранги ўчиб кетиб қарши олди; руҳига муздек бир нарса теккандай, сесканиб кетди. Шу онда Түғжон ёдига тушиб, гўё унинг олдида жиноят қилаётгандай бўлди. Абайга бу янги хабарни онаси айтган эди. Боласидаги бу кайфият унга ёқмади. Лекин ичидан «уялганидан бўлса керак» деган қарорга келди.

Абай бирнечча кун қаттиқ тўлғаниб, барчадан бегоналашиб, хаёл дар'ёсига чўмиб юрди. Мана, булар қаллиқ айттириб қўйди. Шу сингари айттириб қўйилган куёв Түғжонда ҳам бор. Қаллиқнинг олдига бормай, уйланмай илож йўқ. Ота блан онасининг изми шу. Бормайман дейишга ҳечқандай сабаб ҳам йўқ. Бор юраги, бор умиди Түғжонга қараб интилаётган бўлса ҳам, мана бу тузоқҳа тушмай чора йўқ. Мана шундай-руҳи бир тараф, вужуди бир тараф бўлиб парчалангани ҳолда чор-ночор, бўйнидан бойлагандек, қаллиғининг уйига боришга отланди.





Ю К С А Л И Ш Д А

1

Улжон қудасининг овулига ўттизга яқин одам блан борди. Олшинбой булар келиши олдидан суви мўл, кўмкўк далага ўрнашган экан. Қозбекбийнинг ўзидан тарқаган овуллар, яқин қариндош-уруғлар бўлиб, қирққа яқин овул шу ерда эди.

Қудалар келишини назарда тутиб булар бияларини ҳам йилдагидан олдин бойлаган эди.

Урфи-одат бўйича Улжон ўзи блан келаётган бир гала кексалар блан қудасининг овулига, куёвлардан яrim кун олдин келиб тушди. Хотинлардан Улжон блан бирга Калика, оқсоchlардан Қатша бирга келди. Эркаклардан қудабоши Изиқутти, у ҳам бирқанча оқсоқоллар, ашулачи йигитлар, отбоқарлари блан келди.

Абайнинг ёнидаги куёвновкарлар ўн икки киши эди. Буларнинг кўпчилиги Иргизбой элининг ёш-яланглари бўлиб, яна аскияти Мирзахон, чолар Жумоғул, ака-укаларидан Такежон ҳам бор эди. Абай ўзи айттириб юбориб, буларнинг ичига Эрбўлни ҳам қўшиб олган эди. Етти-саккиз кунлар йўлда Абай блан Эрбўл бир нафас бир-биридан айрилишмади.

Улжон Олшинбойнинг уйига кўп дун'ё блан келди.

Олиб келган от ва туялардан ташқари йиртишга бериладиган матоларнинг ўзи икки катта туяга ортилди. Келиннинг сарпаси турли-туман ҳимматбаҳо буюмлар: бахмаллар, мовутлар, кимхоблар бирор сандиқ чиқса, тойтой қилиб болгланган бошқа нарсалар, хотин қудаларнинг сарпалари — пешмат, камзул, кўйлак, чорсилар эди. Яна бирқанча лозиматга қўйиладиган нарсалар бор эди.

Келтирилган дун'енинг олди кумуш ёмби Олшинбойнинг ўзига аталган эди.

Бундан ўн йил илгари Қунанбой Дилдани Абайга айтириб қўйгани келган чоғида катта қуда Қунанбойнинг олдига той-түсқ кумуш қўйган эди. У кумуш мана бу ёмбидан кичик бўлади. Аслида-ку урфи-одатта қаралганда, қуда томон нима қўйган бўлса, бу томон ҳам ўшанг қараб нарса кўйиши керак. Лекин Қунанбой уни ҳисоблаб ўтирумай, Олшинбойнинг қўйган нарсасига яратагина нарса қўйиб юбормади, ҳимматни катта қилди.

Қиз томон қудаларнинг бу баланд ҳимматини, нақадар мардлик блан бел боғлаб келганини қудалар келган куни кечасиёқ билган эди. Олшинбойнинг ҳам қўлидан келганини аямаслиги, мардликка-мардлик қилиши ҳам ўша кечанинг ўзида ма'lум бўлган эди. Олшинбой хотин қуда блан куёвларга атаб алоҳида учта катта ўтов тикирди.

Қудаларга олдидан семиз тойлар, ғунан қўй гўштларидан пиширилган овқатлар тортилди. Олшинбой Улжон ўтирган уйнинг эшигини очтириб, рўпараонга бир осов семиз саман тойни кўндаланг қилди-да, сўйиш учун меҳмонлардан фотиҳа олдирди.

Шу пайтда Абайлар ҳам Олшинбой овулидан бир чақирим нарига келиб тўхташган эди. Такежон, Мирзахонларга ўхшаш ёши каттароқ йигитлар куёвларни ўша ерда қолдириб, қуда томонга хабар бергали кетишли. Абай блан Эрбўл уч-тўртта йигитлари блан отдан тушиб, куёвларни қарши олиб чиқадиган қиз-жувонларни кутиб туришиди.

Абай бундан кейин бўладиган турли-туман расм-таомилларга кўнганини бўйнига олиб, Эрбўлга:

— Шу уйланиш деган нарса ота-оналар учун ҳам, ёшларнинг ўзи учун ҳам бир шодлик-ку, шундай эмасми? Шундай бўлгандан кейин ўша хайрли дамга етгунча ирим-чирим, урфи-одатдек, куёв блан келиннинг йўлига турли қийинчиликларни тўғаноқ қилгани нимаси? — деди.

Эрбўл кулиб:

— Рост айтасан. Мана шу топда ким келади, қандай шўх янгалар келади, бизни не олпозларга солади деб менинг ҳам юрагим пўкиллаб турипти! — деди.

Жумоғул ҳам куёвларнинг ёнида қолган эди. У алла-қачон уйланган, бундай қийинчилликларнинг ҳаммасини бошидан ўтказган. Шунинг учун ҳам Абай блан Эрбўл уни, йўл-йўруқ кўрсатиб туриш учун, олдимизда битта-яримта бу ишларни бошидан ўтказган одам бўлиши керак деб олиб қолишган эди.

Жумоғул овул томонга бир қараб қўйиб:

— Ҳали тўхтаб тур, бошингда жиганг йўқ деб, қиёмат қилишади! Тумоғингни кўзингга тушириб киймасанг, қулоқ чакканга тортиб юборишдан ҳам тоймайди. Эрбўл икковингни ҳали кўп алпозларга солишади. Қўлингдан нима келади, бўйсуниб тура берасан,— деди.

Жига тақиб бориш ҳамма куёвларга одат. Бугина эмас, бу атрофдаги куёвларнинг ҳаммаси ҳам, одат бўйича, қизил кимхоб тўн, баланд пошналиқ этик, бошига куёвлар киядиган чўққи тумоқ кийиб, ўша тумоққа яна жига ҳам тақиб боради.

Абай ўз овулидан чиқаётган чоғида Зере блан Ойғиз Абайга ҳам шундай кийимларни кийдириб юборишди. Қари энаси бошқа вақтларда Абайнинг кўнглига қараса ҳам бу гал қарамай, қаттиқ туриб олди-да:

— Ота-бобонгдан қолган одат. Борган ерингдагилар сендан гина қилмайди, отаси куёв, онаси келин бўлмаган эканми деб айни бизга қўяди. Кий! — деди.

Абай ўша куни бу кийимда ўзини худди а'ламларга, баҳши-қушночларга ўхшатиб, ўз овулидан чиқиши бла-ноқ, Улжоннинг ёнига келиб:

— Ёпирим, мен куёв бўлсан, Бўшанг элига куёвдирман. Тўбуқти, Таракти элига ҳам куёвманми, янги бўлган жиннинг ўхшаб, йўл-йўлакай мен куёвман деб, жар чиқариб боришнинг нима кераги бор? Рухсат беринг, ўша ерга борганде киярман, ҳозирча ўз кийимимни кийиб борай,— деди.

Улжон, энсаси қотиб кетган бўлса ҳам, кўнди. Абай ўша а'ламларга ўхшатиб кўрсатадиган кийимларни киймаган, жигалиқ тумоқ, қизил кимхоб тўн хуржунда эди. Жумоғул Абайнинг ҳақиқатда ҳам юраги пўкиллаётганини пайқаб:

— Барақботирдек одам ҳам: «қуроллиқ ёвдан чўчи-

маган юрагим уйлангали борганда янгалардан чўчиди» деган, биласанми? Қўрқишгаку, ҳали хўп қўрқасан-а, лекин охири хайрлик бўлади. Менинг билганим шу,— деб Абайни кулдириб юборди.

Эрбўл Жумабойга ёлвориб:

— Ҳарқалай, қандоқ та’зим қилиш керак, ким келганда ўриидан туриш керак, қай вақтда тумоқни кўздан олиб, бемалол ўтириш мумкин, ҳаммасини ўзинг айтиб тур! — деди.

Абай Эрбўлнинг ғамхўрлигини кўриб, беихтиёр ўйланниб қолди. Мана бугун у куёв ўтадиган бўсағадан Абай блан бирга хатлайди, Абайнинг ҳаёлига келмаган нарсаларни суриштираётир. Бу — чинакам содиқ дўстнинг иши. Абай икки орадаги дўстлик тошқиндан ўтилган минутларда чўққисига чиққан деб ўйлаган эди. Броқ Эрбўл ҳозир унинг назарида буткул бошқа одам бўлиб кўринди. Қани у илгариги Эрбўл? Бунинг қайси бири яқинроқ? Қайси бири қимматлироқ?

Мана шу сафарга чиқнишган кунлари Эрбўл Абайга ўзгача бир салом олиб келди. Туғжон бунинг Абай блан бирга қиз томонга боришини эшишиб:

— Ойдек ботдию, зулматда қолдириб, сарсон қилди кетди! Лекин шунда ҳам унга оқ йўл тилайман! Бахтли бўлсни, салом айт! — депти-да, Эрбўл жўнаб кетаётган чоғида, рўмолини кўзига босиб йиғлаб қолипти.

Абай бу гапни эшиганидан кейин, йўл бўйи қай аҳволда кетаётганини ҳам билмади. Ўзини бир зўрлик, бир мажбурият остида ноилож кетаётгандай ҳис қиласади. Мана шу аҳволда, куёвлар ўзларини қарши олиб чиқадиган одамларни кутиб тураркан, бир тарафдан хотинларнинг кулгиси эшитилди. Бир нафасдан кейин кўп чўлни шилдираши ҳам эшитилабошлади. Куёвни қарши олиб, оқ рўмол ўраган жувонлар, укпар таққан камчат телпаклик қизлар, бирқанча болалар югуришиб келишаттани эди.

Абайлар бир тўп бўлиб туришган эди. Ҳалигилаар яқинлаб келишганда, олдинда келаётган жувонлар:

— Қайси биттаси Абай?

— Куёв қани!

— Нега ҳаммаси бирхил кийинган! Нега куёв сарпо киймаган! — леб, келиб қўришабошлаши.

Ҳалиги товушларини эшигандан Абайнинг юраги арзикаб кетди; бироз ўзини тўхтатиб олгац кулимсираб:

— Қайси биттамиз ма'қул бўлсак ўшанимиз Абай бўлсин! — деди.

Жигалар кулиб юборишди-да, дарҳол Абайнинг танишиди. Абай шу эканини билиши блан бир ёш келин:

— Қўй, чироғем! Бу тумоғингни ўша Тўбуқтингга борганда киярсан, бизнинг овулга куёв тумоғини кийиб кир! — деди.

Ҳалиги жувон кулиб Абайнинг сармоларини излай-бошлиди. Жумағул қанжуғасидаги хуржунни ешиб олди-да:

— Айтгани эдим, кий десам, ҳеч қулоқ солмади, мана энди ўзларинг ўргатиб қўйиннинг! Ҳамма кийими мана, менинг қанжуғамда,— деб куёвнинг кийимини берди.

Янгаларга эргашиб келган болалар иккитадан, учтадан бўлиб, йигитларнинг отларига минишиб, чоптириб кетишиди. Абай ёли оқ сариқ йўрғага миниб келган эди. Куёвнинг оти блан кул таши деган гап бор, турган гап энди оқ ёллиқ отни кўз очиришмайди.

— Ўзи ҳам йўрға экан,вой жуда яхши экан! — деб Абайнинг отига уч бола мингашиб олиб қаттиқ йўрғалашиб кетишиди. Олшинбойнинг овулита куёвлар блан қизжувонлар пиёда кетишиди.

Куёвга атаб тикилган уй бошқа уйлардан ўзгачароқ бўлиб, каттакан оппоқ, жиҳоз кам эди. Жой кенг бўлсин деб, кўп нарса киргизилмаган эди. Лекин уйнинг керегалари кўринимасди. Ўтоянинг ичини айлантириб турлатуман қимматбаҳо гиламлар, гул кўрпалар тутиб ташланган, чиройлик ранглар бериб тикилган ажиб нусхалик чойшаплар, қизил-яшил товланиб, уйни яшнатиб юборган эди. Остонадан тўргача тақир гиламлар, атрофига бахмал ва кимхобдан гул солинган катта-катта наматлар солинган. Қават-қават янги кўрпачалар ёзилиб, кашта тикилган катта-катта ёстиқлар ташлаб қўйилган. Бу уйда катта нарсадан фақат қимматбаҳо суюклар қадаб ишланган ажойиб каравот бор эди. Унинг устига ўнбеш қават қилиб шойи, атлас, адрас кўрпалар, момиқ тўшак, каттакатта оппоқ момиқ ёстиқлар йигиб қўйилган эди. Кўкимтил-қизғиши товланиб турладиган, ипак гажим тутилган шойи чимилдиқнинг бир чети кўтарилиб қўйилган бўлиб. Фақат каравотнинг бош томонини тўсиб турарди. Абай шу каравотнинг олдига келиб ўтирганда, унинг икки томонига Эрбўллар ўтирумай, қайнин сингиллар, қайнин эгачилар, қизнинг ўртоқлари ўтиришди.

Эрбўл, Жумоғуллар улардан юқорироқда ўтиришдя.
Улар ҳам ўз тўпи блан ўтирмай, қулоқларига катта-катта
исирға тақсан, камчат телпак кийган барваста-барваста
қизлар блан аралаш ўтиришди.

Куёвлар эндигина шу тартибда жойлашинб ўтиришган
эди. Эшикдан учта жувон кириб келиб:

— Чимилдиқ, чимилдиқни тушир! — дейишди.

Абайнинг ёнида ўтирган оппоқ пахтадеккина бир қиз
ирғиб туриб, атлас чимилдиқни шилдиратиб тушириб
юборди. Ўнгача, ҳалиги жувонлар эшикни очиб юбориб:

— Киринг, киринглар! — деб, эшик олдида турган-
ларни таклиф қилишиб-да, куёвлар томонга қараб: —
Қани, йигитчалар! Оналарингиз келишаётир! — деди.

Абай, Эрбўл, Жумоғуллар ҳалиги қизлардан тортиб
ҳаммаси ўрнидан турди.

Чимилдиқ туширилтан эди. Учта кекса хотин уйга
кириб келди. Ўртадаги қора тўри келган семиз хотин
Абайнинг қайин энаси, Олшинбойнинг катта хотини, унинг
ёнидаги ўрта яшар оқ-сариқдан келган хотин Абайнинг
қайнанаси, Тусипнинг хотини эди.

— Қани оналар, кўрманани чиқаринг!

— Кўрмана қани?

— Бўлмаса болангизни кўрсатмаймиз, уялади! — деб,
ҳалиги жувонлар қий-чув кўтариб қулишганича, чимил-
диқнинг четини ушлаб олишди.

— Мана, кўрмана сизларники, олинглар! Қани, бола-
мизни кўрсатинг, юзини очинглар! — деб эна қўлига со-
чиқ олган эди, атлас чимилдиқни очиб юбориши. Куёв
йўлдошлари блан ерга қараб та'зим қилиб турган эди.
Энаси:

— Умри-жоннингга барака берсин, чирофим! — деб,
Абайнинг устидан бир товоқ мева-чева, конфетларни со-
чиб юборди.

Абайларга қараб кулиб турган қизлар дув ёпирилиб,
қийғос-сурон кўтариб, талашиб-тортишиб ҳалиги сочиқни
терабошлишди.

— Қадамииг қутлуғ бўлсин! Кўп ой, кўп йилларга
ўйнаб-кулиб етишинглар, чирофим Абай! — деди. Абайнинг
қайнанаси ҳам.

Куёвларнинг жавоб қайтариши шарт эмас, шунинг
учун улар индамасдан, қатор турабериши.

Шу пайтда икки она яқин келиб Абайнинг юзидаи
ўпид қўришиб-да, кўп тўхтамасдан чиқиб кетишиди.

Абай бугун кечқурундан буён ўзининг аҳволига, кўришига кўниколмай, қаттиқ сиқилаётган эди. Бир томондан ҳалиги узун чўққиљик тумоқ ҳадеб кўзига тушганидан безор бўлиб, терлаб-пишиб ўтиради.

Абайнин сўнг даражада қийнаётган нарса келиб-кетаётганлар, чимилдиқдан мўралаётганлар, мана бу қатор ўтирган қиз-жувонларнинг қайта-қайта қараши эди. Булар гўё:

— Куёв кўҳлик эканми?

— Қизимизга муносиб эканми?

— Ўтириши қандоқ!— деятгандай бўлар эди.

Бир уй бўлиб куёв блан ўтирганлар, бошда унчалик очилиб ўтиришмади. Жумоғул, Эрбўллар ҳам, бошқалар ҳам ҳазил ва асқияни бошламай, сиполик қилиб, ўз ёнларида ўтирган қизлар блан секин-секингина сўзлашиб ўтиришарди. Абай шу уйга киргандан буён ўзидан юқориyoқда ўтирган иккита-учта ғоят яхши кийинган чиройлик қизларнинг кўринишига, уларда бўлган ўзгача латофатга — юзларининг ҳаддан ташқари оқлиғи, ёноқларининг қипқизариб ёниб туришига қараб ҳайров бўлиб ўтиради. Абай Қарқарали атрофидаги Бўшонг элининг бўй етган қизларига упа-элик суртиш қадимдан, оналардан қолиб келаётгандигини билмас эди.

Чойдан сўнг куёвлар ўтирган уйга бир гала бўлиб Такежон ва Мирзахонга ўхшаш ҳали куёвлардан айрилиб кетган каттароқ йигитлар, ашулачилар, асқиячилар, шу овулнинг ёш-яланлари кириб келишди. Булар келиши блан ашула, асқия, ўйин-кулги бошланиб, мажлис ғоят жонланиб, руҳланиб кетди.

Куёвни қуршаб ўтирган қиз-жувонларнинг сони йўқ. Лекин мана шу уйни бошига кўтариб, ўйин-кулги қилаётгандарнинг ичидаги ўтириши керак бўлган қаллиқ Дилда бўлса, ҳали кўринмас эди.

Абайнинг бу келиши тантанали келиш, оқсоларга келиш, ба'зан уй кўргали келиш, ба'зан қўл ушлагали келиш деб ҳам аталади. Бу биринчи келиш ўзга келишлардай эмас, бошқачароқ бўлади. Биринчи келишнинг аввалги кунларида куёв кўп ишларга кўнабилиши керак. Бу келишда куёв осонлик блан қаллигини кўраолмайди.

Узаро топишиб, қуда тушган ота-оналар шу биринчи келишига аввало катта тўй қилиб бериши керак. Тўй осон гап эмас. Тўй деган нарсани орқа-олдини ўйлаб, зўр ҳовирликлар блан қилинади. Ўша тўйдан кейингина куёв

блан келиннинг қўл ушлаш кечаси бўлади. Шундай қилиб, яна икки кунгача куёв ўз қаллиғи кимлигини ҳам, қандайлигини ҳам билаолмайди.

Абайлар келган куннинг эртасига Эрбўлнинг ўзи бориб Дилда блан сўрашиб, юз кўришиб келди. Дилданнинг ҳуснига кўнгли тўлиб, хурсанд бўлиб келган Эрбўл буни Абайга айтиб бермоқчи бўлиб, Дилданинг кўринишидан, қандай ўтирганидан гап бошлаган эди, Абай эшитгуси келмай, гапни бошқа ёққа буриб юборди.

Ёшлар энтикиб кутаётган тўй, Абайлар келганидан кейин ниҳоят учинчи кун деганда бошланди. Букун Абай ўтирган уйга беҳисоб хотин-қизлар келиб кетмоқда. Азондан буён тўп-тўпи блан бирқанча кексароқ хотинлар, қиз-жувонлар, янгалар келиб кетишиди. Жумоғул блан Эрбўл ҳормай-толмай буларнинг ҳаммасига ўрнидан туриб, ҳурмат блан та'зим қилишар, ҳалидан-ҳали Абайга:

— Қани, тур!

— Ана, келишаётир!

— Қани тур, одамлар келиб қолди!— деб уни ўрнидан турғизиб, та'зим қилдиришарди.

Бугун куёв ўтирган уйда базм. Меҳмонлар қуюқ-суюқ овқат, турли-туман мева-чева, усти-устига киргизилаётган чой ва қимизлар блан кутилмоқда. Ҳалидан-ҳали куёвнинг устидан сочиқлар сочилаётир. Дўмбира, ўлан, ўйин-кулги, асқия, базм сўнг даражада руҳлик.

Вақт тушга яқинлашиб, ёшлар тортилган гўштларни еб бўлган пайтда ташқаридан:

— Тўй бошланди! Тўй!

— Отга, отга мининглар,— деган овозлар эшитилиб қолди.

Абай блан уйдаги эркакларнинг ҳаммаси эшикка чиқишиди. Куёвларнинг отлари эгарланиб, қатор қилиб кермага боғлаб қўйилган экан. От устидаги қилинадиган бутўй-тамошо, ўйин-кулгиларни кўришга куёвларга ҳам рухсат этилади. Қиз-жувонлар огулда қолди-да Абай ўн-ўнбеш куёв новкорлари блан отга минди. Булар кўпчиликка қўшилмай, бир тўп бўлиб, четроқда туришди.

Куёвлар блан куёв томондан келганлар эрта отлашишган эди. Абай Олшинбойнинг огулидан хийла нарига бориб Эрбўл блан бир четга чиқиб кенг, яшнаган дала-даги огулларнинг меҳмон кутишини тамоша қилабошлиди.

Бу тўй Олшинбойнинг орзу-ҳавас блан зўр ҳозирликлар кўриб, зўр тантана блан қилаётган катта тўйи. Келганинг меҳмонларнинг отлари кенг далада тўп-тўп бўлиб қорайиб кўринарди. Олшинбой овудидан бир чақирим нарида, кўкаламзорда икки ҳатор қилиб, эллик-олтмиш уйтикилган. Тўйнинг катталиги айниқса мана шу тўйга атаб тикилган уйлардан-меҳмонхоналардан очиқ кўриниб туради. Катта қозон шу меҳмонхоналарга яқин ерга қурилмай, Абайлар тушган овулнинг четига қурилган. Шу ер товонхона. Меҳмонларни кутаётган йигирматача йигит товонхонадан чиқиб, ўша йироқдаги меҳмонхоналарга қараб югуриб кетишмоқда. Буларнинг ҳаммаси от устида, бошларига оқ сурп боғлаб олган.

Бу тўйнинг яна бир ўзгача салтанати шуки, бу йигитларнинг ҳаммаси йўрга отларга мингандан. Отлар қора терга тушиб, елдек учиб кетаёттир. Ўша йигирма йигит, икки қўлига товоқ кўтариб, Олшинбой овудидан ҳалиги меҳмонхоналарга етгунча отларнинг бошини қўйиб бериб кетишаёттир. Буларнинг орқасидан бирқанча кексароқ одамлар бормоқда, булар ҳам от устида, лекин уларнинг қўли бўш, товоқ ташиётганларнинг орқасида ўшаларнинг отини қамчилаб кетишаёттир. Товоқ кўтарган эпчил-чаққон йигитлар товоқлардаги овқатни тўқмасдан, меҳмонхоналарнинг олдига келиб тўхтайди. Эшик олдида турган оқсоқол, қоросоқол тўйбошилар товоқларни дарҳол йигитларнинг қўлидан олиб, шўнғиб меҳмонхонага кириб кетишаёттир.

Шундай қилиб, ҳозиргина сузилган гўшт лип-лип этиб қўлдан-қўлга ўтиб, совимасдан этиб келаёттир.

Меҳмонлар одатдагидек овқатни кўп емакда. Ўша йигирма йигит меҳмонхона блан товонхона ўртасида тинмай қатнамоқда. Меҳмонларни бу хилда иззатлаш Абайлар уйда ўтирган пайтдан бошланган эди, Абайлар ташқарига чиққандан буён анчагина вақт ўтган бўлса ҳам, давом этаёттир. Тўйга келган ҳалқ меҳмонхоналарнинг ҳарер-ҳарерига ўрнатилган катта-катта мешлардаги қимизларни ҳам ичиб, мешларни сиқиб, товоқларни ҳам бўшатганларидан кейингина отларига мивабошлишди.

Ташқаридан бўладиган ўйин-кулги — пойга, улоқ, от устида учиб келиб, ердаги тангани илиб кетиш, кураш — ҳаммаси ҳам мана шу бугун бўлди. Тўй тамом бўлиб, кеч кирган пайтда, уй-уйларига кетаётган кексалар:

— Қиройи тўй деганга арзийдиган бўлди!

— Олиб келган қалин молига яраша Олшинбой ҳам ҳимматни баланд қилди!

— Биринчи келиш тўйининг ўзи катта тўйдек бўлди, бундан ортиқ нима қилсин,— дейишиб тўйни мақтай-мақтай қайтишиди.

Шу кун кечқурун Абай биринчи марта қаллиғини кўрди.

Бугун кечқурун куёвнинг уйига одам сиғишмай кетган. Ҳозир бу уй Олшинбой, Улжон, Изиқутгилар бошлиқ икки томоннинг ҳам катта-катталари, тўй бошлиқлари блан лиқ тўлган. Абайларнинг олдига чимилдиқ туширилиб, ёшларни катталардан айриб қўйилган эди.

Бу уйда ҳозир фақат катталаргина товушини барада қўйиб сўзлашиб, кулишиб ўтиришарди. Чимилдиқ ичидагилар пичирлашиб сўзлашар, секингина кулишарди.

Шу таҳлилда бироз ўтирганларидан сўнг, пойгакда ўтирганлар қўзғалиб қолишиди. Бўсағага яқин ўтирган келинчаклар сакраб туриб, чимилдиқни тортиб эшикка улаштириб туришиди. Шу пайтда эшикдан бошига қизил шоҳи камзул ёпиниб, юзи-кўзини ҳам ўраб олган қаллиқчани ўрталарига олиб бир тўда қизлар кирди.

Абайлар Дилданинг фақат бўйини кўришди. Ковушкини ечаётган чоғида Дилданинг қадди-қомати матолги-наю, лекин қотма, ғоят новча бўлиб кўринди.

Абайнинг ёнидан жой бўшатилди. Қаллиқча, бошида чопон блан, шу ерга, Абайга хиёл орқасини ўгириб ўтиреди.

Абай қаллиқчаси блан сўрашармиз деб ўйлаган эди, лекин қаллиқча Абайга юзини ўгирмади. Шунинг учун иккени сўрашаолмади.

Дилда келиши блан, тўрда ўтирган катталарга ҳам, чимилдиқ ичидаги ўтирганларга ҳам ош тортилди. Лекин куёв блан келин ошга қўл урмади. Ошдан кейин тўрда ўтирган домла хутба бошлади. Бир коса совуқ сув тўрдан айланиб келиб Абайга узатилди. Абай бир ҳўплаб, Дилдага берди.

Шундан кейин иккита янга, кулимсираганича, астагина келиб Абай блан Дилданинг рўпарасига ўтиришдида, Дилданинг ўнг қўлинини бир қават шоҳи блан ўраб Абайнинг қўлига ушлатишиди. Абай Дилданинг нозик бармоқларини кўпроқ тутиб қолган эди, янгаларни били тегишиб:

— Ўху! Қўлинг ёпишиб қолдими! Қани, буёқча бер

қўлингни! Сочини сила!— деди. Яқин ўтирган қизлар кулиб юбориши. Янга Абайнинг қўлини кўтариб, Дилданинг иккита қилиб ўриб орқасига ташланган сочини силатди. Абай ўша шилдираган бир қават шоҳи орқали унинг сочини силади.

Қўл ушлар, соч силар деган машҳур расм шу эди. Соч силарида куёв томонидан янгаларга катта ҳадия берилади. Ҳали Абайга тегишган янга Улжондан ҳам ҳадия олиб улгурган эди.

Никоҳ кечаси бўладиган урф-одатларнинг ҳаммаси тамом бўлгач катталар баравар қўл очиб ёшларнинг ҳақ-ларига узоқ дуо қилишди.

— Хайрлик бўлсин!

— Кетмас баҳт, туганмас давлат берсин!

— Қутлуғ бўлсин, қутлуғ бўлсин,— дейиши. Шундан кейин катталарнинг ҳаммаси дув кўтарилиб чиқиб кетди.

Улардан кейин ёшлар ҳам узоқ ўтиришмай, тез тарқалишди. Куёв блан қаллиқни холи қолдиришди.

Абай шу кунга қадар Дилда блан сўзлашган эмас эди. Бир-бирининг юзини ҳам аниқ кўрган эмас. Дилда ҳали келиб, чимилдиққа кириб Абайнинг ёнига ўтираётган чоғидагина бошига ёпиниб келган камзулини хиёл очиб унга кўзининг қирини ташлаган эди.

Үй бўшаб қолган пайтда, ҳалиги соч силарни олган янга Абайга:

— Қани, энди биз тўшак соламиз. Сен эшикка чиқиб бир шамоллаб кел! — деди.

Бу сўз Абайга бир дағал гапдай қаттиқ тегди-да отилиб туриб эшикка чиқиб кетди. Уйнинг атрофида ҳечким қолмаган эди. Қўёвновкорлар ҳам, Эрбўл ҳам кетиб Абай ёлғиз қолипти. Тун қоронғи.

Шу топда Дилда, дугоналари кетиб, ҳалиги иккита янга блан қолган эди. Битта янга уни бошлаб чиқиб кетди-да, иккинчиси чимилдиқни тушириб таҳлаб қўйилган кўрпаларни йиқитиб тўшак ёзабошлади. Дилдани бошлаб чиқсан жувон унинг энг яқин янгаларидан бири эди. У Дилдани қучоқлаб:

— Қалай, азизим, куёв қалай? Ма'қул бўлдими? — деди кулиб. Дилда тортинмасдан:

— Қим билади, қопқора, барзангига ўхшайди-ку! — деди кўнгилсиз бўлгандай.

— Йўғей пайқамагандирсан. Қоратўри бўлса ҳаш, истараси жуда иссиқ!— деди уни юпотиб ҳалиги янга.

Ёлғиз ўзи юрган Абайнинг кўнгли алланучук вайрон эди; юрагини қандайдир ранж, ўқинч босгандай, ўзидаёт ўзи бирхил бўлиб, қунишиб юради.

Абай тўйни кўз ўнгидан ўтказди. Беҳисоб дун'ё сочилиди, ша'ни-шавкат, иззат-икром блан кутишлар... Яхши тилак тилаганлар, фотиҳа берганлар ундан кўп. Шуларнинг ҳаммаси ким учун? Икки ёшнинг баҳти саодати, ҳузур-халовати учун дейишади. Лекин ўйлаб кўрилса, улар учун эмас. Ўша катталарнинг кўнглидаги орзу-ҳасаси, бир-бирининг иззатини бажо келтириш учун.

Мана, Абай блан Дилдани олинса, булар бир-бирининг дидорини ҳам кўрган эмас, лекин катталар учун бунинг аҳамияти йўқ. Қуёв блан қаллиқ бир-бирини кўриб, бир-бирини билса фақат ўша солинаётган тўшакдагина билади.

Абай кўп китобларда ўқиган ма'шуқа, маҳбуба деган гаплар унинг шу кунгача доғ тушмаган кўнглида шу қадар юксак, шу қадар пок нарсадай кўринарди. Шу'ласи блан унинг борлигини мафтун этган, ҳозир ҳам хотирини шу қадар паришон қилган Туғжон нақадар йироқда. Бир шарпа эштилди. Қараса, ҳалиги янганинг бири уни излаб келган экан. Янга кулиб, ҳазиллашиб:

— Ҳа, қаллиғим сотиб олсин деб юрибсанми? Нега шунча куттирдинг?— деди.

Абай уйга кирди. Тушак ёзилиб, чимилдиқни тушириб қўйилган эди. Янга Дилдани киргизмай туриб Абайнини ешинтирабошлади. Абай сиртқи кийимларини ўзи ешди; махсисини ешай деягандан янга унга яна бир нrimни ёслатди.

Этик тортар деган яна бир одат бор. Күёвнинг этигини янга тортади-да, ҳақ олади. Абайнинг чўнтағида онаси солиб қўйган пул бор эди. Абай ичидан ғоят ўнгайсизланиб, ҳалиги пулни янгага ташлади.

Ешиниб бўлиши блан, Абай сакраб тўшакка чиқди-ю, шойи кўрпага ўраниб, ётиб олди. Дилда ҳали ҳам уйга кирмай эшикда турарди. Онда-сонда сочопугининг шилдираши эшитилиб турарди. Бу ҳам бир йўл бўлса керак. Ақалли чироғ борида ҳам кирмади. Янга Абайнини ётқизиб, шам'ни олиб чиқиб кетди-да, Дилданӣ киргизиб юборди.

Қаллиқ қоронғуда кирди. Бу ишларга энди Абайнинг

ғаши келиб, бор, нима бўлса бўлар дегандай, дамини чиқармай ётаберди. Лекин Дияднинг бутун ҳаракатлари чи эшишиб ётарди. У камзулини ешди, маҳсисини ҳам ешишиб ташлади. Ҳеч тортиномай тушак ёнига келди, тикка келди-ю, кўрпани кўтариб, тушакни пайпаслади. Абай тушакнинг четида ётар, у ўзининг қандай ётганини ҳам пайқамаган эди. Қаллиқча ҳирқироқ, дағал овоз блан:

— Нарироқ ёт!— деди.

Бирнече кундан бўён беалад урф-одатлар, орзу-ҳаваслар блан катта тўй тамошо қилиб, ардоқлашиб қўшилган икки ёрнинг бирикчи марта оғиз очиб айтган гаплари шу бўлди. Абай сесканиб кетгандай бир ағдарилишда ўзини тушакнинг нариги томонига ташлади.

Шу онда Абайнинг кўнгли нақадар муздай бўлса, Дилда ҳам шу қадар алансиз эди. У ҳам урфи-одатга, шунга берганларига бўйсуниб келгани бўлмаса, у ҳам юракдан Абайга бегона эди. Бунинг устига сен Қунанбойнинг ўғли бўлсанг, мен Олшинбойнинг қизиман деган қўрслик ҳам бор эди.

Абай тортиниб, қисилиб-нетиб ўтирумай, янгалар қандай буюрган бўлса, шундай қилди.

Шу кечадан кейин Абай Олшинбой овулида ўнбеш кун турди. Ун кундан кейин Улжонлар жўнаб кетди-да, кўёвлар улардан беш кун кейин отланишли.

Айрнишар ҷоғида Абай блан Дилда бир-бирига хийла ўрганиб колган, онда-сонда ҳазиллашадиган ҳам бўлишган эди. Дилда Абайнинг кўзига ёқимлик, гўзал кўринди. Дилда ҳам Абайнинг кўринишига анча кўникиб қолди. Лекин иккови ҳам ичдан бир-бирига нисбатан ҳечқандай аланга ҳис этмас, кўнгли муздек эди.

Катталар ҳаётнинг энг қийин довони деб шу биринчи боришни айтса Абай ўша довондан ошди. Лекин ёш юрагига алнга тушиб қайтиш ўрнига, аксинча, бир қалар сўниб, оғирлашиб, алланечук кекса тортиб қолгундай бўлиб қайтди.

2

Абайлар қайтиб келишганда бор ҳалқ Чинғиз устидаги яйловларга кўчиб чиқкан экан. Кункенинг овули Дўнгелек қонис деган ерда ўрнашган эди. Қунанбой ўша ерда экан. Бу овулни меҳмон босиб ётган эди. Абайлар қўпчиликнинг ичидаги ўтирган Қунанбойга салом беришли.

Қунанбай бутун гапни Үлжондан эшитган эди, Абайдан эсон-омонликни сўраб қўяқолди. Лекин Қудойберди Абайні ўз овулига юбормай, олиб қолди, уни бутун ўртоқлари блан яхшилаб кутди. Яхши кўрадиган иниси ўйланиб, катталар қаторига қўшилиб келганига бу овулда фақат Қудойбердигина чин кўнглидан шодланётгандай кўринарди.

У Абай блан Эрбўлдан Бўшанг элини, уларнинг урфи одатларини сўради, сўнг, турган гап, қаллиқчанинг юртидан ўрганиб келишган янги кўйларини кўйлаб беришларини сўради. Шу кеча Абай блан Эрбўл кўп янги кўйларни кўйлаб беришди. Улан бошлаш олдидан Абай:

— Қарқаралилар кўйга бизнинг әлдан кўра уста бўлар экан! — деган эди. Қудойберди кулиб:

— Қарқаралилар кўйга устами, янги эшик кўриб келган куёвнинг кўнгли кўйга устами? Қаллиқча юртидагиларнинг кўйлаган кўйлари қулоққа иссиқ эшитиладигандир, ким билади! — деди.

Ўтирганларнинг ҳаммаси Қудойбердига қўшилиб кулиб юборишиди.

Абай энди дуппа-дуруст, катталарга ўхшаб ўз айтганини ма'қуллашга уриниб:

— Тўғрисини айтияпман, Баке! — деди. Абай Қудойбердини «Баке» дер эди.

— Йўқ, сен Қарқаралиларни мақтагандан кўра кўйлайдиган кўйини айт!

— Рост айтасиз, шундай қилайлик! Тўғрисини кўйнинг ўзи айтар! Кел Эрбўл,— деб Абай бошлади-да, Эрбўл қўшилишди. Бу иккови: «Кўркам от» деган ғоят яхши бир кўйни айтиб беришди.

Бу кўйни Тўбуқтилар эшитмаган эди. Абай айтаётгандай кўйи ҳаммага та'сир қилганини пайқаб:

— Хўш, қалай? — деди.

Бу кўй ҳаммага ма'қул тушган эди. Қудойберди ҳам:

— Дуруст экан! — деди.

— Қани бўлмаса яна қулоқ солинг! — деб Абай блан Эрбўл яна «Гўзалим» деган бир янги кўйни айтиб беришди. Қудойбердига бу кўй ҳам ма'қул бўлди, мақтайбошлади. Абай блан Эрбўл пичирлашиб олиб:

— Энди энг кейин айтишга сақлаб қўйган кўйимиэнн айтиб берамиз! — дейишди-да, «Оқ қайнин» деган ғоят та'сирли, салмоқли, содда бир кўйни кўйлаб боришиди. Абайлар бу ўланнинг уч баандини айтиб бўлганча ҳам.

Ўтирганлар киприк қоқмай, нафас ҳам олмай, тикилганларича қулоқ солиб, қотиб қолиши. Абай дўмбирани аста чертиб тўхтади-да:

— Қани, Баке, бунга нима дейсиз? — деди. Бу айтилган ҳар уч кўйни ҳам Абайлар Қарқаралидан ўрганиб келишган эди. Бу кўйларнинг биронтасини ҳам Тўбуқтилар ҳали эшиитмаган эди.

— Сенинг гапинг тўғрими деб қолдим. Жуда яхши кўйларни ўрганиб келибсиз! — деди Қудойберди.

Энди Абай Тўбуқтидан ўзлари олиб борган «Яшил води», «Қорача қиз» сингари қўйлар у ерда иш бераолмай қолганини, бу кўйларни уларнинг майда болаларигача биладиган эскирган кўй эканлигини, унинг устига бу кўйларни Қарқаралида бошқачароқ, гўзалроқ қилиб кўйланишини ҳам айтиб берди.

Сўзлашиб ўтиришаркан, Абай яна Тўбуқтиларнинг ўзи кўй чиқаришни билмагани, кўп оҳанглар ўша Қарқарали, Баян Қоратқўлдан олиниши, ўшани ҳам бузиб, бандларини келиштиромай кўйлашларини айтди. Шу блан Қудойбердининг ҳалиги ҳазилини тор-мор қилгандай бўлди. Акаси Абайнинг бунчалик гапни ма'нолик қилиб гапирадиган бўлиб қолганига қойил бўлиб, уни бир кўли блан қучоқлаб қўйди.

Ҳақиқатда ҳам Абай бу сафардан ҳарнарсага синчиклаб, чуқурроқ қарайдиган бўлиб келган эди.

Эртасига Абай ўз онасининг овулига келди. Бу ердаги овулларнинг ҳаммаси уни ғоят зўр шодлик блав қарши олди. Кекса эна яхши тилаклар тилар, инилари, шодлиги ичига сифмай, бўйнига осилиб, соғинганларни билдиришарди.

Бу овул ўти мўл, сувга сероб водийга ўрнашган эди.

Абай кеча Кункенинг овулидан эшитиб келган бир гапининг анигини бугун ўз овулига келиб билди. Тўбуқтининг беҳисоб эллари шу кунларда бўладиган бир катта ма'ракани кутиб туришкан экан.

Болаю-катта, ёш-қари ҳамманинг оғзида шу янги гап: яқинда Бўжейга ош берилар эмиш, Бўжейнинг йил оши берилар эмиш.

Ўтган йил Бўжей ўлганда унинг бошига туғ тиккан биродарлари қишининг ярмидан бошлаб унинг йил ошини беришга зўр ҳозирлик кўраётган бўлиб, бу ошнинг қайси ой, қайси кун, қаерда бўлиши эрта кўкламдаёқ айтилган эди.

Шунга кўра ҳозир Жигитек, Қотибақ, Бўкенше, Тўрғай эллари ўтган йилдан буён бор уруғ-аймоғини бир ерга тўплаб, Шақпақ, Қозбола деган сер ўтлоқ, кенг манзилга ўрнашган эди. Ма'рака Қозболада бўлиб, ҳаммага шу жойни тайин қилишган эди. Албатта бу ма'ракада катта пойга бўлади. Шунинг учун ош бериладиган ернинг бир томони пойгага яроқли кенг бўлиши керак. Агар Қозболадан бир қора адир ошилса, Дўсимбой, Ёлқибек, Оқирик томондаги кенг далага чиқилади. Шунинг учун ҳам ма'ракани Қозболага тайин қилинди.

Бу атрофдаги Жигитек, Қотибақларга қарашлик яхши қўнисларнинг ичидаги бундай ма'рака бериш учун Қозболадан дуруст ер йўқ ҳам эди. Уша Қозболанинг кун ботиш томони Улжон овули ўтирган Бўтақон ўшоғига тулашиб кетарди.

Абайнинг оналари ма'ракага ҳозирлик кўраётган элнинг ҳар кунги тараддудини эртаю-кеч кузатиб, эшитиб туришган эди. Элни соғиниб келган Абай блан Эрбўлга бу хабар айни муддао бўлди.

Эрбўл ўз овулларининг ма'ракага ҳозирлик кўраётганини эшитиши блан уйига кетмоқчи бўлди. Абай кўндию, лекин икки кундан кейин қайтиб келиб, яна бирга бўлишга ва'да олиб қолди.

Абай келган кунининг эртасига онаси блан хийла вақт сўзлашиб ўтириб, кетганидан буён эл ичидаги бўлган янгилкларни эшилди.

Онасининг гапига қараганда, Қунанбой кўкламдан буён яна атрофига одам йиғиб, ҳаракатни зўрайтираётган экан. Қунанбой келган пайтида кўк қашқа, оқ қашқаларни сўйиб, атрофига тўплаган уруғларидан ташқари бирорни иззат-икром блан, бирорни ва'далар блан, ба'зи бирхилларни дағдағалик, ваҳмалик хатлар блан ўз атрофига тортиб, бир ойнинг ичидаги бирқанча қабилаларни яна ёнига тортиб олипти. Уларнинг ичидаги Қоратой сингари бақувват одамлар ҳам бор экан. Илгари орада юрган холис биродарларнинг кўлчилиги блан яқинлашиб олипти. Қисқаси эл яйловга отланиб, қистовдан кўчар пайтда Қунанбойга қарши овуллар бир ҳовучгина бўлиб, уч-тўрт қабиланинг овулларигина қолипти.

Жигитек томон қишдан буён Бўжейнинг ма'ракасига ҳозирлик кўриш блан бўлиб, бор кучини, бору йўғини шунга сарф қилаётган экан. Шуни назарда тутган Қунанбой халқ яйловга кўчиш олдидан ўнбеш қистовни

қайтариб берилишини талаб қилипти. Бойдали блан Бойсолга қиши бўйин турли-туман ва'далар бериб, ўзининг биродарлари қўлидан бериб қўйган ерларнинг ҳаммасини қайтариб оладиган бўлипти. Утган йил ўша ерларни эгаллаб, қишлиб қолган овулларнинг бошлиқларига салом айтиб, кузда бу ерлардан умидвор бўлмасин, ҳеч нарсасини қўйиб кетмасин, ўтовларини ҳам қолдирмасин, қистов ўзимизга қайтади деб, уларнинг ҳарбирига алоҳида-алоҳида хабар юборипти. Шундай қилиб, ўн тўрт қистовни қайтариб ҳам олипти. Фақатгина битта қистовга қолганда, тиши ўтмапти.

Бу — Бойсолга теккан қистов экан. Қунанбойнинг буйруғини Бойсолга Қоратой блан Жумабой олиб борипти. Бойсол аввало уларга яхшиликча жавоб қилипти:

— Мирзага салом айт, болаликдан бирга ўсиб келаётirmiz. Бутун умр бўйи қистовсиз, ерсиз ўтаётганимни шу элнинг ичидан ўзидан яхшироқ биладиган одам йўқ. Шукур, Мирза ерсиз эмас, қўлидан кетган ўнбеш қистовнинг ўнтуртасини қайтариб ҳам олди. Энди шу менга теккан битта қистовга тегмай қўяқолсин. Ўришиб, авчамунча чиқим қилиб қўйдим! — деб узрини айтипти.

Бу жавобни эшишиб, Қунанбойнинг жини чиқипти ва тўнини тескари кийиб олипти. Ўша кечанинг ўзида Жумабой блан Қоратойни яна юбориб гапни кўп чўёзмасдан, қистовдан кўчсан деб буйруқ қилипти.

Қунанбойнинг бу гапини эшишиб Бойсолнинг ҳам жаҳли чиқиб кетиб:

— Ҳоли-аҳволимни-ку айтган эдим. Бундоқ раҳм қилий демайди-я. Ерга текканига эмас, суюкка текканига кишининг жони чиқади. Тек ётай десам ҳам, жонимга ништар тиқиб турғизмоқчи! Ер деб, канадек ёпишиб Бўжейнинг-ку бошини еди. Менинг жоним Бўжейнинг жонидан ортиқ эмас; қўлидан келганини қилсин, гап шу! Қистовдан бир қадам нари силжимайман! — депти.

Қоратой яна бир ўт чиқиб кетишидан, бир корхол бошланишидан қўрқиб, Бойсолнинг жавобини мулоҳимлаштириб айтмоқчи экан, лекин Қунанбой, Бойсол гапни бу таҳлитда гапирмайди, нима деган бўлса тўғрисини айтабер деб; қини-қистоқча олганидан кейин, Жумабой батафсил айтиб берипти.

Шундан буён Қунаибай яна Бойсол блан Бойдалига ғижиниб юрар экан, фақатгина Бўжейнинг ма'ракаси яқинлаб келаёттани учун, номус кучлик, тортиниб турган

кўринади. Лекин Улжон ҳозирги кайфиятни яхши онгларди. Мана ҳалқ Чингизни ошиб, яйловга кўчабошлаганидан бўён Бойсол овуллари блан Қунанбой овуллари ҳар қўнисга келганда бир-бирини елкаси блан турғиб ўтгандай, сен эмас, мен деб келишаётган экан. Қунанбой овуллари Борлибой деган далага ўрнашганда, Бойсоллар келиб, шу далага туташ Тўношага ўрнашипти. Қунанбой уларнинг моли кўзига кўринди дегунча зириқтириб ҳайдата берипти. Ундан кейин Бойсол ҳам, жўрттага, Котибақ ерининг Қунанбой овулига туташган ерига ўз овулларини жойлаштириб, нима хоҳласа шуни қила берипти.

Қизилқайнар ёнида ҳам, Жилондида, Борлашақпоқда ҳам Бойсол овули блан бу овуллар бир-бири блан тортишиб келишгай экан. Котибақ йигитлари кеча-кундуз Бойсол овуллининг атрофидан кетмас экан.

Мана ҳозир ҳам Қунанбой овуллари келиб Бўтақонга жойлашганда Бойсолнинг овули уларнинг рўпарасига ўтовини тикипти. Арзимаган бир баҳона топилса орадан ўт чиқиб, алнга олиб кетай деб турган экан. Айниқса Қунанбой жўрттага уларнинг пайига тушиб, шунга ҳозирлик кўраётган экан. Бу кайфиятни яхши онглаган Зере ҳаммадан олдин келиб, мана шу Бўтақон ўшоғига жойлашиб Бойсолга қўшни бўлипти. Бу овулдагилар уларнинг ғашига тегмай, бебош мол боқучилар, соқчи йигитларни жанжал кўтаришдан тийиб, дамини чиқармай, босиб ўтирган экан. Шундай қилиб, Қунанбойнинг шу тахлитда тўнини тескари кийиб чиройини очмай Бўжейнинг яқинда бўладиган ма'ракасига боришдан бош тортаётгани ҳам Улжонни ғоят қаттиқ ташвишга солаётган экан. Үликтининг тупроғини кўрмаганига яраша, йил ўтганде кўнгли зриса нима қилади, деб Улжон қаттиқ сиқилиб, юрагидати бор дардини тўкиб солди. Унинг бу гаплари Абайни қаттиқ ўйлатиб қўйди. У Абайнин энди эр етиб, катталарнинг ишига аралашадиган вақти бўлди деб ўйладими, ҳарқалай биринчи марта боласига элнинг кайфиятини, отасининг жанжалларини қизишиб ўтириб очиб сўзлади.

Абай ғазабини ичига ютиб, рангги ўчиб, қовоғини солиб ўтиради. Ўша куни кун бўйи ҳечким блан очишлиб сўзлашмади, тонг отгунча кўзига уйқи келмай, тўлғаниб чиқди.

Эртасига Эрбўл келди. Иккала йигит катта уйда қи-

миз ичиб ўтиришган эди. Ташқаридан бир нарсага қаттиқ жаҳли чиқиб, ҳайқирганича отдан тушаётган Қунанбойнинг овози эшишилди. У уйга кириб келаётинб эшик олдида тўхтади-да:

— Ҳой, Жумоғул, Мирзахон! Бери кел! — деб уйга кирди. Икки йигит кетма-кет етиб келинди. Қунанбой тўрга чиқиб ўтираётинб:

— Жўрттага овулнинг бир четига келиб, хира бўлиб ўтирипти-ку, ўчакишганидан отларини бу томонга ҳайдаб қўйипти. Қани, Бойсолнинг зўравонлитини кўриб қўйай. Дарров бор, қўлларингга чўқмор, сўйил олинглар. Ана у отларни тўқмоқлашиб ҳудди Бойсол овулининг нариги томонига ҳайдаб солинглар! Бор тезроқ! — деди.

Икки йигит юрганича чиқиб кетди, бир нафасдан кейин сўйилларини сургаб келиб, кермада турган отларини ешабошлишди. Буларнинг шарпаси келиши блан Абай отилиб эшикка чиқиб:

— Ҳой, тўхталаринг! — деди қичқириб. У иккаласи отларига миниб, тумоқларининг икки қулоғини орқасига қайириб боғлаётган эди.

Абай буларнинг ёнига бориб:

— Нима қилмоқчи бўлаётисан? — деган эди, Жумоғул тескари қараб турганича жавоб берди:

— Бориб ёв теккандек қиламиш Нима қилар эдик.

— Йўқ! Буёқда қара! Урма!

— Ие, миrzанинг буйруғини иккита қиламанми? — деб, тепиниб кетаёттан эди, Абай қаттиқ ғазабланиб, бўғилганича, дўғайиб борди-да:

— Қутирма! Тўхта дёяпман! — деб, ҳайқириб юборди. Унинг кўзига қон қуюлиб, ранги оқариб кетган, муштумини қаттиқ қисиб олган эди. Ҳалигилар тўхтаб қолишли.

— Иилқига тегма! Урма! Тўғриликча бориб, молбоқорига айтиб келаберинглар.

— Ҳа, буйруқчи?

— Буйруқ шу! Мана шу! Шукдан бирон чир чиқариб қўр-чи, сенга кўрсатаман, Жумоғул! Үзим тотигингни бериб қўяман!

Жумоғуллар ноилож бўйсуниб, бўшашганича қайтиб кетишли.

Абай, рангги ўчиб, ғазаб блан уйга қирди-да, тутақ-қанича отасига:

— Ота, шу саратон кунинда, кенг яйловда ҳамаёқни

ўт-ўлан тутиб ётган чоқда ерни қўриқлаб, қариндош-уруғни раңжитиш қайси мазҳабга сифади? — деди.

Қунанбой бир чимирилиб тушиб, ялт этиб Абайга қаради-да:

— Нима, Бойсолнинг ёнини оладиган одам қуриб кетган деб ўйлаётган бўлсанг керак-а? Ҳали қистовимни бермайман деб олишаётганида ҳам ўшанинг томонига ўтарсан! — деди.

Абай тап тортмай, дағал бир оҳангда:

— Қистов яйлов эмас-ку! — деди.

— Кек деган қистовдан яйловга кўчмас экан-да? Бирорвинг бошига кулфат тушганда, унинг ерини босиб олиш инсонликданми бўлмаса?

— Босиб олиш десак, тўғрисини айтганда, аввал босиб олган Бойсол эмас, ўзимиз-ку. Шу кунгача Бойсол олучи эмас, олдиручи бўлиб келмадими? Умр бўйи биттагина қистов сўраб бош уриб келган одами ўзингиз эмасми? Ўша битта қистовнинг илинжида кечагина сизнинг ёнингизга кириб, қўллаб-қўлтиқлаб, ана у раҳматлик Бўжейни ўлгунча савалатганингизда ҳам, бирга бормадими? Бойсолга теккан биттагина қистовни ҳам тортиб олиш зўрлик, жабр. Мана шундан аланга олиб кетиб, кўрдингиз-ку...

Қунанбой Абайнинг сўзини бўлиб:

— Бас, кўп ошинма!.. Нима, мен блан олишмоқчимисан! — деди.

Лекин унинг товушидан аввалги ғазаби хийла сусайгани кўриниб турарди. Абай бироз жим турди-да:

— Шу кенг яйловда ер-кўкни тутиб ётган ўгни талашиб бетдан олиш иш эмас! — деди.

Авваллар Абай отасига мана шундай эл важидаги гапларни гапирганида шартта гапираолмай, қисилиб, тортиниб сўзларди.

Бу гал Абайнинг гапидаги оҳанг Қунанбойга ўзгачароқ туйилди. Ўйдагиларга назар ташлаб, зиҳн солиб кўрди. Зере ҳам, Улжон ҳам ҳайрон бўлиб, тикилганларича қулоқ солишаётир. Балки бу гап фақат Абайдан чиқаётган гап эмасди? Балки Қунанбойнинг юзига очиқ айтаолмаса ҳам бор қариндош-уруғ, яқин кишиларнинг ҳаммаси шу фикрдадир? Қунанбой беихтиёр жим бўлиб, ўйланиб қолди. Бироздан кейин ўзини босиб олдида, бир гомонга ёнбошлаб, қўлинини бошига тиради. Абай баланд каравотдаги ёстиқни олиб, отасига берди. Қунанбой, ўша

ёстиқни қўлтиғига босганича, Абайга орқасини бериб ётиб хаёлга чўмди.

Аввалги гапига отасининг ғазаби келмаганини кўриб Абай яна гап бошлади ва диндор отага китоб тили блан сўзласам, зора кўнглига ҳам фарз, ҳам қарз деган гаплар тушиб қолса деган умидда:

— Оилаларингиз бўлсин, болаларингиз, қариндошлия рингиз бўлсин кўнглидаги гапини, истагини аввало сизга айтиши шарт-ку, айтмай яшириб юриши яхшими? Сизнинг ҳам эшитишингиз, қулоқ солишингиз шарт! — деди. Қунанбой Абайга, қани гапир деягандай хиёл юзини ўғирди. Абай энди тортинасадан бамайилхотир ўтириб, гап бошлади:

— Рухсат этсангиз, яна бир гапни айтмоқчи эдим. У ҳам бўлса, мана бу Бўжейнинг ма'ракаси тўғрисида. Бу тўғрида ҳали бизнинг гарданимизда адо этилмаган бир-қанча қариндошлик вазифалари ётипти. Энди гапиришнинг ҳожати ҳам йўқ-ку! Шундай бўлса ҳам демоқчиманки эндиликда мана бу бермладиган ошда ёғиз Жигитек элининг одамгарчилиги, ҳамияти синалмайди. Ма'ракага бирнечча округнинг эли айтилган. Қариндошман, одамман деганларнинг ҳаммаси учун бу ма'рака бир синов. Жанозасида четга чиқиб қолган эдик, энди ҳеч бўлмаса, йил ошига бориб, беллашайлик! — деди.

Қунанбой ўтган йил фотиҳа ўқигали борган чоғидаги гапларни эслаб:

— Қандоқ қиласай! Бирор бери кел демаса, ялиниб бораманми ё яна бориб, ўтган йилдагидек, кўкрагимга туртки еб келайми? — леб, бу гап ма'кул тушмаганлигини билдириди.

— Ундан бўлса сиз бормай қўяқолинг. Лекин бизга рухсат беринг, биз бориб иштирок этайлик, шунинг ўзи кифоя. Агар қаршилик қилмасангиз, бу вазифани мен ўзим адо этаман. Фақатгина ёнимга Изиқуттини қўпип беринг. Яна сарф қилинадиган озроқ мол-дун'ёни мана бу оналар блан бизнинг ихтиёrimizga беринг! — деди.

Бу гапларни Абай гўё ўз кўнглига тутиб қўйган бир иш ҳақида сўзлаётгандай гапирди. Лекин бу гапларни ҳечкимга изҳор қилмаган эди. Улжон ҳам боласининг гапларини ҳайрон бўлиб тинглаётган эди.

Қунанбой бошини кўтариб, тумогини кийди-да, турмоқчи бўлиб қўзғалди. Ўтирганларнинг ҳаммаси қани нима дейди деягандай жавоб кутиб тикилиб туришган

эди. Бу кайфиятни кўриб фе'ли айниб кетган Қунанбой зарда блан:

— Ихтиёр ўзларингда! Менга деса бориб, Бойдали блан Бойсолнинг оёғига бош уринглар!— деди-да, чиқиб кетди.

Қунанбойнинг кўнгани шу эди. Қандай кўнгилда кўнди? Оғриниб, қийналиб кўндими? Ё кесатик блан кўнди-ми? Уёғига Абай парво қилмади. Иш қилиб қаршилик қилмаса бас.

Абай оналари блан қолиб, ошга қандай иштирок этиш ҳақида кўнглига туғиб қўйган гапларини уларга бирмабир айтиб берди. Ўйлаб қўйган тадбирларининг ҳаммаси ўринлик эди.

Зере блан Улжон бу ишларга ёрдамчи бўлсин деб, Изикуттини чақиртириб келиб, худди ўша куннинг ўзидаётк Абайга қўшиб беришди.

Абай ўз ака-укаларидан бу ишга фақат Қудойбердининг қатнашини лойиқ топди. Унинг олдига Абайнинг ўзи бориб, анча вақт сўзлашиб, кўнглидаги бор гапини айтиб, тушунтириб келди. Қудойберди Абайга қандай ёрдам керак бўлса ҳаммасини ўрнига қўйишга сўз берди.

Шу куни кечқурун Эрбўл Бўкенше элига қайтмоқчи эди, отта миниш олдидан Абайни бир чеккага чақириб олиб:

— Абай, сенга айтадиган алоҳида гапим йўқ, фақат ҳали отанг блан сўзлашганингни эшитганимдан бўён сен блан дўст бўлганимга шодландим. Айтадиган гапим шу. Энди мен у томонга бориб, корихайрга қўлимдан келган хизматни қиласай!— деди.

Эртасига Абай отга минди. Жумабой блан Мирзахон унга ҳамроҳ бўлди. Учови Қозбола довонидан ошиб, Ко-тибақ блан Жигитек элининг беҳисоб овулларини оралаб бориб, шу ўлканинг ўрта ерига ўрнашкан Бўжей овулига боришди. Бу атрофдаги элнинг ҳаммаси ҳам йил ошининг тарафдудида эди. Бўжей овулидан юқорироқдаги бир кенг увага сон-саноқсиз ўтовлар тикилмоқда. Ма'рака куни яқинлаб қолган эди. Эркакларнинг ҳаммаси от устида. Ма'ракага атаб тикиладиган ўтовларни ортиб келаётган кўчлар турна-қатор бўлиб, кетма-кет келиб, ҳалиги увага қўйилмоқда. Абайлар аввало Бўжейнинг қора тутилган та'зиядор уйига тушиб қур'он ўқишиди. Ҳали ҳам уйнинг ярим белигача қора тутилган. Ичиға

қимматбаҳо сөплар ёйилган. Асл гиламлар, наматларни той-той қилиб, боғлаб тираб ташланган. Катта оқ ўтос ҳали ҳам ўша та'зияга безатилган бўйича згасиз қолган кийимлар ҳам ўнг томонда ғоят гўзал чойшап устига илинганича Бўжейнинг йилини кутиб, та'зия безаги бузилмаган ҳолда турарди.

Шу овулнинг ёнида бир тўп бўлиб, ма'рака бошилар ўтиришган экан. Абайлар Бўжейнинг уйида қимиз ичиб, эшикка чиқишиди-да, ўша ўтирган катталарнинг олдига боришиди. Булар кичикроқ тепаликнинг устида бир тўп бўлиб ўтириб олиб, уёқ буёққа от чоптиришар, бутун амр-фармонни шу ердан бериб ўтиришарди. Ма'рака бошлиқлари Бойдали, Бойсол, Суюндиклар эди.

Бойдали ўтган йилгига қарагандা анча қариб, соқол ва социдаги оқ кўпайиб, мошгурунчга яқинлашиб қолипти. Абай келиб салом берганида, улар аввалгидай қовоқ солмасдан, очиқ чирой блан қарши олишиди. Бойдали блан Суюндик Зере блан Улжоннинг эсон-омонлигини сўрашиди-да, ёш йигитга ёнларидан жой беришиди. Шу катталарнинг буйруғини тутиб, уларнинг қош-қовоғига қараб ўтирган йигитлар ичиде Эрбўл, Абайни аввалдан яхши биладиган Жиренше ҳам бор эди. Бойсол Қунанбой блан хафалашиб кетганидан буён, Абай блан Жиреншенинг учрашгани шу эди.

Энди Жиренше ҳам очилиб, Абай блан иссиққина сўрашиди. Янги одамлар келгач, катталарнинг сўзи бўлиниб, ўтирганларнинг ҳаммаси сукут қилиб туршарди.

Шу топда Абай Бойдалига қараб:

— Бойдош оға,— деб, гап бошлади ва нима учун келганини қисқагина, салмоқлик қилиб гапирди.

Зередек оналари шу ўтирганларга салом айтиб юборган экан. Абай Бўжейга қариндошлигини билдириб, унинг ошига иштирок қилиб, беллашмоқчи бўлиб келипти. Аввал четда қолишган бўлса, энди бошқалардан қолишмаймиз деб, холис ният блан келипти.

Бойдали Абайнинг сўзларига қулоқ солиб турди-да:

— Чироғим, бу гапингдан қариндош-уругнинг ҳаммаси рози. Қай йўсинда қатнашмоқчисан, кўнглингдаги мақсадингни айт!— деди.

Шундан кейин Абай кечаконада оналари, Изиқутти, Қудойбердига айтиб берган режаларини айтди.

У ма'ракага келадиган меҳмонларга атаб тикилаётган ўтовларнинг орасидан ўзи тикитирадиган уйларга

алоҳида ўрин беришларини сўради. Ўнта катта ўтовни шу бугундан қолдирмай шу ерга келтириб тикишни ўз устига олди. Ўн ўтов, ўттизтадан уч юз киши тушадиган ўй бўлиши керак эди. Шу уйларга кераклик анжом, кўрпа-ёстик, идиш-товоқ, ҳамма нарсани шу уйлар блан бирга олиб келадиган бўлди. Яна ўнта уйга тушган меҳмонларга тортиладиган қуюқ-суюқ овқатлар, ўшаларга отаб сўйиладиган моллар, бор чиқимларни ўз устига олди. Катта қозонларни ҳам ўзи қурдирадиган бўлди. Ошни бошқаручилар, меҳмон кутучилар, хизматкорларгача ўзи олиб келадиган бўлди. Мана энди шу ўтирган катталар унинг шу гапига ишонсинда, ҳозир бу ишларни унинг ўзига топширишга ва'да берсин. Абай катталардан унинг чекига қандай меҳмонлар, кимлар тушишини сўраб олди, шу блан бирга, ма'rakага келадиган энг қадрли меҳмонлардан беришларини ўтинди.

Бойдали, Бойсол, Суюндиклар эндиги маслаҳатни Абайнинг ўзи блан бирга ўтириб қилишди. Бу ошга кўп катта қабилалардан меҳмонлар келишади. Лекин келадиган меҳмонларнинг ичидаги бир тўп бошқача меҳмоп бор. Булар Бўжейнинг Наймандан келадиган тоғалари — она авлоди. Қадим замонларда уларнинг авлодида Бўжей деган машҳур одам ўтган. Қенгирбой блан қуда бўлиб, ўзининг Эрали деган ўғлига, ўша Бўжейнинг қизини айттириб қўйган. Ўша Бўжейнинг қизидан туғилган ўғилнинг отини Қенгирбой, машҳур бобосига ўхшасин деб. Бўжей қўйган эди. Бўжейнинг ана ўша авлодларига Бойдали қишидаётк хабар қилиб юборган эди. Бўжейнинг она авлоди — тоғалари жиянининг ма'rakасига келгали ҳозирлик кўраётган экан. Яқинда улардан хабар ҳам келган эди.

Утирганлар Бўжейнинг она авлодини — тоғаларини «Абайга топширилса қандай бўлар экан» дейинши.

— Ундей бўлса, Бойдаш оға ва'да шу бўлсин. Бўжеканинг она авлодини — тоғаларини биз кутганимиз ма'кул! Бизга беринглар! — деди Абай.

Кечагина Қунанбой блан Бўжейнинг бир-бирига аразлигини, душманлигини, ёмон гапларини эшишиб юрган тоғалари энди билиб қўйишсин деган қарорга келишди.

Бу гапни ҳечким очиқ айтмаган бўлса ҳам лекин онглашилиб турар эди.

Абай энди бу овулнинг борди-келдисини, ички тартибини яхши биладиган одамлардан уч йигит берилиши-

ни сўради. Бойдали унга Эрбўл, Жиренше, Бозоралини кўрсатди.

Гап шу блан тамом бўлди. Энди ишнинг каттаси — бутун тараддуд, бутун ҳаракат ҳали олда турипти. Энди бир нафас хаяллашга ўрин йўқ. Абай отга мингали ўрнидан турган эди. Суюндиқ унга миннатдорлик блан қаради-да:

— Емонликдан юқумлироқ нарса борми? Уни излаган кишилар эси бутунлигидан изламайди. Емонликдан ҳечким бирор мартабага эришган, ўсиб-унган эмас. Эришганда киши яхшилик орқасида эришади! Ниятинг холис, кўнглинг оқ экан, болам! Оқ йўл! — деб фотиҳа берди.

Абай бу ўтирган катталар ичидаги бегона ҳисобланмай, ўз кишиси бўлиб саналганига ич-ичидан хурсанд бўлиб, отига минди ва ёрдамга берилган ҳалиги Бозорали, Жиренше, Эрбўл учовини эргаштириб олиб, кенг ува устидаги тикилаётган ўтовларни оралаб юрди. Ўз ўтовлари ўрнатиладиган ерни Жумабойнинг маслаҳати блан белгилаб, қозон қуриладиган жойни ҳам кўрсатди. Мирзахон блан Эрбўлни шу ерда қолдириб ўзи жўнади.

Булар Абай юборадиган ўтовларни қарши олиб жойжойига ўрнатиши керак эди. Абайнинг гаплари, тутган иши кўпни кўрган катталарга ўхшарди.

Абай жўнаб кетганида бараваста келган чиройлик Бозорали қолганларга қараб:

— Епирим, бу Абай дейман, эр етиб чиниқиб қолипти-ку! Фақат айтган сўзларининг устидан чиқсан-да! — деди.

— Устидан чиқсанда ҳам, шундоқ чиқадики, қараб туринг ҳали! — деди Эрбўл ишонч блан.

Абай Қозболага жўнаб кетаётган чоғида уйдагиларга тайёрланаберинглар деб тайинлаб кетган эди. Шунинг учун ҳозир Улжоннинг овули тўс-тўполон блан ҳозирлик кўраётган эди. Бу ердаги ишларни Улжон, Изиқутти, Кудойберди бошқармоқда эди.

Абай Бўтақон Ўшофига келиши блан ўн ўтов йиқитилиб, туяларга ортилабошлади. Утовларни ҳалиги учови шу Иргизбой элининг бор ўтовларининг ичидан танлаб олишган эди, Абай сариқ йўрга оти блан елиб, югуриб улар танлаб қўйган ўтовларни тикуғлиқ турган чоғида кўриб чиқди-да, бир-иккита қўҳнароқларини ёқтирмади. Уларнинг ўрнига бошқа қариндошларининг оппоқ ўтовларини олди. Шундай қилиб, йилки кечки сувни ичкали

келадиган пайтда Қозболага қараб, қаторлашиб жұнаган ўн үтовнинг ҳаммаси ҳам оппоқ, чиройлик катта үтовлардан иборат зди.

Ҳарбир үтовга солинадиган гиламлар, наматлар, шолчалар, тутиладиган чойшаплар, күрпа-еёстиқ бирга жұнатылди. Жұнатилаётган уйларнинг күпчилигіда идиш-төвоқ ҳам мукаммал зди. Дастанхон, сочиқларини ҳам Улжоннинг ўзи күздан кечириб, тутилмаган яхши дастанхонлардан юборди. Ҳарбир үтов блан бирга уларни ўрнатадиган ва ма'ракада хизмат қиласынан йигитлар ҳам юборилди.

Кетаётган пишиқ, эпчил, зийрак йигитларнинг ҳаммаси ҳам Бўжей ма'ракасига юз тутган бу овулларга чин кўнгли блан хизмат қилгали бел боғлатандай, ўз ихтиёрлари блан баравар отланишди.

Меҳмонларга аatab тикиладиган үтовлар жұнатилиши блан Абайнинг асосий иши бошланди. Меҳнатнинг оғир ҳали шундай турган зди. Кўчни жұнатиб юбориб, энди катта уйнинг ёнида тўрт-беш киши Зерени ўртага олиб маслаҳат бошлаганларидагина Абай қолган хизматнинг нақадар оғир эканлигини онглади.

— Яна нима керак? Нима қилиш керак? — дейишарди галма-гал Улжон блан Изикутти.

Энди ма'ракага қуриладиган катта қозоннинг бошига тикиладиган үтовларни ҳам жұнатиш керак зди. Абай бунинг учун бир-иккита үтов етар деб ўйлаган зди. Иўқ, сўйилган молнинг гўшти үтовларда сақланар экан. Бунинг учун беш-олти үтов қурилмаса бўлмайди.

Буларнинг ҳәммасига ошпаз, сув ташийдиган, ўтинчўпга қарайдиган кишилар ҳам керак экан. Аввал нима сўйилади? Қунанбойга маслаҳат солиб бўлмайди, ҳамма ишни ўзлари ҳал қилишлари керак. Ҳамон гап одамгарчиликни, ҳимматни кўрсатишда бўлса шу ерда кўрсатиш керак. Бунга қолганда Изикутти тортиниб, ҳечнарса деялмай қолди. Абай бўлса, нуқул кулги бўлмаслик керак, дер зди холос.

Бу масалани ҳал қилишда Қудойберди кўмаклашди.

— Энди, ҳарнучук, сенинг юзинг ерга қарамасин, киройи борганингта яраша одамлардан бошқачароқ, дуруст рож бўлиб бор! Уша уйларга аatab ўнта семиз бия олинглар. Уй бошига иккитадан катта қўй солайлик: — деди. Шунга қарор қилишди.

Улжон катта қозоннинг иши нақадар оғир эканлиги-

ни айтдида, унинг бошида эслик, ҳушлик каттароқ одам туриши керак деб эртасига ўзи бош бўлиб, Ойғизни, Қаликани, Сари опани, яна бирқанча оқсоч хотинларни олиб, Қозболага жўнамоқчи бўлди. Шу кечнинг ўзида тезлик блан бутун овуллардан ун, чой, ширинлик, мева-чеваларни йиғдирив келишди.

Барча ишларни маслаҳатлашиб, ҳал қилишган чоқларида энг қийини қимиз масаласи бўлди. Соғиладиган бияларни у ерга олиб бориб боғлашнинг иложи йўқ, жой тор. У ерда ҳалқ тиқилиб ётипти. Булардан бошқа меҳмон кутучилар қимизнинг кундагисини кунда етказиб турдиган бўлишипти. Бўтағон ўшоғидан Қозболага узлуксиз равишда қимиз етказиб туришини ёлғиз Абайлар эмас, мана шу ерда қолаётган овулларнинг бор катта-кичиги баравар бўйнига олиши керак.

Эл ётгунча, Улжон блан Абай шу атрофдаги йигирма овулнинг казо-казоларини чақириб келиб, яна маслаҳат бошлиши. У ерда ош бошқаручиларни толиш ўз йўлига. Энди бу ерда ҳам битта дурустроқ, сўзи ўтадиган, бутун ишларни бошқараоладиган одам бўлиши керак эди. Бу вазифани Қудойберди ўз бўйнига олди. Жумоғул, Ирсой, Жақиб сингари ёши катта қариндошлар уни қўллаб-қўлтиқламоқчи бўлишди. Иргизбойларнинг шу сингари казо-казолари бош қўшиб қилаётган катта кенгашда Зере сўзлади:

— Ҳарқанча маслаҳат бўлса қилинди. Энди қуми тупроқлик ёт одамларнинг ичида ёш болаларимнинг яхши ниятини ер блан яксон қилманглар. Уликка хизмат қилинган катта бошларнинг кичик бўлиб қолмайди. Одам бўлсаларнинг ҳамманг ҳам кина-кудуратни унут! Бўжей тириклигида олқишини олмаганларингта яраша энди арвоҳидан қарғиш олманглар. Болаларим блан келинларим, сенлар ҳам оёғинг турсин бошинг блан хизмат қил! Меҳмонларнинг кулидан кириб, косовидан чиқ. Эрликни фақат олишимда синалмайди, меҳр-оқибатда синалади. Ҳориб-толиб қолсаларнинг ҳам қошдан қовоқ қайтарманглар! Үйнаб-кулиб хизмат қилинглар! Эс-ҳушларингдан адашиб, шишиниб кетманглар! Ма'қул, қобил бўлиб, аҳллик блан хизмат қилинглар! Шундай қилмасаларинг, мана қариндошлар ҳаммангиз тўрт кўз тугаллик блан ўтирибсиз, менинг тириклайн ўлганим! — деди.

Катта овул кечаси блан тайёрлик кўрди ва ош овқатга керакли ўтовлар жўнатилди. Кун кўтарилиши блан

Улжон ёнига Ойғиэ блан Сари опани олиб жўнади. Ҳаммадан кейин Абай блан Изиқутти кетди.

Меҳмон кутиладиган ўтовлар ҳам, қозон бошига тикиладиган ўтовлар ҳам белгиланган ерларига ўрнатилиб қўйилган эди. Ўтовларнинг ичини ҳам безатилиб, ҳар уйнинг олдида меҳмон кутадиган йигитлар қўл қовишириб ҳозир туришган эди. Ҳар ўтовнинг бўсағасига иккитадан катта соба¹ ўрнатилган эди. Абайнинг орқасидан кетма-кет йўлга чиқсан қимиз ташучилар ҳам катта-катта саноchlарда қимиз келтириб, ҳалиги собаларга қўйишиди.

Улжон, шодлиги ичига сиғмай, билагини шимариб, ўз вазифасини бажаришга киришган. Катта қозон қуриладиган ўчоқни Қозбола сувига яқин ердан кавлатилди. Йигирмата йигит бияларни ағдариб сўяётган пайтда, Улжон яна бир гала йигитларни олиб, йигирмата қўйнинг ўнтасини Қозбола сувининг бўйига олиб борди-да, ҳарер-ҳарерга туриллатиб ўт ёқдириб, қўйларни ўтира бошлади. Одатда кўпчилик келадиган тўй ва ма'ракаларда қўй ўтилмас эди, шундай бўлса ҳам Улжон семиз от гўшти блан баррадек қўй гўштига ўтилган қўйнинг гўштини ҳам қўшиб пишиromoқчи эди. Гарчи меҳнати зўр бўлса ҳам, Абай тиктирган уйларнинг дастурхонига тортиладиган овқатларга яна бир ҳусн киргизмоқчи эди. Фақат ўша она авлод томонидан келадиган меҳмонларнинг казо-казоларига отаб, қишдан қолган бор сургўштларни ҳам икки кажава қилиб олиб келган эди. Меҳмонларнинг ҳаммасига етказаолмаса ҳам, энг қадрлик катталарига янги гўштларга сургушт аралаштириб тортмоқчи эди.

Абай тиктирган ўтовлар бу ердаги бошқа уйларнинг ҳаммасидан ўзгачароқ бўлди. Буларнинг сиртқи кўриниши ҳам, ички безаги ҳам бошқача бўлиб, кўзга ташланиб турарди. Энг азиз меҳмонларга оталган ша'ни-шавкатлик уйлар шу уйлар бўлди.

Суюндик блан Бойдали бу уйларнинг тартиб-тапаррижини кўриб, Абайлар қурган катта қозоннинг бошига келиб, отдан тушди-да, Улжон блан сўрашишди. Бошқалардан ўзгача қилинаётган тарааддуудни кўриб, ичларидан ғоят хурсанд бўлишди. Бойдали яна отга миниб, кетай деятиган пайтда Улжон уни бир четга чақирди-да:

¹ Соба — катта саноқ, бирнечча саноқ қимиз кетади.

— Меҳмонларни кутиш ўз йўлига. Эртага пойга берилиб, полвонлар курашади. Неча турлик пойгалар бўлар. Совринга тўққиз тудан бошлаб тикиб, пойга берадиган бўлибсизлар, жуда яхши бўлипти! Қариндош-урӯғ борини аядиган вақт эмас. Менинг болам ҳам, пойгаларга соврин тикишдан четда қолмайман деяпти, шунинг кўнглига қараб, мана шу нарсани олиб келган эдим! — деб, чўнтағидан шойи рўмолга ўроғлиқ бир нарсани чиқарди-да, Бойдалига узаташтириб: — пойгага тикиладиган бир тўққизнинг боши шу бўлсин! — деди ва бир катта куюм «стийтуёқ» кумуш берди.

Сўйиладиган молнинг ҳаммаси ўша куннинг ўзида сўйилиб, озиқ-овқат ҳам қозон бошига тикилган уйларга жойлаштирилиб, кун ботиш олдидан Қозболага келадиган кўп меҳмонларнинг олди келиб тушабошлади.

Бойдали, Бойсол, Изиқуттилар меҳмонларга атаб тикилтан уйларнинг ўртароқ еридаги тепаликка чиқиб хийла вақтдан буён меҳмонларни кутиб туришган эди. Тўрт тарафдан қирқ-элликдан, йигирма-ўттиздан бўлиб, отларини аста бостириб, лак-лак меҳмонлар келишмоқда. Меҳмонларни кутиб олгали ҳозирланиб турган йигитлар юргурганича ҳар тўпнинг олдидан қарши олиб чиқиб, салом беришиб, уларнинг кимлигини билиб, тепаликда ўтирган катталарга томон бошлиб келмоқда. Урғ-одат бўйича бошқа элдан келган азиз меҳмонлар аввало ош берадиган бошлиқларнинг олдига бориб, улар блан сўрашиб, сўнг меҳмонхонага киришлари керак эди.

Меҳмон кутучилар бўлса, ҳарқайиси ўз уйларига тушадиган меҳмонларни, ўз чекига тушган уруғларни қарши олиб чиқишарди.

Абайнинг йигитлари Жиренше, Эрбўл, Бозорали, Мирзахонлар ҳам ўша меҳмонларни қарши олаётган тўда ичидаги юришган эди.

Абайнинг ўзи қирқ-ўттиз йигит блан меҳмонхоналарнинг олдидаги Еттисувдан келадиган меҳмонларни кутиб турарди.

Аввалги юзталаб келаётган меҳмонларнинг сони мингдан ошди. Жигитек, Котибақ, Бўкенше эллари тиккан оувулларнинг кўпчилиги ўз меҳмонларини қарши олиб жойлаштираётган.

Абайнинг меҳмонлари қош қорайган пайтда кўринди.

Бўжейнинг тоғаси серсавлат, оқсоқоллик, кўркам қекса киши экан. Бўжейнинг ма'ракасига шу одамнинг ўзи

келипти. У тепаликка чиққанда, бошқа меҳмонлардан ўзгача қилиб, отдан тушиб, барча катталар блан қучоқлашиб кўришди. Булар кўпчилик бўлиб келишган экан. Етти сувдан келаётган семиз Найман, Жолайир, Мотой, Сибон элларининг кишилари ҳам шу одамнинг орқасидан келишаётган экан. Буларнинг орқасидан тўдалашиб келаётган найман қалпоғини кийгандар ҳам кўринабошлади.

Изиқутти блан Суюндик Бўжейнинг она авлодининг ва уларнинг орқасидан келган одамларнинг олдига тушиб, уларга аталган меҳмонхоналарга бошлаб кетишли.

Тоғалар яқинлаб келганда, меҳмонхонанинг олдида турган барча йигитлар блан Абай салом бериб, уларни отдан тушириб олишди. Суюндик Бўжейнинг тоғасига Абайни таништириб, унинг Қунанбойнинг ўғли эканлигини айтди.

Абай қўл қовиштириб «Хуш келдингиз, тоға» деб та'зим қилди. Меҳмонлар шу тикилган беҳисоб уйларпинг ичидагана шу ўнта уйнинг ўзгача эканлигини отларидан тушмасданоқ пайқашган эди. Бу уйларга ўзлари тушмай, бошқа уйлардан жой кўрсатилган меҳмонлар «бу ўзгача уйлар кимларга аталган экан? Бу уйларда кимлар кутилади» деб, бир-биридан сўрашаётган эди. Шунинг блан бирга бу уйларни Қунанбойнинг ўғли тикирганини ва бу уйларда Бўжейнинг тоғалари кутилишини ҳам бир нафасда билиб қолишли. Мўйсафид тоға блан унинг ёнидаги казо-казолар ўртадаги энг яхши ўтовга жойлаштирилди.

Тоғалар пойгага қўшгали бир қора арғимоқ, икки саман югурек от олиб келишили. Буларнинг пойгага қўшгали олиб келган думи боғланган укларлар, туморлар тақилган отлари ҳам алоҳида ерга бойланди.

Узоқ-яқиндан келаётган гала-гала тўдаларнинг ҳаммаси ҳам шу сингри пойгачи отларини пишқиртириб, ўйноқлатиб келишаётган эди. Аввалги тўплар келиши блан кўп ҳаялламай бошқа меҳмонлар ҳам етиб келишили. Кўз очиб юмгунча ўн ўтовнинг олтитаси тўлиб қолди. Еттисувлик қабилаларнинг ҳаммаси деярлик келипти. Энди қош қорайган пайтда Қозболага оқиб келаётган меҳмонларнинг кийимларини пайқаб бўлмас, қайси уруғдан эканлигини ҳам билиб бўлмас эди. Фақатгина ба'зиларида қора, ба'зиларида саман отлиқлар кўп каттакатта тўдалар кўринарди. Уларнинг кумуш урилган от жабдуқлари шам' шу'ласига тушганда ярақлаб кетар, бу

келаётган уюрсак отлар бу ерда тұдаланиб турған беҳн-сөб отларни күрганда кишинашар эди. Абайнинг уйларига тушадыган мәхмөнлар сал тайсаллаб қолди. Абайлар энди қолғанлари әртага келишар деб, аввал келған мәхмөнларға қимиз тортабошлаган эди. Шу топда Эрбұл Абайнинг ёнига келиб:

— Яна бир тұп одам келди! — деди, пичирлаб. Бу тұп Найман әлининг Тұбуқтига яқын ерда турадыган авлоди — Сибонлар экан. Бу әлнинг нариги учі — Оягүз Құнғиршавли, Оқшашылық бориб туташиб, бериги учі шу Чинғиз әлиға келиб құшилади. Бу Тұбуқти әли блан сирдош, лекин күпинча сен әмас, мен деб талашиб-тортишиб келаётган эл.

Абай дардөл әшикка чиқиб, бор йигитларини тұплаб, үларни ҳам яхшилаб қарши олди. Турған жойи яқын бұлғанлигидан Еттисувдан келғанларнинг ҳаммасыға қарғанда булар күпчилик бўлиб келишган экан. Абайнинг чекига тушган мәхмөнларнинг охири шулар эди. Абай буларни бўш турған уч-тұрт ўтояга жойлаштирида, барча йигитлари блан жон отиб, мәхмөнларни кутишга киришди. Мәхмөнларға аввало қимиз киргизилди. Уннинг орқасидан чой... Ундан кейин от блан келтирилган товоқ-товоқ гўштлар тортилди.

Йўлдан чарчаб келған мәхмөнларнинг кўпи овқатдан кейин ётабошлади. Фақат Сибонларгина ҳали бардам эди. Овқатдан кейин буларга қимиз тортилди.

Тоғалар туштан уйда ўралашиб юрган Абай энди Сибондан келған мәхмөнларнинг олдига кирди. Сибонларга Собирбой бош бўлиб келған экан. Собирбой оқин сўзга усталикда ном чиқарган Оқтойлақнинг ўғли эди. У ёшлик чоғида донғи кетған Жоноқ оқин блан айтишиб, уни ўлан блан мот қилиб «бала оқин» деган ном олган эди. Абай уннинг кўп ўланларини эшиштган, бирқанчасини ёддан биларди. Уз мәхмөнларининг ичидә Собирбой ҳам бўлганига Абай foят хурсанд бўлди.

Собирбой бўлса, ўзлари туштан уйларни, Қунанбойнинг уйлари эканлигини келиши блан билған эди. Собирбой Тұбуқтидан тортиб, Иргизбой әлининг хотин-боласигача яхши биларди. Сибон әлининг сўзамол одамлари тек ўтиришмади. Улар кечқурун келгандан бўён, әшикка чиқиб, мәхмөн кутиб юрган Эрбўллар блан сўзлашиб, бу ўн ўтовни, уннинг эгаларини Собирбойга ма'лум қилишган эди.

Собирбойнинг ўзи ҳам қуюлаётган қимиздан, ёзилган дастурхон блан идиш-товоқдан, чойга киргизилган мева-чеваларнинг тўкиб ташланганидан пайқаб ўтирган эди. Айниқса янги қази блан ўтилган қўйнинг гўштини аралаштириб тортилишидан буларнинг ўзгача иззат-икром блан меҳмон кутаётганини билган эди. Тортилаётган овқатлар ҳамма ма'ракада барчага баравар тортиладиган овқатлардан ўзгачалиги кўриниб турарди.

Мана шу ишларнинг ҳаммасини Қунанбойнинг бир ёш ўғли бошқараётир, деган гапни эшигандан кейин Собирбой шу бола ёнларига келганда зўр илтифот билдириб Абайга:

— Бери кел! Қани ўтир, болам! — деб чақириб олдида, ўз қўли блан қимиз қўйиб узатди.

Қизғич қўнғир соқоллик, оқ сариқдан келган барваста Собирбой Абайнинг кўзига ажаб бир кўркам ва иссиқ кўринди. Бу меҳмон Абайдан ота-оналарининг соғ-саломатлигини сўради. Меҳмонларга қилаётган иззат-икромлари учун олқишилади.

Абай ўзича сўз қотмай, фақат Собирбойнинг саволларигагина жавоб бериб ўтиради. Ёш йигитниң кўриниши, хулқи Собирбойга ма'қул бўлди шекиллик, уни сўзлатишга уриниб:

— Бир вақтлар Дулат оқин менга бир гап айтган эди. Шунда Қунанбойнинг Улжондан туғилган бир ўғли бор экан, ўқишидан қайтиб келган экан, ўланга кўп ишқибоз экан, ўзи Зеренинг қўлида турса керак дегандек бўлган эди. Ўша сен бўлсанг керак,— деди. Абай ўнғай-сизланиб, жилмайди-да:

— Тўғри, Дулат оқин бизнинг уйда бироз туриб кетган эди! — деб, Собирбойга қаради. Собирбой кулим-сираб:

— Болам, энди сен бу гапларни кўнглинга олма, сенинг отанг блан биз бирга ўйнаб катта бўлганимиз. Шунинг учун тортинасдан сўзлай бераман. Отанг-ку, ўлан деса кайфи учарди, сен қаердан ўланга ишқибоз бўлиб чиқдинг? Қани, шуни айтиб бер-чи? — деди.

Бу гапга ўтирганларниг ҳаммаси кулишиди. Абай уй эгаси бўлгани учун кўп сухан қилмай, ўтироқчи эди, лекин мана бу Сибонлар бегоналардек тортинасдан, Тўбуқтининг ўз одамига ўхшаб, бемалол ўтиришган эди. Абай Собирбойнинг гапига жавоб бермоқчи бўлди. Жавоб ҳам тилининг учида турган эди, лекин меҳмонга келган

кекса одам блан очилиб сўзлашиш одобдан бўлмас, деган хаёлга бориб ўйланиб қолди.

— Қани оғзингни жўплаб турибсан-ку, уялма, айтабер!— деди Собирбой.

— Айтсам айтай Собирбой оға! Отаси қадрдоннинг боласи қадрдон дейдилар-ку, гапим ўринлик чиқмаса афу этинг! Ўланни яхши кўрмайдиган одам борми? Отамнинг ҳам яхши кўрадиган ўланлари бордир.

Чавкарим, арғумогим, шўх моролим,
Уз бийлигин юргизган жондоралим¹.

деган ўланнинг ғашига тегиб айтган гапларини хотирласангиз керак!

Ҳаммаси ялт этиб Абайга қаради. Собирбой шарақлаб кулиб юбориб:

— Ёпирим, мана бу болани айлантириб уришини қаранг! Бу гапдан сенинг ҳам хабаринг бор эканда-а? — деб, ўтирганларга бир қур қараб қўйди,— бунинг гапини қаранг! Менинг Солтабойга айтган ўланнимга ишора қиласёттир. Уша ўланни эшигандан Қунанбойнинг энсаси қотиб кетиб: «Бунча хушомад қилмасанг?» деган эди. Болам, сен гапни ўринлатдинг!— деб, яна кулди.

Шундан кейин Абай бошқа сўз қотмади.

Кейинги вақтларда Абай отаси бошлиқ бутун катталарга тегадиган гапга келганда шу сингари чертиб ўтишни яхши кўрадиган бўлиб қолган эди. Узи қўярда қўймай сўзлатган Собирбойга ҳам шундай жавоб берганига укиннади.

Меҳмонлар хийла вақтгача суҳбатлашиб ўтириб, кеч ётишди. Абайлар уларга тўшак ёздириб, ҳамма меҳмонларни ётқизиб, ўтовларнинг тунликларини бекитдириб, катта қозоннинг бошига келишганда ёзнинг қисқа туни ўтиб, тонг суриб келмоқда эди.

Қозболанинг жануб томонидаги катта-катта қоялар Тезек тоғининг чўққиси кўкимтири тортиб, юлдузлари сийраклашган, кўк гумбази остида гўё «тонг отаётир» деб, бу атрофдаги қоронгулик қучоғида оғир уйқига чўмган водилар ва сойларни уйғотаётгандай ҳаммадан олдин бўзариб келмоқда эди.

¹ Жондоралим — генерал сўзининг бузилгав шакли; ҳукмдор, буйруғи икки бўлмайдигав киши ма'ноларида.

Абай, Эрбўл, Изиқуттилар катта қозон бошига яқинлаб қолганларида ўзаро:

- Ҳозир тонг отади. Бугун ухлашнинг иложи бўлмас!
- Бугун уйқини йигиштириб қўяйлик!
- Эртароқ ўтин-сувнинг ҳаракатини қилайлик!
- Қимиз! Ҳаммадан ҳам қимиз кечикмасин! Ҳамма уйлардаги собалар ҳам бўшаб қолди.

— Уйқини қўйиб тезроқ ҳаракат қилайлик! — деб сўзлашиб кундуз қилинадиган ишларни бартараф қилиб қўймоқчи бўлишиди.

Эртаси кун энг оғир кун, ма'раканинг асосий куни эди. Абайга қараашлик меҳмонлар бугун тушга қадар ўтирган уйларидан қўзғалишмади. Бу уйларга эрталабдан бошлаб чой, қимиз киргизиб турилди-да, тушга бориб ўн уйнинг ҳаммасига ҳам гўшт тортилди. Абайнинг меҳмон кутишидан ўз меҳмонлари ҳам, бошқалар ҳам, ма'рака эгалари ҳам кўп хурсанд бўлишиди.

Товоқ ташучиларнинг ҳаммасининг тагида йўрга отлар. Бу отларнинг ҳаммасига кумуш блан ишланган эгар-жабдуқ урилган. Товоқ ташиётганларнинг ҳаммаси бошига оқ шоҳи рўмол боғланган. Булар қозон бошидан икки қўлига товоқ кўтариб, меҳмонхоналарга қараб қаторлашиб, от қўйиб бораётганларida бутун ўлка яшнаб кетгандай бўлди. Бўжейнинг тоғаларини ҳеч кам-кўстиз, алоҳида иззат-икром блан кутилди.

Кундузи тортилган овқатларни ҳалқ батамом еб бўлган пайтда Бойсол катта, кўкка мойил оқ отта миниб, қўлига узун ёғочга боғланган түғни кўтариб, ёнига қирқ-элликта йигитни олиб, на'ра тортиб, от қўйиб чиқди. Бу пойга, кураш, от устида бўладиган тамошолар бошлангани, меҳмонлар отга минсин, тайёрлансан дейилгани эди. Ҳамма отга қараб интилди. Ел-думи таралган пойгачи отлар ҳам кийикчасига оёқ ташлаб, бир-бирини итариб чиқишиди. Қум-тупроқдек ҳалқ бир нафасда отланди.

Қанча одам йигилганини Абай кўролмади. У отига минмаган, минмоқчи ҳам эмас эди, негаким, унинг чекига тушган меҳмонлар йироқдан келган одамлар бўлгани учун бугун жўнамас эди. Шундай бўлгандан кейин уларни кечқурун кутишга ҳам ҳозирлик кўриш керак эди. Абай блан Изиқутти шу ишларни ташкил қилиш ҳаракатида эди. Абай қўл остида хизмат қилиб юрган йигитларнинг бирортасини бўшатмади. Фақат Эрбўл кўпчиликка қизиқиб тоқат қилиб туроғлмади-да:

— Ҳеч бўлмаса бўлаётган ишлардан сизларга хабар қилиб турарман, нима бўлаётганини билдириб турарман! — деб, чопганича кетди. У бир нафасда қайтиб келиб, кўп янги хабарлар келтирди. Кечадан буён қанча халқ йигилганини ҳечким билмас эди, Эрбўлнинг айтишига қараганда, бирнече мингга борар экан.

Абайнинг меҳмонлари отларига миниб кутиб туришган эди. Бойсол на'ра тортиб, қўлидаги туғни баланд кўтарганича от қўйиб, Тезек тоғининг чўққисига қараб кетди. Ўша тоғининг нариги томони яйдоқ дала бўлиб, пойга ҳам, кураш ҳам, шунга ўхшаган бошқа ишлар ҳам ўша ерда бўлиши керак эди. Бойдали туғни кўтариб, ўша томонга жўнаши блан, қай томонга юришини кутиб турган тўп-тўп отлиқлар ёпирилиб, гулдурос солиб Бойсолнинг орқасидан чопиб кетишиди. Абайларнинг ёнидан халқ селдай оқиб ўтаётир. Келганларнинг сони-саноғи йўқлигини Абайлар ҳам энди билишди. Шу пайт Улжон, Ойғиз ва меҳмон кутиб юрган барча хизматкорлар ҳам қозон бошидаги ўйларнинг олдига чиқиб, уларни тамошо қилиб туришди.

Ерни ларзага келтириб от қўйиб кетаётган мўр-малаҳдек халқнинг бир учи қозон бошида бўлса, иккинчи учи кўз илғар-илғамас ерда кетаётган эди. У боши блан бу бошининг ўртасидаги отлиқлар хийла вақтгача усти-усттига ўртилиб, кўчиб бораётган қора булатта ўхшаб кўринарди.

Иироқ эллардан келган меҳмонлар бир бўлса, Тўбуқтининг ўзида ҳам от минишга ярайдиган эркакларнинг биронтаси қолмаганга ўхшайди.

Бир нафасдан кейин Эрбўл пойгага қўшиладиган отларнинг сонини билиб келди. Бойдали пойгани жўнатгали санатганида юз элликта от бўлипти. Шуларнинг ичидан ўн отга соврин тикилипти. Совриннинг олди тўққиз туя, иккинчиси тўққиз ёнби, ёнбига кеча Улжон олиб келган кўмиш тикилипти. Үндан бошқа нарсалар ҳам, тўққиз-тўққиадан тикилипти. Катта ма'раканинг кураши ҳам катта бўлади. Полвонларга бериладиган соврин ҳам тўққиз-тўққииздан тикилган эди.

Бугун туш пайтида оналари Абайни чақириб олниб. «Меҳмонлар эртага тушлик овқатни еб жўнайдиган бўлса гўшт камлик қиласи, уялиб қолмайлик, ҳозирдан ҳаракат қилиш керак» дейишиди. Шунинг учун ҳам, Абай ма'рака тамошосига бормай қолган эди. У тезлик blaъ Мирзахон,

Изиқуттиларни Бўтақонга, Қудойбердига чоптириб: «Қисир бияларнинг тойидан бештасиги тутиб юборсин» деб бўйруқ қилиб, ўзи шу молларни кутиб турган эди. Улардан яна «У ердаги овуллар ош тамом бўлди деб бепарво қолиб, эрталаб қимиз юбормай қолмасин, бошқаларнинг меҳмони тез тарқалса ҳам, бизнинг меҳмонларимиз бугун кетмайди, шуки ҳам тайинлаб келинглар» деб юборди. Яна бир қийинчилик ўтин-сув масаласи эди. Бу нарсаларнинг ташвиши ҳам Абайнинг бўйнида. Шундай қилиб, ма'раканинг зўр ташвишини оғир меҳнатини кўргани бўлмаса, ҳечбир роҳатини кўрмаган Абай бу кунни ҳам, кечани ҳам мижжа қоқмай ўтказди. Меҳмонлар чанг-тупроққа ботиб, куйиб-ёниб, ташна бўлиб келгандарида, уларнинг олдидан яна худди кечагидек меҳмондўст, хуш-фे'л йигитлар чиқиб, фармонбардор бўлиб, қарши олишди.

Ташна бўлиб келгандарга аввало оз-озгина муздай қимиз тутишди, ундан кейин чой киргизилди. Бақиллаб қайнааб турган катта-катта сариқ самоварларни икки-уч йигит кўтариб киришди. Бу самоварлар гўё бутун меҳмонларнинг кўнглини топгандек, уй ичини руҳлантириб юборди.

Бугун ҳам Абайларнинг меҳмонларга қилаётган иззат-икроми кечагидан ошиб тушган бўлмаса, кам бўлмади. Бошқа уйлардаги меҳмонларнинг кўпи кун ботиши олдидан жўнаб кетгани учун Бойдали, Бойсол, Суюндиклар ҳам шу уйга келишган эди. Улжон блан Абай тоғалар блан бирга ўтириб, ўзлари ҳам меҳмон бўлиб кетишин деб буларни айтдириб юборишган эди. Шу кеч булар ҳам Абайнинг нақадар тартиб ва таларриж блан иззатикромни жойига қўйиб меҳмон кутаётганини кўришди.

Абай бу кеча ҳам ухламади. Уйқусиз ўтаётган оғир кечаларнинг учинчиси ўтди.

Эртасига тушлик овқатни эртароқ ҳозирлатиб меҳмонларга киргизилди. Мана шу овқатнинг дастурхони йиғилганда Наймандан келган кекса тоға Абайнин чақириб олиб кўп розилик блан фотиҳа бериб, оғарин айтди.

Худди шу учинчи куни Абайнинг ранги-рўйига кўзи тушган Улжон, Изиқутти, Эрбўллар унга диққат қилиб қарашибди. Абайнинг ранги кетиб, касалдан турган кишидай қўзлари киртайиб қолган эди.

Эрбўл блан Изиқутти ҳам ўзини олдириб қўйган эди. Уччови бир-бирининг кўринишини эрмак қилиб, кулишди. Эрбўл:

— Тўғри, ҳаммамиз ҳам худди кеча иссиқда пойгага қўйилган кўк отга ўшаб қолибмиз! — деди.

— Уйқидан бошқа тиласигим йўқ. Шу турган еримда ўзимни таппа-ташлаб юборгудай бўлиб турибман, — деди Абай тинка-мадори қуриб кетганидан.

Шу пайт Бойдали келиб, ўтирганларнинг ҳаммасини Бўжейнинг уйига таклиф қилди. Ма'рака маросими тамом бўлган эмас, ҳали давоми бор эди. Ма'рака Бўжейнинг эгасиз қолган отини сўйиб, унинг уйига ўтган йил ёйилган сепни йигиш, эга-эгасига тарқатиш, той-той қилиб боғлаб ташланган буюмларни ечиш блан тамом бўларди.

Бу ишда яқин қариндош-уруғларнинг иштирок этмай қолишин мумкин эмас. Бўжейнинг тогалари бошлиқ бор тўбуқтилар энди шу маросимни ўтказгали Бўжейнинг уйига келнишди. Бойдаллар Бўжей уйининг ёнига келгандарида, ўтган йилдан буён қора кийиб юрган аёллар эшикка чиқишиди. Шундан сўнг Бойдали ўтовнинг белига қистириб қўйилган қора түғни суғириб олиб, Бойсолга берди. Таомил бўйича Бойсол қора түғни ерга ташлаб, оёғи блан синдириди. Шунинг блан йил оши ўтганини, та'зия тамом бўлганини, азалик-қайгулик қора кунлар битганини билдириди.

Бойдалининг буйруғи бўйича Суюндик кўпчиликни бошлаб ўша уйга кирди-да, той-той қилиб боғлаб, тираф ташланган буюмларни ечиб, тахини бузди. Бу ҳам та'зиянинг тамом бўлганини кўрсатадиган ишларнинг бири эди. Шу топда Бўжейнинг хотини, икки қизи уйнинг ўнг томонида тескари қараб ўтириб, йиғи бошлади. Ўй ичидаги одамларнинг ҳаммаси товуш чиқармай, пиқ-пиқ йиғлашдн. Бўжейнинг арвоҳига аталган сўнгги кўз ёшлиари шу эди. Энг сўнгги қур'он ўқилиб бўлгач, ҳамма баробар эшикка чиқиб турганда, эгасиз қолган икки отни етаклаб келишиди. Фоят семириб кетган кўк от блан кулранг от осов бўлиб кетган экан.

Бўжейнинг қариндошлари икки отни йиғлай-йиғлай йиқитди-да, Бойдалига бўғизлатишиди.

Ҳалиги қора түғни йиқитган Бойсол, сепни бузган Суюндик энди бу эгасиз қолган отларни бўғизлаган Бойдали уччалови кейин «йўл» олишади. Булар шу қабила-нинг ҳам каттаси, ҳам Бўжейнинг узанггишлари эди. Шунинг учун одат бўйича Бўжейнинг ма'ракаси тамом бўлганини билдирадиган ирим-чиримларини шу уч кишига топшириш керак эди.

Бу отнинг гўштига оғиз тегмагунча кетишининг иложи йўқ эди. Абай мудроқ босиб, қалқа-қалқа ўтириб, бу отнинг гўшти пишгунча кутди.

Кечга яқин овқатни еб бўлиб, Абай катталар блан хайрлашиб, кетишга рухсат сўради. Шу топда Бойсол Абайнин чақириб олиб, пешанасидан ўпди-да:

— Болам, мен шу вақтгача сен блан сўзлашиб, ҳамсуҳбат бўлиб, дурустгина кўришмаган эдим. Лекин ҳамма кўрган-кечирганим ёдимда. Бир йили Қарқаралида Бўжей, сенга меҳри тушиб, фотиҳа берган эди-ку! Ушанда айттан гаплари хотирингда бўлса керак. Сенга зўр умид блан фотиҳа берган эди. Ўша вақтда мен унинг гапларини ёқтиримаган эдим. Қариндош-уруғ, ёр-дўстларга адолат блан қилаётган лабзингни эшишиб юрибман. Мана бугун Бўжей акангга чин жигарлигингни кўрсатиб, юзингни ёруғ қилдинг. Яхши қариндошларнинг ҳаммасининг ҳам умидини шу йўсинда оқлагайсан! Оқларсан деб умид қиласман! Оқладиган кўринасан, чироғим, фақат ла'нати ҳаёт йўлдан оздирмаса бас! Юксалиш ҳали олдингда! Юзинг иссиқ! Худди шу юзингдан ярлақасин!— деб фотиҳа берди.

Бойсол, Суюндик, Қулуншоқлар ҳам унга қўшилиб фотиҳа қилишди. Абай индамасдан, катталарга эргашиб юзига фотиҳа тортиди-да:

— Раҳмат! Берган фотиҳангизга раҳмат! Айтганингиз келсин, Бойсол оға!— деди. Сўнг ҳамма блан хайрлашиб, Эрбўл иккови отларига минишди. Бу вақтда Улжон ҳам аравасини қўштириб, жўнаб кетган эди.

Эрбўл блан Абай отини елдириб бораркан, от устида қалқа-қалқа зўрға Бўтақонга бориб етишди. Улжон булардан олдинроқ келиб, меҳмонхонани холи қилиб, икковига қалин тушак ёздириб қўйган экан.

Абай келиб катта уйга кирди-да, энаси блан кўришиб бўлиши блан Улжонга қараб:

— Уйқи, уйқи! Ола, уйқидан бошқа ҳеч нарса керак эмас,— деб тўрга чўзилди.

Шу сингари уйқисиз кечаларни, кўз очгудек мажол қолмайдиган ҳоришни кўргани шу эди. Онасининг уйнга келиши блан эрка болаларга ўхшаб кетди. Улжон Абай блан Эрбўлга бир косадан қимиз узатди-да, меҳмонхонага ўзи бошлаб бориб, икковини ётқизиб, устини ёпиб қўйди.

Икки йигит бас бойлагандек боши ёстиққа тегиши

блан уйқига кетди. Эртасиға тушга яқин уйғониб, бир косадан қимиз ичишди-да, яна кечгача ётиб ухлашди. Қош қорайған пайтда туришди-ю, яна мудроқ босиб, ҳали ҳам гангиган ҳолда, әлдан бурун ётиб олишди. Иккинчи куни чоштоқга бориб иккөви ҳам тиниқиб турди. Иккі кечаю бир кун ухлаган Абай қаттиқ уйқуда ётар экан, ўзининг нақадар обрүйга, яхши йигит деган номга сазовор бўлганидан бехабар эди.

3.

Бу кунларда бутун яйловлардаги шов-шув гап — Бўжей ма'ракасининг гапи эди. Ош берганларнинг ҳам, ошга борганларнинг ҳам, ма'ракага бормаган бўлса ҳам борганлардан эшитганларнинг ҳам — ҳамманинг оғзида шу ма'раканинг та'рифи. Бу довруқ фақат Тўбуқти элининг ичидагина эмас, олис-яқин, паст-баландда ўтирган беҳисоб элларнинг ҳаммасига тарқалиб кетаётган эди. Абайнинг ўзи таванхона блан меҳмонхонанинг ўртасида елиб-югуриб, тинмасдан хизмат қилиб юрганида бу ма'раканинг шунчалик довруқ бўлиб кетадиган воқиа эканлигини билмаган эди.

Ҳақиқатда ҳам Бўжейнинг ма'ракаси фақат Тўбуқти элидагина эмас, бу яқин ўргада, бу атрофда кўрилмаган ма'рака бўлди дейишади.

Бу кунларда шундай шов-шув кўтариб юрган кексалар, йигит-яланг, хотин-халаж, турган гап, бу воқиани ҳали-бери унутмайди. Ма'раканинг гапи ёз бўйи эмас, кузгача, қишигача чўзилади. Одатдагидек вақт ўтган саин бу ма'раканинг атрофига қанча-қанча тўқима гаплар ёпишади. Шундай қилиб бу ма'раканинг гапи келгуси йилларда ҳам тамом бўлмайди. Айниқса, шу ма'ракада йиқитган полвоннинг номи, шу ма'ракада ўзиб чиқкан югурик отнинг та'рифи, шу ма'ракада ўтган ҳазил гап, асия, ширин сўзлар халқ оғзида қолади.

Фақат шугина эмас, Тўбуқтилар бундан буён шу йилларда туғилган боласининг ёшини Бўжейнинг ма'ракасидан бошлаб ҳисоблайдиган бўлади. Фақат ма'рака берилган йили туғилган болаларгина эмас, ундан бирор йил олдин ва бирнече йил кейин туғилган болаларни ҳам, гўё катта довоннинг ё ўёғида, ё буёғида деятгандай, ўша ма'ракадан «ё олдин, ё кейин» деб сўзлайдиган бўлишади. Бўжей ма'ракаси мана шундай донгги кетган ма'рака. Энди шу йил тушган келин, шу йил вафот қилган

ёшу қари, шу йилги қуда тушишлар, суннат тўйлари, куёв қилинганинни ҳам шу ма'ракадан мўлжал қилиб сўзла-нади. Бу гап фақат одамларга тааллуқли ёмас, кейинчалик бориб, донгги кеттан пойгачи отлар чиқса шуларни ҳам Бўжейнинг ма'ракасида той эди, фунан эди, ёки она-сининг қорнида эди, дейдиган бўлишади.

Қуми-тупроқдек одам йиғилган катта ма'рака, турган гап, шу сингари вақт ўлчовига айланаб кетади. Бундай ма'рака бир пуштнинг эсидан чиқмайдиган гап бўлади. Шу маҳалгача унитилмай келаётган Аблай ма'ракаси, Бўни ма'ракаси ҳам шу сингари ма'ракалардан-да.

Тўбуқти элининг мана шу довруғи шу тахлитда улгайиб, зўр ўлкаларнинг кенг яйловлари, ўри-қири, бурчак-бурчагида зўр шов-шувга сабаб бўлди. Мана шунингдек катта ма'ракада хизмат қилиб, яхши ном кўтарган кишиларнинг исми шу кунларда кўп тилга олиниб, кўпнинг оғзиға тушиб кетди...

Ма'ракани яхшилаб қилган Бойдали, Бойсол, Суюндикларнинг номи чиққан бўлса, улардан ҳам кўпроқ номи чиққан, ёшгина йигит Абай бўлди.

Сўзловчилар гапни аввал Абайнинг Қунанбой блан қилған можаросидан бошлар эди. Абай бераҳм, қаҳри қаттиқ, баджаҳл отасини қаттиқ койиб ташлаган эмиш. Минглаб келган меҳмонларнинг ичida Абайнинг меҳмонлари унутилмас иззат ҳурмат кўрган эмиш. Абай барча меҳмонларнинг кўнглини овлаб, ҳаммасидан фотиҳа олган эмиш. Абай ҳалқа қайишадиган, яхшиликни кўзлайдиган, ақли камолга етган бола бўлган эмиш.

Кексаларнинг кўпчилиги Зере блан Улжонга ҳам кўп офаринлар айтгаётган эмиш. «Ҳаммани йўл-йўриққа соладиган Зере-да, элининг онаси эмасми, кўпнинг тилагини кўзлайдиган одам-да. Шу набирасини ўз бағрида ўстирган экан, набираси ҳам унинг оқ сутини оқлапти» деб қўйишишарди. Боласи блан бирга бориб, йўл-йўриқ кўрсатиб, ҳормай-толмай хизмат қилган Улжонни ҳам мақташарди.

Абайлар ухлаб ётган чоқда Зеренинг уйига теварак-атрофдан мана шундай гаплар етиб келмоқда эди. Ҳатто Жигитек, Котибақдек элларнинг яйловларидан келаётган ёт одамларнинг оғзида ҳам шу гап. Боқонос бўйидаги Кўкше элини оралаб келган Қоратой ҳам шундай гапларни топиб келди. Қозбола бўйидаги Бўжей овулларида ҳам шундай гаплар тарқалётган эди. Ҳатто бу гаплар

Боқонос, Бойқўшқор сувининг у томонида яйлайдиган округи бошқа Керей элигача тарқалиб кетган эди. Абай блан Эрбўл учинчи куни туриб сув бўйига бориб, хийла вақтгача юванишди-да, сўнг, чой ичгали оналарининг уйига келишиди.

Зере набирасини ёнига ўтиргизиб, олдига чой қўйди-да:

— Ўзим ўргулай, қора кўзим! — деб, орқасига қоқиб, пешонасадан ўпди. Ўлжон бир товоқда яхна қилиб қўйилган калла блан гўшт келтириб Абайнинг олдига қўйиб:

— Мана, болам, сенинг одам бўлганингга атаб оналаринг бир қўй сўйидирган эди, ўшанинг калласи, олинглар,— деди.

Абай ҳайрон бўлиб:

— Опа, нима учун менга атаб сўйилди! — деди.

— Сенинг кечаги қилган хизматингдан эл-урӯғ рози бўлипти. Иккаланг ухлаб ётиб, ҳали ҳеч гапдан хабаринг йўқ! Халқ сени мақтаб, одам бўлипти деяётир. Шунга сўйидирдик.

— Оббо! Хизмат дегудек, қайси тоғни қулатипмиз! Кўпчилик блан бирга меҳмон кутганимизми? Ҳарқалай шўрлик қўзининг бошини кесишга бошқа баҳона топилмагандир? Қани, Эрбўл, кел бўлмаса! — деб Абай гўштга қўй узатди.

Орадан уч-тўрт кун ўтди. Бу вақтда Эрбўл яна ўз овулига кетган эди. Бугун қўзилар ма'рашиб келаётган пайтда, остидаги бўз отини терлатиб, қаттиқ юриб келган Эрбўл Абайнинг тепаликда ёлғиз юрган ҳолда учратди.

Йўлдошининг шошиб келишидан Абай яхши хабар кутди.

Кўп вақтлардан буён Эрбўл Туғжон томонидан Абайга дурустроқ хабар келтираолмай юрган эди. Энди, сўз бошламай туриб, аввало Абайнинг бошидан тумоғини юлиб олди-да:

— Қани, севинчини чиқар! — деди. Иккови ҳам бирбирини сўёсиз онглаб, кулиб юборишиди.

— Омад келиб турипти! — деди Эрбўл нафаси оғзи га тикилиб,— Суюндикининг кичик ўғли Адилбек бугун қаллигининг юртига жўнади. Суюндиқ, Осилбеклар ҳам бирга кетишипти. Кўпдан буён сўзлашмай юрган эдим. Бу ишларимизни Осилбек сезиб қолиб, мени кўп хушламайдиган бўлиб қолган. Шунинг учун Туғжоннинг ўзи у

ёқда турсин, янгасига ҳам йўлайолмай қолган эдим. Бугун туш пайтида бориб, Осиликнинг ўтовида қимиз ичиб ўтириб, янгаси блан хўп сўзлашдим. Туғжон сенга кўп интизор экан. Ҳеч оғзидан туширмайди дейди. Унинг устига яхши отинг элга тарқалиб, афтидан, мақтovчилар ҳам бизга хўп хизмат қилған кўринади. Бу атрофда Абайга тенг йигит йўқ деб янга, қайнин сингли бири олиб, бири қўйиб мақташаётир. Энди ўлсанг ҳам, қолсанг ҳам худди шу кунларда бориб, бир кўриниш бериб кел-чи. Шунга келдим. Қолган гапни йўлда гаплашармиз. Тездан от олдир, жўнайлик!

Боришига қарор қилишди. Абай хурсанд бўлиб кетганидан, юраги ўйнаб, рангги ўчиб кетди. Қош қорайган пайтда иккови Бўкенше элининг ялови — Жанибекка қараб йўл олди.

Абайнинг остида оқ ёллиқ саман йўрға. Эрбўлнинг остида бўз от. Икковининг кийими ҳам, тумоқлари ҳам отларнинг рангига мос. Икки йигит кечки салқинда йўлга тушиб отларини елдирганича, кенг дала қучоғига, кумушдек товланиб турган ўтлар ичига кириб кетаётганларида кўз илғамайдиган бўлиб кетишиди.

Қора адирнинг бағри серқатнов, у ерда юрилса, тун кечада кетаёттан икки ёш йигитни бирор кўриб қолиши мумкин. Шунинг учун булар, гарчи йўл айланиш бўлса ҳам, Тезек тоғининг этагидаги даладан кетишиди.

Бироздан кейин ой чиқиб, ғоят беғубор, тип-тинч сутдек ойдин кеча бошланди. Оқиш далалар, йироқдаги адирлар енгил кўкимтири туманга чулғониб, олам хаёлатга чўмгандай жим-жит эди.

Абай буюк кўк саҳнида сузиб кетаётган хирагина яримта ойга қараб, хўрсиниб қўйди.

Унинг беғубор, соғ кўнглидаги дарди фақат Туғжоннинг дарди эди. Лекин ҳаётнинг катта тўсиқлари, беомон қаршиликлари муз тоғдек бўлиб келди-да, икковининг ўртасига тушди. Иккови ҳам чин кўнглидан зўр умидлар боғлаган эди. Бўлмади! Бунинг оёғида тузоқ, унинг бошида боғ. Мана энди буларнинг кўнгли икковини айрган тўсиқлардан оша бир-бирига интилиб талпинади. Лекин оёқларидаги кишанин кўрганда, бу интилиш фақат аламлик дард бўлиб, юракларини тилка-тилка қиласи холос.

Абай Қарқаралидан келгандан кейин Туғжонга салом айтиб, яна бир учрашишни сўраган эди. Туғжон бу

саломни эшитгач, тоқат қилиб туролмай, қийнала-қийнала ниҳоят:

— Кўришгудек нима қолди? Энди кўришдик нимаю, кўришмадик нима? Шуни ўзи сезмайдими? — деб, кўнглидаги умидсизлик дардини билдириди.

Абай дардига даво тополмай қолди.

Тўғри, Абай Дилданни севиб қайтмади. Лекин шу тақдирига кўниб қайтди. Туғжоннинг ҳам Мамбетейда айттириб қўйган одами бор. Лекин ўша бор деб Туғжон у томонга қанот қоқмайди. Аксинча Абайнин севганидан бўён, у томон эсига тушганда, юраги безиллаб, ўйламасликка тиришарди. Абай қаллиғининг юртига кетиб қолди. Яна қайтиб келмайдиган кишидек, зўр довондан ошибкетди. Ўша кунларда Туғжон хилватда йиғларди ва ўзини анча олдириб қўйган эди.

Отини қаттиқ елдириб кетаётган йигитлар эл ётар чоғида Жанибекнинг рўпарасига етишди. Ҳамма ётиб қолди, Туғжоннинг уйига боришнинг иложи бўлмас деб, ўқиниб келишаётган эди.

Жанибекнинг кўп яйлоқли кенг ери икки томондан ясси тоғ блан қуршалган эди. Абайлар кун ботиш томондаги бир тепаликни бағирлаб кўтарилиб бораётганларида Абайнинг қулоғига олисда айтилаётган ўлан овози келди. Буни Эрбўл ҳам эшитган эди. Икки йигит тепаликнинг устига чиқиб бир нафас тўхтаганларида, ўлан анироқ эшитилди. Ўланни кўпчилик қўшилиб айтилаётган экан.

Мол кузатиб юрган хотинлар айтилаётган бўлса керак. Йўловчилар тепаликдан тушабошлишди. Бепоён яйловни беҳисоб овул тутиб ётган эди. Қўраларнинг ўртасида қўйлар тўпланиб турган кўпикка ўхшаб ётарди. Кимсасиз кенг водида ой нури остида тунликлари ёпиқ уйлар, қатор-қатор тизилган ўрдаклар, фозларга, уяда юмалаб ётган тухумларга ўхшаб кўринарди. Бир уяда олти-етти ўтов, бир уяда ўнбир ўтов бўлиб, тўртта-бешта ўтов турган уялар ҳам кўринарди.

Уйқида ётган оувулларни оша ўлан эшитилаёттир. Йигитлар илгари босган сайин, ўлан овози яқинлашиб янграб келмоқда эди. Бу яйловни кичикроқ сув косиб ўтарди. Бу сувнинг икки томони қамишэор. Абайлар шу тўқайни бўйлаб, сувнинг қуий томонига юришди.

Эрбўл пайқаб кўрса, ўлан Суюндиқ овулининг рўпарасидан келаёттир. Эрбўлнинг овули ўша овулининг нари ёғи-

да эди. Булар шу ўлан айтилаётган овулнинг устидан ўтишлари керак эди. Энди отларини елдирмай, оқ ёллик сарик йўрганинг йўл йўргаси блан келишмоқда эди.

Сўқмоқ блан бориб ўтталдан ўтишди-да, тўқайнинг нариги томонига чиқиши. У ердаги яйдоқ ерда Суюндиқнинг овули кўринди. Ўлан энди яқингина ерда эши-тилабошлади. Жаранглаб келаётган ўлан «Кўркам от» оҳангидга айтилаётган эди.

Абай блан Эрбўл Бўшонг элидан ўрганиб келишган бу янги оҳанг бу элларга ҳам тарқалган экан. Еқимлик, нафис товушлик хотинлар «Кўркам от» оҳангининг ба'зи жойларини бузиб айтишаётган эди.

Тўқайдан чиқишилари блан Эрбўл:

— Баракалла, мана бу тамошани кўр! Булар арғум-чақ учайтган экан!— деб бироз ўлаб турди-да — жуда соз бўлди! Тўғри борамиз!— деган эди, Абай отининг бошини тортиб:

— Тўхта!— деди.

Абай у қадар борди-келдиси бўлмаган овулга худди тамошо излаб келгандай бемаҳалда боришга ўнғайсизланди,— борсак ҳам, олдин сенинг уйиннга бориб, отни ташлаб пиёда борайлик,— деди.

Эрбўл кўнмади:

— Атайлаб келтан кишига ўхшаб бормаймиз-да, ўзим ўйлани қиласман, юр! — деб, бошлаб кетаберди. Абай ик-киланса ҳам, Эрбўлга ишониб, орқасидан кетаберди.

Арғумчақ Суюндиқ овулидан четроқда бир кенг очиқ ерга қурилган экан. Қамчат телпак, бархит ва шоҳи чопонлар кийган кўп йигит-қиз тўпланган. Ба'зиларининг елкасида хипча бел камзул. Чўлпилар тинмай шилдирар эди. Оқ рўмол ўраган, кашта тикилган кимешек кийган хушчақчақ жувонлар, болалар ҳам кўп, ҳаммаси бир гала бўлиб ўйнашаётир. Лекин йигитлар камроқ кўрина-ди. Мустаҳкам қилиб қурилган дорга солинган арғум-чақда иккита қадди-қомати келишган матолгина қиз тахта арғумчақни тепиб учаркан, ҳалиги эшитилаётган «Кўркам от» ўланини баланд овоз блан айтишаётган эди. Бу ўйин-кулгига берилиб кетган ёшлар то Абайлар тўқайдан чиқиб яйдоқ ердан ўтиб, яқин келгунча пайқашмади. Икки йигит дорнинг тагига яқинлашиб келиб:

— Шодликка-шодлик қўшилсин!

— Уйин-кулги мўл бўлсин! — дейишиди.

Қизлар тўхтаб қолишиди. Келинлар йигитларининг ёни-

га яқинроқ келишди. Уларнинг ичидаги Осилбекнинг хотини блан Сугирнинг келини ҳам бор эди.

Кўпчилик Эрбўлни таниб:

— Эрбўл! Эрбўл-ку!

— Йўл бўлсин, нима қилиб юрибсиз? — деб сўраши.

Осилбекнинг хотини Абайнин таниб:

— Абай! — деб очиқ чирой блан кўришди.

Абайнинг номи айтилгач аргумчақ тўхтаб, ўлан ҳам босилди.

Ироқ овулнинг обрўйлик йигити келгандан кейин, ҳамма жим бўлиб қолди. Аргумчақ тепаётган Туғжон блан Сугирнинг қизи Керимбона экан, булас ҳам йигитларнинг ёнига келишди. Абай Туғжонни аллақачон кўрган эди. Улар кўпчиликнинг ичидаги тортинаётгандай, астагина сўрашишди. Уларнинг ичидаги ҳаммасидан ўқтами Керимбона эди. Бўйин Туғжондан сал пастроқ, қўлогига катта исирға таққан, товуши жаранглаган ҳушчақчақ Керимбона Абай блан сўрашиб бўлиши бланоқ:

— Қани, ўйинимизнинг устига келиб қолдингиз, энди тортинманглар, отдан тушиб аргумчақ тепинглар! — деди.

Осилбекнинг хотини ўзича сўз бошлишга ботиналмай турган эди, Керимбонанинг сўзини оғзидан олиб:

— Қани, тушинглар! — деб кулиб қўйди.

Абайлар ҳали ҳам хўжа кўрсинга иккиланиб турган эди. Эрбўл аввал важ қилди, негаким, бу ерда бу хилда келишларни дарров фаҳмлайдиган йигитлар бор эди. Улар ғоят зийрак, ҳар балони биладиган бўлиши блан бирга, ғоят эҳтиёткор, қизғанчиқ ҳам бўлади. Эрбўл ўшаларга эшитдириб:

— Боқоносга, Кўкше элига кетаётган эдик. Кеч қолиб бизнинг уйда ётиб кетмоқчи бўлдик, — деди.

— Ҳамон ётиб қоладиган бўлганингиздан кейин нима қиласиди? Ўйинга ҳам қатнашинглар да!

— Қани, отдан тушинглар!

— Биз майлис қилаётимиз.

— Туғжоннинг уйидаги катталар жўнаб кетгач, дугоналари йиғилиб, майлис қилишаётир. Адилбекнинг тўқим қоқтиси ҳам шунинг ичидаги қани шодлигимизга шерик бўлнинглар! — деб, бирнечча қиз-жуонлар чин кўнглидан таклиф қилишди.

— Қани, тушинглар, тезроқ отларингизни боғлаб кelingлар! — деб, Туғжоннинг янгаси яна таклиф қилди.

Шундан кейин Эрбўл:

— Майли бўлмаса! — деган эди Керимбала бир янгасининг елкасига осилиб, хушчақчақлик блан ҳазиллашиб:

— Қани энди, ўйинни совитмасдан тезроқ келинглар. Яқинда қаллиқчанинг юртига бориб келишган-ку! У ердан ўрганиб келган кўйларини ўрганиб оламиз. Томоқларингизни қириб тайёрланиб келинглар! — деди. Керимбала нинг ўқтамлиги, хушчақчақлиги бу ёшларнинг ҳаммасига ма’қул тушиб ҳамма дув кулиб юборди..

Абайнин кўргандан буён хаёл суриси турган Туғжонгина кулмади, лекин Абайдан кўзини ололмай турарди. Ёш йигитнинг эгнида авра тўн, оқ кўйлагининг устидан кийган қора жалеткаси ҳам кўриниб турарди. Бошида кумуш ранг шоҳи сурисиган юпқа тумоқ. Ойдинда оқариб кўринаётган юзида кандайдир бир сўлғинлик экс этиб турарди. Қади қомати келишган, ихчамгина бўлиб кийинган, эгар-жабдуғига кумуш урилган чиройлик отга миниб, кутмаган ердан келган гўзал йигит ҳозир ҳам Туғжоннинг кўзига ғоят иссиқ кўринди.

Абай блан Эрбўл тездан қайтиб келмоқчи бўлиб, отларининг бошини буришди. Оқ ёл от бу онга қадар бетоқат бўлиб, ўнг оёғи блан ерини тирмалаб, тизгинини чўзиб-чўзиб ўйноқлаб турган эди. Энди яна бир ўйнақлаб елиб кетди. Отнинг жабдуғига урилган кумуш ой ёруғига чақилиб ярқ этди-ю сўнди. Оқ ёл отнинг қуюқ думи ҳам ой нури остида кумуш қуюлтандай бўлиб ярақлаб кетди. Туғжон арғумчоқнинг устунига суюнганича қотиб турарди.

Туғжоннинг жуда ўзгариб кетганини янгаси дарров пайқади. Бегоналарта сир бермаслик учун гўё меҳмонларни қандай кутишни маслаҳат қилмоқчи бўлаёттан киши бўлиб, Туғжонни қучоқлаб олди-да, ёнига келган хотинларга: «нарироқ туринглар, меҳмонларни қандай кутишнинг маслаҳатини қилиб олайлик» деди ва Туғжоннинг қулоғига шивирлаб:

— Азизим, ўлан айт! Бўлмаса мана буларнинг кўзи сенда, гап-сўз қилиб юборишади! Шуни унутма! — деди.

Шу топда юрганича Керимбала келиб, Туғжонни арғумчоққа томон сударкан:

— Абай шу экан-да? Энди кўрганим! Келгани яхши бўлди! Қаллиғининг юртидан ўрганиб келган кўйларини ўзига айтдириб, яхшилаб ўрганиб олайлик, хўпми? — деди. Туғжон жавоб бермади. Керимбала ялт втиб Туғжонга қараб илжайганича:

— Сенга нима бўлди? Ё уялаётисанми? Шунчалик уяладиган бегона одам эмас-ку! Қўй, уялмаган буюрганинни ҳам олади дейдилар. Қани ўзи? Тўхтаб турсйн, ҳозир келиши блан айтдираман!— деб, арғумчақقا Туғжоннинг қаршисига чиқди-да, яна янгратиб «Кўркам от» ўланини кўйлай бошлади.

Туғжон тортиниб, унга қўшилмади. Керимболанинг катта-катта сурғилт кўзлари, чиройлик қипқизил юзлари ҳечкимдан иманишни билмас эди. Чўлписини шиддиратиб, ҳузур қилиб кулиб олди-да, ёлғиз ўзи айтаберди. Абайлар ҳам кўп ҳаялламасдан, етиб келишди. Келиши блан Эрбўл ўйинни ўзи бошқариб кетди. Керимболанинг янгаси Қапа Туғжоннинг янгаси ва Эрбўл учкови арғумчақ учиш меҳмондан бўлсин деб, Абайнини арғумчақка чиқариши.

Қиз-жувонлар арғумчақни тебратиб турган пайтда, ўлан айтиш йигитдан бўлади. Абай энди арғумчақни тепиб учаркан, тортинмасдан баланд овоз блан ғоят қувноқ кўй бошлади. Арғумчақнинг бир томонида туриб Абай блан арғумчақ тепишаётган Керимбода «Кўркам от»ни айтайлик деб, шу ўланни бошлаган эди, лекин қўшилиб айтганида тўғри айтаолмади.

Эшитаётган қиз-жувонлар:

- Абай бошқача айтаётир.
- Керимбода бузаётисан!
- Ҳой, тентагим, бузиб айтаётисан!
- Олдин ўрганиб олиб қўшилсангчи!— дейиши.

Керимбода парво қилмай, ҳандон ташлаб кулиб тўхтади-да:

— Қани бўлмаса, бошқа бирор айтақолсин! Туғжон! Қани Туғжон, сен айт!— деб, Туғжонни сургаб келиб, ўзининг ўрнига чиқарди. Ўзи арқоннинг бир учини ушлаб, қаттиқ-қаттиқ тебратабошлади. Туғжоннинг арғумчақса чиққани бошқаларга ҳам ма'қул бўлган эди.

Пастдагилар қулочининг борича тебратаеттан арғумчақда Абай блан Туғжон галма-гал осмонга кўтарилиб тушиб, биргаллашиб ўлан айтишмоқда. Туғжон аввал, биринки оғиз айтилгунча, Абайга эргашиб айтиб келди-да, учинчи бандига келганда, ўзини тутиб олиб, баҳазур қўшилиши.

Авваллари янглиш айтиб юрган ёрларини Керимболадек эмас, тез тузатиб олди. Эрбўл ҳам, бошқалар ҳам:

- Мана энди тўғри бўлди!

— Туғжон дарров ўрганди!
— Оҳанг энди келишаётир! Айт, айтинглар... Бало... бало!— деб, мақтай бошлаши.

Бу қадар бир-бирига муносиб: нозанин йигит блан гўзal қиз иккови та'сирли бир кўйни кўйлашмоқда. Туғжоннинг юзи ой ёруғига тушганда, Абай унда ўзгача бир нур кўрарди, юзида латиф қизариниш акс этиб, юрагининг чуқур жойларидаги дардни ошкор этарди. Унинг юраги соғинган, севган ёрининг юрагига интилиб, айрил-масликка, видо'лашмасликка аҳд қилаётгандай кўринарди. Ҳозирги ёқимли оҳанг блан яқинлашиш бағрига босиб қучоқлашдан ҳам яқинроқ, кучлироқдек туюларди. Ўйноқи гўзал кўй блан иккаласи ҳам бир юрагини очиб барча дардларини, икки интиқ жон қовишганларининг, то-пишганларининг шодлигини кўйлашмоқда эди. Ўйин-кулги қилаётгандарга ҳам, бутун оламга ҳам, юлдузлари яшнаб турган кўкдаги ойга ҳам «Бизни кўр, бизни гуноҳкор қилиб кўрчи» деяётгандай кўринарди. Соғ севгисига чин кўнгли блан берилган Туғжон тўхтамасдан ўлан айтаберди. Бир вақт Абай ёш гўзалининг юзида гўдакларча шодлик кўрди. У, юзида бахт-саодат кулгисидек бир кулги акс этиб, Абайга тикилганича жилмайди. Гўё Абайнинг келганини, буни излаб топганини шодлик блан олқишилаётгандай кўринди. Қалдирғочнинг қанотидек қийғоч қошлиари гоҳ тўлқинланиб ёзилиб, гоҳ чимирилиб Абайга ўзгача бир сир онглатаётгандай бўлди.

Боядан буён шу қадар кўп дардини тилсиэ онглаётган Абай энди ўланнинг сўзларини ўзгартириб, бошқа йўлга солди. «... Мени интизор этган севикли ёrim дарди ичиди юрган дўстининг гуноҳидан ўтарми?.. Бутун оламнинг бор дардини, барча умидларини ёлғиз шунинг ўзига қурбон қилгали келган ёрига қандай жавоб қиласди? Шунда раҳм қилмай, юз ўгириб озор берса, одиллиги, вафоси қани?.. Шундай қилса ёрининг умидини узиб — ўртагани эмасми? Бегуноҳ ёрига жазо бергани эмасми? Шу қадар стам қилгудек, ёрининг нима гуноҳи бор?!» Туғжон ўланнинг олдинги бир-икки оғзига қўшилди-ю тўхтаб қолди. Бу ўлан сўзлари бошқача, бу ерда айтилиб юрган, ҳамма биладиган ўлан эмас эди. Уни фақат Туғжонгина онглади. У, қора кўзларини ерга тикканича, ўтириб тинглади.

Абай ёлғиз ўзи шу чуқур ма'нолик тўрт оғиз ўланни «Оқ қайин» куйига солиб айти-да, астагина тўхтади. У.

бор ҳасратини, алангалик дардини шу ўланга жойлаган эди. Ў оқин бўлиб, аламлик ёр бўлиб ешилди. Шу ўланни блан Абай Эрбўлнинг кўзига кунда кўриб юрган йўлдоши Абай эмас, юксалиб бораётган бошқа бир буюк одамдай кўринди. Улан тўхтади. Абай аргумчоқдан тушиб, четроққа чиқди. Осиљбекнинг хотини унинг ёнига келиб, ўланга уста экансиз деб мақтай бошлаган эди, Абай фажат одоб юзасидан кулимсиради, лекин унинг сўзлари қулоғига кирмас эди.

Аргумчоқ ёнидаги ўйин-кулги, ўлан яна бироз давом этгач Эрбўл янги ўйин бошлади. Бу «оқ суюк», ундан кейин, «Қўй-бўри» ўйинлари бошланди. Бу ўйинларни ёшларнинг ҳаммаси қий-чув қилиб югуришиб ўйнашди.

Қўй-бўри ўйинида Эрбўл бўри бўлди. У «қўй» олиб қочиши керак эди.

Эрбўлнинг ўз мўлжали бор эди. У қўп эпчил бўри бўлди. Аввал бир-иккита қиз-жувонларни олиб қочиб, четга чиқариб қўйиб келди-да, бир вақт Абайни олиб қочди ва олиб кетаётганида:

— Сен ана у бутанинг тагида кутиб тур! Бироздан кейин, Туғжонни олиб қочаман!— деди-да, юрганича қайтиб кетди.

Абай бута остида Туғжоннинг «қўллик» бўлишини кутиб турарди. Қўп ўтмай Эрбўл уни олиб қочди. Лекин бу гал кўпчиликнинг ичидан «қўй» олиш у қадар осон бўлмади. Айниқса Керимбола қаттиқ қичқириб ёпишиб олган эди. Туғжонни Абай турган ердан нарироқдаги бир тўп дарахт ёнига олиб борди-да, унга ҳам шивирлаб бир нарса дедию, юрганича кетди.

Шу пайтда Абай қандоқ қилиб Туғжоннинг олдига келиб қолганини билмай қолди. Иккови дарахтзор ичидаги ой ёруғи тушиб турган бир бўшлиқ ерда учрашиди. Бир-бирига яқинлаб келишганда Туғжон йиғлаб юбориб, ўзини Абайнинг қучогига ташлади. Ёшга тўлган кўзларини севикли ёрининг кўкрагига босганича тураберди. Унинг икки елкаси силкинар эди.

— Туғжон, қўй, йиғлама!— деди Абай уни бағрига босиб туриб. Туғжон бошини юқорироқ кўтариб:

— Кўришайлик! Соғиндим!— деди.

Худди шу пайтда:

— Туғжо-о-н! Қаердасам? Бўрига едирадиган Туғжоним йўқ! Юр! — деб қичқириб, хандон ташлаб кулиб келаётган Керимболанинг товуши эшишилди. Абай шошиб-

пишиб Туғжонни бағрига босиб, уннинг ҳаяжон ичидა қизарип кетган юзидан ўпид олди. Қеримболанинг яқинлаб келаётган шарпаси эштилганда Абай Туғжоннинг телпагини тузатиб кийдирди-да:

— Эртага кут! Бир илож қиларми? Қеламан!— деди. Ой ёруғининг таңгадек шу'ласи қалин япроқ орасидан ўтиб Туғжоннинг ўнг кўзига тушганда уннинг киприклирида турған каттакон ёш томчини кўринди. Қеримбола югуриб уларнинг олдига келганда Абай блан Туғжон сўзлашиб туришган эди. Қеримбола оппоқ, садафдек тишлигини кўрсатиб илжайганича телпагини чаккасига қўйиб:

— Ҳа, шу ерда эдингларми? Қўзимни бўри еб қўядими десам, қўйнинг ўзини егуси келиб туриштими, нима бало?— деб шарақлаб кулганича Туғжоннинг елкасига юзини босди.

Ма'сума қиз ҳазил қилаётган эди. Лекин ичидан гап ётмайдиган Қеримбола бу гапни кўпчиликнинг ўртасида айтиб юбориши ҳам мумкин. Абай шуни ўйлаб:

— Туҳмат қилманг, Қеримбола! Бошимизга кулфат келиб, бўрининг қўлига тушниб қолдик. Бизда нима гуноҳ? Бирхилда фалокатга йўлиққандан кейин илож борми, бирга турибмиз! — деди.

— Билдим, билдим бир гап бор,— деди, Қеримбола.

Унинг бу гапни аввалгисидан ҳам ошиб тушди. Туғжон аччиғланиб, уни босмоқчи бўлди-да:

— Қўйчи, Қеримбола! Ҳазилнинг ҳам ўрни бор-да. Нима деяпсан ўзинг?— деб қаттиқ жеркиб ташлади. Қеримбола ранжиб, ялт этиб Туғжонга қаради.

Абай бу қизни зарда блан эмас, яхши гап блан йўлга солмоқчи бўлди.

— Қеримбола, эл оғзига элак тутиб бўлмайди. Ўйламасдан қилинган қалтис ҳазил ўртоғингизни бекордан бекор ёмон отлик қилиб қўйиши мумкин. Бундай гапларни одамларнинг олдида эҳтиёт бўлиб гапириш керак! — деди.

Бу гап Қеримболага ма'қул тушди шекиллик, яна кулиб юборди, лекин ҳижолат ичидан кулаётгани кўриниб турарди; «Туғжоннинг кўнглига қаттиқ тегиб қўйдим шекиллик», дегандай қилиб, уни қучоқлади-да:

— Бўпти, жаҳлинг чиқмасин! Бундан кейин гапирмай қўяқолдим,— деди.

Учкови кўпчиликнинг олдига келишди. Гарчи ўйин

давом этаётган бўлса ҳам, энди Абай блан Эрбўл турмади. Эртага эрта жўнаймиз деб, уларга раҳмат айтишиб, овқатга ҳам қарамай кетиб қолишди. Эртасига икки йигит айтган сўзини тасдиқлаш учун Боқоносга қараб кетишди. Қоратойнинг овулига бориб, тушлик овқатни ўша ерда қилишди, кечгача ўша овлуда қолишди. Қоронги тушиб, эл оёғи босилганда Жанибекка қайтиб келишди.

Булар бирон шарпа сездирмай, астагина келишди. Кулранг кийим кийган йигитларни итлар ҳам пайқамай қолди. Секин келиб овулнинг бир четидаги Эрбўлнинг уйига тушишди.

Шу кеча, эл қаттиқ уйқига кетган пайтда, ўғриларга ўхшаб биқиниб, яшириниб, оёқ учида юриб бир амаллаб Осилбек ўтовининг эшигига етишди. Иккови намат эшикни ёпиб туриб, ичидаги ёғоч эшикни очишга уринишаётган эди, уйда ётган хотин ухламаган экан, чўлписининг шилдирлаши эшишилди. Кекса хотин бўлмаслиги керак. Бу уйда фақат икки киши чўлпи тақади, бирни Туғжон бирни унинг янгаси.

Ҳақиқатда ҳам товуши таниш бўлган бирор:

— Секинроқ! — деб шивирлади-да, эшикни ўзи очди. Уйнинг ичи қопқоронғу эди. Йигитлар уйга кирганда, ҳалиги хотин яна шивирлаб:

— Абай,— деди.

Абай қўлинин чўзди. Янга экан. У Абайнин қўлидан ушлаб тўрга томон олиб бораркан, орқасига қараб Эрбўлга:

— Сен кетабер! Узи борар! — деди. Эрбўл орқасига қайтиб, аста чиқиб кетди. Абай қоронғуда пайпаслаб, ўнг қўлинин чўзиб келаётганида, қўли шоҳи чимилдиққа теккан онда у томондан келаётган Туғжоннинг иссиқ бармоқлари юзига тегди. Иккови ҳам интилиб келиб, қаттиқ қучоқлаши-да, ўшишганича унсиз қотиб қолишди. Насаслари қўшилиб, иссиқ лаблари энди ҳеч айрилишмайдигандай топишган эди..

Ез кечасининг тип-тинч тонгти энди отиб келаётган пайтда Абай блан Эрбўл Жанибекдан жўнаб кетди. Бироз юриб қаршидаги тепаликдан ошиб кетишди. Ой ботган, юлдузлар ҳам сийраклашиб, битта-биттадан сўниб кетаётир. Уларнинг йўлида ўт-ўланларининг орасидан чўчиб учган тўрғайлар ҳавога кўтарилиб сайрашмоқда эди.

Абайнинг юраги дард блан ше'риятга тўлган,

юпқа тумоғининг бир қулоғини қинғайтириб кийиб, сариқ йўрға отини йўргалатиб бораркан, Бўтақонга қараб юз тутганда ўлан бошлади.

Оувулдан анча йироқлашиб кетгандаридан кейин Абай тиниқ овозини борича қўйиб, ғоят та'сирли бир қўйни бошилаб, хийла вақтгача ўлан айтиб кетди. Юрагини тўлдириб турган шодлик ҳам, ҳаяжонга солучи хаёллар ҳам, юрагини очиб айтаётган дарди ҳам шу кўйининг ичидаги ўзига ўзгача. Қаёқдан чиққан? Қачон айтилган? Қандай соғдиллик, нозик ҳислик банда бу қадар чин кўнгли блан сева билган. Буни билиб бўлмайди. Бирон жойда тутилмасдан, янгишмасдан, сўзларни шу қадар усталик блан ишлатиб, ўлан тўкиб кўйлаб келаётир. Абай қайси йўлдан кетаёттанини, қанча юрганини ҳам сезмасди. Бир вақт Бўтақон ошоғидаги ўтовларнинг гумбази кўринди. Шундатина Абай ўланни тўхгатиб, Эрбўлга қаради.

Ҳамроҳи Абайнинг ҳолини онглагандек, кулимсираб, унга термилиб келаётган эди. Абай отининг бошини тортиб, астароқ юргизиб борди-да, Эрбўлни қучоқлаб:

— Эрбўл, мендан кулма! Ҳаётимда фақат баҳт, шодлик деб эшитган эдим-ку, лекин шу кечагача бунинг нималигини билмас эдим. Сенга айтишнинг нима ҳожати бор. Ўзинг кўриб турибсан-ку, менинг юрагимда шундан ҳам бошқа сир борми? — деди.

Бирнечча кундан кейин Абай яна Жанибек томонга борган эди. Қисқагина баҳтли кунларнинг саодатли онлари тамом бўлган экан: Осилбек, Адилбеклар қайтиб келишипти.

Адилбек келиши блан бу гаплар унинг қулоғига етиб, сезиб қолтаними, ҳарқалай ғоят ғазабланиб, янгаларидан, молбоқларидан, қўриқчиларидан қаттиқ кийиб, оувулни соқчию, айғоқчи бостириб юборипти, кимгадир ўчакиштанини билдириб:

— Жанибекка қадам қўйиб кўрсин-чи! Тирик кетмайди! — деб оғзига сўз олипти.

Бусиз ҳам ёвлашиб юрган элни яна бундай ишлар блан ғашига тегиш хавфли эди. Абай ҳеч илож тополмай, гангид яна ўша аламлик дардига мубтало бўлди.

Шу пайтда эл яйловдан қайтиб, оувулларнинг ораси бир-биридан йироқлаб кетди.

Абай ўзининг нақадар ора йўлда қолганини, нақадар бедаво дардга мубтало бўлганини онглайолмас эди. У

әнди бутун оламга гули сўлган, ша'ми сўнган, ўзи ҳаёт-да йўқ кишидек қарар, ғоят озиб кетган эди.

Ота-онаси ташвишга тушиб, уни яна қаллифининг юртига юборадиган бўлишди. На юракда бир аланга, на бир истак — муздек кўнгил блан нима десалар кўнаберарди. Ҳайдалиб кетаётган кишидек, Қарқаралига жўнади.

Бу гал у ерда бир ярим ой туриб, эл қистов-қистовнинг келадиган пайтда Дилданি бирга олиб келди. Абай ўз дард-ҳасрати блан бўлиб, бунинг устига қаллифининг юртига кетиб қолиб, ўз элининг ичидаги бўлаётган ишлардан четда қолганди.

Бу йил куз Қунанбой яна бир гуруҳ одамларни қаҳрига олган экан. Бу йил наавбат Қулуншоқ-овулига келипти. Яна ўша эски гапларни қўзғаб, кўчиб кетди, ёв томонга ўтиб кетди деб, кўпдан буён унга тишини қайраб юрган экан.

Абай қайтиб келганда, Қунанбой ўша Қулуншоқнинг Содирбой, Нодонбой деган иккита ўғлини Еттисув томонга ҳайдатиб юборган, Мунгсизбойни баримта тариқасида ўзининг яқин овулларининг четида тутиб турган экан. Қулуншоқ бўлса, Монос блан ёлғиз уй бўлиб қолипти. Қунанбой: «боламни уриб, инимни шарманда қилдинг» деб унинг моли-қолини ҳам, бор дун'ёларини ҳам босиб олипти. То ўртага туша оладиган ёру биродарлар эси-ҳушини йиғиштириб олгунча бўлмай, бир куннинг ўзида шу ишларни бартараф қилипти-да, ҳечнарса билмаган киши бўлиб, атаган «Оқ қашқа — кўк қашқа»ларини сўйиб, қабила бошлиқларини йиғиб, тарала ялласини қилиб ўтираберипти...

Абай қайтиб келганда уруш-талаш йўқ, лекин овуллар, уйлар, ёру дўстларнинг ўртасидаги ғараз яна ҳам кескинлашган, норозилик блан хафа-газажка тўлган эди.





БАЛАНДЛИКДА

1

Абайнинг уйланганига бирнечча йил бўлди. Дилда келин бўлиб тушганидан кейин келаси йил куклам уларнинг катта ўғли Оқилбой туғилди. Икки йил ўтгач Гулбодон деган қизи туғилди. Ҳозир Гулбодон бир ёшдан ошган. Бу кунларда Абай учинчи боланинг отаси бўладинган эди. Дилда ҳомиладор бўлганда бирнечча ойгача овқат ботмас, ҳадеб боши айланар, ранги кетиб, озиб-тўзиб кетар, касал кишига ўхшаб, ҳадеб ўзини тўшакка ташлайберарди.

Озгина йил ичидаги бирнечча боланинг отаси бўлса ҳам, Абай ҳали ўзининг шу ҳолига кўнигаолмаган эди. Бўнга уйдаги катта оналари ҳам сабаб бўлишиди. Оқилбойни Улжоннинг ўзи бағрига олиб, бола қилиб олган. Ҳозир тили чиқиб қолган Оқилбой, Абайни отам деб билмас, шунчаки онда-сонда дастурхон устида кўринадиган катталарнинг биттаси, бир бегона кишидек кўради. Абай ҳам уни сезиб, эркалатмас эди, негаки, бу бола унинг ёшлигига панд бериб, ёшлигини тортиб олмоқчи бўлгандай жуда эрта туғилган эди.

Аввало Абай ўн етти ёшида ота бўлди. Уйланишининг ўзику, тақдирга тан бериш дегандай гап бўлган эди.

Энди унинг орқасидан елиб-югуриб келган оталик гўё уни кулги қилаётгандай, бўйнига сиртмоқ солгандай туялган эди.

Оқилбой туғилган куни Қаликага ўхшаш янгалари:

— Болалик бўлдинг!

— Мана энди ота бўлдинг!

— Муборак бўлсанн!— дейишиб, уни ўртага олишган эди. Абай уялиб, ўнғайсиэлапиб, нима қилишини билмай, отига миниб кетиб қолди. Уч-тўрт кундан кейин бир келди...

Абай кичкина Гулбодонни ҳам яхши кўрмас, унга ҳеч меҳри тушмаган эди. Бу боласи ҳам куни бўйи она-ларининг уйнда, ўшаларнинг бағрида бўларди.

Гулбодон Дилданинг ўзгинаси. Бунинг устига кўп йиғлоқ. Оқ сариқдан келган бу қизни ҳам кеч кирганда-гина ёшларнинг уйига олиб келишар эди. Бу қизи Абайнинг э'тиборини ўзига тортмоқчи бўлгандай, тонг отгунча йиғлаб чиқарди.

«Одамни уйқидан чаёндек чақиб уйғотади» деб Абай унинг отини «сариқ чаён» қўйган эди.

Ҳозир ҳам ўша сариқ чаён йиғлаёттир. Кеч кириб уй ичи қопқоронги бўлса ҳам Дилда чироғ ёқмай, чимилдиқни тушириб, баланд каравот ёнига ташлаб қўйилган кўрпачада чўзилиб ётарди. Оналарининг уйидан энди келтирилган Гулбодон ётгани унамай, хархаша қилиб, йиғлаётган экан.

Абай бирқанча киши блан уйга кирди. Ташқарида бўрон бўлаёттир. Буларнинг усти-боши қор-қиров... Қаторлашиб уйга кириб келишганда, ўзлари блан кўп совуқ олиб келиб, уйни совитиб юборишиди.

Эшикдан кирган совуқ блан кўпчиликнинг ўпир-тўпираи тинчи кетган Дилда бошини кўтарди.

Абай тумоги блан пўстинининг қорини қоқаётib:

— Дилда, чироғ ёқсангчи! Ана унинг товушини учир!. Бўлмаса, у уйга олиб бориб ташла! — деди.

Дилда чироғ ёқиб, чимилдиқни кўтариб қўйди-да, меҳмонларга кўрпача солиб, Гулбодонни қўлига олди.

Сапсариқ оқсоқ келинчак ўтовга кириб, Дилда блан ивир-шивир қилиб олди-да, овқатнинг тараддулага тушди.

Келган бу меҳмонлар ёш йигитлар — Абайнинг ҳозирги вақтдаги йўлдошлари — Эрбўл, Жиренше, Осилбек ва Бозоралилар эди.

Буларнинг ичида ёши каттароқ Бозорали эди. У ешиниб, тўрга чиқиб ўтиаркан:

— Ераббим, худо нима қиласман дейди! Яна бўрон! Ҳадеб бўрон! Хўп тинкани қуритадиган бўлди-ку! Шўрлик элнинг қоқ суюгини қолдириб кетадиган бўлди-да!— деб узун қора соқолини тутамлаганича, ўйланиб қолди.

Гавдали бўлса ҳам қадди-қомати келишган, чиройлик йигит Бозорали эндигина ўтизга чиқсан эди.

Дилда чироғ келтириб, хонтахтанинг устига қўйганда, йигитлар хонтахтанинг атрофида ўтиришган эди.

Энди Абай ҳам, яғринлари кенгайиб, барваста тортиб кетган эди. Бўйи ўртадан пастроқ бўлиб, суюги ўсиши блан бирга яхшигина жир битиб, хийла ўзини қўйиб юборгандай, юзи ҳам гавдасига мос бўлиб тўлишган эди.

Узунроқ қирра бурни хиёл каттага ўхшаб кўринар, пешонаси кенг бўлиб, қиши совуғидан икки юзи, бурни қизарган бўлса ҳам, пешонаси оппоқ бўлиб, кўзга ташланиб турарди. Бодомқовоқ, қийғоч кўзларининг оқ қораси ҳали ҳам тип-тиниқ, кўзларидан ўт сочилиб турарди. Чаккасига уриб турган ингичка қошлари блан ўйчанлик акс этиб турган алангалик кўзлари унда бошқалардан ўзгача бир хислат борлигидан дарак бериб турарди.

Қўнғир мўйлаби ҳали у қадар ўсиб етмаган, энди сабз уриб, теп-текис чиқиб келаётган эди. Қадди-қомати келишган, қора тўридан келган Абай, айтарлик гўзаллардан бўлмаса ҳам, жозибалик, ўтдек иссиқ йигитлардан эди.

Холи ўтовга йиғилган ёшлар, турган гап, бу кечани ўйин-кулги блан ўтказиши керак эди. Лекин ҳали ўтириёттандан Бозоралининг айтган гапи ҳаммани ўйлатиб қўйди.

Бу йигитлар уч кундан буён бирга бўлиб фақат Бозоралигина буқун кечқурун тоғдан келган эди. Кўпчилик эл, кўп қистовлар ўша ерда. Абай у ердагиларнинг ҳолаҳволини билмоқчи бўлиб, Бозоралидан:

— Қалай, ют барчага баравар қаттиқ келдими ё ба зи ерлардагинами? Қанча ерни қоплади?— деди.

Осилбек, Жийренше, Эрбўллар ҳам Бозоралига тикилиб, жавоб кутиб туришарди.

— Ҳаммага келмай битта-яримтани аяб қўяр эдими? Ют шуда! Эл деб кўпчиликни оламиз-да... Кўпчиликка қийин бўлди-ку. Бўрон турганинга мана уч кун бўлда, ҳа-

ли ҳам боснлмайди. Ез чиқиб қолар деб умид қилиб турган әдик. Лекин кун қиши чилласидек, ҳали ҳам қаҳризаҳрига олиб турилти-ку!— деб Бозорали яна оғир ўйга чўмди.

— Қирилганда қўй қирилаётир. Қорамол қалай? Чинғизда ундан умид борми?— деди Жиренше ҳеч бўлмаса бошقا молнинг омон қолишидан умид қилса бўладими деган хаёлга бориб.

— Тўбуқтинг моли фақат йилқи блан кўй да! Қорамол деб сигирни айтсан, у касир бўлгуринг, ютга қолганда қўйдан баттар экан.. Туя ҳам ютга чидамсиз мол... Ҳарқалай қўлдаги молнинг ичидаги омон қоладигани йўқ!..— деди Бозорали.

Чой устида ҳам, бутун кеф бўйи ҳам гап әлнинг оғир аҳволи устида кетди. Ют фақат молгагина келган эмас... Кўпчилик қашшоқ. Кўпчиликнинг очарчиликка учрай бошлагани ҳам билиниб қолган эди. Бозорали Чинғиздаги ўзига тўқ овуллардан ош, нон сўраб, саргардов бўла-бошлаган бева-бечорани ҳам айтиб берди.

Бу аҳволга тушганларнинг олди шу Жидебойга Абайнинг оналарининг ўйига ҳам келаётган эди. Бир парча гўштми, буғдойми, тариқми бўлса ёрдам қилинг деб, сўраниб юрган ҷол ва кампирлар ҳам бор эди.

«Ютдан омон қоладиган эл борми? Кимлар бардам, кимлар ўзини ютга олдирмайди» деган гап ўртага ташланганда, Бозорали:

— Омон қолганда, отнинг қашқасидек бир ҳовучгина овул омон қолар. Иргизбой, Котибақ, Жигитек, Бўкен шеларнинг ичидаги яхши-яхши қистовларни эгаллаб, кўп ерни босиб ётган овуллар ҳозирча тангликка тушгани йўқ,— деди.

— Айниқса Иргизбойлар ютдан омон қолади. Қистовлари яхши, кузда ғамлаб қўйилган бичанлари ҳам етарлик,— деб Эрбўл ҳам кўриб келганларини айтабошлиди

Боядан бери ўйланиб, жим ўтирган Абай:

— Елғиз Иргизбойнинг омонлиги кимга дармоя бўлади? Кимни қаноатлантиради?— деди.

Абайнинг бу гапи Бозоралига ма'қул тушди да:

— Ҳарқалай бардам одам қоқилемас экан-ку, Кунеканг олиб берган ерлар Иргизбойларни сақлайдиган кўринади! — деди.

Абай қовоғини солиб, ялт этиб Бозоралига қаради да:

— Ераббим, тортиб олингап ер ерми? Бу ерларниңг турган битгани күэ ёши эмасми? — деди.

Абайнинг бу қадар ҳақиқатга күчиб гапирган гапига Осилбек блан Жиренше курсанд бўлиб кулиб юборишиди.

— Ёпирим, Абайжон, кўплернинг кўнглида юрса ҳам айтишга тили бормайдиган гапларни ўзинг айтдинг-ку! — деб, боядан буён ўйланиб ўтирган Бозоралининг чиройи очилиб кетди.

Бу йигитлар, Абайнинг кўнглида бор гапини яширамай очиқ айтаберадиган дўстлари. Айниқса Эрбўл бешолти йилдан буён Абайдан бир нафас айрилмайдиган узангидоши бўлиб қолган. Осилбек блан Жиренше ҳам Эрбўл орқалик Абай блан яқинлашиб, ёзу-киш кўпинча бирга бўлишарди. Қунанбой бўлса Абайнинг бу дўстларига тоқат қилаолмас, уларни ёқтиирмас эди. Бирнече марта Абайнинг орқасидан койиб:

— Нуқул кечагина ёвлашиб юрган огулларнинг бўрибаччаларини атрофига йифиб олибди, яхши дўст топибди! — деб, афтини бужмайтириб қўяди.

Лекин Абай ўз отасининг фе'л-авторини синчиклаб юрадиган бўлганидан буён отасидан озор топган элларнинг ҳарбирининг гапга тушунадиган одамлари блан сирдош бўлиб юрарди. Отасининг қилаётган ишларини, элнинг ҳол-аҳволини, кўпчиликнинг дард-ҳасратини шулар блан сўзлашиб, шуларнинг гапидан очиқ ойдин кўриб яхши онглай бошлаган эди.

Абайдан уч ёш катта бўлса ҳам, Жиренше, Эрбўл, Осилбеклар бу вақтларда Абай блан ғоят яқинлашиб, дўстлашиб кетган, шунинг учун ҳам ўз элларининг катталаридан, қари-қартангларидан эшитган аламлик, дардлик сўзларини тўхтатмасдан Абайга етказиб туришарди.

Буларнинг шунингдек очилиб, дўстларча қиласидиган сухбатларига Бозоралигина авваллари кўп аралашмаган эди. У ўзича шу элнинг, шу юртнинг бошига келган фалокатларга Қунанбой туфайли келаётир, деб биларди. Бозорали кела келгунча Қунанбой марҳамат қилган катталарнинг огуллари ўз молларини Иргизбойларнинг ичига ҳайдаб бориб шу ерда жов сақлаётганини, Қунанбой одам қаторига қўшмайдиган, донг чиқармаган кам авлод кўпчиликнинг моли қаерга боришини ва боши қаерла қолишини билмай, муз кўчган пайтдаги муз парчасидек, сочилиб бораётганини кўриб келган эди.

Ич-ичидан газабланиб, кўнглига турлик-туман норозиликларни туғиб юрган бўлса ҳам, Бозорали, шу онгагча бу гапларнинг бирон оғзини бирорга изҳор қилмаган эди. Энди Абайдан ҳалиги гапларни эшиштгач, ёрилиб тапирди. Халқнинг бошинга тушаётган кўп фалокатларнинг негизини кавлаштириб келиб:

— Кўпчилик азобда-ку, сонда бор, саноқда йўқ. Евга қарши чиқиша сўйил ушлайди, ўлжа олишга келганда кесак тишлайди. Шўрликларни на эслайдиган, на йўқлайдиган одам бор... Мана эндиликда қирилиб кетади холос. Кечагина «яхшилар», «бошлиқлар» деганиларининг қайси биттасининг қовирғаси қайишар экан буларга... Мана эртага кўрарсиз, қайси биттаси аяб, қайси биттаси кўмаклашар экан,— деди.

Абай Бозоралининг халқа қилаётган ғамхўрлигини кўриб, ичидан ҳайрон қолди. Афтидан Бозорали мудом ёлғиз юргани блан эл да'восини тўғри онглаб, ўзи ҳам кўп ўйлаб, ҳақиқатни гапирадиган кўринади. Бу ботирларга ўхшаш, ўланга, сўзга уста Бозорали, катталарнинг гапига қараганда, бир тентак, ҳечким блан чиқишаолмайдиган бетавфиқ, аччиқ тилини тияолмайдиган бетайин деб ном олган одам. Мана ҳозир Абай пайқаб қараса, Бозорали ундаи эмас экан.

Элнинг ташвишида ўйланиб қолган ёшларга Бозорали деди:

— Йигит бўлсанг, номусинг, оринг бўлса, шу саргардон бўлиб қолган элларга паноҳ бўл. Молини омон қолдириб, жонини сақла... Ана улар ҳам бошиқа вақтда йўқламаганига яраша ҳеч бўлмаса мана шундай муҳтоҷликда, тангликда қолтан чоғида ортиқчасини улашсин... Ерларидан уларнинг моли ёйлагудек жой берсин. Фалокатга учраган кўпчиликка қистовларидан боғи пана берсин! Йигиб қўйган қўрларидан улашисин. Элдан айрилиб, омон қолган Қунекенинг, Бойсол, Бойдали, Суюндиклар блан Йргизбой эли кимга суюнчиқ бўлади? Агар эл борйўғидан айрилиб, қўлида қуруқ юган кўтарганича қолиб, очликдан тентираб кетадиган бўлса борми, уларни ҳам соғ қўймайди. Уй-жойидан айрилиб кетишидан олдин буларнинг ўзини ҳам бир ёқлик қилиб кетмайди дейсанми. Буларни шундоқ қолдириб, ўзлари қўрқкан қуёндек қочиб кетадиган бўлса, уни эл деб айтиладими. Қисқаси эл кетмайди! Қетса ҳам яхшиликча кетмайди.

Бозоралининг бу гаплари ўтирганларнинг ҳаммасини

қаттиқ ўйлатиб қўйди. Осилбек Бозорали да'восининг ба'зибир жойларини потўри топнб:

— Ют деган нарса кийгиэ уйлик қозоқнинг отам замонидан буён келаётган заволи эмасми? Фақат ҳозирги одамлар қилаётирми? Оғзингнинг бир чеккасидан чиқарип, бутун оғирликни бир томонга солаётирсан, бу гапинг адолатдан эмас! — деди.

Бозорали у блан бахлашмади. Лекин, юзидан норозилик акс этиб турган ҳолда, «бу отанг Суюндикдан ўтган оғмачилик!» дегандай қошларини кериб Осилбекка бир қаради-да, бошини чайқаб қўяқолди.

Иигитларнинг суҳбати тамом бўлай деб қолган пайтда эшикдан уч киши кириб келди. Буларнинг усти-боши қор, соқол мўйлабларида муз қотган эди. Олдин кириб келаётган санг-санг тумоғлик, кўхна тўнлик барваста йўловчнинг киприкларигача қирор босган эди.

Бу келган одамлар Бўкеншелардан Даркембой блан уннинг иккита камбағал қўшиниси экан. Абай Даркембойни таниши блан, қани ешипинглар деди. Даркембой шошиб турган экан, ешишмади.

Даркембой Тўқмамбетда Бўжей савалатилган йили Қунаңбойни отаман деб милтиқ ўқлаган эди. Уннинг бу ишидан хабардор бўлган Тўбуқтилар ўшандан бери айниқса Қунаңбой атрофидагилар — Ирғизбойлар, кўзга чўп солди деб Даркембойни четга туртиб, унга кўлидан келган ёмонлигияни аямай келаётган эди. Абай ундан келишининг сабабини сўраган эди, Даркембой дарҳол:

— Чирофим, Абай, сени қариндошга хайрлик бола деб эшитаман, шунинг учун сенинг олдингга келдим. Агар Такежонга ўхшаш бўлганингда келмас эдим... Бошимга ғоят оғир кун тушиб келдим. Мана бу иккала қўшиним блан уччовимизнинг қўлимизда бори-йўғи йигирмага-ўтизтадангина туёғимиз бор эди, шу озгина молимиз блан ѡеч ердан паноҳ тополмай, сарсон бўлиб юрибмиз... Ерилизда қултаноқ ҳам йўқ, кўйларимиз оч. Ҳозир шу Мусақулга келгупнимизча яна бештаси совуққа қотиб ўлди! — деди.

— Ҳа, Чингизга борақолмадиларингми?.. Ҳеч бўлмаса төғ панасида бўлар эдиларинг-ку! — деди Осилбек.

— Вой,вой, бўрон Чингиздан келаётир-ку, ўзи зўрга турган мол шамолга қарши юраоладими? Чингиз қайдою, унга бориш қайдо? Мана бу Мусақул блан Жидебой ҳам бўронга қарши эмас, ҳам яқин. Эгалари кўнишса Муса-

қул блан Жидебой бирнече қўра қўйга паноҳ бўлмайди-
ми? Қорни очиб боқсақ ҳам майли эди. Ҳеч бўлмаса чий-
нинг ичи қўйнинг жонига ора кирап эди. Шундан умид
қилиб келган эдик!

Абай Даркембойнинг нақадар оғир ҳолда қолганли-
гини онглади-да:

— Қелганингиз яхши бўлипти! Қани қўйларнингизни
яйлатаберинг бўлмаса! Аҳвол шу бўлгандан кейин, сўраб
ўтиришнинг ҳожати борми? — деди.

— У-ку, тўғри-я, чирогим, лекин ҳали кечга яқин Му-
сақулта зўрға етиб келган эдик. Олдимиздан Такежон
чиқиб, қайтариб юборди. Енида Жумоғул деган қонжўр
бор экан. Бошимизга келиб, қамчин ўқталиб, кет деб ҳайд-
дади. Бори-йўқ молимни ҳам қириб юбораманми энди?
Ҳамон қирадиган бўлсам, ҳеч бўлмаса сен билгин, оч-
яланғоч қариидош уруғнинг ўқонга тушиб бораётганини
ҳеч бўлмаса сен кўргин деб келдим.

Абай Даркембойнинг бундан кейинги сўзларига қу-
лоқ ҳам солмади, Эрбўлга қараб:

— Тур, Эрбўл, иссиқ кийинио олда, отга мин! Дар-
кембой, мана бу Эрбўл блан бирга боринглар! Шу ердан
озиқ-овқат ҳам олиб кетинглар! Диљда тур! — деди хотини-
га, — бу кишиларга етарлик овқат тайёрлаб бер!

Дилда дик этиб туриб, уларга озиқ-овқат ҳозирлаб
бергали чиқиб кетди.

Абай Эрбўлга қараб «Такежонга бориб айт, ҳайдама-
син, ғазнасини емайди! Буларнинг озгинагина молига яй-
ларлик ер берсан. Яна ҳалиги Жумоғулини тийиб қўйсин!»
деди. Эрбўл бир зумда кийиниб, Даркембойлар блан чи-
қиб кетди.

Бу кунларда Мусақулда Такежон қишлир эди. У
Абайдан олдин уйланиб, ўша йилнинг ўзидаёқ ота-онала-
ридан бўлинниб чиқиб кетган. Такежон ўлгиндай мол-
параст, ҳатто ерни ҳам қўриқладиган хасислардан;
битта-яримта кўриб қолмаслигига кўзи етган чоғларда
пайтини топиб ўз оналарининг молини ҳам қўриғдан
ҳайдаб юборади, деб қўни-қўшнилар, чўбонлар ҳам унинг
фе'ли авторига таажжубланншар эди. Абай бу йил Та-
кејоннинг шундай қилиқларини кўпгина эшитиб, ундан
қаттиқ ранжиб юрар, учрашганларида ҳам, совуқина
сўрашарди.

Тун кечада бўронда кетган Эрбўл ҳадемай, ҳаммаё-
ғини қиров босган, ҳуноби ошган ҳолда қайтиб келди.

Қисқагина соқолларига қор қўниб чолларга ўхшаб қолипти. Каттакон бурни қиққизариб кетган, қизғимтириқора, ўтқир кўзларида қандайдир озор ва нафрат акс этиб турарди.

Тумоғининг боғини ешмай, бир тиззаси блан чўкка-лаганча соқолидаги қорни қоқар экан:

— Такежондан сўрагандан кўра, иблисдан сўраш ма'қул! Мусақул, Жидебойга мол туширтирмайман, уриб-уриб, ҳайдаб чиқар ўша Даркембойни деб, Жумоғулга менинг олдимда бўйруқ берди. Ароҳ урган Жумоғул ҳам, унинг шу сўзларини ластак қилиб, биз блан орқама-орқа келиб ҳалиги Даркембойларнинг қўйини сўйил блан уриб ҳайдаётур! — деди.

— Даркембой-чи? У энди нима қиласди? Тун кечада, шу бўронда қаёққа боради?

Қувғинда ўлгунча, ўша Жумоғулнинг қўлида ўлса-чи!..— деб, уйдаги йигитларнинг қони қайнаб кетди. Эрбўл яна:

— Бу Жумоғулдек кўпак ҳеч туғилмас! Қонхўр! Имонсизнинг ўзини ҳам элни қақшатиб юрсин деб чопарликка яратган-ку! «Ҳеч бўлмаса сен туратурсангчи, тонг отгунча тўхта» деган эдим, мен блан олишиб кетиб, оғзидаи чиқмаган гап қолмади! — деди.

Эрбўл у ерда бўлган ҳангамаларнинг ҳаммасини айтмади. Такежон Абайни қаттиқ ҳақорат қилган эди. Жумоғул Эрбўлни ҳам урмоқчи бўлиб ўқталган эди. Даркембой, қони қайнаб, тутақиб «энди қўлингни торт! Бўлмаса, икковимиздан биттамизнинг қонимиз тўкилади!» деб, орага тушиб, ажратиб қўйган эди.

Бу гапларни Абайга айтса, ака-уқанинг ўртасига ўт ёқсан бўларди. Жанжалларга хуши йўқ Эрбўл, бундай пайтларда бор гапни ютиб қўяқоларди. Ўртадаги гап кескинлашиб, пичоқ бориб суюкка тақаладиган ишлардан Абайни четда қолдиришга тиришарди. Кейинчалик билб қолган Абай «нега ўшанда айтмадинг» деб тутақадиган бўлса, дамини чиқармай тураберарди.

Лекин ҳозир унинг ичидан қаттиқ ғазабланадиган Абайга очиқ кўриниб турарди. Абай ҳам дўстининг фе'лини яхши билгани учун ҳозир ҳамма гапни айт деб қистамади. Ҳалиги гапларнинг тагида бошқача алам борлигини пайқади-да, бўғилиб кетди. Икки юзи бир оқариб, бир қизариб, қорамтири товлаб, қовоғини солганича

Эрбўлга ўқдек тикилиб бир нағас қаттиқ ўйланиб қолдида, иргиб ўрнидан туриб кетди.

Бозорали ва Осиљеклар Абайнинг нима қилмоқчи бўлаётганини онглайолмай, ҳайрон бўлиб туришарди. Абай тишин тишига қўйганича, қалтироқ, товуш блан:

— Тур, Эрбўл Юр!— деди-да, шошиб кийинабошлиди. Юпингина кийиниб, белини маҳкам боғлаб, қўлига қамчи олди-ю, эшнки очиб, отилиб чиқиб кетди. Эрбўл ҳам унинг орқасидан кетди.

Қўлига қамчин олишидан уйдагилар Абайнинг отга минишини онглашиди.

Ташқарида эгарлоғлик иккита кўк от жунжиб бўрондан пана бўлиб, деворга сиқилиб турган эди. Абай биттасига минаётиб йўлдошига:

— Қани, мин!— деди-да, ўзи иргиб кўк отга миниши блан қамчи босиб оппоқ бўроннинг ичига кириб кетди..

Шу топда Жумоғул Даркембойларнинг эллик-олтмиштагина қўйини савалаб, қувиб юрган эди. Неча кундан буён ичига бир тола ўт кирмаган қўйлар, қочай деса-югуроалмай, бир-бирини паноҳ тортиб, уймалашиб, тўп-тўп бўлиб турарди. Қўйларнинг қочмаганига зардаси қайнаган Жумоғул эгасидан тортиб ҳақорат қилиб, яна у орқасидан сарсон бўлиб пиёда келаётган Даркембой ва унинг дўстларини писанд қилмас эди.

Қувғиндан, бўрондан бугун ҳам кечгача оч юриб келиб, кўп ҳолатдан кетган тўрт-беш кичикроқ қўй тумшуғи блан қорга тиқилганича туролмай қолди. Даркембойнинг қони қайнаб,,Жумоғулни ушлаб олмоқчи бўлиб, орқасидан югарар, лекин бақувват отга минган кўп абжир Жумоғул думини тутқизмай, елиб юради. Қўйларнинг у бошидан кириб, бу бошидан чиққанда, бўғоз қўйларни думалатиб-думалатиб кетарди. Агар бу жониворлар, тили бўлса, ўзига ўлим тилаб ёлборар эди.

Мойбосар старшинликдан тушгандан кейин Жумоғул чопарликдан бўшатилган эди. У, мадори қуриб, нима қилишини билмас, Жумабой пичинг қилиб:

— Худо йўлига оқ қашқа, кўк қашқа атаб, бир жанжал сўраса ҳам ҳеч қулай келмай, Жумоғулнинг жунуни қўзиб юрибди!— дерди.

Лекин шу икки йил ичиде Жумоғул ўрнини топди. уни Такежон ўзига йўлдош қилиб олди. Тўғри, Такежоннинг қўлида ҳечқандай амал йўқ, лекин кузда ва қиша да ер қўриқлади. Шунда Жумоғул блан Такежон орқада

қолган, моли оз, кучи кам, одамлари мўмин овулларга старшин блан чопардан кам зулм қилмас, чўбонларини уриб, молларини ҳайдаб, отларини тутиб олишарди. Қариндош-уруглар унинг олдида титрашар, кўпинча унга ялиниб раҳм-шафқат сўрашар эди.

Бусиз ҳам кимга тегишини билмай юрган Жумоғул блан Такежонга ҳалиги Даркембой иши бир ғаниматдай бўлди. Яна буларга куши қолиб келган ким? Такежон блан Жумоғул тинчлик замонда тишини қайраб юрган одам.

Жумоғулин отлантираётганда Такежон:

— Даркембой қўлимга тушадиган бўлди-ку! Ота душманим! — деб яниб ўтирган эди.

Такежонинг шу гаплари эсига тушган сайнин Жумоғул қўйларин от блан бостириб, думалатиб-думалатиб кетарди.

Шундай қилиб, Жумоғул шўрлик қўйларни беомои бўрондан баттар гаранг қилаётган пайтда, қор бўрояни ичидан оппоқ бўлиб тўсатдан икки кўк отлик чиқиб келди. Жумоғул бу пайтла оч, почор қўйлар блан Даркембойни ҳақорат қилаётганига қаноатланмагандай, энди Даркембойнинг ота-бобосини ҳам сўкаётган эди. Бўз отлиқлар яқинлашиб келганда, Жумоғул яна авж қилиб, бир қўйни думалатиб кетди.

Ўқдай учиб келаётган отлиқлар, товуш ҳам чиқармай, тикка келаёттир. Унга нима қилаётисан ҳам дейишмади. Уриш-жанжал ҳам қилишмади, фақат олдинги отлиқ учиб келди-ю, қўй блан Жумоғул отининг орасига кириб. Жумоғулнинг отини чилвиридан олди. Жумоғул қаттиқ ўшқириб, тепиниб, қамчин ўқталди.

Шу топда Абай:

— Оч кўзингни, ёвуз! — деди ҳайқириб.

Жумоғул Абайнин таниди, лекин ўз кишиси кўзига ёвдан баттар кўринди. Абай ўнг қўлида қаттиқ қисиб ушлаб келаётган қамчинини қулочининг борича айлантириб туриб, Жумоғулнинг қоқ бошига солиб-солиб юборди. Жумоғул тепиниб, қутилишга уринди, лекин Абай отининг чилвирини чап қўлига ўраб олган экан, турган жойидан силжитмади. Иккаласи ҳам жим. Абай яна аямасдан савалаб кетди. Абайнинг қамчини Жумоғулнинг бошига сўйилдай тушаётгани эди. Жумоғул бу номусдан ўлганим яхши деб, интилиб Абайга ташланмоқчи бўлди. Лекин Эрбўл худди шу пайтни пойлаб, тайёрланыб турған

экан, отини қаттиқ елдириб, орага кириб Жумоғулнинг
елкасидан олди.

Шу топда Даркембой:

— Вой, худо тилагингни бергур! Ҳа, одам боласи ҳам
бор экан-ку! Ҳамма бўри эмас экан-ку! Эй худо, қани
бери келтирчи аblaҳни! — деб юрганича етиб келди.
Келиши блан Жумоғулнинг ёқасидан олиб, бир юлқиши-
даёқ, гуп этдириб қорга улоқтириб урди. Шу топда Абай
товушининг борича: «қайтар орқага!» деб, ҳамма қўйлар-
ни эгаларига ҳайдатиб, қўриққа киргизди.

Яқингина ерда катта моя турган экан. Қўйларни ўша
мояга ҳайдатди. Мояни қўриши блан қўйлар ҳам югуриб
кетишиди. Даркембой Қунанбойнинг қўриғига тушгани
устига унинг бичанига ҳам оғиз солишдан қўрқиб:

— Қайтар! Қайтар!.. Бичанин едирма! — деб, ўз ки-
шиларига қинчқирабошлади. Абай уни ҳам жеркиб:

— Қўйиб тур! Борсин!.. Еснин ўша мояни, қўрқманг-
лар, ўша мояга ҳайданглар! — деди.

Қўйлар мояга етдию, атрофдан ёпирилиб, кўп бичан-
га бош солиши блан қимирламай қотиб қолишиди.

— Тонг отгунча шу моядан қимирлатма! Бўрон бо-
силгунча қўйларни шу ердан қўзғатма! Бу ер, бу ўтлар-
нинг эгаси Такежон бўлса, мен ҳам эгасиман! — деб.
Абай бу ишни бир ёқлиқ қилди-да, Даркембойни ёни-
га чақириб олди.

— Даркембой, иккита йўлдошинг қўйларнинг ёни-
да турсин. Қўйларга энди ҳечким тегмайди. Қани, энди
ўзинг ҳозир мана бу отга мин. Ўша ер қўриқлайдиган
Такежоннинг отига минда, юрганингча, шу атрофдаги
ўзингга ўхшаш овулларга хабар қил. Мен юборганимни
айт! Шу атрофдаги Чингизга етаолмай, қўйлари очлик-
дан қирилаётган овулларнинг ҳаммаси юришга ярайдиган
қўйларини олиб, азаматларини йигиб, худди шу уч қўриқ-
қа, Қунанбойнинг қўриғига ҳайдаб келсин. Кетмони бор-
ми, кураги борми, олакелсин. Қўйларини қўриққа ҳайдаб,
қор очиб жон сақласин. Мана шу хабарни яқиндаги Тўр-
ғой Жигитек, Қоработир, Бўкенше элларининг ҳаммаси-
га бориб айт! Ют келадиган бўлса ҳаммамизга баравар
келсин! Бор! Ютур! Ҳаммасини йигиб кел! — деди.

Шу буйруқ блан Даркембой отга минганда Абай оти-
нинг тумшуғини Жумоғулнинг кўкрагига тираб туриб:

— Сен онт урган, бундан кейин итлигингни боши
ҳам, охири ҳам шу бўлсин! Билдингми? Бор, бориб Таке-

жонингга айт, йўғонлигини, зўравонлигини ютда қолган қўйларга, оч-яланғоч элларга кўрсатмасин, мана менга кўрсатсин! Жўна!. Пиёда кет!— деди.

Боядан буён дамини чиқаролмай турган Жумоғул Тажеконнинг овули қайдасан деб пиёда кетганда Абайлар Даркембойни жўнатиб уйга қайтиши. Бўрон ҳали ҳам сусаймаган, энди бутунлай қуондек қутуриб, чинқириб, тўрт томонга югурад, кўз очгали қўймас эди.

Тонг отганда бўрон босилди. Йироқдаги қорли давон орқасидан кўтарилган қуёш қор тўзонига чулганиб, қипқизариб тураг, қийналиб оғир дарддан туриб чиқсанга ўшар, икки томонидаги сурғилт булутларга қизгиш сариф ранг бериб, икки ёғидан қулоқ чиқаргандай кўринарди.

Даркембой Абайнинг топшириғини яхши онглар эди. У тун бўйи, тонг отиб эл тургунча ҳам тиним топмади. Унга Абайнинг: «Ўзингга ўхшаганларга айт» деган гапи жуда ҳам ма'қул бўлган эди. Даркембой Абайнинг топшириғини Қоработир, Тўрғай, Бўрсоқ, Жуонтаёқ элларига ўхшаш шу атрофдаги ерсиз, молсиз йигирма-ўттиз, ўттиз-қирқ қўйлнк, аҳволи танг элларга етказди. Мусакул, Жидебой, Бороқдек қўриқларнинг атрофидаги сони кўп, қудрати йўқ овулларни кун чиқишдан бошлаб, кун ботишгача чарлаб чиқди.

Тун кечада, совуқ бўронда келиб эшик қоқҷан одам одатда совуқ хабар олиб келади. Лекин Даркембой хуш хабар келтирди. Бўрон уч кундан буён тинмас, халқ: «қўлда борини олиб кетади!» деб умидини узиб қўйган эди. Гулдурос солиб қутуриб, чинқириб эсаётган бўрон ўйқисидан айирган кексалар худога ёлворишар, мол эгалари оҳ уришар, азamat йигитлар, хотин-халаж белини ешмай, кечаю-кундуз тинмасдан мол қўраларида кезишарди.

Атрофдаги тепаликларда бирон бута кўриниб қолса шуни ҳам кесиб яқин ерлардаги чийнинг бошини қирқиб келишар, ҳеч илож топилмаганда, бусиз ҳам зўрға турган вайроналарнинг қамишини суғуриб, молга беришарди. Лекин бу битталаб териб келаётган ҳашаклари мол учун, қалдирғоч қанотида келтирилган сув томчисидай гап эди. Бу озгина ҳашакни бемаҳал туқкан қўйга берадими, сути овқат бўлиб турган сигирга берадими, ёки ёлғизгина туясига берадими? Ҳарқалай халқ сўнгги топган нарсасини «бошқалар ўлса ҳам, шу қолса экан» деган суюнчиқ молига илинарди.

Қўшнилар ва ери кўп танишлардан чўп-ҳашак умид қилиб бўлмас эди.

Шундай тун кечада Даркембой шундай хушхабар олиб келди.

Шундай қилиб, кун чиқиб келаётган пайтда Қунанбойнинг уч қўригига қараб теварак-атрофдан чувалашиб мол келабошлади. Бу вақтда Абай блан Эрбўл аллақачон от устида юрган эди. Улар отга миниб, узун, кенг қўриқни ёқалаб, отини елдириб юрганича, ҳар овулдан келаётганларни қарши олишаётган эди. Озроққина қўй, тўртта-бешта қорамолнинг орқасидан тўп-тўп бўлиб чоллар, хотинлар, йигитлар келишаётган эди.

Очликдан озиб кетган қўйларга қараб бўлмасди. Қўйларнинг юнгги ҳурпайиб, тугун-тутун бўлиб ёпишиб кетган, ёнбошлари сапсариқ қийга белашган. Онда-сонда ютга чидамсиз эчкилар бақириб, гуп униб ётиб қолмоқда, булар кенг далада оппоқ қорнинг устида қопқора бўлиб ётарди.

Қўй олти кун очликка чидайди дейишар эди. Лекин буларнинг аҳволига қараганда, бу моллар кўпдан бери оч, жуда ҳолатдан кетган. Яна икки-уч кун турса, батамом йиқиладиган ҳолга етган эди.

Келаётган қўйлар қорни зўрға кечиб келар эди. Шунинг учун халқ битта-яримта ориқ отни, туяни ёки сигирни қўйнинг олдига солиб, йўл очиб келишаётир. Очиккан қўйлар олдинда зўрға кетаётган от, сигирларнинг думини еб қўяётгандай эди.

Шу аҳволда, очликдан толиққан, лиқиллаб қолган молнинг атрофида келаётган одамлар ҳам озиб-тўзиб кетган. Кексаларнинг юзидағи ажин кўпайган, ҳамманинг рангги кетиб, юзлари қувиқдек салқиб кетган, қадди букилган эди. Чурук-чарнқ энгил кийиб, бошига эскистуски чулғаб олган хотинларгина эмас, эркаклар ҳам бор эди. Кўпчиликнинг оёғида ағдарма маҳсининг ўзи...

Одамларнинг ҳаммаси қўриқнинг четига илинار-илинниси қўлидаги кураклари, тешаларини музлаб қолған қорга уриб қўриқ юзини, чийнинг тагини очишга киришарди. Абайлар ерни кўпроқ бериш ниятида ҳар тўпни бир-бираидан олироқ тушираётган эди. Уч қўриқнинг ҳам бир яхшилиги шуки, бу қўриқларда қалин чий ўсади. Чангаль, итбурунга ўҳшаши буталар ҳам кўп эди. Қор қўриқнинг чет-четидан қалин бўлиб, усти музлаб қолган бўлса ҳам, чийнинг ўртасига борганда унчалик қаттиқ эмас, юмшоқ

екан. Яна қаернинг қорини тозаланса, шу ердан қуюқ ўт чиқаётган эди.

Шундай ерларга етиб келган молнинг ҳаммасини ҳам оғзи ўтга тегди. Абай блан Эрбўл, тушга яқин, келгандарнинг кўпчилигини ўрнаштириб бўлишди. Ҳаммаси бўлиб, бу қўриқларга элликдан ошиқ овул келган эди. Та-кежон ёлғиз сигирдан ҳам қўриқладиган қўриққа тушган қўйнинг сони мингдан ошди, лекин қорамол кам эди. Неча кундан буён қорни қанча тепса ҳам, остидан тақир ер чиққанини қўриб келаётган бирнечтагина отлар ҳам, энди сўнгги кучларини сарф қилиб, ўлмасликнинг чорасини қилишмоқда эди.

Ютаган мол блан озган, хароб бўлган одамлар келгандан буёни Абай қайғуга тушди. Ез кунларида яйловдагина бу эллар камчилиги йўқ, ўзига тўқ қўринар экан. Энди мана бу ют элнинг нақадар қашшоқ ва паносизлигини очиқ кўрсатди.

Беҳисоб элнинг кўпчилиги шу сингари йигирма-ўттиз қўйлик, учта-тўртта қорамоллик овуллардан иборат. Йил ўн икки ой уларнинг овқати ҳам, улови ҳам, кийим-боши ҳам, бошпанаси ҳам шу озгинагина туёғи. Яхшилик замонда ҳам бу нима деган нарса. Мана энди бошига бундай оғат келиб, қийналётган чоғида кўпчиликни ташкил қиласидиган халқнинг ҳоли нақадар оғир! Шу қараб турган тўртта молидан айрилса тирикчилиги нима бўлади? Кечагина «бой эл», «ҳаммаси тўқ эл» дейилган элнинг бўлган-турган аҳволи шуми?

Мана, тўсатдан ют, оғат деган фалокат қошига келганда Абай уларнинг аҳволи, тирикчилиги нақадар оғир, нақадар ғариб эканлигини очиқ кўрди.

Бу фикрлар келганда ҳаёт Абайга шу қадар ма'носиз, шу қадар вафосиз бўлиб кўринди... Молларини қалин қорнинг ичига тиқиб, қуённинг кавагидек ерни паноҳ қилаётган бечораларга ғоят юраги эзилди.

Абай яна бошдан бошлаб, ҳарбир овулнинг каттасига учрашиб:

— Совқотганлар бўлса ана у рўпарадаги овулларга бориб исиниб келишсин. Бир маҳал иссиқ овқат ичинглар. Шу қўриқда ўтирган овулларнинг ҳаммаси ҳам қариндош, ҳечким ҳайлаб чиқармайди, тортинманглар! — деди.

Бусиз ҳам моллари учун Абайга оғарни айтиётган кексалар энди, биратўла ютдан қутилгандек, кўнгиллари кўтарилиб кетди.

Абай, отини елдирганича, уч қўриқда ўтирган овулларни оралаб чиқди. Ҳамма овулларга бирма-бир кириб, Изиқуттига ўхшаш катталарни, айниқса уйнинг яон-ижтиёри қўлида бўлган кекса хотинларни эшикка чақириб слиб:

— Мана бу оғат блан олишаётган қариндошларга ёрдам беринглар! Овулда қанча қозон бўлса ҳаммаси осилсин, келганларга кунига бир маҳал иссиқ овқат бериб туринглар!— деб, қаттнқ тайинлаб чиқди.

Шу блан ҳар овулдан келгая оч-яланғочларни ҳисоблаб, уларнинг ҳарқайсисини ўз рўпарасидаги уйларга тайин қилди.

Мусақулдаги Абай блан Эрбўл кирган сўнгги овул Такежоннинг овули эди. Такежоннинг ўзи уйда йўқ экан. У тундаги ҳангамаларни Жумоғулдан эшитиши блан «ўз бошимча, ўз сўзлик» Абайнинг устидан арз қилиб, Кунанбойга чақмоқчи бўлиб, тўғри Қорашибўғига кетган экан.

Абай Такежоннинг қўрасига келиб, ўзи отдан тушмай туриб, ичкарига Эрбўлни киргиэди. Такежоннинг хотини Қоражон қайниси чақиртирганига рангги ўчиб, келаётган эди. Новча бўйлик, бурни катта, кўкимтири товлаб турадиган қора келинчак ўлгунча заҳар, жizzаки, эрининг кунини кундан келтириб, сиқмай қонини ичарди. У ўзи ёш бўлса ҳам, қитимирилик қилиб, ош, нонга, молидун'ёга махлиё бўлабошлаган эди. Унинг бу фе'ли эрига кўп қўл келиб, булар тез кунда бойиб кетишаётган эди. Бу келинчак Улжоннинг қўли очиқлигини, уйнинг тўкинччинлигини ёқтирумай, сал кун ўтмасданоқ, гап-сўз чиқариб, эринга харҳаша қилиб, тез кундаёқ, энчисини олнб қозонини бошқа қилиб олган эди.

У Абайнинг Такежондан кичик бўлатуриб, яхши йигит деган ном олиб кетаётганига чидаёлмас эди.

Абай ҳам янгасининг фе'ли-атворини яхши билар эди, шунинг учун ҳам салом бериб сўрашмади. Зарда блан тепиниб, отни олдинга суреб, кечаси Жумоғулнинг кўкрагига тираганидек, кўк отининг тумшуғини унинг ҳам кўкрагига тақаб борди-ла, тўғридан-тўғри гап бошлади.

— Эринг менинг устидан арз қилгани кетибди. Мен ўз жазомни ўзим тортаётирман. Сенга бир хизмат буюргали келдим. Шуни ўрнига қўйиб қиласан, билдингми!

— Қандай хизмат экан?

— Мана бу атрофдаги эл ютда қолиб қирилаёттир. Тинчлик, хотиржамлик замонда бичанингни чопган, қудугингни қазиган, молингни суборган, хизматингта яраган шу қариндошлар эди. Ҳозир бошига кун тушеб, азбаройи қийналганидан шу ерга келиб ўтиришипти. Молларига ўтладиган ер бердик. Үз қистовларни узоқ, кун совук, одамларни шу яқиндаги овулларга бўлиб бериб келаётirmиз. Бизнинг овулда қириқ-эллик киши бўлади. Жой етишмаёттир. Сенинг овуллингнинг ёнида йигирма киши бор; тўрт овулнинг одами. Ҳали ўзларнга ҳам таъинладим, келиб шу ердан овқатланади. Шуларга кунига бир маҳал иссиқ овқат қилиб берасан...

— Вой, чирофум, бу нима деган гапинг?.. Бизнинг уйимизда ўзимиз егудек овқатнинг ўзи йўқ!

— ЕЛФОН гапирма! Қайси куни туякашлардан олдирган уч қоп унинг бор, тиравиб турган беш қоп буғдойинг бор, сўйган сўқумингнинг гўши тамом бўлиш ўёғда турсин, яримлагани ҳам йўқ. Уйингда нима борлигини яхши билганим учун келдим... Бу гал мен блан ҳазиллашма, берасан, қани бермай кўр-чи! Қаршилик қиладиган бўлсанг яхши бўлмайди.

— Вой, энди ўзимиз оч қолайликми? — деб Қоражон бир чимирилиб тушган эди, Абайнинг ғазаби бўғзига келиб, ҳайқириб юборди:

— Оч қолмоқ тугул, қирилиб кет... Берасан... Қанв бермай кўрчи! Ҳар кун кечқурун келиб ўзим текшириб тураман. Буйруғимни бузадиган бўлсанг, ўзингдан кўр! Агар мени шу ердан ҳайдатдириб юбормаса, сенчалик ҳолим бордир! Шарманда қилиб туриб, айтганимни қилишга мажбур қиласман! Билдингми? Олганда мендан Такежонни оларсан, кўзингни очиб қўй! Шу айтгандаримни қиласан! Гап шу! — деб ўқрайганича келинчакка тикилди.

Абай ўнг қўли блан қамчинини қисиб ушлаётган эди, Қоражон буни пайқаб, ортиқ гап қайтармади. Даркембойлар кечаси келиб, Такежон овуллининг юқорисига ўрнашган эди. Ҳали Абай келаётганда Даркембойга бизнинг орқамиздан бор деб, тайинлаб келган эди. Энди у ҳам етиб келди. Даркембой хийла ердан қулоқ солиб, Абайнинг ғазабли товушини эшитиб келаётган эди.

Даркембой ёнига келганда Абай Қоражонга яна баттарроқ ўқрайиб:

— Мана, сенинг овулингдан овқатланадиган одамларни шу Даркембой бошлаб келиб туради. Ёлғиз ўз уйингда эмас, овулингда қанча уй бўлса, шунинг ҳаммасига қозон остириб тур, овулингдагилар ҳаммаси хизмат қилсин! — деди. Қоражон чурқ этмай турарди.

Абай отининг бошини қайираётib, Даркембойга:

— Сен бу овулнинг куёви эмассан! Тортинма, эшигдингми? Ишдан бўшаганингдан кейин, тикка келиб «овқат бер!» деб айтабер, бермаса ё кечиктирса тўғри бориб ўзимга айт. Агар яширадигай бўлсанг Даркембой эмас, ҳажи қиз бўласан! Билдингми? — деди-да жўнаб кетди.

Тонг отгандан буён тиним топмаган Абайлар кеч кирганда, Жидебойга етиб келишди. Келса, оналарининг уйида Такежон блан Жумабой уни кутиб ўтирган экан. Такежон тун бўйи от чоптириб, Қунанбойнинг олдига етиб бориб, энди Қорашибўқидан Абайга буйруқ келтирган эди.

Улжон чақириргач Абай уйга кирди. Уйга кириб келаётган чоғида бу овулнинг одамларини омборларининг ёнида, йўлакда, даҳлизда турли-туман иш блан банд эканлигини кўрди. Ҳамма ерда қозон осилиб, иссиқ овқат ҳозирланаётир. Оч-яланғоч келганларни кутишга онасининг ўзи киришган бўлса керак. Уч ерга катта-катта ўғир ўрнатилиб, эпчил-чақон хотинлар буғдой туюётир. Озроқ гўшт солиб пиширилган буғдой гўжани қозондан кўтариб, идиш-идишда уйларга олиб кетишаётир. Қўкламда илик узилди вақтида бир уйдан кўп овқат чиқиши қийин. Яна буларни кутиш бир кун эмас, бирнечча кунга чўзилиши мумкин. Шунинг учун Улжон буғдой туйдирив, гўжа қилинса баракалироқ бўлар деб ўйлаган бўлса керак.

Рўпарадаги уйда навбати келган ўнбеш-йигирмага яқин эркак ва хотинлар аралаш ўтириб иссиқ овқат ичишаётган экан. Овқатларини бемалол ичсин деб, Абай уларнинг олдига кирмади-да, катта уйга кирди.

Уйга киргандан салом бериб, Жумабой блан сўрашса ҳам, Такежонга қарамади. Ака-ука совуққина учрашишди. Бироздан сўнг Жумабой Абайга отаси айтиб юборган гапларни айтабошлади. Лекин Такежон кечаси жаҳл устида тутақиб кетиб, кўп гаплардан хабарсиз қолган экан. Чақиқ қилиб отасининг олдига арзимаган гапни, Даркембой масаласинигина кўтариб борган экан. Бугун азондан буён, атрофдаги бор эл шу ерга йигилаётганидан хабарсиз қолган экан. Ёлғиз Даркембой келганига жони чиқиб кетган Такежон, бундай бало бўлар деб ўй-

ламаган ҳам эди. Ҳозир, мана, овулга келиб, буларни кўргандан буён биратўла чатнаб кетгудай бўлиб ўтиради.

Жумабойнинг айтишига қараганда, отаси Абайнинг Даркембойга паноҳ бўлишини иотўғри деб топган, «бетайн одамларга яхшилик қилишнинг хайри йўқ. Даркембой бир вақтлар менинг бошимга қасд қилган одам. Абай яхшилик қилмоқчи бўлса, дўстларига қилсин. Даркембойга бўлишмасин, қайтариб юборсин!» дебди, Абай бунга кўнмади, жавобни ҳам қисқа қилди.

— Отам элу юртга хайр-саҳовотлик мусулмонман дер эди. Ана ўша мусулмончилик оғатга учраган элларга раҳм қилиб, ёрдам қўлинни чўзишини фарз дейди. Такежоннинг гапига қулоқ солмасин, мен бу ерда ҳалққа ва'да бериб кўйдим... Ўзим қараётирман. Ранжимасдан рухсат берсин! — деб қўяқолди.

Тутақиб ўтирган Такежон бир ҳурпайиб тушди-да, Абай блан уришиб кетди.

— Ҳамон бундай сўфи экансан, бошингга салла ўраб Даркембойга деб, ҳалқдан фитр сўрай қол!

— Керак бўлса, фитр ҳам йиғаман. Ҳалқ қириладиган бўлса бошимни ҳам шуларга садақа қиласман!..

— Қани, бўлмаса, бориб элга садақа йиғ!

— Садақа йиғишдан олдин ўзимда бори блан сенда борини ўртага ташлаб, улашиб бераман!..

— Ҳали ҳам бор-йўқни талатиб бўлибсан-ку!. Битта Даркембойни эмас, бутун элни йиғиб келибсан! Сен бигта ўзингни эмас, ҳаммамизни ҳам қора ерга ўтиргизиб кетадиган бўлдинг!.. Утиргизиб кетиш ҳам гапмил! Бундай қиласерсанг ҳали оналарингни ҳам очдан ўлдирасан!

— Сен оналаримнинг ғамини емай қўяқол, билдингми! Менинг оналарим сени ўша Қоражон деган қуримсоқ хотинингга ўхшаш ковакда ётган бўрсиқ эмас, борини ўртага ташлаб ўрганган. Ҳалқ блан бирга оғатга учраганда ҳам қошдан қовоқ қайтармайди. Мен шуларнинг топширигини бажараётирман. Оналар дегунча, ўша Қоражон иккаланг шу оналаринг тарбиясидан садақа бўлиб кетсангчи! — деб Абай Такежонга қаттиқ тикилди. Ўнинг сўzlари, боласини уришаётган отанинг гапидек, оғир ва салмоқли эди.

Такежон яна олишмоқчи бўлиб, оғиз жуплаган эди. Улжон оғиз очтирамади.

— Бас, бўлди энди! Шунча олишганларинг ҳам бўлар! — деди ва Жумабойга қараб:

— Сен энди кетабер! Абай бу ердаги оч-яланғоч қариндошларни чақириб қўйди. Биз қўлимида борини шулар блан баҳам кўрамиз. Ҳали очдан ўлиб, кўчада қолаётганимиз йўқ. У ердагилар биз учун ташвиш тортмай, ғамхўрлик қилмай қўяқолсин. Берсак ўзимизга тегишилик нарсамизни бераётгимиз, боласининг обрўйини тўкмасин. Ҳалқнинг олдида боланинг сўзини иккита қиласин! — деди.

Такежон ортиқ гапирмаса ҳам онасилинг гапларига фе'ли айниб, тескари қараганича тумоғини кийди-да, чиқиб кетабошлади. Улжон унинг шундай қилиб чиқиб кетаётганини кўриб:

— Ҳой, менга қара, Қоражонга бориб айт. Овулига борган оч-яланғоч қариндошларни қовоқ-думоғ қилмасдан, очиқ чирой блан кутсин, кўп ҳаддидан ошмасин! Отасининг уйндан олиб келган моли эмас! Қўзини, очсин! — деди.

Такежон блан Жумабой чиқиб кетишиди.

Булар уч қўриқни батамом оралаб чиқиб, келган овууллар блан уларнинг молини кўриб, сонини билиб олишди-да, яна Қорашўқига жўнашиди. Бу гал киройи чақиқ деб кўтариб борганга арзийдиган чақиқ олиб кетишиди.

Шунча мол блан шунча одамни бу ерга йигиб келиш Абай блан оналарининг иши эмас, бундай ишни қиладиган бўлса еру-дун'ёнинг эгаси Қунанбой қилиши керак эди.

Абайнинг бу ўз бошимчалиги отани менсимагани, «молу-мулкнинг эгаси ўзим» дегани.

Қунанбой Жидебойда бўлаётган ишларни Жумабой блан Такежондан батамом эшилди-да, энди Абайларга жаҳли чиқди. Ҳақиқатда ҳам бу иш ҳаддан ошиб, ҳечкимни менсимай қўйишилик эди.

Отасининг ғазабланганини кўриб Такежон, жаҳл устидаги бир қаттиқ буйруқ бериб юборишидан умнд қилиб, ич-ичидаи хурсанд бўлиб ўтирган эди. Лекин Қунанбой бунинг олдида ёрилмади, фақатгина «тийиб қўйиш керак» деди холос.

Шундай кейин Қунанбой Такежонга «сен кетабер!» деб Жумабой икковини чиқариб юборди-да, Ҷақипни чақиртирди. Эртасига азонда Ҷақип Жидебойга келиб, Зеренинг уйида ўтириб, Абайга яна отаси айтиб юборган гапларини айтди.

Шу блан отасидан иккинчи одам келди. Келганда ҳам энди катта-катта ишларга юбориладиган Жақип келди. Демак, иш чакки эмас. Аслида овулдагилар бўлсин, қариндош-уруг бўлсин, Қунанбой айтиб юборадиган гапларнинг салмоғини ҳамиша, унинг юборган одамига қараб белгилашар эди. Чунончи «олиб кел, ҳайдаб кел!» деган буйруқлар Қорабос, Қамисбой сингари чопарлар бўлиб келарди. «Айтиб, билдириб кел!» деган буйруқлар Жумабой бўлиб келади. Ба'зан бундай буйруқлар Қудойберди ё Абай бўлиб ҳам келиб қоларди. «Қўрқитиб, пўписа қилиб, жазосини бериб кел!» деган буйруқлар ё Изиқутти, ё Мойбосар бўлиб келади. «Тушунтириб, кўндириб кел!» деган буйруқлар мана шу Жақип бўлиб келарди. Лекин бу Жақип кўпинча қабила-қабнлаларнинг орасидаги катта-катта ишларга, зўр маслаҳатларга ҳам юборилар эди. Борди-ю, иш жуда катта бўлиб, кўп эллар блан битадиган бўлиб қолса, бу важдан юборилган буйруқ Қоратой бўлиб келарди.

Бу гал Жақип келнипти. Абай буйруқ келтиручининг ҳалигида олмошишига қараб, Қорашибўқидан келаётган буйруқни бир поғона бир поғонадан кўтарилиб бораётганини онглади, ичидан жавобга ҳозирланиб турди.

Абай Жақипнинг гапларини қовоғини солиб, ғазабланниб, унинг юзига қарамай, юзини тескари ўғириб ўтирганича ҳар битта гапни чертиб, солмоқлаб кўриб эшиштётган эди.

Жақип Қунанбойнинг буйруғини айтишдан олдин, гап айлантириб, бирқанча далиллар келтирди. Бу гапларни гарчи ўзидан қилиб айтиётган бўлса ҳам, Абай бу гапларнинг негизига хўб яхши тушуниб турган эди. Бу кунларда Абай отасининг кўнглидаги мақсадини, у мақсадларни қай йўсунда ццлатишини дарҳол тушунадиган бўлиб қолган эди. Жақипнинг галига қараганда, ота бошлайдиган иш бору, бола унга эргашадиган иш бор. Бунинг фарқига бориш керак. Отадан бошлаган эзгулик ишни қўллаганда ҳам, бола обрў қозонаолади. Отадан бемаслаҳат, ўзбошимчалик қилиб, одам бўламан дейиш болага яхши ном келтирмайди.

Бу гапларга Абай аҳамият бермади, негаким, боласининг одам бўлишини, обрў топишини ўйлаб қўлидан келган ёрдамини аямайдиган оталар ҳам бўлади, «ўз ҳоҳинини, ўз ҳукмини Боласининг бўйнига қиёматгача оғир юқ қилиб, ортиб қўймайдиган отлар ҳам бўлади» деди.

Жақип яна давом қилиб:-ер бериб паноҳ бўладиган бўлсанг, ҳозир қийналаётган мол-ҳоллик одамлар ҳам бор, ўшаларга паноҳ бўл, бир кун эмас, бир кун фойдаси тегади. Булар ким, ҳаммасини йнғиб келганда, ҳатто омонатга битта от, битта тую ҳам бераолмайдиган одамлар,— деди. Жумабой ҳам шу гапнинг учини чиқариб кетган эди.

Абай унга ҳам кўймади, Жақилнинг бу галига қудага, ёру дўстларга қилинадиган ёрдам, бунинг оти яхшилик эмас, ҳаммага ма'лум олди-берди деб баҳо берди.

Абай, шундай қилиб, Жақипга гап бермади. Энди Жақипнинг жаҳли чиқиб кетиб, қаттиқроқ гапирабошлиди:

— Сен қаердан мол эгаси, ер егаси бўлиб чиқдинг ўзи? Меҳнат қилиб топиб қўйган эдингми? Бу қилаётган ишининг отангнинг бор йиққан-терганини сочиб юборишлик! Шу овулдаги мол блан Такежоннинг қўлидаги мол ҳам эрта-индин ўшаларга қўшилиб, ютга учрайди. Ҳеч бўлмаса мана бу оналарингга қарашлик молни аясангчи! — деди.

— Тўғри айтаяпсиз, мен оналаримнинг ризқини талонтарож қилиб, буларга хиёнат қилаётирман! — деб Абай кесатиб қўйди-да, Зерега қараб:— мана бу ўтирган она, ёлғиз менинг онам эмас, отамнинг ҳам онаси. Мол-мулкнинг ҳақиқий эгаси шу киши бўлади. Шундай бўлгандан кейин ҳаммамиз ҳам шу кишининг буйруғи блан иш турамиз-да, қани ўзларидан сўрайлик-чи, қандай жавоб қила-дилар. Ҳозир ўз оғзиларидан эшигинг! — деди-да, сурлиб энасининг ёнига келди.

Кекса эна бу кунларда ғоят озиб, сарғайиб, юзидаги ажинлар кўпайиб кетган эди. Абай ёнига келганда, энаси қулоғини очди. Набираси унинг қулогига келиб қичқириб, ҳамма гапни айтиб берди; қисқагина сўзласа ҳам, тушунарлик қилиб, бу гапларга нима дейишини ва буйруқни фақат унинг ўзидангина кутаётганини онглатди.

Зере хўрсаниб, қовоғини солиб, Жақипга қараб:

— Боламга бориб айт, кўп умрим қолгани йўқ. Энди бир камим зор йиғлаётган оч-яланғоч элнинг қирилишини кўришим қолдими? Етим-есирларнинг, кексаларнинг дар-е-дар-е кўз ёшини кўришим қолдими? Ҳозир мен яратган эгамдан, энди омонатингни ол деб, тилаб ўтирибман. Жанозамга чақирилган одамларга ҳам ош-сув қилиб кутади-ку. Шуни жанозамга қиладиган ош-сувга

ҳисоблаб қўяқолсин, келганларга тегмасин, ҳайдамасин! — деди.

· Бу сўзларни эшитгач Жақип гангиб, нима дейишини билмай қолди.

Абай кекса энасини шу қадар оғир тилаклар тилашга мажбур қилаётганинни кўриб жони-жаҳони ўртаниб кетди-да:

— Мана, эшитдингизми, она учун ғамхўрлик қилаётганингиз рост бўлса, бундай йиғлатабөрманглар! Келгандарни ҳайдашга йўл қўймайман! — деб чўрт кесиб ташлади.

Зеренинг сўзидан кейин Жақип хийла паст тушиб қолган бўлса ҳам, бор заҳрини Абайга сочиб кетмоқчи бўлди:

— Нима деяпсан ўзинг? Битта-яримтанинг ёқасидан олмоқчимисан? Бу гапинг яхши эмас, оғзингга қараб гапир! — деди.

Абай ҳали ҳам жаҳлидан тушмаган эди.

— Нима деяёттанимни билиб турибсиз, бу ердагилар ёпи бола эмас. Бу ердагиларни ҳол-жонига қўйсин-да тинч ётиб айш-ишратини қиласерсин!

Жақип шу кунга қадар Иргизбойларнинг ичидаги Қунанбойга қарши бунчалик қаттиқ гап гапирган одамни кўрмаган эди. Абайнинг бу гапи тагида қандайин гап борлигини яхши билса ҳам, ичидаги «бу бола қип-қизил тен-так экан-ку» деб ўйлади-да:

— Бас! Бас қил, чироғим, бас қил у ёғини! Мен бориб бу гапларингни айтмайман, лекин жуда қалтис сўзни сендан ёшитдим деб кетарман!... Шунинг ўзи ҳам кифоя, бўлди! — деб, ирғиб туриб кетди.

Ҳақиқатан ҳам Абай айтган гапларининг тагида кўп гап бор эди. У Қунанбойнинг шу қиши ичи қилган бир ножӯя ишига ишора қилиб гапирган эди.

Шу бўлди-ю Жақипдан кейин у томондагилардан биронтаси Жидебойга қадам қўймади. Бошқа вақт бўлганда бу гапларнинг охири бундай тамом бўлмас эди. Қунанбойнинг жим-жит бўлиб дами чиқмай кетишига ҳам ўзининг ўша ножӯя иши сабаб бўлди.

Аслида сўнгги икки ойдан буён Абай блан Улжёнлар Қунанбойдан қаттиқ хафа бўлиб, жуда кўнгли қолган эди, негаким, Қунанбой шу йил қишида, ёши 60 га чиққанига қарамай ёшгина бир қизни олган эди.

Жидебойда икки хотини — Улжон блан Айғиз, Қорашўқидаги катта хотини Кунке бўлишига қарамай, буларнинг устига яна тўртиччи хотин қилиб Нурғаним деган қизни олди.

Нурғанимнинг ёши Қунанбой у ёқда турсин, Абайдан ҳам кичик эди. Мана шундай, боласидан ҳам кичик қизга уйланишини Қунанбой уй ичидан ҳечкимга билдирамади. Бу тўғридаги бутун маслаҳат Қоратой блан ўзининг ўртасида битди. Бу ишни бошлагандা ҳам, тўсатдан бошлиди. Бу ишга бош-қош бўлган Қоратой эди.

Ўтган йили ёзда Қоратойнинг хотини ўлди-да, кекса маслаҳатгўй хотинсиз қолди. Бир кун сўзлашиб ўтирганларида, Қунанбой унга:

— Уйланишини ҳам ҳеч ўйлайсанми? Нега уйланмайсан? — деган эди.

Буни Қоратойнинг ўзи ҳам ўйлаб юрган экан.

— Эй, Қунанбой, қўйсангчи, ўзим хотин бўлиб қолипман-ку, хотинни нима қиласман? — деган эди, унинг бу гапи Қунанбойга ма'кул тушмади.

— Гап ундоқ эмас, Қоратой. Ешлигингда йўлингда учраган хотиннинг ҳаммаси сенинг хотининг, лекин қариганингдан кейин кутадиган, парвариш қиладиган одам керак. Хотин айни қариганда керак-да,— деди.

Шундай қилиб Қунанбой Қоратойни уйлантириб қўйди.

Уша Қоратой ўзи уйланган куни Қунанбойни ҳам киши-кишлатиб: «энди айтган гапинг рост бўлса, ўзинг ҳам биттасини ол, ўша айтганларинг ўзингга ҳам керак. Уларинг бўлса, ҳаммаси ҳам болалари, ўз ташвиши блан бўлиб кетган. Энди сенга «сенни» деб ўтирадиган бир нозанин керак» деди.

Шундан кейин иккови маслаҳатлашиб, Қунанбойга қиз топнишди. Бу Нурғаним деган бир гўзал қиз эди.

Нурғаним Бердиқўжа деган хўжанинг қизи. Бердиқўжа Тўбуқтида эмас, Сибон элида, Орқат тоғида турарди. Бердиқўжа кўп уруғ аймоғи блан Туркистондан чиқиб келганида, аввало Қоратоғда туриб, кейинчалик мана шу Орқат тоғига келиб турғун бўлиб қолган эди. Уша Қоратоғдан Орқат тоғига келаётганида шу Нурғаним ўши узоқ йўлдан кажавада ўтириб келган беш-олти яшар бола эди.

Бу ерга келганларидан кейин, Бердиқўжанинг кўп қариндошлари Орқатни ёқдирмай, яна «оқ пошшога фуқаро бўлган элда турмаймиз» деб, Туркистонга қайтиб кетган эди. Ёши қайтиб, бир гала гўдакларнинг ичидаги

Уралиб қолган Бердиқўжа озгина уруғ-аймоғи блан шу ерда турғун бўлиб қолган.

Бердиқўжа энди Сибон эли блан Тубуқти элининг ичидаги чиқарган хўжа бўлиб қолди.

Бердиқўжа айниқса Қунанбой, Қоратойлар блан қалин бўлиб, ўзи кўп дилозор, оғзига келганини қайтармай, шартта айтаберадиган дағал одам эди. Бу хўжа кўпни кўрган, кўп нарсалардан хабардор, дин вожидан кўп етишган мулла бўлгани учун Қунанбойга мақул бўлиб қолган эди. Доим унинг блан бирга бўлиб, кўп ҳамсуҳбат бўлишар эди.

Нурғаним ўзи ёш бўлса ҳам, барваста келган, сочи қопқора, икки юзи қипқизил ажиди бир гўзал қиз эди. Катта-катта қопқора кўзларида зийраклик блан бирга зўр гайрат акс этиб, чақнаб турарди.

Мана шу Нурғанимни, Қоратойпинг маслаҳати блан, Қунанбой тўртинчи хотин қилиб олишга қарор қилди-да, совчи қўйди.

Эл-уруғида кўп хотин олиш расм бўлмаган хўжа аввалига ҳуркиб кетди. Яна Нурғаним энг яхши кўрадиган боласи бўлиб, унинг бутун эркаликларини, тентакликларини кўтарар, ҳечқачон қоқитмасдан ўстираётган эди.

Қунанбойшнинг гапини эшитиши блан Бердиқўжанинг заҳраси учиб:

— Ие, нега энди, мен боламни қари Қунанбойга маҳрамликка берар эканман? — деди. Лекин унинг Қунанбойга бундай жавоб бериб юборишига ўғиллари йўл қўймади, ҳаммаси бир бўлиб хўжани қўярда-қўймай, икки-уч кунда зўрга кўндиришди. Булар Қунанбой блан қариндош бўлиб олиш иштида эди.

Қунанбой Бердиқўжанинг кўнганини эшитиши блан, қаллиқчага бериладиган қалин молнинг ярмини бирдан юбортириди. Шундай қилиб шу қишининг ўзидаёқ Нурғанимга уйланиб ҳам олди. Улжон блан Ойғиз янги кундош хабарини Кунке юборган одамдан эшитишиди. Эр қизғаниш Улжоннинг эсига ҳам келмас эди. Унинг эр етган тўрт ўғли бор; яна набира кўрган, ўзини тутиб олган она. У энди Қунанбойга эрим деб ҳам қарамас, фақат болаларининг отаси, кўп йил умр қилиб, кўрган кўп азоб, кўп дард-ҳасратлари блан боғланган бир таниш кишидай қарабар, ўзга ҳисларининг ҳаммасини сув оқизиб кетгандай эди.

Шундай бўлишишига қарамай, Улжон Қунанбойнинг уйланишига қарши бўлди. Жумабойни чақириб олиб «умри-

да бир марта бизнинг айтганимизга кўнса, энди уйлашма-син, ўртага катта низо' тушиб қолади, болалардан уял-син, болалари қаттиқ хафа бўлади» деди.

Бу янги гапларни Улжон Абайга ҳам айтди. Абай эшитиши блан қандайдир сесканиб, нафратланиб кетди; қаттиқ ғазаб ичидаги тутақиб: «оталик ҳурматидан маҳрум бўлсин. Бизларни бира-тўла ёт бўлиб кетсин деб қилаёт-ган иши. Шунча одамни одам қаторига қўшмагани-қўш-маган, она блан нега маслаҳатлашмайди. Умр йўлдоши сизлар блан нега ҳисоблашмайди. Биздан кичик қизни олиб ўтирибди-я, ахир болалар уялар деб, нега бизни ўй-ламайди? Мен бунга рози бўлмайман! Бу қилиғини ҳеч кечирмайман! Бизни одам демагандан кейин, ўтга тушса ҳам ёлғиз ўзи ёнсин. Ранжитганинн билиб қўйсии! Шун-доқ деб айтдириб юбор!» деди.

Қунанбой Улжоннинг жавобини эшитгач, Кункенинг пинжига кириб, ўзини унга дўст кўрсатиб, «улар аҳмоқ-лик қилаётир, сен ҳам қўшилма! Ўзинг ўйлаб кўр-да, мен томонга ўт!» деди.

Нияти бузуқ Кунке ҳамиша ўз фойдасини кўзлаб зим-дан иш юргизиш пайтида эди. Улжоннинг болалари кўп, яна Зере ҳам ўшанинг томони. Шунинг учун у доим Қунанбойнинг Жидебойдаги овулига тескари бўлишини ўзига фойдалик деб биларди. Айниқса Улжоннинг ўйи тўкин-чочин бўлиб, келди-кетдисининг кўплигини кўраол-мас эди. «Мироснинг кўпи шуларга тегади-ку!» деб, дар-ди-фикри ўшаларга тегадиган миросда эди.

Кунке бу катта иш Эрининг ҳаёти учун ҳам, ўзининг ҳаёти учун ҳам, алоҳида бир иш бўлишини яхши биларди. Аввалига норозилик билдиromoқчи бўлди, лекин шу норозилик билдиришда ҳам Улжонга қаради. Агар бу ўла-ман-оббо кўнмайман деб, эрини койитиб қўйсаю, Улжон кўниб қўйса, унда ёмон бўлади. Эридек суянчигидан биратўла айрилиб қолиши мумкин. Шунинг учун ўзича бир ҳийла ишлатиб, Улжон томонини қимирлатиб кўрди. У тарафдан норозилик жавоб келиши кўнгилдагидек иш бўлди. Розилик у ёқда турсин, Қунанбойни қаттиқ ай-лайдиган жавоб келди. Энди Улжон томонидан хавф йўқ. Шуни билгач Кунке Қунанбой блан очиқ сўзлашаётган чоғида, Улжонни яна хўб сойиб сотди. Узи доно хотин бўлиб, рухсат берди. Рухсат беришгина эмас, «Нурғаним-ни ўз қўлимга тушир! Ўзим блан турсин! Улжон унга кун берадими» деб ғамхўр ҳам бўлиб чиқди. Мана шу Кун-

кенинг айтганини қилиб Қунанбой, Нурғанимни Қорашұ-
қига туширди. Шу блан бирга, мана, икки ойдан буён
Жидебойга қадам ҳам босмай қўйди.

Шундай қилиб, Жақип блан Жумабойларни Жидебой-
га келишга мажбур қилаётган иш юз берган пайтда, Қу-
нанбой блан катта уйдагиларнинг ўртасига ғоят қаттиқ
совуқчилик тушиб қолган эди.

Абай Жақип блан сўзлашаётиб, гапининг охирида пи-
санда қилиб ўтган гап мана шу эски дард эди. Қийнала-
ётган қўшни элларнинг оғир аҳволи ўлғанинг устига чи-
қиб бир тепгандай бўлди-да, Абайнинг кўнглидаги ички
ва ташқи икки дарднинг алами қўшилиб, қаттиқ қийнаб,
шу гапни айтишгача олиб борди.

Бирнече ойдек бўлиб чўзилиб ўнбеш кун ўтди. Кам-
бағалларни қисиб бир ерга уюштирган оғир қишининг охи-
ри шу эди. Бу йил халқ ютга учраганда, шу сўнгги қор-
дан, узлуксиз бўрондан учради. Айниқса март ойининг
охири апрель ойининг боши ёмон келди. Кўклам ойи деб
ҳисобланадиган апрель ойида совуқ тўсатдан қаҳри-заҳ-
рига олиб кетганидан, бу ютни «апрель юти» деб, илга-
риги ютлардан алоҳида ҳисоб қилинадиган бўлди.

Камбағал қўшнилар Жидебойга келиб тиқилганига
ўнбеш кун бўлди деганда, кун исиди. Жанубдан эсади-
ган иссиқ ел эсабошлади. Агар бу ел бир ой муқаддам
эстанида халқ уни «баҳор келди, эгилликка етишлик» деб
шодланиб қарши оларди. Лекин бу йил халқни шодлан-
тираолмади. Гарчи шундай бўлса ҳам, қолганларни ют-
дан халос қилгани келди.

Абай блан Улжон Қунанбойнинг буйруқларидан қу-
тилгандан кейин бор кучини кўпнинг хизматига берди,
эртаю-кеч ўйладиган ўйи шуларнинг моли, шуларнинг
жони бўлиб қолди. Абай кун бўйи отда юрабериб чўпдай
озиб, қопқора бўлиб кетган эди.

Лекин Даркембойларга қилган меҳнати блан ҳаракати
бўшга кетмади, эллик овулнинг бир ярим минг қўйи блан
қорамоли омон қолди.

2

Баҳор шабадаси эса бошлиши блан қор эриб кетди.
Фақат қўриқда эмас, адирлар, далаларда ҳам қор кетиб
ерлар қорайиб кўринабошлади. Қор узоқ ётиб қолганига
хижолат бўлаётгандай, шошиб-пишиб, эриб кетабошлади.

Ернинг бағри очилган кунлар бошланди. Осмонда оқ мамиқдек құклам булатлари аста сузарди. Жидебойга тұпланған әл әнді тезлик блан ўз қистовларига етиб олиш ҳаракатига тушди.

Одамлар Зере блан Улжонга миннатдорчилік билдириш учун сұз топишаолмас әди.

Медмонлар тарқалиб кетген куни Улжон қишида сүйилған сүқимнинг гүшти блан сур қилиб қүйилған гүштлар тамом бұлганини айтди. Ҳудди шу куни кекса чүбон Сатай бу овулда ўлған молнинг сонини ҳисоблаб келтін әди. Қўйнинг кўпчилиги булар кутганидек қишидан омон чиқаолмади. Шу ўнбеш кун икки юз қўйни олиб кетген әди. Абай оғга миниб айланған сайн овул атрофика ўлиб ётган қўйларни кўпроқ пайқаса ҳам, буни уйга келиб айтmas әди.

Уч қўриққа эга бўлиб ўтирган беш-олти овулнинг ичидаги моли ҳалокатга учраган овул шу Жидебойдаги овул бўлди. Такежең бўлса, битта қўзи ҳам йўқотмай ютдан омон чиқди.

Ютнинг кучини халқ фақатгина қистовдаги молга қарабына эмас, қор бутунлай кетиб, ер селгиган пайтда ўтордан келган йилқига қараб ҳам белгилайди.

Қунаанбойнинг неча кундан бүён сургала-сургала зўрга Жидебойга етиб келган йилқиси сон жиҳатидан анчагина камайиб қолған, отларнинг кўриниши мудхиш; не-не катта аргумоқлар, семиз биялар ҳам олти ой ётган касалга ўхшайди: юнглари ўсган, ҳурпайған, оёқ бўғинлари йўғонлашған, суяги чиқиб, а'зойи-баданидаги пайлари билиниб қолған; қулундан номи-нишони қолмаган әди. Тўбуқтининг йилқиларидан фақат Қунаанбойнинг ва умуман Иргизбойларнинг йилқилари, булардан ташқари Бойдали, Суюндик ва Бойсол йилқилари омон қолған әди. Лекин шулар ҳам қистовга зўрга сургалиб келишаётир. Мусулмон китобларида одамзод кўп йиллар давомида гўр азобини чекиб ётиб, маҳшар куни кафанини бошига чулғаб, соядек лиқиллаб, ўридан зўрга туради дейилади, бу моллар ҳудди ўша маҳшар куни гўрдан турғанга ўхшар әди.

Қунаанбой блан Бойсоллар шу қўшларни омоя сақлаб қолиш учун бор кучларини сарф қилишди. Атрофдаги майда қабилаларнинг ерларидан фойдаланишди, қўшларини қалин қордан яширишди, бир кузовдан иккинчи кузовга кўчиришди. Моллари ориқ бўлса ҳам омон қолди.

Қишиң үтди. Бошқа қабилаларнинг қўшлари мана шундай бўлса, ют кўрмадик деган бўлар эди. Ҳақиқатда ҳам кўп қўшлар киши қўш дейишга уяладиган ҳолга тушиб кетди. Тўбуқтида қўш дейиш блан минг йилқининг мўлжалини билдирилади. Мана энди Тўргай, Жититек, Тўпай, Жуонтаёқ, Бўкеңше элларининг ичида бир қўшдан қирқ-эллик, етмиш-саксонтагина улови қолганлар ҳам бор эди.

Кўп элнинг кайфнни учираш, ёқасини ушлатган даҳшатли оғат айниқса мана шу ҳолатдан билинарди.

Энди ҳарким ўз овули, ўз дарди блан бўлиб кетди. Борди-келдилар, бир-бирини йўқлашлар ҳам ҳисоби блан бўлиб қолди. Овулларнинг ҳозирги аҳволи кўп овулларни харобага айлантириб, уйларни вайрон қилиб кетадиган довулдан кейинги ҳолатга ўхшарди. Ҳамманинг дардификири орриқ-тириқ молни боқиши, ўшаларни кўкламнинг қора совуғидан сақлаш бўлиб қолди.

Бу ташвишдан фақат Жидебойдаги овултина халос бўлди, негаким, Қунанбой қўшлари келиши блан уларни Чинғизга ҳайдатиб, бундан буёнги ташвишни ўз зиммасига олди.

Кун исиб кетди. Ердан кўк чиқабошлади. Энди Жидебойнинг атрофидаги ўлаксалар кундан-кун исланиб, сасиб кетабошлади. Шунинг ўзи ҳам, бир оғат келтирадигандай кўринарди. Улжон шуни ўйлаб, қистовдан чиқиб, юқорироқда ўтов тикиб ўтиришни маслаҳат кўрди. Тонг отиши блан, кўчгали ўтовларни ҳозирлашга буйруқ берди. Лекин худди ўша куни кечқурун тўсатдан Зере касал бўлиб қолди.

Кекса знанинг дарди бошланишидаёт оғир келди. Бемор аввалига қаттиқ эҳраб, нафас ололмай қийналди: ёртасига ҳолатдан кетиб, қўзгололмай қолди. Абай блан Улжон қаттиқ қўрқиб, касал ёнидан силжишмади. Сув бериш, кўрпа-тўшагини тузатиш, ҳамма иш шу икковининг бўйнида бўлди. Оёқ ости қилиб юборишади деб, bemornining oldiga boşqalarni kirkizmай, mumkin қадar uyini ҳоли тутишга уринишdi. Zere etib қolgandan keyin ёrtasiga Uljon undan umidini uzaboshladidi. Abaya aytmasdan, Қорашўқига одам юборди. Tun bўyi mijjha koqmaj, temasiда telmiriib ўtiрган kelinini blan nabirasiiga Zere saҳar vaqtida bir kўzinini очиб қaradi. Enasi kўzinini ochnanda Abay umid boglab unga tomonon egildi. Kasal ona bir narса demoqchн bўlaesttanday kўrinidi,

буни Абай пайқамади, лекин Улжон дарҳол сезди. Иккави ҳам силжиб яқин келиб әнгашганларида, Зере бир нарса деб пичирлай бошлади. Мадори йўқ бўлса ҳам, эси жойида, фақат товуши зўрға чиқаётган эди:

— Ҳаётимда... Сизларга... яхши ибрат бўлаолдимми-йўқми? Васиятим бўлса... Қулоғим, тилим борида айт-олдимми?... Қандай қилай... Энди нима қилай!.. Бугун, мана, ҳолатдан қолган чоғимда икковинг мендан нима кутаётисан?.. Қандай умидлар блан термилаётисан?.. — деди. Бу гапларни кекса эна қийнала-қийнала хийла вақтда айтиб бўлди. Уни сўзлатиш жабрдай, бир нарса дейиш ҳам ўринисиз эди. Абай икки қўлини кўксига қўйиб, энасига та'зим қилаётгандай, бошини эгди. Шунинг блан ўзича: «юрагимдаги бор ҳурмат, азиз она, сенга аталган» демоқчи эди. Бир нафасдан кейин энасинг иккى қўлини олиб, унинг қовжираган кичкинагина панжаларига юзини босди. Онасининг қўлларини ўпид үтирган чоғида кўзидан бирнеча иссиқ томчилар юмалаб, уша жонсиз озғин панжаларига тушди.

Энаси яна пичирлаб Абайга:

— Чирофим... кўзимнинг нури! — деб, Улжон томонга қаради,— онангга яхши қара! — деди.

Шундан кейин кекса эна яна бир нафасини ростлаб олиб:

— Елғизгина болам эди·ку... Уша ёлғизга тупроғимдан буюрсин! — деди. Шу гапни аниқ қилиб айтди·да, яна қайтиб сўзламади. Кўзлари юмилиб кетди. Бу айтгани Қунанбой эканлигини Абай дарров тушунди. Шу сўзларни бошлиши блан Улжон бош иргитиб «ҳотиржам бўлинг» дегандай ишора қилди.

Бебаҳо она тонг отарга етмай жон берди.

Абай блан Улжон тонг отгунча товуш чиқармади. Иккови ҳам Зеренинг доно юзига әнгашиб, юраги эзилганича, тикилиб ўтиришди. Иккови ҳам ҳозиргина мангуга йўқолган онанинг дарди-алами, доғ-ҳасрати блан бўлиб бутун оламни унугиб юборгандай ўтиришарди.

Абай эсини танигандан буён яқин кишисининг ўлимни кўргани шу эди.

Кекса онасининг юзи ҳозир кўкимтир товлаб қолган бўлса ҳам, унда қандайдир чуқур сокинлик кўринар, ундан ўлим эмас, азоб эмас, аксинча, кўпдан буён тилаб юрган орзусига етишгандай, меҳр-шафқат нури ёғилиб турарди.

Кун чиқиш олдидан бутун овулга хабар қилинди. Болаларигача қолмай йиғилиб келишди. Набиралар блан келинлар товуш чиқармай йиғлашарди. Құшнилар, ұбонлар ҳамма чин күнглидан қайғуга ботиб, ох тортишарди.

Уша куни әрталаб Қорашұқидаги ва Чинғиздеги барча қариндошлар ҳам етиб келишди. Ҳаммадан олдин Кунке блан Қунанбой келди. Қолган Ирғизбойлар ҳам, тушга қолмай, етиб келишди.

Бу ўлим бутун элни чуқур қайғуга солған бұлса ҳам, йиғлашмади. Та'зияни, жанозани йиғи-сифи қымасдан үтказишиди. Эртаси унинг жанозасыга ўша әллик овул камбағал құшниларнинг ҳаммаси етиб келди. Күп қавм, күп қабила баравар ҳурмат блан кекса әнани ер бағрига узатиб қўйишиди.

Қунанбой блан Кунке Зеренинг еттиси ўткунча шу, ерда қолишиди.

Энасининг та'зиясини кутиш шу қадар оғир кунларга тұғри келганидан Абай ғоят қаттиқ хафа бўлди. Бу кунларда у ҳечким блан сўзлашгуси келмас эди. Зерени қўйиб келишгандын куни энасининг ўрнига ўтириб қур'он бошлади. Одат бўйича онасининг арвоҳига атаб буюриладиган «хатми қур'онни» ўзи ўқимоқчи бўлди.

Абай энасининг еттисигача икки марта қур'он тушириди. Бир куни овқатдан кейин ўтиришганды. Қунанбой унга:

— Қур'онни жуда суст ўқир экансан! — деди. Абай жавоб бермади. Қунанбой бу гапни ба'зи муллалар бундай вақтларда бир ҳафтада қур'онни уч-тўрт марта тушириб ташлашни назарда тутиб гапирган эди. Абай нима учун бунчалик секин ўқиётганининг сабабини айтмади. Гап тез ўқиша бўлса, тез ўқиб ташлаш унинг ҳам қўлидан келарди.

Абай «онамга савоби кўпроқ тегсин» деб шошмасдан, ўзгача ихлос блан, юрак бағри әзилиб, муножот қилиб ўқир, қур'оннинг ба'зи пораларига келганда хаёл суриб кетарди.

Шунда Абай онасида бўлган одамликни, оналикни, меҳр-шафқатларни ўйларди. Унинг назарида ўз күнглида бўлган миннатдорчиликни изҳор қилиши ҳам онасида ду'олек тегадигандай кўринарди.

Абай мана шу кунларда, уй бошқа одамлардан ҳоли қолган пайтда, Улжоннинг бир сўзига зўр ихлос блан Қулоқ солди:

— Киройи она деганга арзийдитан она эди-ку, раҳматлиқ! Шу одамнинг насиҳатлари, тарбияси бўлмаса, мен ҳам бир маккор, писмиқ, хасис бўлиб қолардим. Сен блан менинг бўйнимда энангнинг қарзи кўп. Ҳеч бўлмаса арвоҳи рози бўлсин, арвоҳини йўқлаб турайлик! — деди.

Абай шу топда ўз онасини ҳам қариб қолганини пайқади. Унинг ҳам юзи ғамгин тортиб, дарди аламга ботган эди. Онасининг сўзларига хўп дегандай бош әгди-да, яна қур'он бошлади.

Зеренинг еттиси ўтиб, хатми қур'он тамом бўлгандан кейин Қунанбойлар қайтиб кетишиди.

Бирнеча кундан кейин ҳалқ йилдаги одат бўйича яйловга кўчди. Абай энасининг қирқигача яна қур'он ўқишга тушди.. У ташқари чиқди дегунча онасини ўйлар, дилни вайрон қиласидиган оҳу-зорлик ўланлар чиқарарди. Тоғ бошига чиқса ҳам, далада кезиб юрса ҳам онасининг доғ-ҳасрати мунгли куйларга айланиб кетаберар эди.

Чингиздан ошиб, яйловдаги кўп элнинг ҳолини кўрганидан кейин Абай яна бошқача бир дардга йўлиқди. Қараса, илгари гуркираб, тўлиб-тошиб ётган эллар энди бир ҳовучгина бўлиб қолибди. Үлкага сиғмайдиган молнинг ўринда аҳёнда бир кўриниб, сочилиб ётган бешта ўнтағина қорамол қолибди. Моли оз бўлганидан кейин кўпчилик овуллар бирлашиб кетибди. Чингизининг устидаги бир-бирига қўшилган кенг қўнислар, увалар, кўп адирлар, яшнаган яйловлар бўм-бўш. Шунинг блан бирга эл ичидаги хонавайрон бўлганлар, қашшоқлар, тиланчилар кўпайган. Абайнинг ўз онаси ўлиши блан бирга яна бир онаси — эл ҳам дардга чалиниб, ёстиқقا бош қўйгандай кўринарди.

Шуларни кўриб ўйлаган сайин Абай бир бедаво дардга йўлиқди. Ғамгин кўнгли ҳеч очилмас, икки елкасидан ғусса босиб ётганга ўхшарди. Энди у усти-бошига ҳам, миниб юрган отига ҳам, ичадиган овқатига ҳам қарамас эди. Одамлар блан кўп сўзлашмас, ўз дарди блан ўзи бўлиб бораётган эди. Лекин энди ўз онаси Зерени ўйлаганда яна бир онаси — элни ҳам бирга ўйлар эди. Ҳаш-паш дегунча икки алам бирга қўшилиб бир дардга, бир доғга айланиб кетди.

Мана энасининг қирқи ҳам келди. Яйловдаги кўп эл иғифилиб, Зерени сўнги марта хотирлашди.

Улжон шу кунларда Абайнинг шу сингари ғам юки остида озиб кетаётганини пайқаб юрар эди. Энасининг қирқини бериб, халқни тарқатгандан сўнг, боласининг ёнига бориб ўтириди-да:

— Сен жуда оғир қайғуга ботиб кетдинг-ку! Озиб кетганингни қара! Еш нарса бундай қайғуга берилиб кетса яхши бўлмайди. Энди бас қил, ўзингни тутиб ол-да Эрбўлни чақиртириб, уёқ-буёққа бориб, бир ёзилиб кел! — деди.

Эрбўл келиб Абайга Осилбекнинг саломини ва унинг Абайни таклиф қилиб юборганини айтди. Кўпдан буён қадрлик дўст бўлганлари учун Суюндикнинг ўғли Осилбек:

— Онаси вафот қилгандан буён ҳечқаерга бормади. Бизнинг овулга келиб кетсин,— деб, Абайни меҳмонга айтиб юборган эди. Шундай қилиб икки йигит Суюндикнинг овулига қадрли меҳмон бўлиб боришди.

Уша Жанибекка, ўша гўзал ям-яшил ердаги овулга Абайлар етиб боришганда Осилбек блан Адилбек уларнинг олдидан чиқиб қарши олди. Даркембой ҳам шулар блан бирга эди. Меҳмонга келган йигитлар аввал Суюндикнинг катта уйига кириб, кексаларга салом бериб, ҳолаҳвол сўрашди.

Суюндик бундан ўн кун аввал катта хотини блан бориб, Зерега фотнча ўқиб келган эди. Энди Абайдан Улжоннинг ҳол-аҳволини, соғлигини сўрашди. Шундан кейин, йигитлар ҳоли уйда бемалол ўйин-кулги қилиб ўтиришсин деб, Осилбекнинг ўтовига жой қилишга буюришди.

Осилбекнинг ўтовига жой қилиб қўйилган экан. Абайлар ўша ерга чиқишли. Эшикда-ю уйда Абай блан кўришаётган катта-кичикнинг ҳаммаси мулойимлик блан сўзлар, уни бениҳоят ҳурмат қиласади. Шуларнинг биттаси Осилбекнинг хотини Қораашаш эди. Уни катталардан айниқса Даркембой очиқ чирой блан қарши олиб, Зеренинг арвоҳидан ўргилиб, Улжонни мақтаб, Абайнинг кичкина болаларининг ҳарбирининг отини айтиб, соғлигини сўраб парки-пиёда бўлиб юрарди. Кўкламдаги қаттиқ ютдан буён Абайни яхши биладиган Бўрсоқ, Бўкеншеззларнинг ҳам бирқанча овуллари шу ерда экан. Буларнинг ҳаммаси ҳам Жидебой, Мусақулда жон сақлаб келган одамлар эди. Буларнинг ҳаммасининг симосида Абай-

Дан розилик, минатдорлик, унга ҳурмат аломати акс этиб турарди.

Бўрсоқ элидан бўлган бир чол шодлиги ичига сифмай:

— Чироғим, элнинг бошига келган ютдан омон қолдим деб юрибман. Бунинг учун аввало худо, қолаберса сендан қарздорман,— деди.

— Худога шукур! Соғим сигир блан сутга, оқлийка ҳечкимдан кам эмасмиз. Уша ўнбеш кун ичидаги Жидебойга бориб тикилган овулларнинг ҳаммасини ҳам пайқаб қарадим... Ман-ман деганларга қараганда ҳам, шулар омон қолибди! — деди Даркембой.

Ҳали катта уйда Абай блан сиполик қилиб сўрашаркан Қораашаш унга ғоят бир яқин кишисиdek илтифот билдириди.

Аввалиари сиртдан Абайга ғазабланиб, унга душман қўзи блан қараб юрадиган Адилбек ҳам энди ўшаларни унугтандай кўринарди. У Абайнин уйга ўзи бошлаб келиб эшик очди да, унинг қўлидаги қамчини блан тумоғини олиб, ўз қўли блан қозиққа илиб қўйди.

Бу овулдагилар шундай шодланиб қарши олишлари, елиб-югиришлари блан Абайга ўз қариндоши, яқин кишисиdek мөҳрибонлик, дўстоналик кўрсатишиди.

Аслида Абай Жигитек, Қотибақ сингари яқин эллар блан солиштирганда ҳамиша Бўкеншени ортиқроқ кўради. Бу элнинг одамида ўзгача бир хушфе'ллик, оқ кўнгиллик, мўминлик бор. Яна яхши кўрган одамидан жонини ҳам аямайдиган мард эл.

Булардаги шу хусусиятни Абай айниқса мәҳмондўст ёшларнинг уйида уч кунгача бўлган ўйин-кулги чоғида Осилбек блан унинг хотини Қораашадан кўрди.

Абай Осилбекни кўпдан бўён «Осил оға» дерди. Мана шу кунларда ўша Осил оға Абайга ғоят севикли, чин оға бўлиб кетди.

Фақат Абай бу ерда нақадар очилиб, ёзилиб, ўлан айтиб аския қилиб, суҳбатлашиб ўтирмасин ичдая ғамгин, бу ўйин-кулгиларнинг биронтаси татимас, лекин бу аҳволни ҳечкимга сездирмас эди.

Шу қадар қадрлик, шу қадар иссиқ кўринган Суюндин овули кечқурун Жанибекка келишлари бланоқ Абайнин қаттиқ ҳаяжонга солди. «Дард» деган нарса ўрни битмас бир жароҳат. Вужудни тешиб ўтган ўқнинг ўринидек ҳеч кетмайдиган бир доғ. Абайнинг юрагидаги бу

доғ ёлғизгина Туғжоннинг азиз номи, гўзал симоси, соғ юраги блан боғланган доғ.

Абай келиб Суюндикнинг уйига кириши блан кўнгли ёрини йўқлади. Ҳамма нарса ўз жойида, одамлар ҳам ўша. Лекин бу ерда, бу атрофда Туғжон йўқлигини яхши билса ҳам, назарида бу ота-онанинг уйи ҳозир Абайга Туғжонни ҳам ўрнига қўйиб кўрсатадигандай кўринди. Эшик очилди дегунча, гўё ўша кириб келаётгандай, уйда ўтирган чоғида қулоғига узоқдан чулпининг шилдирлаши эшитилаётгандай бўларди.

Осиликнинг ўтовига бориб остонаядан ҳатлаши блан шу ўтовнинг ўнг томони гўё яна бир марта Абайга баҳр чимилдигини кўтарадигандай туюлди. Уша оқ шойи чимилдиқ, қимматбаҳо суяклар қадаб ишланган ўша баланд каравўт, ўша жиҳозлар — ҳаммаси ўз жойида. Уша куни мана шу Қорааш, Эрбўлларнинг қўли блан астагина очилган эшик ҳам турибди.

Абайнинг ғоят сирдош, кўп яқин дўстидек кўриб, кўп йўқлайдиган Қорааш ҳам шу ерда. Лекин энди дўстларнинг дўстлиги ҳам ожиз. Абайнинг ўзи нақадар чорасиз бўлса, улар ҳам шу қадар чорасиз, Туғжон йўқ.

Умр бўйи унуглилар, қадр-қиммати ҳам кетмас гўзал Туғжон шу кунларда Абайнинг юрагини яна бир марта ўзига тортиди. Ҳозирги соғиниш блан кўнглидаги дарди қандай қўшилгани ма'лум эмас, лекин яқиндан буён Абайнинг шу қадар оздирган онасининг доғи шу топдаги соғиниш дардига қўшилиб, бирлашгандай бўлди. Эҳтимол бу иккى дард бир-бирига гуноҳсизлиги, соғлиги блан қовишган бўлса.

Гарчи Абай ўлан айтиб, асқия қилиб ўтиrsa ҳам, виҳи солиб қараган киши тез-тез ғамгин тортганини, астагина хўрсиниб қўйганини кўрап эди. Еш йигитнинг бу аҳволини уйдагилардан фақат Қораашағина пайқарди. У Абайнинг хўрсинишларидан унинг ич-ичидан ўртанаштаганини сезарди. Еш йигит кексалардек «оҳ-воҳ» қилмайди, лекин у астагина хўрсинганида вужудидан аллангалик бир оҳ отилиб чиққандай бўлади.

Абайнинг бу аҳволини кўрган сайнин Қорааш ҳам унга қараб ғамгин тортар, ғоят раҳми келарди.

Уч кундан кейин уй холи қолган пайтда ўз тўшагининг ёнида ўтирган Қорааш:

— Азизим Абай! Сиз менинг Туғжонимни ҳали ҳам унуглаоммаганга ўхшайсиз! Эл кўчиб кетиб, яйловда ёл-

ғиз қолгандай, эгаси ташлаб кетган вайронага келгандай бўлгандирсиз дейман! Назаримда шундай кўринаётрисиз!— деди-да, бироз қизариниб Абайга қаради.

— Янгажон, тўғри айтдингиз! Билдингиз, нимасини яшираман! Уша вақтларда ҳам ғоят зийрак эдингиз. Тўғри пайқадингиз. Қани энди кўз олдимдан кетса! Назаримда ҳозир Туғжон кириб келадио, мендан ўпкалаганини, аразлаганини айтадигандай бўлади, туради!

— Икковингизнинг йўлингиз ҳам, севгингиз ҳам бошқача эди. Шу қадар ачинаман! Туғжон шўрлик менга нималар демас эди! Сени чин қўнгли блан севар эди!.. Кетаётганида баҳт тилаб кетгани йўқ, ўзига ўлим тилаб кетди. Шуни ҳам менга очиқ айтди!— деб, Қораашаш яна бир сирни билдири.

Иккови ҳам оғир хаёлларга ботиб, жим қолишиди.

Абайнинг кўз олдида Туғжон блан сўнгги марта видо'лашаётгани гавдаланди. Ҳали ҳам Туғжон ёнида тургандай, ҳозиргина айрилишиб кетгандай бўлди.

Туғжон ўша куни сокин кечда жим-жит сойликда кимсаноиз, қош қорайган пайтда Абайнин ўзи излаб келган эди; «етиб келсин», деб айтдириб юборган ҳам ўзи эди. Куёв сўнгги марта келиб, уни олиб кетадиган, бугун-эрта қудалар блан куёв келади деб турилган пайт эди.

Ўша кунгача шуқадар тортичоқ, уятчанг Туғжон худди ўша куни кечқурун тўсатдан эсайиб қолгандек, тортинасадан келди; юрак дардларини, аланга ичида ёнаётганини шу қадар нафис ифодалар блан изҳор этди. У, кўзида ёш титроқ босиб сўзлаган эди; одати бўйича әркалаб, Абайнинг кўкрагига юзини босиб турган эди. Бағрига кириб, қучоқлаб туриб, нималар демади...

Иккови кўп йиллардан буён бир-бирини севарди, лекин учрашган, сўзлашган баҳтли онлари жуда оз экан. Туғжон шунга қаттиқ ачинганини, куйиб изтироб чекканни ҳам айтган эди. Ҳаётдан, тақдирдан, зўрлик қилаётган буйруқдан ранжиб, ўқсиб-ўқсиб йиғлаб, зорланиб, ўша куни кечқурун ҳаётга ла'нат ҳам айтган эди... Абай Туғжонни юпотаолмай, юраги тилка-тилка бўлиб қайтган эди... Мана энди ҳамон кўз олдида ўша йиғлаб бораётган Туғжон. Унинг бошидаги қора шойи камзули, оқ кўйлагининг этаги ҳам эсида. Қамзул остидан бўғиқ товуш циқариб, шилдираб бораётган чўлписининг товушигача қулоғидан ҳали аригани йўқ...

Абай яна бир марта қаттиқ хўрсинди-да:

— Азизим, Туғон! Унутмайман!... Унутмайман! —
деди.

Қорааш Абайни шу овулнинг дўстигина эмас, ғоят севиклик куёвдек кўрар, унга ачинар эди, шунинг учун ҳам Осилбекка ўзича бир маслаҳат солди.

Қорааш Сибон элидаги Собирбой оқиннинг қизи. Уша Собирбойлар яқинда Қорааш блан Осилбекни меҳмонга айтиб юборишган эди. Булар Абайларни жўнатиб, сўнг ўша ёққа боришадиган эди.

Қорааш Осилбекнинг Абайга чин дўстлигини яхши биларди, шунинг учун эрига ўша ўз оналарининг уйига Абайни ҳам бирга олиб борайлик деди.

Осилбек бу гапни эшитиши блан, ма'қул кўрди-да, у ёғини ўзи тушуниб олди, сўнг Абайга: «бирга айланаб келамиз, у ерда ҳам бирнеча кун ётамиз, Собирбойнинг қандай одам эканлигини ўзинг яхши биласан... Ҳарқалай сафаримиз ёмон бўлмайди. Шу ердан тўғри бирга кетаберайлик!» деди.

Абайга Суюндикнинг оғули ҳам, қандайдир иссиқ кўринар, Қорааш, Осилбеклардан бир нафас айрилгуси келмас эди. Шунинг учун бу таклифга тезгина кўнақолди.

Фақат бирга боришга ва'далашиб қўйганларидан кеини, Эрбўл Абайни холи топиб:

— Шу иш бизга лойиқ ишми ўзи?.. Отасининг уйига кетаётган бир хотинга эргашиб боришимишнинг ўзи қандай бўлар экан? Яна эл-юрт биздан кулиб юрмасин — деди.

Эрбўл бу гапни ўзи учун эмас, Абайнинг обрўйига ниш тегишидан қўрқиб айтган эди. Абайдек эл оғзига тушиб, яхши ном кўтариб келаётган йигитдан «бу нима қилгани?» деб, битта-яримта қуладими деб ўйлаган эди.

Абай бу гапга парво қилмади. Эрбўлнинг елкасига бир қўлини ташлаб, кулди-да:

— Вой хумпарей, Собирбойнинг суҳбатида бўлиб, ўшандай устоздан баҳра олсак, шунинг ўзи катта гап эмасми? Эргашиб борди деганда, эргашиб борадиган одамимиз ким? Шундай яхши аёл Қорааш экан. Буни арзимайди деб, ким айтаолади? Кимнинг оғзи боради? — деди.

Шундай қилиб, орадан тўрт кун ўтгач, бир тўда келишган йигитлар ўттага Қорашашни олиб, Собирбойнинг овуллига келиб тушишди.

Тўбуқтидан келган ёш меҳмонларни булар жуда яхши қарши олди. Собирбойнинг уйига меҳмонлар блан бирга бир гала катта кишилар, болалар ҳам киришди. Албатта бегона одамларни кўриш, уларнинг элини ҳоли-аҳволини сўрашлик кексаларнинг ҳаммасига худди бир қарздай туюлди.

Қорашашни ҳам бир гала қиз-жувонлар қуршаб олди.

Собирбойнинг ўзи ҳам уйда экан. Уни Абай Бўжейнинг ошида кўрган бўлиб, бу иккинчи марта кўриши эди. Собирбой оқин аввалги тўлалиги, кўркамлиги қолмай, соқол-соҷлари ҳам анча оқариб, қариб қолибди; юзларини ҳам чуқур-чуқур ажин босиб, рангги кетиб, ўзини жуда олдириб қўйибди; фақат кенг пешонаси блан бурнидангина унинг бир вақтлар кўркам киши бўлганлигин кўриниб турарди. Собирбой аввал Осилбек ва Қорашашлар блан кўришди, сўнг Абай ва Эрбўлни сўради.

У Абайнин танимаган эди, унинг Қунанбойнинг ўғли эканлигини билгандан кейин, ўша йил кўрганлари эсига тушди. Ўша ма'ракадаги бирқанча ишларни кечагина кўргандай:

— Бўжейнинг ма'ракаси бу атрофдаги элларнинг катта ма'ракаларидан бири бўлган эди. Меҳмонларнинг ҳаммаси хурсанд бўлиб, офарин айтиб қайтишган,— деди.

Собирбой меҳмонлар блан суҳбатлашиб ўтиаркан, кўпроқ ўзи сўзлар, булардан онда-сондагина ҳалқ аҳволини, ба'зи кексаларни сўраб қўярди. Абай Собирбойнинг саволларига ма'нолик қилиб, қисқа-қисқа жавоблар берар, сипогарчилик сақлаб ўтиарди. Шуниси борки, меҳмонлар блан суҳбатлашиб ўтириш, суҳбатни жонлантириб туриш ҳозирги ҳолда Абайнинг бўйнида эди, негаким, Осилбек бу овулнинг куёви бўлганлигидан, у қадар ёзилишиб ўтираолмас эди. Собирбой ҳам бутун гапни Абайга қараб гапираётган эди.

Бу йил икки қўшни эл учрашди дегунча ют ҳақида сўзлашарди.

Абайлар келганларидан бўён Собирбой ҳам улардан фақат ют ҳақида сўради: «Охирги қор юти» Тўбуқтида қандай бўлди? Қайси уруғлар қаттиқ ютади? Кимлар омон қолди? Ҳозир очарчилик йўқми? Сқлиқ қандай,

Софим моли қолган эллар ҳам борми, Собирбой Тўбуқти ғалини илгари яхши билгани учун ҳозир гўё ўша элнинг четда юрган бир азаматидек, уларнинг ҳаммасини дарров кўз олдига келтириб ҳар гапта дарҳол тушунаётган эди. Унинг саволлари, қаттиқ касалнинг томирини ушлаб туриб, беморнинг уйқусини, иштаҳасини, оғриётган жойини сўраётган табибининг саволларига ўхшарди.

Абай Тўбуқтидаги узоқ-яқин элларнинг аҳволини ҳеч тутилмасдан, шошмасдан тафсили блан айтиб берди. Асилбек блан Эрбўл ҳам буни энди билишди. Еш йўл дошлари ҳозир Тўбуқтида қанча мол қолган, кимларнинг моли омон қолган, қайси қабила қанча молдан айрилган, илгари улarda қанча мол бор эди?— Ҳаммасини, худди ҳатга солиб олгандай, билар экан. Унинг шу таҳлитда аввалги сонлар блан ҳозирги сонларни солиштириб, элнинг оғир аҳволини тасвирлаб бериши Собирбойга ҳозирги Тўбуқти ҳақида тўлиқ тушунча берди.

Собирбой қўшни қариндошларнинг оғир аҳволларини Абайдан эшитаркан, ғоят ташвишга тушиб, ғамгин тортиб, ерга қараб ўтирас эди.

Собирбойнинг ўз эли ҳам шу аҳволда эди. Сўнгги көр Сибоннинг ҳам суробини тортиб кетган эди. Шу Собирбой атрофидагиларнинг ҳам ҳоли хароб эди.

Собирбой оқин аввалдан ҳам бой эмас, лекин ютдан олдин қимизи, сўядиган моли ўзига етарлик эди. Ҳозир у омон қолган қариндош-уругларидан сутуни ичгали сўраб олган бияларини соғаётган эди. Собирбой ҳам бу ердагиларнинг аҳволи танглигини батафсил айтиб берди, ўз ҳолини ҳам яширмади.

Қулоқ эшитган ер борки, омон қолган эмас. Саҳрова мол боқадиган элларнинг ҳаммаси оч-яланғоч, арвоҳга ўхшаб қолган. Шу кўпчиликнинг бошига келган оғатдан тутақиб кетиб, Собирбой:

— Ўйножлаб юрган қулондек, босар-туарини билмай юрадиган эл эди. Лекин бўрон ҳаммани совуқ ургандай қилди кетди. Нимасини айтаман. Энди мана, қаттиқ довул остида қилтираб турган бутага ўхшадик қолдик! — деди.

Сўз умуман халқ устига кўчганда, Абай очилиб кетди.

Бу вақтда чой ичиб бўлишган, эшикда мол сўйиластган эди. Ҳали меҳмонлар блан бирга кирган қўши nilar ҳам, Қораашашнинг ёнида ўтирган бир гала қиз-жувонлар

ҳам кетишган эди. Лекин оқ сариқдан келган бир қиз ҳалигилар блан кетмай, шу ерда қолди. Бу бўйга етган қадди-қомати келишган чироийлик қиз эди. Ўнинг чаккаси-га уриб турган қопқора қошларининг ба'зан чимирилишлари Туғжонни эслатиб, Абайнинг диққатини ўзига жалб қилди. Қийғоч келган катта-катта қўнғир кўзларидага қандайдир зийраклик акс әтиб, онда-сонда қараганида, қандайдир нур сочилиб, чақнаб кетарди. Чўзинчоқ келган ёқимлик гўзал юзида нимранг қизили бор эди. Бурни блан пешонасидан Собирбойнинг қизи эканлиги очиқ билиниб турарди.

«Собирбойнинг оқин қизи» деб ном чиқарган Қуондиқ шу экан. Қуондиқ ўз овулларидан келган меҳмонлар тарқалгунча уй иши блан машғул бўлиб юрди. Чой ҳозирлаб, дастурхон ёзиб, меҳмонларни ҳам ўзи кутди. Ба'зан эшикка чиқиб, сўйилаётган молнинг бошига бориб, онасига ҳам қарашиб келар эди.

Меҳмонлар блан отасининг суҳбати узилиб қолган пайтларда Қуондиқ Қорашаш блан сўзлашар, меҳмонларга қараб:

— Ичинглар!.. Нега ичмаётисиз!.. Еб-ичиб ўтирасиғизчи! — деб меҳмонларни дастурхонага таклиф қиласарди.

Қуондиқ отасининг олдида иманиб, тортиниб турадиган қизлардан эмас эди. Дастурхон йигилган пайтда, эшикда мол ҳам сўйилиб бўлиб, қозон осиб юборилган эди. Таşқаридаги меҳмонларни кутишга кўрилаётган ҳовирлик сал босилди-да, катта кичик ҳамма меҳмонларнинг ёнига кириб ўтиришди.

Энди суҳбатда ҳаммадан кўп Абай сўзлаёттир. Қуондиқ илгарилари ҳам Абайнинг номини эшитган эди, энди, ёнида ўтирган Қорашашдан яна аниқлаб сўраб олди.

Меҳмон йигит ҳарбир сўзни ўрнига қўйиб гапирадиган бама'ни йигит кўринди. Абай бу йилги ютнинг оғирлигини аввалги ютлар блан солиштириб келди-да:

— Ют-ку, намат уйлик қозоқнинг қачонлардан буён бўлиб келаётган офати, зўр душмани-я, буни иккенинг бири ҳам билади, лекин шу отадан болага, боладан-болага қолиб келаётгани офатни бошдан кечириб-кечириб, тажриба ортдиргандар ҳам борми? Шу балодан қутилишга ҳеч йўл топилганми? Шу тўғрида қачон бўлмасин «эл ғамхўриман» деб юрганларнинг биронтаси өлга жони

ачиб йўл кўрсатган, йўл излаганми, шундай одамларни биласизми? — деди Собирбойга.

Абайнинг бу саволлари Собирбойга ногоҳони савол бўлиб тушди. У бироз ўйланиб туриб: «баҳт бебақо, ҳаёт бевафо... Дун'ёда бор нарсанинг ҳаммаси куни келганда тамом бўлади. Ҳиди анқиб турган бойчечак ҳам, кези келганда ҳазон бўлади... Куч-қувват кетганда, олмадек юзлар ҳам сўлади» деди.

Абай бу сўзларнинг чиройлик қилиб айтилганлигига тан берса ҳам, ма'носига қўшилмади: «Қозоқ деган беҳисоб кўп эл, унинг келажаги мустаҳкам бўлиши керак. Бойчечакнинг умри одам ҳаётига мисол бўломмайди» деди. Собирбой инсонларнинг ҳаёти шу субутсиз тақдирнинг қўлида бўлса, қозоқларнинг ҳаёти, ўзгаларнинг ҳаётига нисбатан баҳтлик ҳаёт деб баҳо берди.

Абай бу фикрга ҳам қўшилмади. Бошқа халқларда ма'рифат борлигини, ма'рифат тамом бўлмайдиган озиқ, туганмас бойлик эканлигини айтиб:

— Ўйлаб, назар солиб кўрсангиз, шу дун'ёдаги одамларни бизнинг қозоқ чала билади. Бир элни бир эл яхши билса, ўша элнинг яхши томонидан ўрнак ҳам олган бўлар эди. Ўша одамотадан буён бир эл бир элнинг тараққиётига шерик бўлиб келган. Бир халқ бир халқнинг ёрдами блан ўсиб келган. Биз бўлсак умумий оқимдан четда қолиб келаётгизмиз. Ўша замондан буён бошга бало бўлиб келаётган ютдан қутилаолмаслигимизнинг сабаби ҳам шу сингари орқада қолганимиздан,— деди.

Бу гаплардан кейин Қуондиқ блан Собирбой бир бирларига қарашди да, бир-бирини онглагандай бўлди. Собирбой бошқа оталардек эмас, боласи блан маслаҳатлашиб иш қиласидиган, яна қиз бола демасдан қизига суянидиган одам бўлса керак.

Кеч бўйи бўлган узоқ сухбатда гап фақат ўша эл, элга хос гаплар устида кетди. Шунда кекса оқин ёш йигитдан неча хил янги гапларни эшишиб, ҳайратда қолди. У бошқа вақтларда не-не катта одамлар блан сўзлашганида ҳам, бундай ҳолда қолмас эди. Кўп замонлардан буён ҳаммага ма'lум бўлган, «очиқ-ойдин» гапларга ҳам бу йигит бошқача қарайди, баҳслашади, сўзини ўтказади. Эртасига қимиз устида ҳам шу сўзлар яна ўртага ташланди. Қуондиқ баҳслашмади, лекин бугун Абайнинг фикри а

кўпроқ қўшиладиган бўлди. Отасининг ба'зибир да'волалини нотўғри топганида, кулимсираганича:

— Ота, меҳмон тўғри айтаётир-ку,— деб қўярди.

Шу кунларда элнинг ҳаётини, касби-корини, аҳволиви синчиклаб текшираётган Абайга Собирбой бир пайти блан:

— Хўш, қани, энди бу ишларга ўзинг нима дейсан? Эл бундан буён қандай эл бўлсин дейсан? Қўп камчиликларини, нотўғри ишларини айтдинг, қани, энди ўзинг бирор йўл топдингми? Ўшани айтиб берч! — деди. Унга Абай:

— Элга билим ва ма'рифат керак, ўқиш, тарбия олиш керак, эндиги замон кенг яйлоқлар, баланд тоғларга ишониб, уйқуни ғанимат билиб ётадиган замон эмас. Ўқиб, илм олиб, ўзига ма'рифатли эллардан ўрганиш замони,— деди. Бу фикр Абайнинг бошига шу сўзлашиб, баҳслашиб ўтирган чоғида келган эмас, кўпдан буён ичдан ўйлаб юрган режалардан туғнлган фикр эди. «Элга шу керак. Фақат элга эмас, ўзимга ҳам ягона йўл шу!» деб билган эди.

Собирбой ўқиш, тарбия олиш ота-боболаримиз тутган йўл, болалар учун ҳаммадан олдин шуни билиш зарур деб Абайга этироҳ билдиromoқчи бўлган эди, Қуондиқ:

— Гап тамом, баҳста ўрин қолмади,— деди.

Шундан кейин Собирбой жим бўлиб ўйланиб қолдида, анчадан кейин Абайга:

— Ҳақиқатга қараганда сенинг гапинг тўғри экан, болам, фикринг ҳам, сен интилаётган йўл ҳам менга ғоят ма'қул тушди. Эндиги замон шундай замон бўлса ажаб эмас! Балки сенинг айтаётганларинг ўз замондошлиаринг блан келгуси авлоднинг тилидир... Лекин кимга борасан? Үrnакни қай йўсинда оласан? Ҳарнечук ҳаёт сени йўлдан оздирмаса бас! — деб кекса оқин сўзини тамомлади.

Ҳаёт тажрибаси зўр ва ҳаётин яхши биладиган кекса оқин бу далилларга кўп қаршилик қилди, лекин хўб ўйлаб, салмоқлаб кўрди-да, Абайнинг фикрига қўшилди. Шундан кейин икки кечаю икки кундуз давом этган суҳбатда Абай ортиқ бу тўғрида гап очмади. Лекин ихлос блан қулоқ соладиган тингловчи бўлиб, Собирбойнинг илгари кўрган оқинлари тўғрисида сўрай бошлади.

Бу ўтиришда Собирбой равон йўлга тушгандай бўлди. У ба'зан аския қилиб, ўлан айтиб юборар, эсидав

чиқиб, адашиб кетган жойларида ялт этиб Қуондиққа қаарди. Ҳам гўзал, ҳам камсухун Қуондиқ отасининг ёдидан чиқсан жойларини дарров айтиб берарди.

Бу қиз фақат бир-бирини енгиш учун айтилган ўланлар, тортишувлар ҳақидаги сўзларнинг эмас, элнинг дардини, ғамини акс этдирадиган ўланларни, халқа зиҳн солиб юрадиган оқинларнинг гапларини ҳам яхши билар экан.

Кекса оқин ҳарбир гапни айлантириб келиб, Жоноқ оқинга тўхтайдерди. Ешлик чоғида унинг кўзига бошқа оқинлардан ўзгача кўринган ўша Жоноқ оқин экан. «Уннинг кўрмаган, билмаган нарсаси йўқ эди. У киши билган, у киши айтиган ўланларнинг мингдан бирини билмаймиз. Бор вужудидан нур ёғилиб турган буюк оқин эди, раҳматлики» деди.

Собирбойнинг айтишига қараганда Жоноқ оқин оддий оқин эмас, буюк одам эди.

Шу сўзлар орасида Абай Собирбойдан унинг Жоноқ оқини блай айтишгани тўғрисида сўради. «Жоноқини бола блан айтишгани» ҳаммага ма'лум бўлган айтишлардан. Уша бола Собирбой эканлигини Абай яхши биларди, лекин Собирбой бу тўғрида кўп тўхтамади.

— Жанеке блан айтишишга бизга йўл бўлсин! Шунчаки бир оғиз сўз устида бўлмағур бир жавоб қилганим бўлмаса, «айтиши, енгди» дегудек, ҳеч гап бўлган эмас. Жоноқ оқин Сибопнинг Тубекдан тортиб ўн олти оқинни енгиб қўйгандан кейин у ердагилар номус кучлик шунчаки ўша менинг айтишганини дастак қилишгандирда,— леб, гапни бошқа ёқса буриб юборди.

Собирбой кўп олижаноб, бағри кенг, такаббурликдан бегона бўлиб, мақтаниш, «мен-мен» ликни ёмон кўради. Бу хусусият ёлғиз Собирбойнинг ўзидағина эмас, шу кекса оқин хотирлаётган Жоноқ оқини, Дулат оқин, Тубек оқинларда ҳам борга ўхшайди. Собирбой сўзларининг ма'носи чақилса оқинлик — бир буюк эҳсон, ўша буюк оқинларнинг айтиб кетган сўзларида асрларнинг изи акс этиб, халқнинг бор дарди-алами, бор умиди, бутун ҳасти гавдаланар экан.

— Ба'зан ётиб, ўша аламлик куйларга қулоқ солиб қарасам, бир аламга иккинчи алам улашиб кетаберар экан. Бу куйлардаги қалб ғуссасини кўр! Абай, сен кеча тўғри бир гапни гапирдинг, болам. Шу ўтганларнинг ҳаммаси ҳам ҳасрат-армон блан кетгай экан. Мана шу

дард асрлардан қолиб келаётган мұнгли күйларнинг ичидә бир-бирига уланиб, мудом ўзини күрсатып келаётган экан. Бу албатта хурсандчилик, шодликдан туғилған әмасдир! Қўпдан кўпи замондан нолиш, замоннинг дардалами. Мана энди қадим замонда ўтган «Осон-қайғи»ни айт. Кечагина шу элларнинг бошига тушган «сохирги қор ютини айт», шу тўғрида ҳам қанчадан-қанча оқинлар нола қилаёттири... Шуларнинг ҳаммаси ҳам яйраб-яшнаб, шодлик блан ҳаёт кечирадиган элни кам кўради. Хонавайрон қилаётган шу оғатдан додлаёттири-да. Буларни бекорга айтади дейсанми. Ўша ўзинг айтгандек, паноҳсиз, ҷорасизликдан туғилаёттири. Алангалик оҳи кўкка кўтарилаётган элнинг дарди-ҳасрати айтдираёттири! — деб Собирбой ешиб бўлмайдиган бир чалкаш тугунга тегиб ўтди.

Шундан сўнгги суҳбатда Абай блан Собирбойнинг ёш жиҳатдан бўлган фарқи сезилмай кетди.

Абай яна ўтган-кетган гапларни сўраб суҳбатлашиб ўтиаркан, Собирбойнинг кимлигини хўб яхши онглади. Ешлик ҷоғларида Абайнинг энг яхши кўрадиган оқини Дулат ධқин эди, кейинчалик у, Шўже оқинни эшилди, Болта оқин, Шўртомбой оқинлар блан суҳбатлашди.

Энди, бирнече кундан буён бўлаётган суҳбатда Абай Собирбойни шулар блан солишириб кўрди. Қўп доно, кам сухун, ҳаётга кенг назар блан қарайдиган кекса оқин Абайнинг илгари кўрган оқинларига дам ўхшаб дам ўхшамас эди. Энди кўп зиҳн солиб, синчиклаб қараса Собирбой ҳам негиздан бориб ўшаларга қўшилар экан.

Абай шуни онглаган сайин мана шу кексаларнинг ҳаммасини жони-дили блан севабошлади. Ўз ҳалқининг ичидан ўзгача азиз одамлар шулар бўлиб кўринабошлади.

Ҳали, Собирбой айтганидек, агар буларнинг ҳаммасини қатор қилиб териб чиқилса, қадимдан чўзилиб келаётган ҳалқ тоғларининг чўққилари мана шу одамлар бўлар эди. Бир нафасда Абай шу азиз чолни ўз отасидек ҳис этиб, ичидан унга та'зим қилиб, чин кўнглидан унинг қошида бош эгди.

Бу оддий оталардек, «молингни боқ! Давлатингни оширишни пайида бўл! Авлодимни кўпайтири! Ўзингдан бошқани ўйлама!» дейдиган оталардан эмас. Одамларнинг отаси. Эзгулик ва соғ йўлга бошлайдиган ота эди.

Абай Собирбойга кўп миннатдорлик билдириб, устоздан олмаган озиқларни олганини айтди.

Бирнече кун шу сингари суҳбат блан ўтди. Бу вақт-

ларда Абай кекса Собирбойнинг қошидан бир қадам нари силжимади. Лекин энди Эрбўл, айниқса Қуондик, Қораашалар бошқа әрмак излай бошлаган. Улар: «бошқа ўтовга борайлик, бироз ўйин-кулги қилиб кўнгил очайлик!» дейишаётган эди.

Собирбойнинг ўзи ҳам, энди ёшларни ўз мажлисидац «озод» қилмоқчи экан.

Тўртничи куни кечга яқин Собирбой қўлига дўмбира олди-да:

— Чироғларим, сизлар блан суҳбатлашиб, хийла юрагимни бўшатиб олдим, лекин биз энди кулга чўкиб ётган туюдек бўлиб қолганимиз. Қанча тиришиб, қанча уринсак ҳам кекса эналарнинг алласидек мунг босаберади. Токай бosh эгиб, унга қулоқ солаберасиз? Сизнинг орзуларингиз ҳам, тилакларингиз ҳам олдинда. Бизнинг шонимиз букилиб, қуий тушган, энди кўтарилимайди. Сизларнинг йўлингиз бу эмас. Сиз кўтарилиб борадиган чўққилар ҳам олдинда, ўшанга қараб боринглар, қайтманглар!.. Унар-унмасни ташвиш қилиб эзилманглар!.. Ўйнаб кулинглар! Ўйин кулги ҳам керак, армон қолмасин,— деди-да бироздан кейин:

— Қани, энди ўйин-кулгига бошланглар! Ўзим бошлаб, сизларни йўлга солайин! — деб, ғамгин садо чиқариб, дўмбирасини черта бошлади.

Ёшларнинг ҳаммаси унга термилганича, чурқ этмай, қулоқ солишди. Бироздан сўнг Собирбой дўмбираага қўшиб foят мунгли бир куй бошлади. Унинг foят ёқимлик, ширалик овози бор экан. Ёшлигида бу оқин зўр ашулачи бўлганлиги кўриниб турарди. Буқунги созидан ҳам, кеча ўзи айтган «Дилни вайрон айлади» куйининг ноласидек ҳасрат-армоннинг захи чиқиб турарди.

У ёшларга айтиб берадётган ўланнинг сўзлари азиз отанинг яхши тилаклар тилаб берадётган фотиҳасига ўхшарди. «Яхши болам, қимматли иним, одам бўл! Ўзингдан яхши хотира қолдир! Қисилган халқинг, эзилган қариндошинг бағрингдан пано топадиган суюнчиқ бўл!»— деб эзгу йўлга ундарди.

Қош қорайган пайтда, шундай ма'нолик сўзлар блан соғ ҷалаётган кекса оқиннинг кўйлаётган куйи ҳам бошқача бўлди. Айниқса қайтариб айтиладнган бандлари кишига ўзгача та'сир этарди. Бу ўлан, бу бандларни Собирбой кўп йиллар муқаддам чиқарган бўлиб, шу кунгача бузилмай, бирор банди ўзгармай келаётган ўлан эди.

У, мунгли куйни тұлқынлатиб айтиб келиб, онда-сона
да «әлим! Әлім!.. Әлімой — әлим!» деб құярди.

Ұланнинг шу банди Абайга ғоят қаттиқ та'сир қилди. Ұланнинг шу бандида, барваста келган Собирбойнинг ўзи қүриниб турғандай бўлди. У ҳозир ўзининг чин кўвлани очиб ташлагандай, меҳрибон ота, халқ отаси бўлиб, юксалиб, порлаб кетди... Абайнинг кўнглиш шодлик олқишига тўлди. Кекса оғанинг ўлани тўхтаганида ҳам ёш йигит, қаттиқ ҳаяжон ичидан ранги ўчиб, гўё шу ҳаяжонга солган аламли дард тўлқынланиб келиб унинг бағрига тиқилиб қолғандай, ўзини унубиб, Собирбойнинг юзига тикилганича турарди.

Абайнинг шундай ўзгариб кетганини Қуондиқ сезиб турган экан, отасининг қўлидаги дўмбирани олди-да:

— Ота, ўзим бошлаб берай деб айтган куйингиз «ўйин-кулги қилинглар!» дейиш ўрнига «баттарроқ ғамга бот» деяёттир-ку! Энди гапингизга кирмаймиз... Биз ўйна кулги қиласиз, билдингизми? — деб кулиб юборди.

Қизнинг бу гапига ҳамма кулиб юбориб, кўнгли очилиб кетди. Абай ҳам Қуондиқнинг шу қадар зийраклигига, хушчақчақлигига ҳайрон қолди. Шодликнинг ўйин-кулгининг жони ҳам порлаб ёниб турган чироги ҳам шу әркин ўсган гўзал қиз бўлиб қўринди. Шу онда шу ғамгин кеч пайтида Қуондиқ Абайга зўр умид, зўр куч бахш этгандай бўлди.

Бошқа ўтовига боришилари блан меҳмонларнинг олдига бирқанча қиз-жувонлар, йнгитлар келишди. Еқимли ўланлар янграб, ўйин-кулги қизиб, ўтириш жонланиб, тонг отгунча давом этди. Ёшлар «рўмолча ташлаш», «хоя яхшими», «белбоғ блан уруш», «лаббай тақсир» ва шунга ўхашаш кулгиллик ўйинларни ҳам ўйнашди. Ўйин орасида қизлар блан йигитлар ўландан бир-бирини енгиш учун узоқ-узоқ айтишарди. Аслида Сибон эли ўтириш, йифилиш деганда, муқкаси блан кетадиган, ўйинқароқ эл. Айниқса шу овул Собирбойнинг отаси Оқтайдоқ замонидан буён ўланнинг, ўйин-кулгининг уяси ҳисобланарда. Ёшлигидан шундай ўйин-кулги ичидан бўлган одамлар орасида ўсган Қуондиқ ҳалигиндай ўйинларнинг жонидили ҳисобланар, унинг ўзига ўхашаш дугоналари ҳам кўп эди.

Сибон эли блан Найманнинг қадим замонлардан келаетган бир одати қизларни ёш узатмасликдир. Қўшви велларда: «Сибонларнинг қизицек, уйда қаритасанми?»

деган гап, мақол бўлиб кетган эди. Собирбойнинг овулида шу сингари уйда қариб, ёши ўттизга яқинлаб борган қизлар битта-иккита эмас, бирқанча эди. Шуларнинг ҳаммаси ҳам кўп хушчақчақ, очиқ ўйин деса жонини берадиган ўланчи қизлар экан.

Бугун ўтиришин ҳам, ўйинни ҳам, Қуондиқнинг ўзи бошқараётган эди. Унинг онда-сонда жаранглаб кетадиган кулгиси ҳаммани бенхтиёр эргаштириб кетарди. Ўйин чоғида Қуондиқ йигитларни ҳеч аямас, ҳузур қилиб кулиб, қизариниб ўтириб қаттиқ жазо берарди. Ўзига гал келганда, бўйнига тушган ҳарқандай жазони ҳам ўзини йўқотмасдан, кулганича кўтариб кетарди.

Шу кеч Абай блан Қуондиқ қатор ўтириб ҳажвий ўланлар айтиш блан бир-бирини енгишга кўл уринди.

Бу айтишуни аввал Қуондиқнинг ўзи бошлади. Бу лапарлар Абайга атаб айтилган эди. Илгаридан лапар айтишга кўп уривиб келмаган Абай оҳангга зўр бердию, сўзларини ўйланиб, тўхталиб айтди. Абайлар биладиган кўп гўзал куйлар ҳали Сибон элига ёйилмаган экан. Абай шу куйларни айтиш йўлни, бандларини қайриб кетишни қойил қилиб Қуондиқнинг ўланларини босиб кетаберди.

Аввалиги бир тўқиниш шу блан тамом бўлди. Яна бир гал ўйин орасида ўлан бошланганда, Қуондиқ ўланни қўйиб термага кўчди. Бу ўланнинг оҳанггини эмас, сўзларини эътиборга олайлик дегани эди. Абай енгил, тез айтиладиган термани яхши билар эди. У ҳам шунга кўчди. Абай борган сайин ўзини дадил ҳис этиб Қуондиқ-қа ўхшаб тез ва тутилмасдан айтабошлади. Бу айтишиш ўзига ҳам ёқсандай, руҳи кўтарилиб, очилиб ўт олиб кетди. Бирининг сўзини бири пучга чиқариб айтилаётган терма икки ёшни ҳақиқий курашга солди.

Қуондиқнинг кўзлари кулимсираб, оппоқ юзи ловиллаб ёниб, ёш йигит блан айтишишдан ҳузур қилаётгандай кўринарди. Икки ёшнинг бу айтишудаги сўзлари сиполик блан қилинаётган ҳазил ва бир-бирини мақташдан иборат эди. Йигит ҳазил қилиб, ҳурмат сақлаб айтиётган ўланнинг ичига «муҳаббат», «ишқ ўти» деган гапларни ҳам қистириб кетар, қиз бўлса, «азиз меҳмон, ҳурматли азамат, хуш келибсиз, зотинг асл, ўзинг ҳам бебаҳосан. Икковимизга ҳам ярашадигани бир-биримизга ҳурмат сақлаш» деб қойил қилиб кетарди.

Кўпчиликнинг олдида бир-бирига очиқ айтган гаплари мана шу ҳазил, шу сингари ҳурмат сақлашдан иборат бўлди, лекин шундай ўтириб, аста сўзлашгандаридан гўзал қиз блан бама'ни йигит бир-бирини кўпроқ онглашган эди.

Гапни Қуондиқни ўзи бошлади. Кўпчиликнинг қийғос-сурони ошиб, бир ерда ўлан, бир ерда кулги кўтарилиб, ўйин-кулги авжига чиқсан лайтда Қуондиқ Абайга қайрилиб қараб: «Улан шўрлик хийла нўноқ. Одамларнинг олдида нима ҳам дейман, Абай? Кўнглимдаги гапларни ўлан блан айтаолмадим. Ҳоли ўтириб сўзлашсан кўп гапларни айтардим!» деди. Бу гапни ҳам кулиб ўтириб, ҳечкимга сездирмасдан айтди. Шу сингари ботиниб, очиғини айтиш блан Абайга ўзгача кўнгли борлигини билдириди. Иккови ҳам юракдан бир-бирини онглашлаги, фақат шу кеч эмас, аввалги кунлардан ҳам ма'lумдай эди.

Абай Қуондиқнинг оппоқ бармоқларини қаттиқ қисиб ушлаб туриб, икки юракнинг бирхилда ураётганини сезди.

— Юрагимиз бирхилда ураёттир! Пайқадинтизми? Бу гапларнинг мени ғоят қувонтирди. Мени ҳам ўзингиздек билинг! — деб юборди.

Шундан кейин буларнинг ҳарбир кулгуси, ҳазили, кўз қарашлари, ҳаммаси ҳам бир-бирига қандайдир бир умид, бир шодлик баҳш этаберди. Ўйинни баҳона қилиб, бир марта ўпишгандаридан юзлари ҳақиқий баҳтдан дарак бериди, бир-бирига иссиқ теккан эди.

Шу кеча тоңг отарга яқинлашиб, меҳмонлар тарқала-бошлигага пайтда, Қуондиқ Абайни четроқдаги бир уйга юборди-да, меҳмонларни жўнатиб, уёқ-буёғини йиғиштириб ўзи ҳам ўша уйга борди. Бу ҳоли уйда биттагина тўшак ёзилган эди. Ўйнинг эгаси кекса аёл эрта туриб кетган бўлса керак...

Шундан кейин, яна бирнечча кун ўйин-кулги блан ўтди. Абай блан Қуондиқнинг бир-бирига бўлган муносабати ҳар жиҳатдан бир-бирига тенг бўлган ёшларнинг яхши дўстлигига айлапди. Лекин бори-йўғи шугина. Иккови ҳам бағрини очиб топишгани блан алангалик муҳаббат туғилмади. Қуондиқ Абайга ҳоли ерда учрашгандан кўра, одамларнинг олдида кўпроқ ма'қул бўларди. Ҳоли ерда Қуондиқнинг очиқлиги қандайдир кексаликка ўҳшаб, йигитнинг кўнглини қолдираберди.

Керей элида Қуондиқни айттириб қўйган одам бор. Күёв бирнечча марта келиб кетган экан. Ўнинг аввал

олган хотини ҳам бор экан. Қуондиқ унинг иккиси хотини бўлиб, кундош устига борар экан. Қуондиқ уни севмас, у қаочон келмасин, Қуондиқнинг кўнглидаги муз эримай қолар экан. Гўзал қиз кўнглидаги шу дардларини ҳам Абайга айтиб, энди ўзгача нияти борлигини билдириди. Абай жавоб қилмай ўйланиб қолди. Бирнече боланинг онаси бўлган Дилда бор. Тўғри, Қуондиқ Абайнинг тенгги. Тарбия жиҳатидан ҳам, дилдорлик жиҳатдан ҳам, ақл фаросат жиҳатидан ҳам алоҳида яратилган қиз, бунга сўз йўқ. Шу кунга қадар Абай ҳаётида учратган хотин-қизларнинг ичнда шу сингари дилдор, гўзал, ғайратлик қизни кўрган эмас эди. Лекин Собирбойнинг юзига оёқ қўйиш, Дилдани, болаларини унтиш унча осон гап эмас. Бунинг устига Абай Қуондиқни ақлан севгани блан, кўнгли у қадар сув ичмади. Шу кунларда ҳам Туғжон унинг ҳаёлидан бир нафас нари кетмади. Аксинча мана шу гўзал, чаққон, очиқ Қуондиқ блан рақобат қилаётгандай бўлиб, чин севгилиси кўз олдида гавдалана-берарди, Абайга у бағишилаган муҳаббат, у тақдим этган юрак, Туғжон блан бирга кечирган баҳтлик онлар, бу дунёда яна қайтиб келмайдигандек, ўшанингдек нозанин яна қайтиб туғилмайдигандек туюларди.

Туғжон ёдига тушганда Абай тор тўшакда ҳам Қуондиқдан ўзини тортиб, қучогини бўшаштираберарди.

Қуондиқнинг Абайга бўлган муҳаббатида ҳам, гўё шу йигитнинг кўнглига мос келгандай, иссиқ ўтдан ҳам кўра ҳурмат кўпроқ эди. Гарчи шундай бўлса ҳам, Қуондиқ ўз истагидан қайтмади. Абай ўзича бир қарорга келаолмай, Қуондиқнинг ўзига маслаҳат солди.

Агар Қуондиқ рухсат берса, бу гапларни Қораашаш блан Осилбекка айтиб, ўшалар қандай маслаҳат берса ўшанга қараб иш тутишини лойиқ кўрди. Бунга Қуондиқ ҳам қаршилик қилмади.

Абай Қораашаш блан ҳам, Осилбек блан ҳам алоҳида алоҳида сўзлашибди. Уша вақтлардан буён Абайга сирдош бўлган Қораашаш бу гапларни эшитиши блан ғоят хурсанд бўлиб, маҳул кўрди.

Лекин бу қанчалик шодланиб қарши олган бўлса, Осилбек шунчалик норозилик билдириди.

— Бу бўлмаган гап. Қўлдан ҳам келмайдиган иш. Хечвақт Қунскенг Олшинбойнинг бегуноҳ қизини ранжитишига йўл қўймайди. Агар Олшинбойдан кечаман демаса сенга рухсат бермайди. Қуондиқ бўлса, қайин

бўйниларига ёмон отлик бўлади. Шуларнинг ҳаммаси йиғилиб келиб кекса Собирбой оғага қаттиқ ташвиш бўлади. Бу гапингни мендан бошқа одамга оғзингдан чиқарма. Бу гап шу ерда қолсин! — деб, тиш-тироғи блан қарши бўлди.

Осиљек бу гапларни Қуондиққа ҳам ўзи айтди. Шундай қилиб икки ёш аввалги фикридан қайтди. Лекин айрилар чоғларида сўнгги марта видо'лашаётган Абай блан Қуондиқ ҳали ҳам бўлса, ўйлаб кўрмоқчи, бўлиб келгуси кунларга умид боғлаб айрилишиди. Иккови ҳам қадрлик, қимматлик, ўзгача дўст бўлиб, бир-биридан умид узмасликка аҳд қилишди.

Абайлар Собирбойнинг овулидан қайтиб Тўбуқти яйловига етгуинча икки кун йўл юришиди. Кекса оқиннинг меҳмондўст, хушфе'л одамларга тўла уйини Абай осонлик блан ташлаб кетаолмади. Азиз макондан йироқлашган сайин Қуондиқининг ҳам бутун қилиқлари чин кўнгли блан берилган маҳбубанинг қилиқларидек туюлиб, қиммати ошиб борарди.

3.

Бу йилги яйлов йилдаги яйлов эмас, ёзнинг ўзи ҳам куздек кўнгилсиз, ғамгин келди. Халқ руҳи тушкин, ма'юс эди. Қунапбойдек катталар ҳам, овулига йилдагидек гала-гала одам йиғабермас эди. Илгари Иргизбой ичидаги бўладнинг олди-қочди гаплар ҳам босилиб қолган эди. Қўнисларни, яйловларни талавишининг ҳожати ҳам йўқ. Иргизбойлар, Бойдали, Бойсоллар, Суюндик, Қоратойлардек озчиликда мол бўлмаса, кўпчиликда мол жуда оз қолган. Албатта халқдан энди яйловнинг қулф уриб турган ўтини аядими, ё соғаётган сутини аядими?

Халққа ҳукмини ўтказиб юрган йўғонлар, зўравонлар энди кимга кўкрак керади? Бутун халқ оч-яланғоч бўлиб, толиқиб қолганидан кейин, ҳалиги омон қолган йўғонларнинг ҳаммаси ҳам бу йил жим-жит бўлиб, инига кириб ётатуришиб ма'қул кўришган эди.

«Узингни халққа жонкуяр қилиб кўрсат. Халқнинг слидида оҳ-воҳ қилиб, уларнинг омонлик чоғини эслаб, куяётган бўлиб кўрин. Шўрва-шутирингдан, ачиган сутинг, айронингдан халққа илинаётган бўлиб кўрин, оч-яланғоч халқимизни асрәтирмиз деб юрабер...» Бу йилгидек халқни абгор қилиб, кўпчиликнинг руҳини туширган йилларда мана шундай қилиб, элта қовирғаси қайшаёт-

ган киши бўлиб кўриниш яхши. Қамбағаллар блан мўмии махлуқлар тинч ҳаёт кечираётгандай, янчиб-эзиз, талаб-еб, бошига оғир кун тушганда шундай қилиб юпатиш керак. Мана шундай қилиб кўзини бўяш керак».

Ҳозир ўша халқни талаб-еб, семириб, уларга «сүт юзидан қаймоқ» атаган катталарнинг эндиги топган йўли кийгиз китобдан олган дарслари шу эди.

Бу йил халқ ҳам ўзгача эди. Ҳамманинг авзойи бувук, оғиз очиб сўз қотгуси келмас, чиройини очмас эди.

Шунинг учун ҳам Тўбуқти яйловларида бу йил биронта тўй бўлмади. Одатда бу вақтларда бирнеча марта пойга бўрилар эди. Бу йил ҳеч бўлмаса, фунан пойгаси ҳам бўлмади. Келин тушириш, қиз узатиш, суннаттўйлар—ҳаммаси ҳам, бир товоқ ош блан ўтказилар эди.

Шундай ўзгача бир жимлик ҳукм суриб турган пайтда тўсатдан от ўғрилари пайдо бўлибди деган бир ваҳидалик гап чиқиб қолди.

Яйлов кунлари тамом бўлиб, халқ кузовга томон кўчабошлаган, яйловдан бир қўнарлик ер қуи ҳам тушган эди. Шу пайтда беш куннинг ичиди Мойбосар, Жақиб, Ирсолайларнинг йилқисидан, Қунанбойнинг ўз атрофидаги овулларидан йигирмага яқин семиз от йўқолди. Бу гап бир овулдан иккинчи овулга ўтиб, тезлик блан бутун яйловга тарқалиб кетди. Озгина моли бўлган овуллар соқчиларини кўпайтириши.

Лекин ўғриларнинг дараги чиқмади. Одатда шу сингари кўп элни ташвишга соглан ўғриларнинг тезгина дараги чиқиб қолгучи эди. Фалончининг уйидан янги сўйилган молнинг териси чиқипти, фалончининг уйида бемаҳал сўйилган қорамолнинг қони — қуши турган экан. Ҳаммаси ма’лум бўлипти, деган, ивир-шивир гап тезгина чиқақолар эди. Ҳозир ундан бўлмади. Ўғрилар тўғрисида ҳеч дарак чиқмади.

Аввал Қунанбой блан Жақиблар ўзаро кенгашганларида, «бу ўғрилар қўшини эллардан чиқди, чиқсанда ё Қерейдан ё Наймандан ё бўлмаса Сибондан чиқди, ўша томондан келаётир» деган қарорга келишди, халқ яйлов-яйловидан кўчадиган пайтни пойлаб туриб, «узоқча олиб кетамиз деб жўрттага шу пайтда ўғирлаётир» деган хаёлга борншди.

Қунанбой кўчишни тўхтатиб, ҳалиги уч-тўрт қўшини элнинг ҳаммасига одам юборди. Изикутти, Мойбосар, Ирсолайлар бошлиқ гала-гала одамлар баравар йўлга чи-

қиб, отларини қамчилаганича, кўп ерларни ахтариб көлишди. Лекин, қўшни элларнинг биронтасидан ўғриларнинг дараги чиқмади.

Халқ яшамайдиган, кимсасиз Қоровул чўққиларига, қояларнинг орасига, жарликларга, сойларга бориб излаган Тўлепберди, Бураҳон, Қамисбой, Жўмағул сингара пишиқ, зийрак йигитлар ҳам ўғриларнинг изини тополмай қайтиб келишиди.

Қунанбойнинг кўп овуллари, кўп йигитлари баравар белини боғлаб ўғриларнинг пайига тушиб юрган пайтда яна бешта семиз от ғойиб бўлди. Энди фақат Иргизбойлардан эмас, Бойсол, Суюндиклардан ҳам тўрт бия йўқ бўлди. Яна бироз вақт ўтгач, Котибақ, Бўкеншелар ҳам йўқотган молларини излаб қолишиди.

Лекин, эпчил ўғриларнинг ҳали ҳам иси чиққани йўқ, халқ ҳар куни эрталаб «олиб кетди», «яна олиб кетди» дейди-ю, қолаберади.

Қунанбойга алам қилиб, ўзи отга минса ҳам, душман кимлигини билаолмайди. Изловчиларнинг ҳаммаси қайтиб келишиди. Қоровул чўққиларида ҳар кун эртадан кечгача сарғайиб, атрофга тикилиб ётган пойлоқчилар ҳам қуруқ қайтишиди. Эндиги чора фақат тунда соқчиликни кучайтириш бўлди. Қунанбой барча овулларини бир ерга тўплаб, шундан кейин баравар қўчабошлади.

Булар, ёнғиндан қочиб бораётгандай, жадаллаб кетишаётган эди. Ҳеч бўлмаса ёвнинг юзи тескари бўлиб, бошқаларга қараб кетар, ҳадеб бизнинг орқамизга тушиб олмас, шундай қилиб қутилармиз,— деб ўйлашган эди.

Ҳақиқатан ҳам, «олди-кетди» камайди, лекин Жигиттеклардан, Котибақлардан кўп мол ўғирланётган эмиш деган хабар эшитилиб турди. Иргизбойлардан яна икки той блан бир семиз бия йўқолди. Иш шу ерга етганда Қунанбой: «энди билдим, ким эканлигини билдим» деди. Лекин «билдим» дегани блан, айборларнинг отини айтмади, фақат «душман четдан келгаи эмас, ўз ичимизда» деб қўйди.

Бойсол блан Суюндиклар бундай хаёлга боришмади. Иккови шу кунга қадар турли шубҳалар ичida гангиги қолган эди. Қунанбой уларга: «излашсин, излай берсин» деб айтиб юборган бўлса ҳам, лекин ўз гумонини айтмади. Шу пайтда Қунанбой қўшни элларга ўз ҳолича юрган одам қилиб, айғоқчи юборди. У одамларга топширган топшириғини ҳам ўзидан бошқа ҳечким билмади.

Жигитек элидаги Қорашанинг овулига бир кампирни юборди, Котибақ элига ҳам, шу сингари, ҳечкимнинг на-зари илмайдиган бир чолни юборди. Тўрғай элига ҳам, бир туячи чолни юборди. Бу кексалар гап сўз блан иши бўлмайди, ҳечнарсани сўрамайди, ҳатто мол йўқолаёт-ганини ҳам билмайди; шунчаки, худо деб юрган бандалар бўлиб юраберишади; фақатгина борган овулларига эртаю-кеч, кириб еган-ичган овқатларига зиҳн солиб, пайқаб юришади. Топширилган вазифа шу эди.

Мана шундай усталик блан ишлатилган ҳийлаю-найранг орқасида Қунанбой душманларининг изига тушди. Кўл йилқиларни олиб юрган ўғриларнинг уясини топди.

Шундай қилиб, Қунанбой эндиғи оғирликни Жигитекларга уларнинг ичидан Қораша блан Қавмен атрофидаги-ларнинг бошига соладиган бўлиб, ўшаларни қаҳрига олди.

Қупанбой бу гал уларга ёпишганда, аввалгидек гу-монсираб, тусмол блан ёпишмади, ҳақиқатини билиб ёпишди. Жигитек элининг бирнечча йигитлари чиндан ҳам айбдор эди.

Ҳамма гап Болағози блан Абилғозида эди. Болағози Ҷозоралининг акаси, жигитек элининг ичидан диёнатлик, ўтлик, шудлик пишиқ йигитлардан бири эди. Абилғози бўлса, Қорашанинг ўғли. Қорашанинг ҳамма ўғиллари ҳам, ўзига ўхшаб, ётган илоннинг бошини қўзғайдиган ўжар йигитлар! Уша вақтларда Қунанбой блан Бўжей-нинг ўртасига ўт ёқиб юборган ҳам шу Қораша эди. Бу ишда Қавмен ҳам айбли эди. Ҳаммага ма'лум бўлган ўша Тоқмамбетдаги жанжал аввал шу Қораша блан Қавмен-нинг Қунанбой юборган чопарни урганидан бошланган эди. Шундан буён Мусақул жангги, Бўжейнинг ма'ракасига ўхшаш, катта-катта йигинларнинг ҳаммасида Қора-ша блан Қавменнинг эр етган азamat йигитлари кўпчи-ликнинг оғзига тушиб, ҳаммага ма'лум бўлиб қолган эди. Буларнинг ҳаммаси ҳам, диёнатлик, кўкрагини кўкка ти-раган ўтлик-шудлик, пишиқ йигитлар бўлиб, ор-номус-масаласига келганда ҳечкимни аямас эди.

Буларнинг ичидан чиқсан Бозорали биринчидан қад-ди-қомати келишган, барваста гўзал йигит бўлса, иккин-чидан сўзини ҳечкимга бермайдиган, эпчил, пишиқ, жигитеклар фахрланса фахрлангудек, файрат блан қувва-ти барқ уриб турган азamat эди.

Жигитек эли ҳам бошқа эллар блан баравар қаттиқ ютга учраган эди. Буларнинг юташига ерининг камлиги

сабаб бўлди. Ўша кўпчиликнинг қаторида «яланг оёқ» қолганларнинг бири Қораша блан Қавмен овуллари бўлди. Бозорали, Болағози, Абилғози, Адилхонлардек йигитларда фақат биттадангина от қолди.

Бутун бошлиқ ёзни булар азоб чекиб уйдан чиқаолмай ўтказишиди. Очликни ҳам, муҳтоҷликни ҳам суюкка ўтарлик даражада кўришиди. Бирордан бориб соғиб ичгали сигир сўрашга, кимнинг бўлмасин қошида бўйин эгишга номус йўл қўймади. Ҳатто Бойдалидек қариндошларининг ҳам олдига боришмади. Бир ишга уринай деса, мана шундай ютга йўлиққан өлнинг ичида ҳеч ишнинг иложи бўлмади. Ягона йўл — бирорга ёлланиш эди.

Лекин бу йўл блан киши фақат сўқقا бошини асралмаса, хотин-болани боқиб бўлмайди. Умр бўйи ёлланиб ишлайдиган чўбонлар, отбоқарлар, түябоқарларнинг ичидаги биронтасининг косаси оқарган эмас. Оладиган ҳақи фақат ўзининг «еб-ичгани» бўлганлиги учун кўп одамларнинг бўладигани бирорнинг эшигига ўтиш бўлиб келади.

Бу йигитлар ёз бўйи кўрганда, нима кўрди? Оч-яланнеч болаларини, чўпдай озиб кетган оналарини, янгаларини, бева-бечора хотин-халажни кўрди. Қай тарафга қараса ҳасрат, қай томонга қараса оҳ-воҳ. Йигитлар ожизлиқ, нотовонликдан эмас, азбаройи ич-ичидан қони қайнаб кетганидан ла'нат ўқишарди. Улардаги бу кайфиятни яхши онглаган Бозорали бир кун кечқурун бир гала йигитлар блан дўнг бошида ўтирганида, гапнинг очигини айтиб қўяқолди, заҳарханда қилиб:

— Эл ерсиз қолиб ўтироқ бўлса, йўқчилик унинг тунлигига келиб оҳ тортади. Кўчадиган бўлсанг ота-онанг, хотин-боланг чувуллашиб, яланг оёқ кетишдан бошқа илож тополмайди. Кўчганда юк ортгудек, эгар уришга ярайдиган битта сигирга ҳам зор бўлдик. Худонинг биздан айдиган яна нимаси қолди? — деди.

Шу йил ёз бўйи Бозорали шу йигитларга бирнеча марта халқнинг юрагида йиғилиб ётган алам ҳақида сўзлаб, омон қолганлар нима учун омон қолди, ютга учраганлар нима учун учради, буларнинг қайсибири адолатсиз, улар қандай кун кечираётру, халққа қандай муомала қилаётir — деб, бу тўғрида ўз фикрини айтган эди.

Мана шундай сухбатлар бўлаётган чоғда Болағози блан Абилғози хуноб бўлиб, бошини қаерга уришини бил-

май, Бозоралига ёпишиб «бир иложини қилсаңгчи, бирор йўл кўрсатсангчи! Нима қилиш керак? Қанн айт», деб, туриб олишиди. Лекин Бозорали бу саволларга жавоб беришдан ожиз эди.

Ниҳоят уларнинг ўзлари илож топишди.

Бозорали Абилғози блан Болағозининг кечалари отта миниб чиқиб кетишини кўп вақтгача билмай юрди. Аввал Мойбосарнинг йилқиси йўқолди. Ундан кейин Жақипдан йўқолди. Гарчи Бозорали бу совуқ хабарларни эшитиб юрган бўлса ҳам унча аҳамият бермади. Учинчи навбатда Ирсойнинг йилқисидан олинди. Худди шу пайтда бир кун Бозорали тонг отгунча кўзига уйқи келмай, тўлғаниб чиқди-да, тонг отарга яқин эшикка чиқиб, хийла вақтгача айланиб юрди. Уй ёнидаги майсага бориб, тонг шабадасига кўкрагини бериб, ёлғиз ўзи хаёл сурини турарди. Тўрт-беш уйдан иборат бўлган Қорашибининг овули буларга қўшни эди. Ӯшаларнинг бир Оқтўс деган соқчи ити бўларди. Тонг эндигина сурини келаётган пайтда, Бозорали ҳалиги Оқтўснинг тўсатдан қаттиқ ҳураётганини эшитиб, ялг этиб қаради. Одатда бу ит битта-яримта ёт одамни кўргандагина шундай ҳуарар эди. Бозорали «Бу бегона одам нима қилиб юрипти? Билиш керак» деб, кутиб турди. Бироздан сўнг, Қорашибининг четидаги Абилғозининг ўтови ёнига иккита отлик одам келиб тўхтади. Буларнинг биттаси ўша ерда қолди-да, иккинчиси Бозорали томонга қараб юрди.

Аввало Бозорали «Оқ қуйруқ» отни таниди. Бу Болағозининг биттаю-битта оти эди. Машҳур югурук «Оқ қуйруқ» от бугун кўп йўл босганга ўхшайди — пишқириб, ҳали ҳам ўзини тўхтатолмай келаётир. Бозорали: «булар йигитчилик қилиб юришган бўлса керак!» деган хаёлга борди.

Лекин ўзи, турган жойидан қўзғалмай, қараб турди. Қараса иш у ўйлаганича эмас, Болағози сўйилини сургаб келаётир. Бозоралининг юраги шув этиб, орқасига тортиб кетди; ранги учди, унга кўринмаслик учун майсага чўзилиб ётиб пойлаб турди.

Абилғози уйнинг олдида отдан тушди-да, отини етаклаганича келиб, қўлидаги сўйилини ўз ўтовининг белига қистириб қўйди. Унинг сўйили доим шу ерда турарди.

Шундан кейин у, отини етаклаб овулга яқин ердаги бир жарликка тушиб кетди. Бозорали унинг орқасидан қараб турди. Афтидан бемаҳал юрадиган йигит ўзининг

бу хилдаги сафарини ўз овулидагилардан ҳам яширади-
ганга ўхшаб қолди.

Бироздан кейин у отини ўша жарда қолдириб, ёлғиз
ўзи қайтиб келди-да, уйига кириб кетди. Бозорали эл
уйқудан тургунча ухлайолмайди.

Қорашанинг овулуга яқин ерда ҳам ҳалигидек жар
бор эди. Бозорали энди ўша ерга бориб, Абиүлғозининг
ҳам бекитиб қўйған отини кўриб келди. Қани энди то-
қат қилаолса! Қамоли ғазабидан ёрилгудай бўлиб
борарди.

Уша куни тушдан кейингача шу кайфиятда ғижиниб,
бировга кўз тутаётгандай бўлиб юрди. Туш оққан пайтда
қўшни овулдан қайтиб келган Қавмен яна бир янги
хабар олиб келди. Шу кеча Ирсойнинг йилқиси йўқо-
липти.

Бозорали шу хабарни эшигтан пайтда, Болағози оғир
уйқудан туриб, эшикда юрган эди. Бозорали, бирёқقا
жўнаб кетаётган кишидай, белини маҳкам боғлади-да,
отасининг ёнига келиб:

— Бироз гап бор, эшикка чиқайликчи! — деб отасини
чақириб олиб, тепаликка бошлаб кетди; йўлакай қичқи-
риб Болағозини ҳам чақирди.

Унинг товушини эшигтгач, қоратўри, новчадан келган
барваста Болағози ҳам, уйидан чиқиб келди.

Тепаликка бориб бир нафас ўтирганларидан кейин
Бозорали, қовоғини солиб, отасига совуққина бир назар
ташлади. Ҳамиша нур сочиб, қипқизил товланиб туради-
ган юзидан қон қочиб, рангти қумқу ўчиб кетган эди.
Учқун сочиб турадиган катта-катта кўзлари қон талашиб
қипқизариб кетган эди. У қаттиқ-қаттиқ сўзлай бошлади.

— Ота, йиртиқ-ямоқ капанинг ҳам шукуҳи бор. Қип-
яланғоч қашшоқ бўлсан ҳам, ниятим холис дер эдин-
гиз. Ёмонлик сизнинг душманингиз эди. Қексайган чо-
ғингизда бизларни қора босай деяптими?.. — деб хип
бўғилиб, тўхтаб қолди.

— Нима деяпти? Бу расво нима деяпти ўзи? — деб,
Қавмен хавфсираб, Болағозига қаради. Болағози дамини
чиқармай ўтираберди. Бозорали тутаққанича гапни илиб
кетиб:

— Унга қараб нима қиласиз? Менга қаранг? Мендан
сўранг!.. Мойбосарнинг қайси кунги олдирган отлари
блан шу кечада Ирсой олдирган отларнинг ўғриси топилди.

От ўғриси худди мана шу ўтирган ўғлингиз Болағози,—
деди. Қавменнинг кайфи учиб кетиб:

— Нима деяпти?.. Нима дединг? — деди.

— Шундай... Шундай деяпман. Қани, тониб кўр-чи!—
деб, Бозорали энди акасига тикилди. Болағози ҳам, кўп
баджаҳл, ҳечнарсадан тап тортмайдиган йигит эди.
Ҳозир танглиқда қолган бўлса ҳам, ўзини йўқотмади.

— Хўш, қани! Қаерда кўрдинг, сенга ким айтди?
Мунча чиранаётисан? Нима демоқчисан ўзинг! — деди.

— Саҳар вақтида Абилғози икковинг ҳечкимга бил-
дирмай келган чоғингда мен эшикда ўтирган эдим. От-
ларинг ҳали ҳам ўша жарлиқда совиб турипти. Үлсанг
ҳам, ҳеч бўлмаса ростини айтиб ўл-чи... Ўғирладингку,
тонмал Йигит бўлсанг ростини айт!

— Тўғри... Ўғирладим! — деди Болағози.

Қавмен умрида эшитмаган бир ма'шум ҳодиса усти-
дан чиқиб қолгандай сесканиб кетиб:

— Болағози, худонинг балосига учрагур! Вой худо-
нинг балосига учрагур Болағози! — деди фифони чиқиб.

Бозорали рўпарасида ўтирган акасига нафрат блан
қараб туриб-туриб, яна қони қайнаб, тутақиб кетди-да,
сўз ҳам қотаомай, акасининг устига ташланди. Қавмен-
нинг икки ўғли ҳам шердек бақувват, қоплондек ғайрат-
лик эди. Йкковининг ҳам қўл-оёқлари бир-бирига эман
сўйилидек зарба блан қарс-қарс тушабошлади. Болағози
ўрнидан туришга улгуrolмай қолган эди, лекин ҳийла
ишлатиб, Бозоралини чалиб юборди. Иниси мункиб ту-
шай деяётгандা, кўзлаган ерига қўйиб юбориб, қулатмоқ-
чи эди, лекин бундан кўра эпчилроқ Бозорали қайрилиб,
чап бериб қолди-да, Болағозини калла қилиб учириб юбор-
ди. Болағози учиб тушиши блан Бозорали чап қўли блан
унинг кекиртагидан олди-да, ўнг қўли блан тимискилаб
пичоғининг қинини топиб, ярақлаб турган ўткир пичоғи-
ни суғириб олди... Тиззаси блан Болағозини босиб туар-
кан, хирқироқ товуш блан:

— Бўғизлаб ташлайман! Акам бўлмоқ тугул, отам
бўлсанг ҳам ҳозир сўйиб ташлайман! — деб, ўткир пи-
чоғини Болағозининг кекиртагига тираб қолди. Фақат-
гина отаси икки қўли блан Бозоралининг қўлига ёпишди.

— Тўхта! Ҳой, итлар! Нима бало бўлди икковингга,
итлар! Тур буёққа,— деб Бозоралининг сургаб туширди.

Болағози инисининг чангалидан чиқиб ўрнидан турди-ю,
лекин олишмади; эс-хушини йиғиштирди-да, уни енг-

гави ўзгача бир йўл топгандай, укасига қараб киноя блан:

— Ҳой, аблаҳ! Ит бўлсанг ҳам, бир қориндан талашиб тушгансанку! Бу ишинг малол келса ҳам, ўша бир қориндан талашиб тушган жигарим бўлганинг учун кўзим қиядими сени? Топган ақлинг шу бўлдими? — деди.

Бозорали дамини чиқармай, қовоғини солиб, ўқрайганича ўтиради. Болағози энди ўзини тутиб олиб, бор гапни шартта шартта гапириб, тўкиб солди:

— Сўрадинг, бўйин товлаганим йўқ! Бор сиримни айтдим. Топганимда қўлингдан нима келарди? Ўғрига мол қаҳатми, ёнимиздаги Керей элига бориб келдим десам, нима қилардинг. Қунанбойинг у ёқда турсин, худо ҳам изимни топиб кўрсинчи, қани! Ҳечким танимайдиган, ҳечким топаолмайдиган қилдим. Лекин бу ўғриликми? Аввало сўра, ҳақиқатига ет, мен битта бошим учун қилаёттирманни бу ишни? Бошқаларга ёрдам бўлсин деб қилаёттирман. Бу ҳаром ишни ҳавасга қилаётганим йўқ. Жирканиб, нафратланиб қилаёттирман, лекин қилганим-қилган. Менда — йўқ, унда — бор. Унга борлиқ келтирган менинг йўқлигим бўлади. Биласанми еrim қани, ҳақим, улишим қани? Унинг нимаси кетаётир? Ошиб-тошиб ётган ортиқча дун'ёсидан сараб кетган бир томчисими? Менинг оч-яланғочларим ўлимдан қолади. Ўзим бўлай деб қилаётганим йўқ. Атроғимдагиларни ўлимдан олиб қолаёттирман... Менга деса, бошим кетснин, бу йўлдан қайтаролмайсан... Боридан олиб, йўғига бераёттирман. Мен уларнинг молини ўғираётганим йўқ, ўч олаёттирман. Қамбағалларга, қашшоқларга тегаётган бўлсан, унда айтсанг ярашади!.. — деди.

Қавмен Болағози блан баҳс-жавоб қилмади, эшиғтан гапларни онглашга ҳам уринмади, фақат кайфи учиб кетди. Боласи нима демасин, Қавмен бироннинг ҳақини қозонига солмайди. Шунинг учун узил-кесил бир қарорга келди-да, Болағозини ўз овулидан ҳайдаб юбормоқчи бўлди.

— Қўчиб кет ҳозир, кўч, йўқол менинг ёнимдан!.. Асло кўзимга кўринма! Ҳозир кўч! — деди.

Бозоралининг дами ичига тушиб, қовоғини солганича қотиб қолди.

Ота-бала, ака-ука учови бир-биридан бегона, бир-бирига қовишмайдиган уч хил фикр блан айрилишиб кетди. Болағози Қавменнинг буйруғини бажо келтириб,

ўша куннинг ўзида кўчди-да, Қорашанинг овулига бориб қўшилди; орадан тўрт-беш кун ўтгаç, худди Қунавбойнинг ўз овулидан яна бешта отни олиб кетди. Болағозининг шериклари оз—ҳозирча Абилғози блан Адилхон эди. Бу учови ўзларининг бу хилдаги ишларини кўп эҳтиёт блан, уёқ-буёғини ўйлаб, салмоқлаб, ҳисоблаб кўриб, ниҳоятда эпчилик блан қилишा�ётган эди.

Булар аввал йироқдаги Найман элидан худди ўзларига ўхшаш йигитлардан учта-тўртта шерик топишди. Булар ҳам ют блан йўқчиликнинг азобидан отга мияншга мажбур бўлган йигитлар бўлиб, ҳаммаси ҳам ғоят юраклик, эпчил, чиниққан йигитлар эди. Абилғози ёзда Аятгўзнинг нариги ёғига бориб, ўша йигитлар блан сўзини бир ерга қўйиб келган эди.

Икки томондаги йигитларнинг шарти: ҳарким ўз элидаги моли-дун'ёси кўп одамларнинг молидан олиш, камбағал-қашшоқларга тегмаслик эди. Шундай қалиб у томондаги йигитлар Семиз, Найман, Садир, Мотой элидаги Қудайсўгир, Қаптағай, Жумахонга ўхшаш бойларнинг молини оладиган бўлди. Абилғозилар Тўбуқтидаги Қунанбой, Иргизбой, Қоратой, Суюндиқларга ўхшаш бойларнинг молини оладиган бўлди. Булар ҳечқачон бир тўп бўлиб юрмай, ёлғиз-ёлғиз, оддий йўловчиларга ўхшаб юришарди. Буларнинг яна бир шарти: тўбуқтилик йигитлар уёққа, Найманга боргандা ўз қўллари блан мол олмайди. У ердаги ҳамроҳлари кимдан олишни, қанча олишни ўзлари айтиб, ўзлари олиб четга чиқариб беришади. Улар Тўбуқтига келганда Болағозилар ҳам шундай қилишарди.

Икки томон ҳам бу атрофдаги бутун йўлларни, пастқам жойларни ғоят яхши билишарди. Йўлдаги қайси сувларнинг бўйида эл яшамайди, қайси далаларда, қайси йўлларда қатнов кам, киши этибор қўлмайдиган қандай адирлар, жарлар, сойлар бор — ҳаммасини беш қўлдек билишарди. Икки тўданинг ҳам энг зўр ҳийласи орқадан қувлаган одамлар блан изловчиларни чалғитишга қаратилган эди. Бу тўғрига қолганда уларнинг ҳаммасидан Болағози уста бўлиб, ўзи топган ҳийла-найрангларни ҳамиша ҳамроҳларига ўргатгани-ўргатган эди.

Шундай қилиб, бори-йўғи олти-еттитагина йигит қуяндек тўсатдан келиб, тўппа-тўғри икки округ элининг бой-бой одамларининг молига бир гала оч бўридек ёпишар эди.

Мол ўғриларининг шу сингари бирон марта кўзга чалинмай, ғойиб бўлиб кетиши Қунанбой блан Бойсолларни гангитиб қўйди. Булар ҳамиша от йўқолганини тонг отганда билишар, шундан кейингина изловчилар отга минар, иккитадан-учтадан бўлиб от чоптирганича бутун атрофни кезиб чиқар, Керей, Найман, Қоракесек томонига кетадиган ўғрилар бўлса, ушлаб оламиз деб, албатта ўша йўлларни тўсиб туришарди.

Болағози бўлса бутун ҳунарини ишлатиб жуда эҳтиёткорлик блан иш тутар эди. У тикилган овулидан хоҳлаган молини олиши блан қочмас, Найманга ҳам тездан жўнатақолмас, аксинча, тўрт-беш кун ўтиб, эл оёғи бо-силгунча Тўбуқтидан силжимас эди. Олган молларини узоқ ерга ҳам олиб бормай, худди ўша мол йўқотган овулнинг ёнгинасида, атрофида юрарди. Қоровул чўққисига ўжаш, ва киши шубҳа қиласидиган бошқа ўнқир чўнқир жойларга ҳам асти йўламас эди. Бу ёз бундай ерларга фақат мол излаганларгина борарди. Абилғози бир олганда, молни бешта-олтитадан ошиқ ҳам олмас эди. Отларни кўп йилқидан айириб чиқиши блан бу отларга ўз йигитларини миндириб қўярди.

Одатда Болағози от ўғирлаш олдидан йигитларнинг ҳаммасини пиёда олиб келар, уларнинг қўлида юган блан овқатдан бошқа ҳечнарса бўлмас эди. Абилғози бу йигитларни тун кечада ҳечкимнинг назари тушмайдиган бир адирга келтириб ташларди-да, отларни Болағози, Адилхон, Абилғозиларнинг ўзлари ўғирлаб келишарди.

Улар олиб келган отларга йигитлари миниб олиши блан Болағозининг ўзи доим тепаликка чиқиб, атрофга кўз солиб турарди. Йигитлар пастликда туриб, унинг берадиган ишораларига қараб туришарди. Овлул томондан чиққан йўловчилар ё йўқолган молни излаб юрганлар кўриниб қолса Болағози бемалол ўтириб, уларнинг қай томонга қараб йўл олишига зижҳ солиб турарди.

Шундай қилиб Болағози ўғирланган мол блан ҳамроҳларини бир кечанинг ўзида Найманга жўнатиб юборарди.

Қунанбой Қоращанинг овулига юборган кампир, ҳечнарсанинг исини билолмай келар эди, негаким, Болағозилар ўз уйларида мол сўймас, олган отларини уйининг ёнига ҳам, яқинига ҳам йўлатишмас эди. Бир кун ўғирланган молни қувғиндан қутқарганларидан кейин, Наймандан келган йигитларни хийла ерга узатиб бориб,

кимсасиз ерда, бир сувнинг бўйида семиз той сўйишидӣ. Абилғози ўша тойнинг биттагина қовирғаси блан озроқ мойндан уйга олиб келди да овқат қилди.

Бу гўшт кечаси ҳамма ётган пайтда қозонга солинди. Лекин от гўштининг ҳиди айғоқчи кампирнинг бурнига етақолди. У гўшт пишгунча эшикда пойлаб юриб, гўшт пишиб, товоққа тушиб, эндигина Абилғозининг олдига қўйилганда тўсатдан бостириб кирди да, гўштни кўриб қолди, тойнинг қовирғаси эканлигини ҳам билиб олди.

Қунанбой бу хабарни эшлиши блан Бойдалига одам юбориб «Қораشا Бойдалининг қариндоши, ўзи тийиб олсин. Йўқолаётган молларнинг дараги чиқди, гувоҳим бор. Агар Қораша тонадиган бўлса, унга Қавмен кафил бўлсин. Бу ишларни Қавмен сезган бўлиши керак. У бошига қилич келганда ҳам ёлғон гапирмайдиган одам. Мен ётиборга олганда, фақат ўшанинг имонита ишониб, ўшанинг сўзини ётиборга оламан» деб айтиб юборди.

Бойдали бориб Қорашадан сўроқлаб ўтирасдан, тўғридан-тўғри Қавменнинг ўзига ёпишиди. Қавмен ўзининг Қорашадан ҳам, ҳатто Болагозидан ҳам кечиб кетганлигини айтиб, у ишлардан менинг хабарим йўқ деган эди, Бойдали кўнмади «ё қорала, ё бутунлай оқлаб чиқ, Қунанбой фақат сенинг сўзингга ишонади. Агар шуларнинг оқлигига кўзинг етса, қасам ичиш гуноҳ эмас, қариндошларнинг блан болангни ноҳақ буҳтондан қутқарасан» деб туриб олди.

Гап шунга келганда Қавмен сир бериб қўйди: «Жонимдан тўйганим йўқ, уларни оқ деб кафил бўлмайман» деди.

«Қавмен ўзини четлатаётир, кафил бўлмайман, уларни оқ деб ўртага тушмайман деб, ўзини тортаётир. Қорашанинг овули айбли экан» деб Иргизбойлар шов-шув кўтаришди. Мойбосар, Жақиплар ловиллаб кетишиди: «Қариндош бўлатуриб ётдан баттар қасд бўлишди. Бизнинг гуноҳимиз нима? Кечирмаймиз, аямаймиз, бор-йўғини талаб, болга-чақаси блан уйига ўт қўйиб юборамиз» деди.

«Тишингни қаттиқроқ ботир, аяма!» деб Қунанбойни ҳам қутуртиришди.

Броқ Қунанбой бошқа фикрда эди. Бу йил оғирчилик блан ўтди, бу тўғрида жиддийроқ ўйлаш керак Бунинг устига ҳозир Бойдали блан ораси яхши бўлиб қолган. Уғрилар фақат Иргизбойлардангина эмас, Қотибақ, Бў-

кеншелардан ҳам олдётир. Бойдалининг ўзи ҳам омон колгані йўқ. Шундай бўлгандан кейин, ўша Бойдалининг ўзи блан маслаҳатлашиб иш тутиш керак. Иложи бўлса, ўғрилик қилаётган қариндошлари блан олишишни ўшанинг ўзига юклаш керак. Лекин, ҳарқандай бўлгандада ҳам, бутун гуноҳ Жигитекларнинг бўйнига тушиши керак.

Шу блан Қунанбой Мойбосарларнинг алансига сув селиб:

— Кўп ҳовлиқмай туратур? Қораша ҳечқаерга қочиб қуттилолмайди! Сабр қилиб тур! — деди-да, Жигитекларга яна одам юборди; бу гал Жумабойни юборди.

Жумабой тўғри Бойдалининг олдига борди ва Қунанбойнинг аввалги топшириғини бажариб, Қавменни қўлга тушириб бергани учун Қунанбой номидан унга ташаккур айтди. Шундан кейин Қораша блан Абилғозини Қунанбой ўз ҳузурига чақиригаётганини билдириди. Қунанбойнинг бу таклифига Бойдали қарши бўлмади. У ҳам:

— Майли, қариндошларини ўзи ҳам кўрсинг! Ўзи сўзлашиб боқсан! Бу иши тўғри. Қорашани мен ўзим айтиб юбораман,— деди.

Лекин Қораша блан Абилғози Қунанбойнинг чақириганини эшитса ҳам, унинг ҳузурига боришмади. Бойдали зўрлаб ҳам кўрди, ҳеч кўндираолмади. Шундай қилиб, Қорашаларнинг бўйнига яна «ҳам мол ўғирлади, ҳам жавоб қилгали келмади» деган иккинчи айб қўйилди. Қунанбойнинг тили узун бўлиб қолди.

Энди Иргизбойларнинг иккн кўзи кечаю-кундуз Қорашанинг овулида бўлди. Абилғози, Адилхон, Болағозилар ҳалдан кетиб қолишиди. Булар тўғрисида «сувга уриб кетишиди, тарқалиб кетишиди!» деган гаплар тарқалди.

Турли шубҳалар, миш-миш гаплар кўпайди. Қораша блан Қавмен овулида уйида йўқ йигитларининг ҳаммаси ўғри аталди. Абилғози ёлғиз эмас, булар кўпчилик бўлиши керак. Энди буларнинг орқасига кўпчилик бўлиб тушиш керак,— деб, ҳамма ҳовлиқиб қолди.

Бу сўзлар кўпинча Иргизбойлардан чиқиб, бутун атрофга тарқалиб кетаётган эди. Шундай қилиб, Болағози блан Адилхонни ҳам аллақачонлар Абилғози қаторига қўшиб қўйилган эди. Аввал чақирилган Абилғози бормагани учун Қунанбой яна одам юбориб, энди Болағози блан Адилхонни чақирирди. Қораша блан Қавмен Болағозига хабар қилиб, албатта бориб келсин дейишиди.

Болағози бормайман деди, бу тўғрида ўртоқларига:

— Қунанбой мени аяй деб тургани йўқ. Қандай ҳийла ишлатиб шуни қон қустирсам экан, деб ўйлаб ўтириди. Шундай бўлгандан кейин, мен яна унинг нимасига мўминтой бўлиб олдига бораман? Бўлар иш бўлди, ачинадиган жойим борми. Азamat бўлса қўлига тушириб кўрсин. Аввал қулоқдан олиб йиқитиб, миниб олсин-да, ундан кейин қуллик нуқтасини урсин. Шум атанар бўлсан, атаниб бўлдим. Энди унинг олдига бориб, менга қўядиган «мўмин шум», «ақллик шум», «қобил шум» деган яхши отларини олишга орзиманда эмасман, ўлсан ҳам ўша томонга ўтмай ўламан! — деди.

Болағози блан Абилғозининг бундай зидлик қилиши Қунанбойнинг юрагини орзиқтира бошлади. Эски одати бўйича босиб, талаб олай деса, мана бундай оч-яланғоч қолиб, ўчакишиб турган элнинг ичидан ўт чиқиб кетишидан қўрқарди.

Энди ягона чора улуғга арз қилиш эди. Энг қулайи, отряд чақиртириб, буларни урядникка ушлатиб, кишангага солиш.

Лекин шу пайтда қонунлар ўзгариб кетди. Аввалги оға сultonлик қолиб, «бўлис» деган янгилик кирай деб турган эди. Тўбуқтининг округи ҳам ўзгарди: шу йил ёздан бўён улар Семейга қарайдиган бўлишган эди. Яна илгари бутун Тубуқтига биттагина старшин бўларди. Энди Тўбуқти бўлинниб, уч бўлисга қараса керак. Янги округ улуғнинг қўлида, Қунанбой ҳали улар блан танишиб, борди-келдини қуюқ қилиб олган эмас. Эрта-индин сайлов бўлади. Шундай пайтда ўз элидагилар блан аразлашиб юриш унга муносиб иш ҳам эмас.

Шундай қилиб Қунанбой ҳеч бўлмаса сайлов ўтгунча бу ишларни қўя турниш керак, деган қарорга келди.

Лекин унгача Болағозилар-ошиб кетаётир—бирданига икки буйруғини бажармади. Қунанбой «энди улар қўлидан нима келарди деб, биратўла ўзини унутиб юборадими» деб яна хавфсирав эди. Қунанбой бир тўп ишончлик, пишиқ йигитларини отлантириб уларга: «тоғ орасида юришганда бостириб бориб, ҳаммасини ушлаб келинглар!» деб буйруқ берди.

Лекин Болағози ҳам осонлик блан қўлга тушмоқчи эмас эди. Унинг йигитлари от қўйиб, йироқлашиб кетдида, битта-биттадан бўлиб, тарқаб кетишиди. Тинкаси қуриб, беҳудага от ҳоритиб қувлаганлар қайтиб келганларида, Болағозилар яна орқама-орқа келиншди ва дарҳол

Қунанбойнинг отларидан яна уриб кетишдн. Лекин бу гал кўп олмай, иккита-учта той ва бия олишди. Бу вақтда ҳалқ қистов-қистовига кўчиб келган, сигир ва қўйлари сутдан чиққан, ғоят оғир аҳволда қолган эди. Энди битта-яримга ёлғиз юрган мол дарҳол ғойиб бўлиб, очяланғочларнинг қўлига тушиб кетадиган бўлиб қолган эди.

Бу кунларда Қунанбой, яқинда Тўбуқтига келиб, сайлов ўтказадиган тўранинг йўлига кўз тутиб тураркан, Бозоралини чақиртириди. Бозорали бошқа йигитларга ўхшаб қочиб юрмасдан, эшигтан он келди.

Қунанбой янги олган ёш хотинининг уйида эди. Бу уйга энди кўчиб кирган. Уй иссиққина, худди янги ўйланган йигитнинг уйидек, безатилган эди. Тўладан келган, кулча юзлик Нурғаним гўзал, келишган жувон эди. Айниқса унинг катта-катта ўткир қора кўзлари ўзгача бир аланга сочиб, ёниб турарди. Унинг симосида ёшлиқ, соғломлик барқ уриб турар, юзи тиниқ қизил эди. Эркакларнинг бурнига ўхшаб кетадиган бурнининг ўнг томонидаги кичкинагина қопқора холи қизил юзига ғоят ярашиб турарди.

Бозорали Қунанбойнинг сўз бошлашини кутиб ўти-раркан, Нурғанимга кўп зиҳн солди, ҳайрон бўлиб ичидা: «ёлирим, буни қаердан кўриб, қаердан топиб олди» деб рашки келди.

Нурғаним одоблик, лекин ўзини озод ҳис этадиган, сўзини ўтказадиган кўринди. Қунанбой блан Бозоралига дастурхон ёздириб, чойини ҳам оқсоч хотинга қуидириб ўтираркан, эрига ҳам, меҳмонга ҳам тортинасадан қаради. Ба'зибир майда-чуйда ишларни Қунанбойга айтганда ҳам, тап тортинасадан сўзларди. Шу фе'лидан бўлса керак, эри буни «қалмоқи» дер экан. Чой ичилиб бўлгандан кейин Қунанбой:

— Қалмоқи, дастурхонингни йиғдири! Мана бу Бозоралида бироз гапим бор,— деди.

Нурғаним дастурхонни йиғдириб, оқсоч хотинга:

— Энди сен кетабер! — деди ва ўзи чордона қуриб ўтираберди.

Қунанбой сўз бошлагандан, Бозоралига қаттиқ гапирмади. Болағози блан Абильғозини Бозоралининг ўзига чақиб «ўзингни ҳам, юзингни ерга қаратадаётир; диёнотлик, ор-номуслик йигит эдинг, улар сенинг ҳам ша'нингга дор тушираётир, албатта сен уларнинг ёнини олмайсан, ёни олмассан деб ўйлайман, шундай эмасми?» деди.

Бозорали ўйланиб турмай, тикка Қунанбойнинг юзи-та қараб туриб, қисқагина жавоб берди. Афтидан бу йи-гит гапни ўрнига қўйиб, гапирадиган кўринарди. У ҳам мулоимлик блан сўз бошлаб, шошилмасдан, салмоқлик қилиб: «уларнинг ёнини оламан деб келганим йўқ, айбдор деб биламан. Айбдор деб билганим учун ҳам, ўртамизга низо' тушган. Отига ака-укамиз. Лекин тутган йўлими э бўлак. Кўришмай кетганимиэга кўп вақтлар бўлди. Лекин қўлимда амри-фармон йўқ. Шунинг учун ҳам, чора кўришдан ожизман...» деди.

Бозорали иссиқ уйда ўтириб чой ичгандан кейин юзи-даги қизил товланиб ҳусн кирди. Паҳлавондек гавдалик гўзал йигитнинг ўйчан, зийрак кўзлари ҳам, оқаринқи-раброқ турган юзлари ҳам, кишининг диққатини жалб қиласарди. Унинг кенг елкалари, барваста келган қадди-қомати ҳокисорона букилишни билмас, узун-узун оппоқ бармоқларигача ўзгача бўлиб, ўзига ярашиб, бенуқсон туғилган вужудига яна бир ҳусн қўшиб турарди.

Қунанбой шу вақтга қадар Тўбуқтидаги ёшлар ичидаги ўзи блан бунинг сингари тап тортмай, озод сўзлашадиган йигитни учратмаган эди, ичидан Бозоралининг қадди-қоматига ҳам, берган жавобига ҳам чинакам қойил бўлди. Лекин, шу таҳлитда бироз суҳбатлашиб ўтиргандан кейин, Бозорали блан слишиб кетди. Меҳмон йигитга сўзини ўтказмоқчи бўлиб: «айбдор деб биладиган бўлсанг, уларни тийиншга ёрдам қил!» деди.

Гап шу ерга келганда Бозорали: «Айбдор деб били-шими рост, ёлғон эмас, буни айтдим. Лекин уларнинг шу куйга тушишига нима сабаб бўлди? Балонииг боши нимадан чиқаёттир? У кечаги ютдан, мана букунги йўқ-чиликдан чиқаёттир. Шу балоларни бошлаётган биродарларга нисбатан зўр адолатсизлик бор, ҳамма гап шунда. Бирор олдинга тушиб оға бўлди, халқнинг бори-йўгини қоқишириб олди. Орқада қолган орқада қолаберди. Ҳечнарсага ҳадди сифмайдиганлар ундан кўп. Оқибат мана шу бўлди! Ўша аввалги оға бўлганлар омон қолди. Аввалдан туртқиланиб келганлар ҳали ҳам туртқиланганича хор-зор бўлиб қолаберди. Шуларни ўйлайдиган инсон борми? Жони ачийдиган, халқ учун жон куйдирадиган эл оғаси борми ўзи? Сизнинг олдингизга келишимдан мақсад ҳам шуларни сиздан сўраб, ўз оғзингиздан эшитиш эди» деди.

Бозорали Қунанбойнинг кейинги гапига кўнгилдаги дек жавоб бермай, гапни бошқа ёқса буриб юборди. Қунанбой Бозоралини ер блан яксон қиласидиган бир назар блан тикилганича тушунтириб кетди. Гапларининг холосаси шу эди: «худонинг хоҳиши, тақдирда ёзилгани. Ютни одам олиб келгани йўқ, уни бирордан кўриб бўладими? Қўлида борлар қарашмаётирми? Лекин қўл блан берганга қуш тўймайди дейдилар! Азамат кишининг озиғи қаноат, худонинг буюрганига кўниш керак».

Бозорали ўша «худонинг хоҳиши»га ҳам қулоқ солмай, бу хоҳиш бутун элни қон-қора қақшатиб қўйди, эл ғамхўриман дегандар кўмаклашса нима қиласди? Бу гаплар бошга тушганни кўрабер деган сўз. Ундаи бўлса, ҳалқ «худонинг хоҳиши», деб, тириклайн гўрга кираберсими?» деди.

Қунанбой Бозорали блан ортиқча баҳс-жавоб қилиб ўтиришни ўзига ор билди-да, қовоғини солиб, гапни қисқа қилди:

— Мана, сенинг ҳам олдингдан ўтдим. Энди иш бир-биримизни аямасликка қолган экан, шуни айтиб қўяйки, Болағози блан Абилғози соғ қолмайди, билиб қўйсин... Қачон айтган эди демасин! — деди.

Бозорали шу блан сўз тамом бўлганини онглади-да:

— Болағози блан ишим йўқ, нима бўлса бўлсин! Лекин элни қўрқитиб оламан деб сиз овора, сизга онглата-ман деб эл овора. Келишаолмайдиган кунга қолган экан-миз. Хуллас энди бутун умримиз талаш-тортишиш, адват блан ўтар эканда,— деб, тумоғини кийди.

Бозоралининг сўнгги сўzlари жавобсиз қолди. Бозорали шошилмасдан туриб хайрлашди-да, эшикка томон юрди. Нурғаним блан Қунанбой ундан кўзини олмай, қараб қолишдн. Бу азамат йигит орқа-боши ҳам хўп келишган, кўкрагини кўкка тираган ботирларга ўхшарди. Яна кўп саботлик, соғ дил. У эшикдан қисилиб-қимтилмасдан, кўкрагини керганича чиқиб кетди.

Қунанбой эшикка унинг орқасидан қараганича ўйла-ниб қолди, бирордан сўнг, Нурғанимга қараб:

— Қисталоқ Бозоралида бу атрофининг йигитига битмаган қадди-қомат блан савлат бор-да. Яна ичи тўла соғ, тиник фикр. Лекин шўр пешона бўлмаса, келиб-келиб, ўша қўли қисқа Қавмендан ҳам туғилладими? — деди. Қунанбойнинг сўzlарида унга нисбатан ҳам завқ, ҳам ҳасад оҳангги бор эди.

Нурғаним Бозоралининг гапларига диққат қилиб қулоқ солған эди. Эрининг бу гапи гўё уни жўрттага ўша гўзал йигитга қизиқтираётгандай бўлди. У эрининг ҳасадини бир чеккага қўйиб, завқини олди. Еш жувоннинг юраги алланучук ошиқниб, бесаранжон бўлиб қолди.

4

Элга сайловчилар келган эмиш деган хабар тарқалди. Абай Жидебойда эди. Қунаңбай уни айтдириб юборди.

Абай бу йил куз бўйи яна нуҷукдир ёлғизликни истайдиган, барчадан бегона бўлиб кеттган эди. У кўпинча дўмбирасини олиб мўнгли куйларни куйлайберар эди. Шу йил айниқса мана шу ғамгин садолик дўмбира унга ажиб бир мўнис бўлиб, қанча-қанча сирларни изҳор этарди. У «Саймоқ сариқ дар'ёси» куйини чалса ҳам, «Икки қизнинг ҳасрати», «Бўзтўрғойнинг сайраши» куйларини чалса ҳам дўмбиранинг ҳар садоси унга ўша аламлик дардларни баён қиласидиган бўлиб қолган эди. Дўмбира нималар дейди? Унинг ғамгин садосида ўша югурик туюни елдириб юрган Осон қайғининг зори, оч-яланғоч йўқсилларнинг дардида оромидан айрилиб кезиб юрган Олшағирларнинг қайғиси акс этар эди; кўриб турган аламлик ҳаётига қўнаомлай, орзусига етаолмай, зор-зор йиғлаб ўтган аламзадаларнинг дардини куйларди.

Бу кунларда Абай кўпинча шу ёз Собирбойдан зшигтан гаплари, унга ўзи айтган юксак фикрлар устнда ўйларди. Уша вақтда Собирбой унга: «кечган замон ўзининг қанча-қанча аламлик изларини қолдириб кетган, буни оқинларнинг орзусидан, созандаларнинг созидан, бастасрларнинг ўлмас куйларидан кўриш мумкин» деган эди. Абай энди ўз фикрларини ўша ўтган асрларда ҳам аламлик дарднинг тили бўлиб келган кекса дўмбиранинг ғамгин садосига жўр қилиб куйларди.

Ҳозир Абай аввалги ўйин-кулги, ёшлиқ, юриш-туриш деган гапларнинг ҳаммасини унутиб юборгандай кўринарди.

Шу кунларда Эрбўл келиб Абайнни олиб кетмоқчи бўлди. У Абайнни ўйин-кулгига чалғитиб, кўнглини очиб юбормоқчи эди. Эрбўл келган кунларда Абай «бас, бас кўнглим, бас кўнглим» деган бир узун ше'р ёзди. Бу унинг Эрбўл қизиқтираётган юриш-туришлардан ўз кўнглининг

бегоналашиб кетганинн айтиб, унга жавоб тариқасида ёзилган ше'р эди.

Дўмбирага қўшиб, шу ше'рни мунгли бир оҳанг блан қуйлаб бергандা Эрбўл Абай блан олишакетди.

— Вой хумпарей, нима бало, ёшлик давронига бирағула алвидо айтай деяпсанми? Ўзи ёшинг йигирма бешга чиқар-чиқмас бу нима қилиқ? Бу ишингга кўнадиган киши йўқ!..— деди. Абай Эрбўлнинг бундай норозилигига тушунди-да, кулиб қўйди. Абай авваллари бўш қолди дегунча юрак дардларини дўмбирага қўшиб, терма қилиб айтаберарди. Энди бирнеча кундан буён ўша: «бас, бас кўнглим, бас кўнглим»ни тутиб олди.

Гарчи бу ўлан мазмунан Эрбўлга ёқмаса ҳам, сўзлари ғоят ма'кул бўлган эди, шунинг учун ба'зан Абайга қўшилишиб айтарди. Улар бирга қўшилишиб айтаётган чоғида гўё икки новқирсон йигит жўш уриб турган ёшлигига кўпдан-кўп «Алвидо! Алвидо!» деяётгандай бўларди.

Шундай қилиб, Эрбўл қайтиб кетиш олдидан Абай яна у блан бир дардлашиб:

— Эрбўл мен кексаликни орзу қилаётганим йўқ. Шу ёшликни кўзим қияди дейсанми? Ёшликни кексаликка алишгудек унинг нима ҳузур-халовати бор? Ўзингдан қолар гап йўқ. Фақат энди болаларча ёшлик блан жўш урган шўх ёшликнинг ўрнига бир из қолдириб кетадиган ёшликни излай бошладим. Энди шунга ишқим тушиб қолди. Эндиги истакларимни билсанг эди! Бу истаклар юрагимни тарс ёрғудек бўлиб туради. Бир айтиб берарман... Эшитарсан! — деди. Бу унинг ҳақиқий сири эди.

Шу гапларнинг устида Қунаибой Абайнини ҷақиртириб қолди. Уша куни Эрбўл жўнаб кетди-да, Абай ҳам Қорашибўқига қараб ўйл олди.

Абай эл ётар чоғида Қорашибўқидаги қистовга яқинлашиб борди. Сертўқай сойда Абайнинг қаршисидан келаётган салт отлик ёлғиз одам кўринди. Новча бўйлик, иккича елкаси эшиқдек бирор келатириб. Яқинлашиб келганда қараса ўзининг иниси Ҳспон экан. Қоронғида инисини Абай эндинина таниб, ҳайрон қолди. У инисини кунда кўриб юрганида, худди шундай баҳайбат, барваста бўлиб кетганини пайқамаган экан. Ҳозир ёши ўн саккиз — ўн тўққизга чиқиб қолган Ҳспон худди Алномишиндек бўлиб кетибди. Абайга қарагандা унинг бўйи ҳам, гағдаси ҳам катта эди.

Тасирлатиб от қўйиб келаётган Успон Абайчи таниши билан тўсатдан отининг бошини тортиб тўхтади, тўхташи билан шарақлаб кулганича, гапга тушиб кетди.

— Бугун фалокат босиб, отамнинг олдига бориб қолсам бўладими? «Рўза тутаётисанми, беш вақт намозни канда қилаётганинг йўқми? Мусулмончилик фарзларини адо этаётисанми?» деб, худди мункар-накирдай терговга олиб қолди-ку. Ростини айтиб, шу айтганиларнингизнинг ҳаммасида ёввойи кийик нақадар озод бўлса, мен ҳам шундай озодман демоқчи бўлдиму, яна ботинаолмадим, қарасам чатоқ чиқиб кетадиган. Қандай қиласай «Ҳа, бўлмасамчи, ҳаммасини ҳам бажо келтираётиман» деб қоларманми! Отам хурсанд бўлиб кетиб, мени мақтаб, кечгача сарғайтириб ёнида олиб ўтиrsa бўладими? Илож йўқ. Таҳоратсанз номоз ҳам ўқидим, ёлғондан рўза ҳам тутдим, ўзи билан ўтириб ифтор ҳам қилдим. Мана ҳозир ифторга пиширилган овқатларини боблаб уриб олиб, уйга кетаётиман. Мана, кўрдингизми, отангизни шунаقا алдаб келаётган Успон биз бўламиз! — деб ҳузур қилиб кулашлади.

Абай ҳам бенхтиёр инисининг кулгисига қўшилиб кулди, лекин бу кулгининг ичидаги истиҳзо ҳам бор эди.

— Отангга ростини айтганингда бундай хурсанд бўлиб қайтмас эдику-я, ёлғон деган нарсанинг ўзи жоннинг ҳузурни эканку!.. Дурустсан! — деб йўлига, қараб кетди.

Успон Абайнинг бу тахлитда уни эрмак қилиб айтган гапларига жавоб тополмай, ағрайиб қараб турди-да, кулранг отини бир уриб чоптирганича кетди.

Абай Қорашўқидаги қистовга етганда отасининг уйига кирмай аввал Кункепинг уйига кирди, негаким, у ерда Абайнинг энг яхши кўрадиган акаси Қудойберди кўпдан бўён бетоб бўлиб ётарди.

Абай кириб келаётган пайтда баланд каравотда ётган Қудойберди йўталаётган экан. У Абайнинг келганига бениҳоят хурсанд бўлгандай кўринди. Оқариб чўзилиб қолган юзида хиёл қизиллик пайдо бўлди. Қопқора соқоли бирхил бўлиб ўсиб узайиб кетган эди. Эти бориб устихоннга ёлишган, суяк-суяги ажралиб, бутун томирлари кўкариб кўриниб турарди.

Абай акасининг бу қадар ғариб ҳолга тушиб қолганини кўриб юраги әзилнаб кетди, нарироқда туриб ешиндида, унинг олдига келиб, тўшагига ўтириди.

Дард енгиб олган бемор нағасини ростлаб ололмай, жолатдан кетиб борарди. Абай бундан ўнбеш күп олдин бир келиб кўриб кетган эди. Ҳозир bemorninги аҳволи кўп пастлашиб кетипти. Қудойберди Абайнинг қўлини ушлаб силар экан:

— Келганинг жуда яхши бўлди! — деди.

Абай икки қўли блан акасининг озғин қўлларини ушлаб ўзига томон тортди-да, юрагига босди. Иккови ҳам жим бўлиб қолиши. Лекин жигарларнинг кўнглидаги бор дарди, ҳасрати, армонини юраклари онглатарди. Бирқанча вақт ўтгач Қудойберди хаста овоз блан зўрга:

— Отангнинг олдига кирдингми? — деди.

— Ҳали кирганим йўқ. Аввал сизни кўрай деб, келдим, — деди Абай.

Шу топда Қудойбердининг учта ўғли Абайнинг келганини эшишиб юрганича салом бериб кириб келиши. Каттаси ўнбир-ўн иккига кирган Шаке, иккинчиси саккиз яшар Шубар, учинчиси Қудойбердининг кичик хотинидан туғилган ҳалиги икки ўғлидан ҳам кичикроқ Нуртоза деган ўғли эди.

Абай болаларнинг ҳаммасини бағрига олиб, юзидан ўпди. Шаке блан Шубар мактабга борабошлаган эди. Абай ҳар келганида буларнинг дарсларидан хабар олиб туради. Болалар Абайни ғоят яхши қўришарди, ҳозир ҳам бағрига кириб кетиши.д

Қудойберди Абайга ёпишаётган болаларнинг тўполнидан беҳузур тортиб, юзини четга ўғирди.

Абай унинг ҳаракатини пайқаб, болаларни алдаб-сулдаб уйдан чиқариб юборди, яна bemorninги олдига келиб ўтириди.

Қудойберди кўзи блан эшикка ишора қилиб:

— Қалай, одам бўладиганми буларинг? Бўладими? Мана бу иниларинг нима бўлар экан... Ким бўлишини... Тақдири қандай бўлишини билмайман... Қаердан била-ман? — деди.

Инисининг кўзларидан иссиқ томчилар юмалаб тушабошлади, товуши ҳам қалтиради.

— Бу менинг зиммамдаги қарз. Қўлимдан келганича, қудратим етганича бағримда ўстирарман! — деди.

Қудойбердининг ўзи Абайни юпатиб:

— Йиғлама, қўй, йиғламагин! — деди.

Иккови яна жим бўлиб, бир-бирларига қараб қолишди. Бирордан сўнг Қудойберди нафасини ростлаб, ўзини ўнглаб, бир ёнига ағдарилиб, яна Абайга қараб ётди, лекин қўзғалиши блан яна йўталди. Абай унинг кўрпасини иягигача тортиб, эҳтиёт блан уёқ-буёғини қимтиб қўйди.

Қудойберди энди гапни бошқа ёқقا бурди:

— Отанг нима учун сени чақиртирганини биласанми, Абай?

— Йўқ, Баке, ҳали билаолганим йўқ.

— Бўлмаса, бугун сайловчи тўра келган эмиш, отанг уни Жақипнинг овулига туширибди. Бўлисликка сени сайламоқчи. Билдингми? Нима дейсан?

— Узингиз нима дейсиз? Менга нима маслаҳат берасиз?

— Менинг сўзимга кирсанг,— деб Қудойберди бироз ўйланисб турдида,— бўлма! Улуғлик бир фазилат эмас экан. Буни кўзимиз блан кўрдик. Беглик кишини бузади, яна оқибати эзгулик эмас, ёмонлик бўлади. Еш умрингни зойи қилма! — деди.

Абайнинг ўзи ҳам шу фикрда эди.

— Ҳамма айтганларингиз тўғри, Баке! — деди.

— Афтидан анави Такежон сайланиш пайди юрган кўринади. Уша бўлиб, мириқа қолсин! — деди Қудойберди яна.

Бу кеч эл ётгунча Абай акасининг ёнидан силжимида. Беморнинг кўнглига қараб дўмбира олдириб келдида кўп куйларни куйлаб берди. Ҳалиги болалар ҳам келишган эди. Абай bemорнинг тинчини кўзлаб, укаларини ёнига олиб ўтириб «минг бир кеча» ҳикояларидан бир ҳикояни ҳам айтиб берди. Болалар унинг ёнидан нари кетмай телмиришганича, ҳикоя эшитишли. Ҳам созанди, ҳам ҳикояга уста оғаларини учови ҳам ғоят севишар, унинг блан бир тўшакда ётишни ҳам яхши кўришарди. Нуртоза блан Шубар иккови:

— Мен Абай оғам блан ётаман!

— Иўқ ўзим ётаман! — деб талашганича келиб икки томонидан Абайнинг кўрпасига кириб кетишли. То кўзлари уйқуга кетгунча галма-гал Абайни ўзларига тортиб, қучоқлаб ётишли.

Сайловчи тўра кечалари Қунанбойнинг уйига келиб, унинг блан узоқ-узоқ сўзлашарди. Афтидан у, сайланадиган янги бўлис тўғрисида Қунанбойнинг чизган чизи-

ғидан чиқмайдиганга ўхшаб қолди. Янги қонун, янги сайлов бўлади, деган таъништирмоқчи эди.

Бир вақтлар Аргиннинг бир округтари элини бошқарадиган оға султонлик ўрни бор эди. Қунанбой шунга қизиқиб, жон-дили блан бошлиқ бўлган эди. Қандай бўлганда ҳам бутун Тўбуқти эли «ёзса кафтида, юмса муштумида» эди.

Энди юқоридаги улуғларнинг қўли тобора узайиб бораёттир. Бутун Тўбуқтига ҳукмронлик қилиш ҳам тамом бўлди. Тўбуқти учга бўлинадиган бўлди. Унинг биттагина бўлагига бошлиқ бўлиш у қадар мурод ҳосил бўладиган, киши қизиқадиган иш ҳам эмас эди.

Ундан кўра бўлисликни қўйиб четроқда турилганда, ҳали ҳам бор Тўбуқтига ўз амрини ўтказиши мумкин. Бу бир томони, иккинчи томондан элни бошқариш ҳам оғирлашиб бораёттир. Мана бу Бозоралилар сингари бебошлар ҳам чиқиб туринти. Улар блан курашиш керак. Лекин бундай олишиш, талашишларга яна ўзи бош бўлса, ўша аввалги хусумат, аввалги адоват яна кучайиб кетади. Ўз тенги бўлган Бўжейлар блан олишиш бошқа гап эди. Энди бўлис бўлдим деб Жигитекнинг ёш-ялангти, бола-чақалари блан олишиб юриш бунга муносиб иш ҳам эмас.

Шундай бўлгандан кейин, уларга қарши бир қўли қаттиқ ёшроқ одамни ишга солиш керак. Ўз тенгги блан ўзи олишсин, болалари бўлса эр етиб қолди. Бегликни ўшаларга бериб, ўзи бир четда тинчгина ўтириб, бор фикри, амри-фармонини ўшалар орқали бериб тургани ма'қул.

Учинчидан, Қунанбойнинг ёши ҳам етмишга тақалиб қолган. Энди эр етган болаларининг ичидан ўз ўрнини босадиган одам ҳозирлаш ҳам керак эди.

Қунанбой шу томонларини ўзича ўйлаб, тарозига қўйиб, салмоқлаб кўрди-да, янги бўлисликка Абайнин тайин қилишни лозим топди. Бунинг ҳам бир ҳисоби бор эди.

Абай ота тарбиясидан четлааб кетаёттир. Унинг ҳозирги қилаётган ишлари, тутган йўли Қунанбойнинг ёнида ўтирган беомон танқидчига айлантириб юбораёттир. Айниқса кейинги йилларда шундай бўлиб қолди. Отаси Нурганимни олгандан буён Абай бутунлай унга рўпара келмай қўйди. Бу тўғрисида қолганда Қунанбой ўзича айбни Улжонга қўйиб келар эди «боланинг қўнглини мендан совитиб ўстирдинг» деб, бу йил ёзда Улжондан гина ҳам қилган эди.

Лекин, гарчи Абай отасидан йироклашиб юрган бўлга ҳам, Қунанбой унинг ақлда ҳам, ғайратда ҳам, та'лимтарбияда ҳам кўп камолга етганинги яхши билар эди. Шундай бўлгандан кейин мана шундай ўз ҳолича бошқа йўлга қараб кетаётган боланинг бўйнига улуғликни ортиб, қайириб олиш керак. Агар унинг гарданинг эл бошқаришнинг оғирлиги тушадиган бўлса, бенхтиёр отасининг измига киради. Агар, отаси ўйлаганидек, тузалиб кетадиган бўлса ўзга ёшларнинг қўлидан чала-чулпа келадиган ишлар Абайнинг қўлидан тўла-тўқис келади. Бунга ҳам Қунанбойнинг имони комил эди. Унинг Абайни бўлис қилиш керак деган қарорга келиши ҳам мана шу сингари қатма-қат ётган фикрларидан туғилган эди.

Отаси ўрнидан турли бойичаб бўлгандан кейин Абай унинг ҳузурига кирди. Уй супурилган, йиғиштирилган, топ-тоза бўлиб ҳали дастурхон йиғилмаган эди. Такежон Абайдан олдинроқ келиб ўтирган экан. У худди мўмин муллаваччаларга ўхшаб, бир чеккада тиз чўкиб ўтиради. Қунанбой икки ўғлидан бошқа ҳаммани уйдан чиқарив юборди-да, сўз бошлиди.

Унинг бутун сўзлари Абайга қаратилганга ўхшарди.

У аввал ўзининг кексайиб қолганини, яхшими-ёмонни, бутун ҳаётини турли-туман тортишувлар блан ўтказганини эслатиб ўтди. Ким учун талашиб тортишган? Шу насллари, шу болаларининг келажаги учун, Энди мана булар эр етди, ўз ишларини ўз қўлларига оладиган вақт келди. Энди булар дўст ортдирса ҳам, душман ортдирса ҳам ўз тенгдошларидан ортдириши керак. Ўз замонларининг тилини ҳам бир бўғин катта кекса кишидан кўра тезроқ онглайолади. Мана шу вазифани галма-гал олиб бориш энди икковининг гарданида. Лекин бугун биттаси бўлса, эртага иккинчиси бўлар. Йўл меники-сенники деб, сўзга боришинаин. Бўлисликка отаси Абайни лойиқ кўради. Ўшанинг бўлишини истайди...

Қунанбойнинг Абайга кўпдан буён бунчалик узоқ сўзлагани шу эди.

Абай ўйланиб қолган киши бўлиб, бироз жим ўтиради, ниҳоят томогини қириб олди-да:

— Ота, ишонганингиз учун раҳмат! Эндиgi хизматни бизга ортишига ҳақлисиз. Бундан буён елкангиздаги оғир юкни ташлашингиз керак. Тинч ҳаёт кечирадиган вақтингиз бўлди. Фақат ҳалиги айтган гапларингиз менга айтилаётган бўлса, мен ўзим улуғ бўлишдан бош тор-

таман, негаким, улуғлик ҳали менга лойиқ иш эмас. Так-лиф қилаётіаң ўрнингиз мана бу Такежонга лойиқ. Шу бўлсин!— деди.

Абай шу сўзларни айтиб ер тагидан Такежонга кўз қирини ташлади. Абайнинг гапини эшигтач у жанозада исқот кўп аталганда жилпанглаб кетадиган мушук табиат сўғига ўхшаб, севиниб, қип-қизариб кетди.

Қунанбой қайта қайта Абайга тикилиб, бош тортиши. нинг сабабини икки марта қайтариб сўради.

Абай аввало қисқагина қилиб «бўлаолмайман» деган ёди, отаси иккинчи марта қўярда-қўймай сўраганидан кейин, кўпроқ далил кўрсатди: ҳалқни бошқариш учун аввало одамнинг ўзи камолатга етган бўлиши керак. Абай бу ишга ўзини тайёрман деяолмайди. Етишмаган одамнинг қўлидаги беглик, ёш боланинг қўлидаги устарадек нарса. Ё ўзини кесиб олади, ё бирорни кесиб олади. Абай ўзини аямайди, бунга кунн қоладиган, бўйсунадиган ҳалқни аяди. Ҳалқ хизматига ярайдиган бўлиб етишганда, яна әлга фойда келтираолишига кўзи етганда, отаси айтмаса ҳам, ўзи талааб қилишга ва’да берди.

Гап шу ерга келганда, тўсатдан Қунанбоянинг фе’ли айниб кетди. Шу ондаёқ Такежонга қараб, «сен бўл» деди. У бўлса, осонгина «хўб» деди.

Мана шу гапдан ўнбеш кун кейин Такежон бўлислик ўрнига миниб, ўзини тутиб олди. Маслаҳатгўйлар ҳам етарлик эди. Бир томондан Қунанбой бўлса, иккинчи томондан Мойбосар, Жақиплар ҳам Такежоннинг қулоғига ўз сабоқларини қуюшаётган эди.

Янги бўлис шаҳарга ҳам бориб келди. У ерда Қунанбоянинг саломи блан Такежонга Тинибай деган бой йўлбошчилик қилди. Қунанбой, Семей уездининг улуғи Тинибай блан қадрдан ошна экан.

Мана шундай қўллаб-қўлтиқлайдиган одамларнинг ёрдами блан Такежон биринчи боришининг ўзидаёқ бир-қанча ишларнинг бошига бошвоқ тақиб келди. Қуначбай сайлов ўтказгали келган тўрага кўп гапларни уқдириб юборган бўлиб, бу гапларнинг энг каттаси Болағози, Абилғозилар масаласи эди.

Такежон улуг бўлиши блан, ҳалқа ўз зарбини кўрсатиш ниятида бор кучини Болағозиларга сарф қилибди. Семей уездининг янги бўлган уезд бошлиғи Такежон шаҳардан қайтган чоғида Чинғизга беш кишидан иборат қуроллик аскар чақирди. Такежон ўзи бўлисликка сайла-

ниши блан чопарларнинг биттасига Жумоғулни тайин қилиб, иккинчисига ёшгина Қарпик деган йигитни олган эди.

Аскарларни бошлаб келган Жумоғул, буларнинг келаётганини эл билиб қолмасин деб, тун кечада келди-да, уларни бўлис маҳкамасига туширди. Такежон блан Мойбосар шу кечанинг ўзидаёқ, ҳалиги аскарларнинг ёнига ўнта йигитни қўшиб, Жигитек элига жўнатди.

Илгарилар аҳёида бир бўлмаса, Тўбуқти эли қуроллик аскарни кўп кўрмас эди. Энди овулларнинг устидан яроқ-аслаҳа таққан отлнқ аскарлар ўтганда ёшу-қари, бола-чақа фоят қаттиқ чўчиди.

Бу отряд Болағози блан Абилғозиларнинг тўдасига Чингиз тоғининг ораликларида дарров йўлиқди. Булар Болағозиларни хўб қувлашди, лекин шаҳардан кўп чиқмаган, элни ҳам ерни ҳам яхши билмайдиган солдатлар бу қувлашда хийла ношудлик қилишди. Тоғ ичидаги блан чопасомай, эгарларининг қошини ушлаб, отни лўкиллатганича орқада қолиб кетишиди. Унинг устига тоғ бошидаги ҳарбир ўба¹ уларнинг кўзига фоят мудҳиш бир нарса бўлиб кўриниб, ҳа деса, дурбинини чиқариб, ўшаларга тикилиш блан кунни ўтказаётган эди. Қочқинларнинг қорасини кўриб турган Тўлепберди аскарларнинг шу таҳлитда беҳуда вақт ўтказаётганига хуноб бўлиб: «бунинг мана бу кекирдакка ўҳшаган нарсасини қўядими, ё қўймайдими? Сўйил блан бир қўйиб, учирив юборайми шунисини!» деб ғижинарди. Лекин на чора. Шундай қилиб отряд вақтни бекор ўтказиб, ҳориб қолди.

Уларнинг етаолмаслигини пайқаган Болағози отининг бошини тортиб, орқасига қараб, зиҳн солиб кўрди. Отряднинг олдига тушиб, бошлаб келаётган Иргизбой йигитлари экан. Уларнинг олдида Тўлепберди, унинг иниси Элевсиз ва Жумоғуллар кўринди. Қўлга тушмаслигига энди қочқин йигитларнинг хўб кўзи етди.

Абилғози блан Болағози иккоби йўлдошларини Чингизнинг бир торроқ сойига солиб, жўватиб юборишди. Ўзларнинг ёнида фақат Адилхонни олиб қолишида-да, бир муйилишда буқиниб, қувиб келаётганларни пойлаб туришиди.

Душман йироқда деб, бемалол от қўйиб келаётган Тўлепбердилар ўз тўпларидан хийла ўзиб кетишган эди.

¹ Уба — қадим замонларда душманни тоғ бошида туриб пойлаган вақтда кўрнимаслик учун катта-катта тошларни қўйиб, ўшнинг орқасида туриб пойланар ва қорага олинарди.

Болағози аскарларнинг олдида келаётган Элевсиз блан Жумоғулни олдинга ўтказиб юборишида, орқасидан бориб ҳужум қилишди. Уч киши бўлиб, икки-уч марта-гина ишга солинди. Кўп эпчил, кўп хийлакор Болағозилар Жумоғул блан Элевсизни эсанкиратиб қўйишиди. То улар эс-хушини йиғиштириб, дод дегунча Болағози блан Абигози икковининг сўйилларини учирив юбориб бир қўйишда отдан қулатиб туширишиди. Икковининг ҳам остидаги отини олчб жўнаб қолишиди.

Энди ҳалиги аскарлар олдинги кишиларини шу таҳлитда бир зумда юмaloқ-ёстиқ қилиб кетган душманга бетлай олмай қолди. Ҳаммаси бир тўп бўлиб туриб-турриб, шу ердан қайтиб кетишиди.

Лекин отряд тинчгина қайтмади, қочқинлар чопарнинг бошини ёриб, отини олиб кетганинг аламини тинч халқдан олди. Булар Жигитек элига келиб ўтирган Қора-раша, Қавмен овулларининг бутун қорамонини ҳайдаб кетди. Фақат бу овулларнигина эмас, уларга қўшни ўтирган Уркембой. Қорахонларнинг ҳам молини олиб кетишиди. Ҳарбир уйнинг тикилиб турган уловини ёлғизгина сигирини ҳайдаб кетишиди. Шу кунга қадар халқ бундай ишларни кўрматан эди. Ҳарқандай жазони айбдорнинг ўзи кўрарди. «Қўйни ҳам, эчкини ҳам ўз оёғидан осади» дейилар эди. Энди Такежон мисли кўрилмаган қабиҳликни бошлиб, чолу кампирларнинг, қип-қизил гўшт гўдакларнинг талчиғига чанг солди.

Бу хабар кечта қадар бутун Жигитек элига тарқалиб, шов-шув кўтарилиб кетди. «Замонга нима бўлаётир? Кундан-кунга баттар бўлаётирми? Ит аламини турнадан олади деган гап бўлаётир» деб, ваҳмага тушиб қолишиди. Сибойлос, Котибақ, Бўкенше эллари ҳам Такежоннинг бу ҳаракатидан қаттиқ норози бўлишиди. Айниқса бегуноҳ Қавменинг жафо кўриши ҳаммага малол келди. Уининг Болағозидан кечиб, айрилиб чиққанлигини ҳамма билар эди. Ана у Уркембой блан Қорахонлар бўлса, мутлақо бегуноҳ эди.

Бу ишларни кимдан кўришини, кимга айб қўйишини билмаса ҳам, бутун элда «яна бир бало пайдо бўлди» деган гап тарқалиб кетди.

Бўлис маҳкамасини Такежон ўз қистовига, Мусақулга ўрнаттган эди. Унинг атрофида тиламоч, старшин, чопарлар блан бирга Мойбосар, Жақиплардек маслаҳат-

гўйлар ҳам кўп эди. Буларнинг ҳаммаси эртаю-кеч Такежоннинг атрофида уймалашиб ётишарди. Булар Болағозининг қилган ишига аччиғланиб, Такежоннинг Жигитек элига қилган ҳужумини ўринлик деб топишган эди.

Бу отряд блан йигитлар яна бирнеча марта кечалари чиқиб, Болағозиларни излашди, лекин Болағозиларни дуч келтираолмади. Шундай қилиб, уч кундан кейин, отряд шаҳарга қайтиб кетди. Аслида бу отряд халқнинг юрагини олиб, қочқинларнинг ичига ғулғула солиб қўйиш учун чақирилган аскар эди.

Янги улуғ дўёгини кўрсатиб бўлди. Шунинг учун аскарларнинг кетишига ҳам қаршилик қилмади. Уларни жўнатиб юбориб, энди «приговор» йиғиб, қоғозларни маҳкамлатиб, шаҳарга шикоятнома юборишга ҳозирланмоқда эди.

Такежоннинг аскар олиб келганига Абай жирканиб қаради, унинг бутун элни ўчакиширадиган бу ҳаратини Жидебойга келган одамлардан эшитиб отига минди.

Абай Мусақулга келса, Бозорали ҳам ўша ерда экан. У, Абайнинг олдида Такежонга ёпишиб:

— Олишадиган бўлсанг ўша бебош тентакларнинг ўзи блан олиш, усиз ҳам мажоли қолмаган элда нима ҳақинг бор? Хотин-болаларимизни очдан ўлдирмоқчи бўлмасанг, олган молингни қайтар! Уларнинг тирикчилги фақат ўша сен олиб кетган битта яримта соғим сиғири блан қорамолига қараб қолган. Сўзга қулоқ сол, биродар... — деган эди, Такежон тўғри жавоб қилмасдан, ғазабига олди.

— Бу ҳали ҳеч гап эмас, Болағози блан Абилғозини қўлга туширмагунча қўймайман. Элни таҳлика остида қолдираётган мен эмас, ўшалар! — деди.

Бозорали жаҳли чиқиб:

— Демак, Болағози қўлга тушгунча бутун элнинг бўйнiga сиртмоқ солиб, ипга чизиб қўяман дегин! — деди.

— Сен қаёқдан орага тушадиган бўлиб чиқдинг? Сени бундай бий қилиб қўйган ким экан ўзи? Болағози учун кафил бўл деб, жавобгарликка тортмаётганимга шукур қилиб, оғайнингарчилик қилаётир демайсанми? Ҳақиқатини билмоқчи бўлсанг, айтақолай: Агар Болағози тинчимайдиган бўлса эндиги ўтда сен ўртанасан, билиб қўй, қутилмайсан! — деди Такежон.

Бозорали унинг дағдағасини писанд қилмади.

— Ерабби, ақл ўргатадиган ақл әгаси бўлган одам блан сўзлашаётирман деб ўтирсам янгишган эканман, сен ҳам бетайин экансанку. Асли ўша чопаринг Жумоғулнинг жавобини эшишиб кетаберсам бўлар экан! — деди-да, туриб кетди.

Абай Такежоннинг бу ишлари нотўғри эканлигини ўзига онглатиб, сўзлашиб кўрмоқчи бўлган эди, акаси: «аралашма, ишинг бўлмасин» деб уни ҳам қаттиқ жеркиб ташлади. Абай кечгача шу маҳкамада ўтириб ҳозирлангаётган қофозларнинг ҳаммасига диққат қилди. Бу тайёрлангаётган ширкоятномалар ҳам, бошқа муҳир босилган қофозлар ҳам Жигитек эли йигитларининг шўри учун ҳозирлангаётган экан. Бугун кечқурун Семейга жиғалик почта жўнатилмоқчи экан, буни ҳам билиб олди.

Абай шу кўрган-билгандарининг ҳаммасини Бозоралига айтаркан:

— Афтидан бу расволар яна бир балони бошлайдиган кўринади. Яна бир ўша Тўкамамбет, Мусақул жанжалини кўришмагунча тинчимайдиганга ўхшайди. Лекин эл бу ишлардан ҳайиқмасин, қўрқмасин, Базаке, бу ҳали шарпагина, ҳали довул бўлмайди! .—деди.

Бозорали ўзининг ноилож келганини Абайга айтди. Молидан айрилган оч-яланғоч эл бунга ёпишиб, ҳеч бўлмаса бориб олдидан ўтиб кел деб юборган экан.

Абай Бозоралини тўхтатиб қўйиб, Мойбосар, Жақип, Такежонларни ҳоли ерга чақириб олди-да, қаттиқ ғазаб блан: «эр блан эрларча олишишдан енгилиб келиб, ботирлигингни хотин-болага кўрсатасан. Ўзи кечагина ютдан чиқиб, қаҳатчиликка учрай деб турган элнинг оғзи-даги сўнгги парча нонини юлиб олиб, яна қайси бетларинг блан юрибсан? Ҳали шунинг ўзи блан суд олдида бошларинг кетмайдими? Бутун элни таҳлика остида қолдираётисиз. Шу ишларингдан қайтмай, омон қолиб кўрчи қани?» деб Такежоннинг ўтини ёриб юбориб: Мойбосарга ҳам: «сенлар кўрсатган ақл шу бўлдими? Ҳеч бўлмаса, сенлар уялсанг бўлмайдими? Ҳозир элнинг молини ўзига қайтариб бер!»— деб, буйруқ омиз гапирди.

Абайнинг бу сўзлари Такежонга хўб кор қилди, қаршилик қилишга ботинаолмади, негаким, ўша куни отасининг Абайга сен бўлис бўл деб кўп ёпишгани эсига тушди. Агар бу масалада Такежоннинг иши ўринисиз бўлиб, Абайнинг гапи дуруст деб топиладиган бўлса хатар кўп. Қунанбой улуғликни бундан олиб Абайга бериб қўядими,

нима қилади? Ҳеч бўлмаса бу иш важидан отасининг фикрини билганда ҳам майли эди. Ҳозирча у томондан ҳеч хабар йўқ. Отаси бунинг Жигитек элининг бошига солган кулфатини ма'қул кўрдими-йўқми — ма'лум эмас. Шунинг учун Абай блан олишмади, ўйланиб ўтирган киши бўлиб қўяқолди.

Ҳарқалай Абайнинг бу ғазаблик гаплари улар учун осон гап бўлмади. Мойбосар блан Такежон парво қилмаган бўлса ҳам, Жақип ўйланиб қолди. Энди ўзаро маслаҳатлашганинида Жақип:

— Болағози блан Абилғозини улуғга ҳайдатиб юборай деб турибмиз-ку, шуларнинг қофозини пишиқлатиб, тезроқ Семейга жўнат. Ҳарқалай бевошлиқ қилаётганларнинг ўзига ёпишайлик! Ҳалқнинг молики қайтариб берайлик! — деди. Шу блан Бозорали келган ишини бартараф қилди-да, бегуноҳ ҳалқнинг молини олиб кетди. Лекин, овулига боргандা Такежондан эшигтан ножӯя гапларининг ҳаммасини Жигитек элига батафсил айтиб берди.

Шу блан бирга Болағозиларнинг устидан юборилган арза қофозларини ҳам айтган эди.

Бозоралининг ўзи блан сўзлашмайдиган Болағозилар шу кунларда кечаю-кундуз Қорашанинг овулига одам юбориб, хабар олдириб турнишарди. Орадан уч кун ўтгач Чинғиз элига тўсатдан бир кутилмаган хабар тарқалди. «Такежон бўлис Семейга юборган жиғалик почта таланиби, қароқчилар Тўбуқти ерида эмас, Уоқ ерида Муқир деган жарнинг рўпарасида учрабди. Энди яна бир бало бошланади» деган гап тарқалиб кетди.

Болағозиларнинг устидан юборилган арзалар ҳақиқатда жиғалик почта блан жўнатилган. Такежоннинг почтаси салт отлиқ уч йигитдан иборат эди. Булар олиб бораётган хуржуннинг икки кўзи, булфор сумкалари лиқ тўла қофоз эди. Тумоқларининг олдига жиға қистириб олган Жўмогул, Қарпиқ ва бир ёш отбоқар йигит Мусакулдан чиқишилари блан от қўйиб кетишли. От ҳориганда булар сабрсиэлик блан «жиғалик, жиғалик почта» деб, типирчилаганларича, дуч келган одамнинг пишиқ отини миниб жўнашарди.

Мана шу чопарлар бир кечаю-бир кундуз йўл босиб, энди шу кеча Семейга кириб борадиган бўлиб, Муқир деган жарнинг рўпарасида кетишсаётган эди. Шу пайтда уларнинг қаршисидан учта салт отлиқ одам келаберди. Булар чопиб бораётган чопарларга қараб тўғри келишди-

да, ҳалигиларнинг орасига биттадан сүқилиб бир зумда Жумоғулларнинг ёқасидан олиб, отдан улоқтириб ташлашди. Булар келиб биз блан олишади деган гап ҳаёлига ҳам келмаган чопарлар буларни оддий йўловчи деб бепарво кетишаётган эди.

Уч йигитни учтагина йигит отдан улоқтириб урдя. Юзларини қора латта блан танғиб олган душманлар бирон оғиз сўз қотишмади, почтанинг хуржунини, сумкаларини төртиб олишди-да, жўнаб қолишиди.

Бу ишни Адилхон қилган эди. Гандаси тўрт бурчак шаклида бўлиб, ғоят абжир, ҳийлакор Адилхон бу почтанинг кетига тушиб келаётган эди. Булар Жумоғуллар блан орқама-орқа келиб, чопарлар чой ичамиз деб Кўчкенибойнинг овулида ҳаяллаб қолишганда, Адилхон ёнидаги Наймандан келган иккита азамат йнгити блан олдинга ўтиб кетишган эди. Булар уч киши бўлиб, бир зумда ишни бажарди-да, яна Чинғизга қараб қайтиб кетишиди. Қонунга қараганда бу ишнинг оқибати ёмон бўлишини, почтани талаш блан қочқинларнинг ҳолини енгиллаштириб бўлмаслигини Адилхон ҳисобга олматаш эди.

Чинғизнинг нариги ёғида Сибон блан Тўбуқти яйловининг чегарасида уч камбағал овул бор эди. Болағозилар блан Найман йигитларининг бир макони шу овуллар эди. Болағозилар бу овулларга келган пайтда, одамлар очарчиликка йўлиқиб сичқон овлаш блан кун кечириб, қийналиб турган эди.

Болағозилар келиши блан бу овулларга тўқлик олиб келишиди; соғишга сигирлар, минишга отлар беришди.

Мана шу овулнинг четроғидаги бир уйда Болағози блан Абильғозилар ётган пайтда Адилхон ҳам келиб қолди.

Йигитлар Адилхоннинг қилган ишини мақтаб, ўқин маслика ундашди. «Энди бўлис яна шаҳарга югуради. Яна қайси кунги сингари тўполон кўтариб, шаҳардан аскар олиб чиқади. Унгача бу ерда ит ётадими? Уч-тўрт кун отларни тиниктириб, озиқ-овқатни ғамлаб, ҳозирлик кўриб олайлик-да, уриб Найманга жўнаб қолайлик. Ҳадемай қор ҳам қалин тушиб қолади. Ез чиққунча ўша ерда бўламиз. Унгача бу хатарлик ишлар ҳам хийла эскириб қолади» деб, маслаҳатни шунга тиндиришди.

Лекин Қунанбой буларга қараганда ҳисобини пишиқроқ қилган экан. У Такежонга қўшиб Иргизбойнинг

бутун катталарнни, ҳатто Бойсол, Суюндикларни ҳам чақириди.

— Ҳаддидан ошган кўринади Болағози! Уни ерга тиқмагунча қўймайман! Қани, энди биттаси орага тушиб кўрсинчи! Чапгалимдан олиб кўрсинчи! Уша қочоқларнинг ҳаммасининг ҳам умрини қувғинда чиритаман! Агар шундай қилмасам Қунанбой отимни бошқа қиласман!— деб вайсаб кетди. Йигилганларга маслаҳат ҳам солмади. Үз аҳдини айтиб, улардан фотиҳа олгали чақирирган экан. Уша куни Қунанбой йигилган одамларнинг олдида жўрттага Такежонга «тездан шаҳарга бор, аскар олиб кел, қириб ташла бу тентак элни» деб буйруқ берди.

Халқ тарқалди. Катталарнинг ҳаммаси Болағозиларга ўхшаб, шаҳардан аскар блан улуғ келишини кутди. Лекин Қунанбой халқа шундай гапни тарқатиб юбориб, ҳудди шу кечанинг ўзида ўттиз йигитлик лашкар тўплади. Ҳудди шу кечада Адилхон ҳам шерикларнинг ёнига етиб борган эди.

Қунанбой ўттиз йигитнинг ёнига беш-олтита този қўшиб бериб, қуролларини ичидан тақтириб, бир соатнинр ичидан уларни Чинғизнинг нариги ёғига жўнатиб юборди. Болағозиларнинг ётоғини Такежонлар билмаса ҳам, уйда ётган ерида Қунанбой билиб олган эди. Лекин шу кунга қадар ҳечкимга сирбойбермай, ҳечнарсани билмаган киши бўлиб юрган эди.

Қунаибой юборган бу йигитлар тонг отиб келаётган пайтда атроф-атрофдан бориб, уч қистовни қуршаб олишди.

Болағозиларнинг соқчиликка қўйган йигити този эргаштириб тоғдан ошиб келаётган отлиқларни кўрганда, овчилар деб ғафлатда қолди, чунки қор қалин тушмагунча Чинғизнинг устида тулки овлаб юрадиган овчилар кўп кўринар эди.

Шундай қилиб, шу дамгача ботирликда ҳам, эпчилликда ҳам ҳечкимдан қолишмайдиган Болағози қопқонга тушиб, осонгина тузоққа илинди.

Қунанбой одамларнинг бошлиғи Изиқутти эди. У каттакон, ўткир қиличини ялангчоchlаб олиб бор йигитлари блан Болағозилар ётган уйга босиб кирди. Улар кирганди Болағози уйқуда, ҳамма йигитлари ҳам бепарвоётарди. Булар ҳаммаси бўлиб ўн киши экан.

Изиқутти қиличининг орқаси блан Болағозининг ёнбoshига уриб уйғотганда. У бошини кўтариб:

— Э, аттанг, шу қадар фафлатда қолибманда! — деди.
Айтган гапи шу бўлди, ҳаммаси бирдан қўлга тушди.
Изиқуттилар буларни эшикка олиб чиқиб, иккита-ик-
китадан қилиб отга мингаштирнишди. Ҳар тутқунга учта-
дан, тўрттадан йигит тўғри келди.

Изиқуттининг қиличи Болағозининг елкасидан нари
кетмади.

Қунанбойнинг лашкарлари буларни ҳеч ерда тўхтат-
май, тўғри Чинғизга қараб ҳайдаб кетишди. Қўлга туш-
ган ўл йигитдан шу кун кечга қадар фақат Абилғозигина
қочиб қутилди.

У орқасига мингашиб кетаётган йигит блан секин
маслаҳатлашиб олди-да, орқада қолабошлади. Уларни
ҳайдаб келаётган Қунанбойнинг йигити, кечадан буёи
юришдан ҳориб, мудроқ босиб кетаётган эди; қўлидаги
чўқморини тақимига қистириб қўйган эди.

Йўл бир қинғир-қийшиқ тошлоқ сойга еттанди Абил-
ғози бир чанг солища ҳалиги йигитнинг чўқморини тср-
тиб олди; бир юлқиб ўзини отдан ағдариб юборди-да,
ирғиб унинг отига миниб олди.

Отдан қулаб тушган йигит эс-ҳушини йиғиштириб,
иккинчи тутқуннинг тагидаги отнинг тизгинига ёпишга-
нича қичқирабошлади.

Шу пайт Абилғози орқага^{*} қайрилиб, отнинг бошини
қўйиб юборганича учиб кетди. То олдингилар билиб,
қий-чув қилиб, бир маслаҳат топтунча Абилғози йироқ-
лаб кетди. Кеч қоронғиси қуюқлашиб келмоқда эди. Изи-
қутти биттасининг орқасига тушаман деб, бирнечтасидан
айрилиб қолмаслик учун йўлда давом этди.

Изиқутти бутун одамларни тўплаб ҳайдатганича, Бў-
кенше давонидан оширди. У асиirlарнинг Қорашибўқидаги
Қунанбой қистовининг ёнидан олиб ўтмоқчи эди. Ӯша-
ерга яқинлаб боришганда, Тўлепбердини чоптириб, Қу-
нанбойга хабар қилди. Ӯгриларни ушлаб келаётганларни
айтиш блан бирга, Қунанбой қочқинларни кўрадими,
уларга берадиган саволи борми — шуни билиб кел деб
юборган эди.

Қунанбой Тўлепберди келтирган хабарни эшишиб:

— Мусақулга олиб боринглар, Такежон блан тило-
мочга айт, шу кечадан қолдирмай ҳаммасини Семейта
жўнатсин, ҳаммасини аравага солиб, пишиқ-пишиқ соқ-
чилар блан тўғри олиб бориб, турмага тиқсан, иккиланиб
ўтирмасин! Уларга аталган насиба шу! — деди.

Такежон Семейга кетмаган эди. Гарчи Қунанбой кечаги йиғинда халқнинг кўзича унга «Семейга бор» деб буйруқ берган бўлса ҳам, кейин ўзига: «ўзинг борма, бирорни юбор» деган эди. Тутқинларни маҳкамага олиб келишлари блан Такежон ҳаракатга тушиб қолди. Қунанбойнинг буйруғини ўрнига қўйиб, шу кечанинг ўзида тутқунларнинг ҳаммасини Семей турмасига жўнатди.

Шундай қилиб то эл-юрт Болагозиларнинг қўлга тушганлиги ҳақида аниқ хабар эшигунча тутқунлар йироқлаб кетди.

Бу кунларда Қунанбой блан янги бўлиснинг фе'л-атвори чангалига сичқон тушган мушукка ўхшарди: ошиниб босар-туарини билмай, ўзини йўқотган, жуни ҳурпайиб, башарасидан дўзоҳ ўти сочилиб турар, сўзлайдиган бўлса ҳаммаси ҳам қопиб сўзларди. Икки-уч кундан бўён атрофдагиларга:

— Адилхон почтани талапти!

— Бу нима деган гап!

Пошшоликнинг қоғозларини йўқотиб, Такежоннинг боши балюга қолсин деганлари-да!

— Бир балога йўлиқиб, йўқ бўлиб кетсин деганлари-ку! Бундай шумликни кўрган одам борми ўзи? — деб, шов-шув кўтариб юриши.

Лекин ҳақиқатга келганда, бу гаплар, бу ҳовлиқишлилар нақадар дағдагадек бўлса, шу қадар сохта эди. Бу шов-шувни кўтаришдан мақсад бошқа эди. Шу кунга қадар қанчалик қасдлик, жанжал бўлганда ҳам бу элда бирорни турмага қаматиш, бадарға қилиб каторгага юбориш деган гапларни ҳечким эшигтан эмас эди.

Эрта-индин ҳамма эс-хушини йиғишириб олгандан кейип, ўёқ-буёғини ўйладнган пайт келганда, бу иш ҳамманинг кўзиға мисли кўрилмаган қабиҳлик бўлиб кўринишини Қунанбой жуда яхши билар эди. Мана шу ўзларини ҳаммага совуқ кўрсатадиган қилмишларининг юзини ёпиб қўйишилик учун ҳалигиндай шов-шув гапларга зўр беришаётган эди.

Илгари, ўз замонасида бундай ишларни қўлламаган Қунанбой энди Болагозиларнинг даврига келганда қабиҳликнинг чўққисига минди. Бундай қилишининг сабаби Жигитекларнинг мана шу ёшлари бошлаган ишнинг негизидан ғоят қаттиқ чўчиши эди.

Қунанбой ичидан Болагозиларнинг ишига ўғирлик деб баҳо бермас эди. Бу ишга у, халқ норозилиги, асослики,

негизлиқ, қаршилик деб баҳо берди. Қайси куни Бозор-али айтиб кетган гаплар блан Болағозиларнинг ишини йилаб кўрилса иккиси ҳам бир негиздан чиқади. Болағозиларнинг кўпчиликка тегмай, танлаб-танлаб тегишлиари, яна, айниқса, Ирғизбойлардек тўпларга тегишлиари ҳам шуни кўрсатиб турарди. Камбағал ва қашшоқларга тегмаганлари учун кўп элнинг ичидаги улардан хурсанд бўлганлар тобора ортиб бормоқда эди.

Очарчилик, йўқчиликнинг чангалида турган эл уларга элашиб кетса, унда нима бўлади? Шундай хаёлларга борган сайин Қунанбойнинг юраги арзиқиб кетарди. Шуннинг учун ҳам бор кучини сарф қилиб, Болағозиларга қаҳри-заҳрини тўкиб, уларни бутунлай йўқотиб юборишнинг пайига тушган эди. Шундай йўллар блан у халқнинг юрагини олиб, бўйсундириб олмоқчи эди.

Лекин Қунанбой бу сирви нақадар пинҳон тутмасин, эл ичидаги буни сезганлар ҳам бор эди.

Болағозиларга нисбатан қилинган бу тош юраклнк кўпчиликка ма'қул тушмади, аксинча ҳайдатишни, банди қилишни қабиҳлик деб билди. Бойсол ва Суюндиклар на у фикрга, на бу фикрга қўшилаолмай, оросатда қолишиди. Булар ҳам моливи олдириб, зиён кўрганлардан, шуннинг учун ҳам улар Болағозиларнинг ишига ўзларича баҳо беришди.

Бу кунларда Қунанбой, Жигитекларни, айниқса Бойдалини қаттиқ кузатар, ўша томонда бўлаётган ишларга, гап-сўзларига ер тагидан қулоқ солиб турарди. Бутун Жигитек эли норозиликка томон юз тутди. Бўлис тутқунларни шаҳарга жўнатди деган гапни эшитгандан кейин Бойдали ҳам тўнини тескари кийиб, юзини сидириб ташлади, ғазабини очиқ билдириди.

— Қунанбойни ўйлайдиган, уяладиган вақти ҳеч бўлмас экан-да! Уз қўли блан, ёр-дўстлари ёрдами блан жазо берса ким нима дерди? Эл-юртга нима дейди? Бу иш бўрига ўхшаб, ўз боласини ўзи егани. Жигитекнинг эндиғи ёшларининг ҳам бошига битган жаллод бўлди яна!— деди.

Бу гапларни Бойдали Қунанбой эшитса эшитаберсин деб айтган эди. Бир эмас, бирнеча марта айтди. Қунанбой бу кайфиятни бости-бости қилмоқчи бўлди, энди зулмини аввалгидан ҳам кўпроқ ўтказиб босмоқчи бўлдида, Жумабойдан:

— Жигитеклар ўғриларнинг ёнини олиб, ўғриларга шерик бўлмоқчи бўлса керак. Шундай экан, қочқинларга жони ачийдиганларнинг ҳаммаси жазолансин! — деб, Такежонга айтиб юборди.

Бу хабарни олгандан кейин Такежон блан Мойбосарлар Жигитеклардан ўн йигитни эмас, ўттиз кишини хатга олди. Буларнинг ичida Қораша, Қавмен, Уркембой, Қораҳонлар ҳам бор эди. Хуллас энди хатга молини қайтариб олганларнинг ҳаммасини тиркашди. Шунинг ўзи блан чегараланмай, Бозоралини ҳам қўшиб қўйишиди. Мойбосар Такежон блан ўзаро маслаҳатлашиб ўтириб:

— Почта таланганини биласанми? Эсингга ол-чи! Почта юбориладиган куни Бозорали келиб, ҳамма ишдан хабардор бўлиб кетган эди-а! Элига бориши блан Адилхонни ҳам ўша отлантирган. Ўша куни келгандა юзимизга айтиб кетган гаплари ҳали эсимдан чиқмайди! Шубалоларга Бозоралининг ўзи бош. У кўринишда мўмин бўлгани блан хўб ичидан пишган нарса! — деди.

Такежон ҳам Бозоралидан ўша куни эшитган даккиларини эсига олди.

— Кўрмайсанми, — деди Мойбосар яна, — ўзига ҳечкимни тенг кўрмай, оғиз очиргали қўймай, оёғининг учида кўрсатиб кетишини. Болағози ҳайдалиб кетса, эртага орқасидан йўқловчи бўлиб чиқиб, халқ ўртасида фитна кўтарадиган ҳам шу! Юришини кўр!

Мойбосарнинг гаплари Такежонга ҳам ёқиб тушди.

— Бу маслаҳатингиз хўб кўнглимга ўтиришиди. Қийноқка олганда ҳам, боллаб шуни олиш керак! — деб хатга Бозоралини ҳам тиркаб қўйди.

«Жигитекдан яна ўттиз киши хатга тушибди» деган хабарни эшитгандан кейин Бойдали Бозоралини ўз овулуга чақиртириб олди-да, иккови холи ўтириб, хўб сўзлашди. Бойдали энди ёрилиб, кўпдан буён ичига солиб юрган гапларни тўкиб солди:

— Болалигимдан буён ношудлигим орқасида нуқул ўқинаман. Қунанбой ёқдан ўтга ўртанганда доим уқувсизлигимдан ўртаниб келаётирманда! Бугун яна шунинг азобини тортаётирман. Эз бўйи Қунанбояга қўшилиб, ўзимиз ҳам Болағозиларни ўғри эди, бебош эди деб қувлашмадикми? Мана бугун ўйлаб кўрсам, шўрликлар ўғирлик эмас, қаҳрамонлик қилиб юрган экан, аввалги дардларнинг ўчини олаётгая экан. Оч-ялангочларнинг ичida бирор одам шуларни қарғаётирми? Энди ўғри демайман!

Мардлик қилиб чиққан жигарларим, ўз вужудимнинг бир бўлаги деб ҳисоблайман! Қунанбойнинг бугунги қилаётган ишлари биратўла кўзимни очиб қўйди. Қавмен блан Уркембойгача хатга тушибди, яна ким қолди? Кимни смон қолдиради дейсан? Қани, сен бориб билиб кел-чи, яна душманлашамиزم? Яна олишамизми? Такежон блан Мойбосарнинг ваҳшийлигини ўзи ҳам ёқладидими? Нима дер экан? Жигитекларнинг айтадиган саломи ҳам, гапи ҳам шул Сен ҳозир отга миниб, Қунанбойнинг олдига бор. Гапнинг уддасидан чиқасан. Юрагингда ўт ҳам етарлик. Қилғаним-қилған дейдиган бўлса, аяма! Биратўла тўкиб сол!

Бойдалининг бу гаплари Бозоралига ма'қул тушди-да, отга минди. Лекин аввал Қорашибўқига бормай, Мусақулга йўл олди, негаким, ҳали булар Жигитеклардан хатга тушган ўттиз кишининг кимлар эканлигини билишмас, фақат Қавмен блан Уркембойлар ҳам бор эмиш, деган гапни эшитишган эди холос.

Бозорали йўлда кетатуриб бўлис маҳкамасига боришдан айниди-да тўғри Жидебойга қараб кетди.

Абай уйида экан, у кеча Такежон блан Мойбосарнинг яна ҳаддидан ошиб бораёттанини эшитиб:

— Бу тентаклар юртнинг бошига яна қандай фалокат келтирмоқчи!— деб ғижиниб ўтирган экан.

Абай бугун кимлар хатта тушганини билиб кел деб Эрбўли Мусақулга юборган экан.

Бозорали эндиғина келиб, ўз ишлари тўғрисида гап бошлиши блан Эрбўл келиб қолди. Эрбўл жифи-бийрони чиқиб, тутақиб келди. Лекин Абай, қани нима гап деганда, гап бошлайолмай, тўхтаб қолди. Бозоралидан хижолат қилаётгани очиқ кўриниб турарди. Абай қўярда-қўймай:

— Қандай хабар топиб келган бўлсанг айтабер. Нимадан хижолат қилаётирсан?— деган эди, Эрбўл шундан кейингина ёрилиб:

— Шу Такежон блан Мойбосар борми, элнинг бошига етадиган бўлди. Ўт қўйиб юбормагунча тинчимайди!— деб қўйди-да, хатга тушганларни бирма-бир айтабошлиди. Ўмр бўйи ўғирликнинг кўчасидан ўтмаган бирқанча кексалар, ёшларни ҳам хатга олишган экан.

Ҳаммадан ҳам Абайга Бозорали масаласи кор қилди. Буни эшитиши блан:

— Нима! Нима қилмоқчи бўлаётпра, бу ҳовлиқма кўрлар!..— деб, камоли ғазабидан рангги ўчиб кетди.

Бозорали ўзининг хатга тушганини шу топда эшилди. Унинг юзида на койиш аломати акс этди, на ранжиш, аксинча, хандон ташлаб кулиб юборди. Абай блан Эрбўл унинг кулганига хайрон бўлиб қарашган эди, Бозорали ғазабидан бўғилиб мурдадай оқариб, кўкимтири товлаб кетипти.

— Бугун Бойдалининг ўкинаётганини эшилган эдим. Энди ўкиниш навбати ўзимга келди. Тўпидан айрилиб, ёлғиз изғиб юрган бўридек юришим обрў бўлдими? Такежонлар ўғри демасин деб ўзимни четга тортиб юрган эканманда. Болағозилар ўғри эмас, бузук ҳам эмас эди, Абай. Қилган ишларининг ҳаммасини энитиб, билиб турибсизларку, улар юртга ма'lум ўғриларми? Қани айтингларчи!

— Ўғри эмас.

— Бузук ҳам эмас, бу гапинг тўғри! — деди Абай блан Эрбўл.

— Шундай экан, ўшалар кетганда бирга кетмай, нима қилиб санқиб юрибман? — деди Бозорали.

Эрбўлнинг ҳам кўнглида ўкинчи бор эди. Бугун Такежонларнинг фе'ли-авторини кўриб, йўл бўйи шуни ўйлаб келган эди.

— Аттанг, Абай қайси куни отанг бўлис бўл деб ёпишганда, бўлмайман деганингни қарай? Ҳеч бўлмаса элга жонинг ачир эдику, халқ ҳам бу аҳволга тушмас эди. Мана энди кўраётган кунимиз шуми? Буларнинг қилаётган ишига киши номусдан ерга кириб кетгундай бўлади. Бўлис бўлмай, халқа қилган яхшилигинг шуми? Айтмай қандоқ чидайди киши? — деди. Бозорали ҳам Эрбўлнинг сўзини қувватлаб:

— Бу гапинг тўғри, ҳеч бўлмаса ҳақиқатни ёқлар әдингку! — деди.

Абай даминин чиқармай ўтиради. У бўлис бўлмаганига эмас, отасининг зарбидан ўз бошини қутқараман деб, Такежоннинг бўлис бўлишига қарши турматанига ачинарди.

Такежон бир онадан туғилган жигар деб аталса ҳам, энди Абайнинг кўзига шу қадар ёт, шу қадар совуқ кўринди. Буидан олдинлар ҳам Абай Такежон блан бир-нечча марта синашиб юрган эди. Борган сайнин бир-бирини онглаш эмас, узоқлашиб, бегоналашиб бораёттир. Афтидан келгусида кўп олишишга тўғри келадиган кўринади. Эҳтимол бу ишлар ўша олишишниң бошидир. Бун-

дан буён буқиниб ўтириб бўлмайди. Абай Бозоралига, унинг атрофидаги бегуноҳларга ачинади. Агар ҳақиқатда ачинар экан, қараб туриб бўладими? Белини боғлаб, бу ишга аралашиб, талашиб тортишиб кўради. Абай ҳозир ўйлаб шундай қарорга келди. У Бозоралининг ҳалиги гапдан кейин, шундай хаёлларга бориб, бироз ўйланиб ўтириди-да:

— Базаке, агар сизнинг оқлигингизни ёқлаб ўртага тушмасам инсон бўламанми? Ўша Такежоннинг кучи элда эмас, шаҳарда экан-ку. Эндиги толимизни шаҳарда синаб кўрамиз. Мен эртага Семейга жўнаб кетаман. Шу ишлар бартараф бўлгунча, йўқловчингизнинг биттаси ўзим бўламан! — деди.

Бозоралининг шодлиги ичига сиғмай, Абайдан миннатдор бўлиб, унга тикилганича, ўрнидан турди.

Бозорали бу овулдан излаган нарсасини топиб, нижтига етгандек, кўнгли кўтарилиб кетдида, ўша онда кетмоқчи бўлди; овқатга туринг деганларига ҳам қулоқ солмай, тезгина отланди-да, Қорашибўқига қараб йўл олди.

Бозорали Қунанбойнинг овулига эл ётар пайтда етиб борди. Нурғанимнинг уйи холи, ҳечким йўқ эди. Лекин Қунанбой Бозоралининг келганини эшигтанда:

— Нариги уйга олиб киринглар, ўша уйга дастурхон ёзиб, ўша ерда кутнинглар! — деди. Бозорали ёлғиз ўзи ўтириб, мәҳмонхонада оқсоҳ хотин қуйиб берган чойни ичди-да, сўнг сиртқи кийимларини шу уйда қолдириб, эгнида яланг қават камзул блан бош яланг Қунанбой ўтирган уйга кириб келди.

Нурғаним эртак айтишга кўп уста эди. Қунанбой ёш хотинига эртак айтдириб, оёғини уқалатаётган экан. Йигитнинг саломига тилар-тиламас алик олди.

Лекин Бозорали бу келишида Қунанбойнинг қош-қоғига боқиб сўзлашгали келган эмас эди. Унинг юзида тортиниш, қисилишдан асар ҳам йўқ эди. Юзларининг оқи оқ, қизили қизил бўлиб, бамайил-хотир ўтиради.

Нурғаним унинг юзига тикиларкан, дам оқариб, ранги ўчиб, дам қизариниб ўтиради. Бозорали гапни аввал Такежоннинг қилиғидан бошлади. Бегуноҳ элнинг кексаларини, она сути оғзидан келиб турган ёшларини қаторлаштириб хатта солиб, шўрини қуритмоқчи бўлаётир. Бу ишларни Қунанбой қариб қолди, кўзи кўр, қулоғи кар, амри-фармони ҳам ҳечнарсага ўтмайди деб қилаётирми? Шундоқ отанинг кўзи ҳаёт туриб, шунчалик ишларни қи-

лишга Такежон блан Мойбосарнинг қандоқ юраги бетлаётир?» деди.

Қунанбой қисқагина қилиб: «Такежонга бордингми, ўзи блан сўзлашдингми?» деб қўяқолди.

Бозорали унинг олдига бормаганини, лекин бутун гапни тайинлик одамдан эшитиб, аввал шу ерга келганини айтди; хатга тушган одамларни ҳам бирма-бир айтиб берди. Бойдали айтиб юборган гапларни ҳам батамом етказди. Такежон ўз жигарини ўзи ғажийдиган бўри бўлаётир, кетгандарнинг ҳаммаси ўлимга кетаётир, Такежон бу қариндошларидан мангуга айрилаётганини билиб қўйснин, уларнинг ёнига кафандарнини ҳам қўшиб берсин, бу ерда оч-яланғоч паносиз қолаётган бола-чақанинг ҳам гўрини қазита берсин, лекин мана шундай душманликка худди шундай қасдлик қайтишини ҳам билиб қўйснин, қасос қайтар деб ҳеч ўйладимми»— деди ва жавоб кутаётгандай, бир нафас жим бўлиб қолди.

Қунанбой бу гапларнинг тагида қандай гап борлигини дарҳол тушунди-да фе'ли айниб кетди. «Куч кўрсатгали келибсан-да! Куч деганин одам тил блан кўрсатмайди. Тикилганларинг Такежон бўлса, бориб ўшанинг ўзи блан синаш!» деди.

Шу блан Қунанбой гапни қисқа қилиб қўяқолди. Бозорали айтадиган асосий гапларини айтиб олган эди. Яна шуларни писанда қилиб: «Такежон қўлидан келганини қилсин, нияти шу бўлса аямасин! Лекин аямай қилган қасдлигига яраша ўчлик келади, шуни билиб қўйснин. Кейинчалик Жигитекдан ўпкаламасин. Авлоди-аждодигача кетадиган душманлик мана шу ердан бошланади. Бунинг увол-савоби кимнинг гарданида бўлишилиги очиқ кўриниб турибди», деди ва бу гапни ўз номидан эмас, бутун бошлиқ Жигитек эли номидан сўзлаганини, шу гапларни Қунанбойга эшитдириб қўйиш учун келганини айтди.

Қунанбой эшитиб бўлдида:

— Бўпти, бир тўкиб солай деб келган экансан. Хўб ме'ёрига етказиб гапирдинг. Энди шунинг блан бас қиласлил! — деди.

Бозорали чиқиб кетди. Қунанбой ягона кўзини юмдида, қовоини солиб, ўйга толди. Унинг ҳозирги кўриниши ёш хотинига қаҳратон қиши совуғидек туюлди. Унинг бутун симосида ўчмас муҳрдек бўлиб кексаликнинг муҳри ётарди.

Қуанбой Нурғанимга ажойиб эртакларни ҳам айтди. май қўйди, уқалатиб ўтирган оёғини ҳам йигиб олди. Қуанбой, мана шу Бозоралига Тўбуқти элида ҳечкимга берилмаган эркни бериб қўйган эди. Энди ундан қаттиқ дакки эшитиб қолгандай бўлди. Еш йигит ҳалоллиги, оқлиги блан кўкрагини кўкка кўтариб турипти. Ҳақиқатга қараганда Такежонларнинг ҳам чегарадан чиқиб бораётган ишлари кўп: Узгалар бир тепа бўлганда, Бозорали бир тепа эдику? Қасофатлар аяш деган нарсани ҳам билса бўлмайдими? Тўғри, Жигитекка берилаётган озорнинг бир чети ўзидан ҳам чиққан, лекин Қуанбой Бозоралидек одамларга ишора қилган эмас. Ҳозир мана шу йигитни кўзи қиймай, бир нафас ўйланиб қолди-да, кейин яна фе'ли айниб кетди: Бозорали Жигитклардан келди. Ҳарқандай бўлганда ҳам ўшаларнинг ғазаби, ўшаларнинг кекини ёқлаётир.

Овқатдан кейин Бозорали ёлғиз ўзи қаршидаги уйда ётди. Икки-уч кундан буён жонини ўтараётган ғазаб Қуанбойга тўкиб солган гаплари блан бироз енгиллашгандай бўлиб, хийла юрагини бўшатди. Аввалги кечаларни у, ҳалиги аламларга чидалмай, тўлғаниб, бедор ўтказган эди. Энди бошин ёстиққа тегиши блан уйқуга кетди.

Бозорали тўсатдан чўчиб уйғонди. Уй қоронги, вақт қай маҳал эканлиги ма'lум эмас эди.

• Қараса ёнида бирор турган экан.

— Ҳой, ким бу? — деди.

— Қурқма, мен! — деди бирор астагина.

Нурғаним экан.

— Елирим, бу нима қилиб юрибди ўзи тун кечада?! — деб, Бозорали бошини кўтарди. Нурғаним астагина кулиб қўйдидা:

— Дамингни чиқарма, қачонлардан буён сенга кўнгил бериб юрардим... Кўнгил беришимга Мирзанинг ўз тили сабаб бўлди! — дедида, Бозоралини қаттиқ қучоқлаб, ўлиб олди.

Йигит ҳам дамини чиқармади. Иккови ўзгача бир оташин аланга блан уч марта ўпишли. Шундан сўнг Нурғаним тезгина туриб кетмоқчи бўлди. Бозорали унга илашиб бирга туриб:

— Жоним, тинч турган юрагимни шу қадар арзиқтириб, шу қадар безовта қилиб қўйдинг-ку. Энди нега кетасан? — деб яна оғушига олди, лекин Нурғаним энди ўзини тортиб:

— Ҳар ерда бўлсанг омон бўл! Жоним ҳам, юрагим ҳам сеники Базакем! — деб шошилганича, яна бир марта ўпдию, тезгина чиқиб кетди. Унинг келиб-кетиши орасида бир нафасгина вақт ўтди. Фақат шу бир нафаснинг ўзида Бозоралининг назарида дун'ё остин-устин бўлиб кетгандай туюлди. Нурғаним ҳам вужудига сифмайдиган шодлик олиб кетди. Бу шодлиги хотин бўлиб умрида биринчи марта тотиган севгисининг шодлиги эди.

Қайси куни Қунанбой Нурғанимнинг олдида Бозоралининг қадди-қоматини мақтаб, унинг кўринишига суқланган эди, мана бугун кечқурун, гарчи душман бўлса ҳам, бундай азаматни эҳтиёт қилиш керак деди. Шу иккича гал сўзлашининг иккотида ҳам, мункиллаб қолган чол, ўз оёғининг нақадар чалиш босилганини, нақадар хато кетганини пайқамаган эди.

V

Абай блан Эрбўлнинг шаҳарга келганларига кўп бўлди. Қунанбойнинг болалари Семейга келганда, Тинибойнинг уйига тушар эди. Такежон ёнидаги Мойбосар, тилмоч, чопарлари блан Семейга олдин келиб, ўша бойнинг уйига тушган экан. Булардан ташқари Такежоннинг ёнида яна бирқанча елпатаклар ютуришиб юради. Абай блан Эрбўл буларни кўргандан кейин, Семей шаҳрининг ўтрасидан бир уйни ижарага олишди. Бу уй бола-чақаси йўқ, эр-хотингина турадиган Қарим деган бир савдогарнинг уйи эди.

Шаҳарда от миниб юриш қулай эмас. Шунинг учун болалик чоғида шаҳарда ўсган Абай отни қўйди-да, чаңага тушиб юрадиган бўлди.

Ҳозир улар Эрбўл миниб келган кўк отни чаңага қўшиб, иккича ўнгит чаңага тушиб, отини елдириб келмоқда. Қун очиқ бўлса ҳам совуқ қаҳри-заҳрига олиб турган эди. Музлаб ойнадек ялтираб ётган кўчадаги қор кўк отнинг оёғи остида фирж-фирж қиласди. Булар Семейда донгги кетган адвокат Оқбос Андрейнинг уйига келишли. Бу адвокатнинг уйига келганлари шу эди.

Абай Семейга келиши блан, бел боғлаб, Жигитек одамларининг ишига киришди. Бу пайтда Семей шаҳри Тўбуқтидан келганлар блан тўлган. Айниқса қувғинга учраган жигитеклар блан уларни қувғинга солаётган бўйислар тутиб кетган эди. Бўйислар жигитеклардан аввал

кўрсатилган ўттиз одам тўғрисидаги гапни «ростга чиқармиз, кўрадиганини кўрсатамиз» деб судга ҳам, уезд бошлиқларига ҳам, генерал-губернаторга ҳам порани аямай тиқаётган экан.

Бу ерда Жигитек одамларини Бўжейнинг Адил деган ўғли бошқараётган эди. Лекин унинг ўзи ҳам, маслаҳат-гўйлари ҳам қоғоз орқали тортишувларни яхши билмаганлиги учун, гарчи олдин келган бўлса ҳам, йўл-йўриқ тополмай юрган эди. Абай аввал ўшаларнинг ишини тўғрилаб, йўлга солиб юборди. Қамоқда ётган Болағози блан Адилхонларнинг бола-чақаси номидан ариза ёзиб, тегишли ерларга берди. Шундай қилиб, бўлиснинг қоғозлари борадиган ерларнинг ҳаммасига улардан олдинроқ шикоятномалар юбориб қўйди.

Такежон ҳам эшик-тешикни кўп билмайди. Буни Абай яхши биларди. Лекин Тинибой унга йўл-йўриқ кўрсатиб, ишини енгиллаштираётган эди. Шу кунларда Абай ўшия Тинибойга ҳам одам юбориб: «Такежон Қунанбойнинг ўғли бўлса мен ҳам Қунанбойнинг ўғлиманин, бизнинг бўлисимиз шу гал одам, обрўй ортдирадиган, яхши ном оладиган иш блан келгани йўқ; ўзининг ҳам, отасининг ҳам ша'нига кетмас доғ туширадиган, қарғинига қоладиган ишга оёқ босиб келган. Тинибой қўллаш лозим бўлган пайтларда хўбқўллаб келди, лекин мана шу гал ёлғондан, номусни сақлаётган киши бўлиб, эл-уруғнинг уволиға қолаётган Такежонни қўлламасин» деди.

Абай бу гапни Такежон қилаётган ишларнинг белига тепиш учун айтиб юборди. Шундан кейин Тинибойнинг ўзи келиб Абай блан сўзлашди-да, анчагина бўшашиб қолди.

Шу блан бирга Абай яна бир иш қилди: адвокат ёллади. Областьнинг Оқбос деган ўнг зўр адвокати Болағози-ларнинг ишини, йўқловчилар берадиган аризаларни йигиб, тартибга солиб, ўзи тузатиб ёзиб тегишли ерларга бора бошлади. Абай блан Эрбўл келиб, Иртиш дар'ёсининг бўйидаги бир қаватлик тош бинонинг ёнида тўхтади-да, ўша уйга киришди. Адвокат Оқбос блан Абайларнинг учрашгани шу эди. Адвокатнинг симосида у қадар қариллик асари бўлмаса ҳам, сочи оппоқ, соқол-мўйлаби қўнгир, боши катта, ўзи барваста келган чиройлик кишии эди. Унинг юзидан ўйчанлик акс этиб, кўзойнаги орқали кўринаётган соф мовий кўзлари ғоят сокин, ўта кўрадиганга ўхшарди.

Адвокатнинг уйида ўзидан бошқа мўйлаби қопқора танқа бурун тилмоч ҳам ўтирган экан. Бу Абай блан шу соатда, шу ерда учрашишга ва'да бергани учун атайн келиб, буларни кутиб ўтирган эди. Тилмоч ғоят енгил табиатли, нодон одам, шундай бўлса ҳам, областъ судининг тилмочи эди.

Одамлар унинг бор-йўқ фазилати русчани сувдек ичади дейишар эди.

Абай адвокатнинг уйига кириб, у блан кўришиб ўтириши блан уйдаги китобларга қаради. Катта уйнинг тўрт томон девори қатор-қатор тернб ташланган чиройлик китоблар блан тўла эди. Бутун сұхбат давомида Абай шу китоблардан кўзини олмади, қайта-қайта қайрилиб қараб ўтиради. Бир уйда, бир кишида шунчалик кўп китоб бўлишини кўргани шу эди.

Абай аризасини Оқбосга узатди. Бу аризада у Жигитек кишиларини оқлаб, Эрбўл иккови қўйған эди. Айниқса булар Бозорали, Қораша, Қавмен, Уркембой сингари одамларни оқлаб, шуларнинг ўртасига тушаётган эди.

Тилмоч аризанинг мазмунини тушунтириб бўлгандан кейин, Оқбос Абайнинг исмини сўради. Ёш йигит ўзини Қунанбоев эканлигини билдириди. Адвокат ялт этиб унга қараб ҳайрон қолди, сўнгра, аввал тушган аризаларни қўлига олиб ниманидир излай бошлади.

Бўлис блан бу йигитнинг бир фамилияда бўлиши уни ғоят таажжублантирди. Шу томонини суриштириб Абай блан Такежон бўлиснинг ака-ука эканлигини билгач, аввалгидан ҳам ҳайрон бўлди.

— Аканг буларни айблайди-ю, сен келиб буларни оқлаб ҳимоя қилаётиссан! Бу қандай гап? — деди. Тилмоч унинг гапларини Абайга тушунтириб бергач, Абай:

— Тўғри, бўлис менинг бир туғишган акам, унинг яқин кишиси бўлганим учун ҳам унинг қилаётган қабиҳ ншларини кўриб, билиб турибман-да Халққа қилаётган адолатсизлигини, зўрлигини, хиёнатини кўриб, чидайолмадим. Тўғрисини айтиш инсоннинг вазифаси деб, одамгарчиллик юзасидан келдим. Улуғ ҳам эмасман, бу ишнинг орқасидан бирон нарса тама' ҳам қилмайман. Айбор Қавмен блан борди-келдим ҳам йўқ. Мана бу ҳамроҳим Эрбўл ҳам шундай. Биз икковиз холис гувоҳлармиз. Ҳақиқатни айтгали келдик. Аризамизда ҳам шу ҳақиқатлар ёзилган. Агар судлар, улуғлар, шунинг ҳақиқатини биламан деса, бизга ўхшаш холис одамлардан сўраши

зарур деб биламиз. Бизнинг аризамиздаги шу гапларниң ҳаммасини очиқ ёзишиңгизни ўтинаман! — деди.

Абай блан Эрбўл бутун қиладиган ишнинг энг каттаси шу эди. Оқбос Абайнинг сўзларини хўб диққат қилиб тинглади, тинглаб бўлгандан кейин мароқ блан Абайнинг юзинга тикилди.

— Одамгарчилик деяётир, инсоннинг вазифаси деяётир, бурчи деяётир. Кўчманчи ёввойи ҳалқнинг одами бўлса ҳам, бунинг оғзидан кўп улуф гаплар чиқаётир.

Оқбос Андрей кўп ўқимишлик, кўпни кўрган одам, лекин қозоқларнинг орасига яқиндагина келган эди. Бу ҳалқни ҳали у яхши билмас эди. Уша ўз юртида ёшроқ чоғида подшо ҳукуматининг жабри-зулмларига қарши бош кўтарган бир гуруҳ одамлар блан алоқада бўлгани учун Петербургда туроғларнинг бўлиб олисроққа, шу тарафларга келиб қолган, ҳозирги вақтда аввалги ҳамроҳлари блан алоқаси узилиб ёлғиз қолган эди. У кўп умрини Волга бўйида, Ўрол тоғларида ўтказиб, сўнгги икки-уч йилдан буён Сибиръда турғун бўлиб қолган эди. Узи тараққийларвар, ўқимишлик одам бўлгани учун шу кунларда қозоқларнинг ҳаёти, урфи-одатини текширишга ҳозирлик кўриб юрган эди. Гарчи катта мансабда бўлмаса ҳам шаҳарнинг обрўйлик одамларидан ҳисобланарди.

Абай ҳалиги ариза тўғрисида Оқбос берган бирнечча саволларга жавоб бериб бўлди-да, яна китобларга тикилди. У ич-ичидан курсанд бўлиб:

— Қургурей, асл нарса шу экан. Буни қаранг, бу китобларда қанча-қанча фазилат бор! — деди.

Тилмоқ Абайнинг гапларини Оқбосга тушунтириб берди. Шу топда Абайнинг кўзи бир қатор турган ғоят гўзал мўқовалик китобга тушди.

— Бу қонун китобларими, қандай китоблар экан-а? — деб қўйди.

У китоблар Пушкиннинг томлари эди.

Оқбос аввал тушунтиromoқчи бўлиб: «Қонун китоби эмас, шоир ёзган китоблар» деди-да, кейин қўлнин силтаб:

— Сен тушунмайсан, уни билиш қийин! — деди.

Оқбос ўзича «бу қирғизларда¹ шоир йўқдир, шунинг учун бундай тушунча ҳам бўлмаса керак!» деб, сўзни қисқа қилган эди. Абай тилмоқдан унинг нима деяётга-

¹ Инқилобдан олдин ҳар икки ҳалқни бирга қўшиб «қирғиз» дебиларди.

нини сўради. Тилмоч «шоир» деган сўзниг қозоқча нима дейилишини ўйлаб ҳам кўрматан экан.

— Ашулачи... ашулачининг китоби... — деб, Оқбосга ўхшаб, қисқагина жавоб қайтарди.

Абай ашулачн деган гапга қаноат қилолмай:

— Нима дедингиз? Ашулачи деяпсизми? — деди.

Тилмоч Абайнин бундай саволлар беришдан тўхтатишга уриниб:

— Сен билмайсан, тушунмайсан деяпти бу киши,— деди.

Бу гап Абайга қаттиқ тегди-да, истиҳзо блан кулиб:

— Ёпирим, бу киши-ку билимли одам. Биз ҳам бир юртнинг гапга тушунадиган ёшларимиз деб юрибмиз. Одамни бир-бирига яқин қиласидиган нарса тил экан-да. Ушандан йўқ бўлганимиз учун бир-биримизга осонгина тушунтириладиган гапларни онглатаолмай, қийин бир давовдан ошаётгандай бўлиб туришимизни қаранг! Мана ҳозир биз икки одамзод эмас, иккита махлуққа ўхшаймиз. Мужикнинг оти блан сахроин түя учрашиб қолдими, нима бало! — деди.

Эрбўл кулиб юборди. Оқбос Абайнинг нима деяётганини билмоқчи бўлиб тиламочга қаради. Абай ҳам унга: «шу гапимни тушунтириб бер-чи!» — деди. Абайнинг нима деганини билгач Оқбос ҳам кулиб юборди.

— Тўғри, тўғри айттаётир. От тудан ҳуркади. Түя ҳам унга йўламайди. Ҳақиқатда ҳам биз ҳозир худди ўшаларга ўхшаймиз! — деб яна кулди, — фақат сен блан менгина эмас, ҳозирги подшоликнинг қонунига қараганда, қирғиз садросидаги халқнинг ҳаммаси шундай. Тўғри айтдинг бу гапни!

Шундан кейин Оқбос блан Абай тез-тез учрашиб турдиган бўлиб қолишиди.

Халқ орасидаги аввалги тинчсизлик яна ҳам авж олиб кетган. Жигитеклардан кўрсатилган одамларнинг бир-қанчасини ушлаб, турмага қамалган. Бозорали ва Қорашалар яшириниб қочиб юришган эмиш деган хабарлар ҳам келган эди.

Бойдали ҳам шаҳарга келди. Унинг уриниб, гуртиниб бормаган эшиги қолмади, киҳоят, бир кун Абайга гапнинг очигини айтиб қўяқолди.

— Бўтам Абай, кўчасида юрсак отимиз ҳуркиб, шаҳарга сиғмайди. Уйига бетласак тўн ва гулпимиз эшигиндан сиғмайди. Ялтираган таҳтасига боссак, этиғимизни

товори тойғанади. Одами блан сўзлашайлик десак, кар блан соқовга ўхшаб, имлашишдан бошқани билмаймиз. Шўринг қурғур саҳро одамига бу шаҳар деган нарсаннинг ўзи бир қамоқ экан-ку. Ялтироқ музга ҳайдаб солинган қари туяга ўхшаб, мункиганимиз мункиган, аҳвол шу...— деди.

Ўтирганларнинг ҳаммаси кулиб юборди. Бойдали ҳазил қилиб айтган бўлса ҳам, ҳақиқатни айтган эди. Шундан кейин Абай Жигитек томонга ўзи бош бўлиб, уларнинг бутун ишларини ўзи бошқарди.

Эндиги ишларнинг ҳаммасини Абай ўша Оқбос блан маслаҳатлашиб қиласидиган бўлди.

Гарчи Такежонлар янгидан-янги одамларнинг оёғини тортаётган бўлса ҳам, бу ишга адвокат бош қўшгандан кейин Жигитек ишининг юзи яхшиликка томон ўгирилди.

Адвокат яқинда Абай ешиб берган бир чигал тугунни катта қурол қилиб, бутун ишга бошқача тус бериб юборди. Бир кун Оқбос блан Абай анчагача сұҳбатлашиб ўтирганларида Абай унга Бозоралиларнинг иши ўғрилик, босмачилик эмас, деб, бу тўғрида кўп далиллар кўрсатди. Еридан, молидан айрилган, ютга учраб оч-яланғоч қолган халқнинг аҳволини айтиб берди, нима учун ют кўпчиликка оғир келиб, бир тўда озчиликка енгил келганини ҳам онглатди. Болағозилар мол олганда ҳаммадан олмай йўғонлардан, бойлардан олганини, яна қўлига тушган молни оч-яланғоч қолганларга, камбағалларга берганини билдириди. Сұҳбат шу ерга етганда, Оқбос қаттиқ ўйланиб қолди.

Кўп халқнинг тарихидан, китобларидан хабардор, билим эгаси бўлган адвокат ўтган замонларнинг ҳикояларини эсига олди; қадим замонда ўтган Робин-Гуд, Карл Моор, Дубровскийлар ёдига тушди.

Шу гаплар бўлган куни Оқбос Андрей Абайнин ярим кечагача олиб ўтириб, истагани қадар сўзлатди. Эндиги маслаҳатни ҳам бошқача берди.

Шундай қилиб, турмада ётган Болағози, Адилхонларнинг тақдирини ҳам ўзгарди. Уларнинг орқасидан йўқловчи бўлиб юрган хотин-болаларнинг аризалари ҳам, ма’лум бир йўлга тушадиган бўлди. Шу блан сал кунда Қавмен, Уркембой, Бозорали, Қораҳонларга ўхшаш түхмат блан хатга тушганлар оқланиб чиқишиди. Жигитек томон энди ёлига севинчи деб одам чоптира бошлади.

Такежон бу хабарни әшитиши блан Абайга одам юбориб «бас қилсин, бу қандай қасдлиги» деб қаттиқ койиб юборди. Абай унга:

— Биз ота-оналарнинг ҳузурида жигар бўлишга ярасак ҳам хўб гап. Мана шундай қилиб элу юртни гўр оғзига ҳайдаб келганидан кейин, энди мен блан иши бўлмасин!.. — деди.

Абайнинг шу жавобига яна бирқанча чақиқларни қўшиб, Такежон тезлик блан Қунанбойга одам юборди. Отаси Абайга: «тезлик блан қайтсан! Бўлис бўлмайман деган ўзи эди, энди Такежонни оқсатмасин! Бу ишлардан четда юрсин!» деб одам юборди.

Лекин бу хабар Абай бутун ишларни тамомлаб қолган пайтда келди. Ишни тўхтатишнинг иложи йўқ эди.

Шундай бўлса ҳам, уезд бошлиғи блан областьнинг улуғлари бутун ишни Оқбосга ютқизиб қўймади. Уз қўли блан ҳалиги ишларни қиммаган бир тўда одамни бўшатдию, Болағози блан Адилхонларга келганда қаттиқ туриб олди, «Очарчилик, йўқчилик, ноchorликдан туғилган ҳаракат» деган сайнин, яна ҳам баттарроқ сёқларини тираб олишди.

Уезд бошлиғи блан генерал-губернаторнинг кўз олдига ҳозир Русиянинг кўп ерларида чиқаётган деҳқонлар қўзғолони келди. Булар бундай ишни бошлаганларга мумкин қадар қаттиқ жазо бермоқчи эди, негаким, подшоликнинг оғули қонуни бўйича бундай ишларга қаттиқ зарба бериш керак эди.

Булар бу иш ўзларига унча ойдин бўлмаган саҳро элининг иши бўлганини, уларнинг орқасидан йўқловчиларнинг ҳам кўпайиб кетганини назарда тутиб, ҳалигиндай кескин қарорга келишга ботинаолмай бўшрок чора кўришди. Шунда ҳам, хатта тушган ўттиз кишидан ўн кишига жазо берилди. Бошда буларга бериладиган жазо, осон жазо эмас, Болағози блан Адилхонларни умрлик сургунга юбориладиган эди. Лекин Оқбос блан Абайлар бор кучини сарф қилиб, кўп енгилликларга эришди. Болағозилар сургундан қоллирилиб, Иркутскга бадарға қилинадиган бўлди.

Сургунга кетаётганларнинг шаҳарда ётган қариндошлари Абильғозилар блан хайрлашаётган пайтда йиғлай-йиғлай айрилишди, лекин мангуга видо'лашмади. «Ноумид бўлманглар, тез йиллар ичиде яна әлга қайтиб келарсизлар» деб келгусига умид боғлаб узатишиди.

Абай энди элга қайтиб кетмоқчи эди. Сўнгги марта Оқбос адвокат блан хайрлашгали борганда, кекса адвокат Абайга:

— Ёш бўлсанг ҳам эс-хүшинг жойида, ақллик одамсан. Халқинг учун жон куйдирар экансан, бу буюк бир фазилат. Лекин шу элинг, шу халқинг учун ҳақиқатан жон куйдирадиган бўлсанг илм ёғусига интил! Уқи! — деб, маслаҳат берди.

Унинг бу гаплари Абайга орзуси топиб айтилгандек, айни мақсад бўлди.

— Уқишга иштиёқим зўр, лекин қандоқ қилиб ўқийман! Мактабга боришига ёшим улғайиб қолди... Бошқа йўл блан ўқишининг ҳам иложи борми? Йўл кўрсатсан-гизчи! — деди.

Адвокат унга кўп яхши маслаҳатлар берди. Аввало ўқийман деган одамга ёшпинг тўсқин бўлолмаслигини уқдириди. Еши қирқقا борганда ҳам ўз-ўзидан илмнинг кетига тушиб, олим бўлиб чиққан одамлар борлигини айтиб берди, ўқиш учун албатта мактабга бориш шарт эмаслигини ҳам онглатди.

Абай тез кунда қайтиб келишга ва'да берди. Адвокат унга хусусий ўқитадиган муаллим топиб бермоқчи бўлди.

Ёш йигит, кўпдан буён ҳузур-ҳалавотидан айрилиб, ўртаётган бир чигал тугуннинг учини ниҳоят топиб олгандай, хурсанд бўлиб кетди. Шундай қилиб Абай овулга бориб, уй ичидагилардан рухсат олиб, пул тўплаб, тез кунда қайтиб келмоқчи бўлиб элга жўнади. Энди кўпдан буён ёш кўнгли бегоналашиб кетган хушчақчақлик, шўхлик яна пайдо бўлиб, енгиллашиб қайти.

Жидебойга келганидан кейин, кўп турмади. Дилда блан онаси тезгина жавоб беришиди. У бошқа ҳечкимга маслаҳат ҳам солмади. Шу кунларда Мирзахонни шаҳарга жўнатиб, ундан Каримнинг уйида сўйиладиган сўқимни бериб юборди. У ерда харажат қилиш учун пул ҳам керак эди. Шунга атаб, сўйилган сўқимларнинг териси блан бир-иккита қорамол ҳам ҳайдатиб юборди.

Энди ўзи ҳам жўнамоқчи эди.

Шу ёзда Абайнинг учинчи боласи туғилган эди. Кичкинагина оқ сариқдан келган Абдираҳмон ҳозир куладиган, толпинадиган бўлиб қолган эди. Абай биринчи марта шу боласига меҳри тушиб, уни қўлига оладиган бўлди. Боланинг ўзи ҳам оппоққина, юзи чўзинқироқ, қош,

кўзлари қўйилиб келган бўлиб, яна унинг бўрлиғидан қандайдир бир ўзгача киборлик ёғилиб турарди.

Дилданинг ҳамма болалари ҳам Абайга эмас, ўзига ўхшарди. Болаларининг ҳаммаси ҳам оқсариқдан келган бўлиб, бу боласи ҳам, оппоққина, яна унинг устига кўп кушчирой, суйкимлик бола эди.

Абай Дилда блан ҳечким йўғида хайрлашди. Улар бир-бирига кўп сўз ҳам қотишмади. Кам гап, сир тутабиладиган Дилда фақат битта тилагини айтди.

— Кекса онанг, ёш болаларинг бор, бизни ўйламасанг ҳам ўшаларни ўйла. Кўп интизор қилмасдан келиб тур!— деб, кулиб қўйди. У қадар хафа бўлиб, кўз ёши ҳам қилимади. Дилда бундай чоқларда ҳам ўзини тутабиларди. Аслида Дилда кўнглида борини тўлпа-тўғри айтиб қўяқоладиган эди. Абай хотинини онглагандек, унинг юзига тикилди-да, елкасига қоқиб:

— Мен ўйин-кулги излаб кетаётганим йўқ. Инсонлик, одамгарчилик фазилатларини излаб кетаётирман!.. Шу гап хотирингда бўлсин!..— деди. Абай Абдираҳмонни ўзи кийинтириб, кўтариб олди-да, онасининг ўйига борди.

Бу вақтларда хийлагина кексайиб қолган Улжон болсининг юзидан кўзини ололмай, кўп тикилди. Абдираҳмонни қўлига олиб бағрига босди-да, Дилдага берди. Бир хўрсиниб, Абайнини ҳам ёнига тортиб, юзидан ўпди. Унинг қонсизланниб кетган юзида она юрагининг чуқур бир тўлқини акс этди.

— Бўтам, марҳума энанг сени ёлғизим дерди. Унинг учун бошқаларнинг ҳаммаси ҳам бир эдию, сен ўзинг ҳам бир эдинг. Эсингда борми-йўқми, бетоб ётган чоғида зовол вақтида сенга бир тилак тилаган эди. Шу бўтамга бошқаларга берган тош юраклик, бераҳмликни беракўрма деган эди. Шу гапларни айтган онанг ҳам ўтди...— деб, бироз жим қолди.

Энасининг ўша гапни Абайнинг ҳам ёнида эди. Бу гапни ҳозир ўз онаси бироз ўзгартириб айтганини ҳам онглади. Улжон яна бироз ўйланиб туриб:

— Замона сенини, майдон ҳам сенини. Ўз даврингнинг паҳлавони бўл. Қайси йўлдан борсанг, муродинг ҳосил бўлишини биздан кўра ўзинг яхши биладиган бўлдинг, оёғингта боғ бўлмаймиз, оқ йўл берсин! — деди.

Абай болалик чоғидагидек онасини қучоқлади-да, индамасдан хайрлашди. Эрбўл иккови эшикка чиқиб отга миваётганларида овулдагиларнинг ҳаммаси бирга чиқишиди.

Энди жўнай деб турганида онаси Абайни ёнига ча-
қириб олди-да:

— Болам, Тўйғулининг овулига бора кет. Отанглар
ўша ерда, қуда тушгали кетишган. Қуда томон ҳамма-
мизни айтиб юборган эди. Мен сургалиб қаёқса борар-
дим. Сен бормасанг биздан ўпкалар. Иўлакай кириб, бир
пас ўтириб, кетгин! — деди.

Абай боришига ва'да берди. Шундан кейин яна ҳам-
ма блан бирма-бир хайрлашиб, жўнаб кетди.

Тўйғулининг овули Абайлар йўлининг устида бўлмай,
хийла четда, Ўрда тоғининг бағрида эди, лекин Жидебой-
дан кўра Семейга яқинроқ эди.

Тўйғули Мамай элининг катта бойи. Қунанбой шу
йил унинг блан қуда бўлмоқчи эди. Қиши яхши келиб, мол
ҳам ўзини олдирмаганлигидан Тўйғули қудаларни айтди-
риб юборақолган экан. Қунанбой куёв тараф бўлиб, ҳо-
зир қизнинг уйига қуда тушгали келишган эди.

Абай блан Эрбўл Тўйғулининг овулига боришиди. Қу-
нанбой ёнида Қоратой, Жумабой, Жақипларга ўхшаш
ўзининг бутун кекса биродарлари блан ўтиради. Тўйғу-
лининг уч уйн лиқ тўла меҳмон. Ўйин-кулги, ҳангама жо-
йида. Абайлар Қунанбой ўтирган уйга киришида-да, бир
чеккада жимгина гапга қулоқ солиб ўтиришиди. Кўп гап-
ларни Қоратой бошлиётган эди. Катталарнинг суҳбати
бир мавзу'дан иккинчи мавзу'га кўчиб турди-да, ниҳоят
гап айланиб келиб, замон блан замоннинг фарқини со-
лишири бошлиашди. Қоратой ўзларнинг ёшлик чоғлари-
ни, ота-боболар замонини эслаб, ҳозирги замоннинг,
ҳозирги одамларнинг айниб кетганини айтди.

Гап шу ерга келганда Абай лиқ этиб кулди-да, гапни
қийғиликка олди. «Бурунги замоннинг яхшилиги шуми—
кўздеқ қўшни бўлиб ўтирган қариндош эллар бир-бирини
чопиш, янчиш, сўйишдан бошқани билмас эди. Чол-кам-
пирлар, бола-чақанинг уйқусида халавот йўқ эди. Бир
қошиқ ёвғанини тўрт кўз тугаллик блан бемалол ўтириб
ичаолмасди. Мана шу Сибон блан Тўбуқти ўртасида. Тў-
буқти блан Семей ўртасида ёлғиз ярим йўловчи юраол-
мас эди. Ана чопиб кетади, ана талаб кетади, бутун умр
ваҳма блан ўтарди... Ўша ҳам замон бўллиптими?»
деди.

Абайнинг бу гапи кексаларга унча ма'қул тушмади.
Улар яна ўша замонларидан турлик-туман фазилатлар
топиб, ўша замоннинг ҳаётини, халқини, бойлигини, бу-

рунги одамларнинг нақадар бақувват, нақадар гавдалик бўлишини мақташди. Қунанбой ҳам кўпчиликнинг фикрига қўшилиб, ўша замоннинг яхшилиги тўғрисида салмақлик бир далил ҳам келтирди.

— Замон ўтган сайин охир замонанинг аломатлари ойдинлашаберади. Одамларнинг хулқи ўзгариб, фе'ли кетаберади. Бизнинг замонамиз ўзи бошқа замон эдику, бундан ташқари ҳарқалай, пайғамбар замонинг яқинроқ эди. Бир қадам яқин бўлса ҳам, шарофати тегиб туради-да!.. — деди.

Отасининг гапига Абай ўша онда жавоб берди. Шутонда унинг кўнгли, илҳом келган шоирнинг кўнглидек, айтишишга, олишишга ҳумор бўлиб турган; руҳи енгил, озод фикри ҳам парвоз қилиб юксалишга интилаётгандай кўринарди.

— Яхшилик блан эзгуликнинг олис-яқини йўқ. Ола тоғнинг боши қуёшга яқин. Лекин унинг бошида мангутетмайдиган қор ётади. Бағрида бўлса неча хил гул, мева, неча хил наботат ўсади. Жон-жониворнинг ҳаммаси ундан баҳра олади. Сизлар пайғамбарга яқин бўлганда, Абутолибдан яқин эмассиз. У пайғамбарнинг отаси эди, лекин Абутолиб кофир эди! — деди.

Бир уй одамнинг ҳаммаси хандон ташлаб кулиб, ломдеяолмай қолди. Қунанбой ўғлини қаттиқ жеркиб:

— Бўлди, бас қил! — деди.

Абай ҳайрон бўлди-да, индамай қўяқолди.

Кексаларнинг ҳаммаси ўзларининг қаттиқ енгилганикларини пайқашди. Шундан кейин ҳамма жим бўлиб, кулги ҳам, гап сўз ҳам сусайиб, мажлисда қандайдир ма'юслик ҳукм сурди. Абайнинг гапига фақат Қоратойгина ич-ичидан хурсанд бўлди. У ёнида ўтирган Жақипни туртиб секингина:

— Бунинг асти оғиз очирадиган эмас-ку, калла қилиб туришини кўр! — деди.

Бирордан сўнг овқат келди. Овқатдан кейин Абай блан Эрబўл кетмоқчи бўлиб, кийинабошлишди. Қунанбой ҳам эшикка чиқди.

Қунанбой эшикка чиқиши блан Абайнин чақириб олиб, яқинроқдаги тошлоқ тепага бориб ўтиришди. Кўпдан буён ота-бола икковининг бетма-бет келиб сўзлашгани шу эди.

Қунанбой хафа бўлиб, Абайга бир совуқ назар ташлади-да:

— Сен ўқидинг, билим олдинг, устоз кўрдинг, биз по-
дон бўлиб ўсдик. Лекин ўша билиминг нега сенга эл-
юртнинг олдида отанинг иззатини бажо келтиришни
ўргатмайди? Кўпчиликнинг олдида гап талашиб отангни
мункитишдан, юзини ерга қаратишдан нима мурод ҳосил
қилмоқчи эдинг? — деди. Отаси енгилганига иқрор бўлди.
Мана ҳозир унинг ҳарқандай одам қарагапда сури босиб
қоладиган симоси аввалги шахтидан қайтиб, сўлғин торт-
ган, барваста гавдаси ҳам чўкиб, кичкинагина бўлиб қол-
ганга ўхшарди. Мана у гўдакларча ўпкалаб, гина қилиб
ўтирипти. Албатта одоб сақлаш, иззат қилиш — катта-
нинг олдида кичикнинг, отанинг олдида боланинг бурчи
экаклиги тўғри. Абай бўнга қарши эмас эди.

— Тўғри, айб мендан ўтди. Афу этингиз! — деди
Абай ва сўз шу блан тамом бўлди шекилик деб ўйла-
ган эди, лекин отаси яна бир нарса демоқчи бўлаётган-
дай кўринди. Қунанбой яна бир нафас ўйланиб ўти-
рида:

— Пайти келганда айтарман деб юрган эдим. Сенинг
учта камчилигинг бор, шуни ўзингга айтмоқчиман. Қу-
лоқ сол! — деди.

— Айтинг ота! — деди Абай ва Қунанбойнинг юзига
қараб, турди.

— Аввало арzon блан қимматнинг фарқига бормай-
сан, ўзингда борнинг қимматини билмайсан, пуллайол-
майсан, сотабилмайсан. Бебаҳо хазинангни бўлмағур, бе-
ҳуда ишларга сарф қиласан! Саёсан, қирғоги саёс сувни
иц ҳам, қуш ҳам ялади. Иккинчидан дўст блан душман-
ни ажраталмайсан. Дўстга дўстча, душманга душманча
тиғинг йўқ. Ичингда сир ётмайди. Халқ йўлбошчисн
бўладиган одам ундай бўлмайди. Орқангдан халқ эргаш-
майди, сен бошлаган йўлга юрмайди. Учинчиси ўриспа-
растсан, ўша ёқа оғиб кетаётисан. Бу ишинг дин ва
мусулмонликка ёт кўрининшини ўйламайсан! — деди.

Абай бу сўзларнинг нима учун айтилаётганини дар-
ҳол онглади. Отаси ёш йигит, кўнглимдаги бор-йўқ, дур-
дона ҳисларим шулар деб юрган ҳисларига ҳужум қила-
ётир. Абайнинг бўлса отасининг йўлидан юрмай, ўз
ҳаётини ўзи очган йўли блан қуришга интилишининг ҳам
асосий сабаблари шулардан иборат эди. Қунанбой ҳам
боласининг фикри ўзгачалигини билиб, топиб гапирди.
Лекин Абай ўзи бошлаётган бу ишни дун'ёда ҳечқандай
куч олдида бўйсундирмоқчи эмас эди. Унияг симосида

номуслик юракнинг аламлик тўлқини акс этди. Ҳали уйда ўтирган чоғида пайдо бўлган қизғинлик яна юзага чиқди. Бу тўғрисига қолганда Абай отасини ҳам аямай сўзлаб кетди:

— Мана шу айтган учта гапингизга э’тироz билдираман. Үз тутган йўлим тўғри, ўша йўлдан кетаман. Аввало қирғоғи саёз сувга тенглаштирдингиз. Чуқур жарзинг тагида оқадиган, қўлида қуроли бўлган битта-яримта одамгагина фойдаси тегадиган сув бўлгандан кўра, қуролликка-қуролсизга ҳам, ёшу қарига ҳам баравар фойдаси тегадиган саёз қирғоқли сув бўлишини ортиқ деб билдираман. Иккинчидан, элни қандай ўюстиришни, эл бошлиқларининг қандай бўлишини айтдингиз. Менинг фикримча эл бир замонларда қўйга ўхшарди. Битта чўбон бир кўра қўйни «ҳайт» деса, турғизиб, «ҳайт» деса ётқизарди. Эндиликда эл туяга ўхшаб қолди. Олдига тош отиб «Шоқ» деса, қараб турадида, сўнг бурилади. Мана, ҳозирги эл аввалги муті’лик, ноchorлик, мўминлик ҳолатидан чиқиб, кўзини очиб келаётир. Эндики эл отга ўхшайди. Қаҳратон бўронда ҳам, ёғин-яшинда ҳам кўпчилик нима кўрса, шунга чидайдиган, жонни фидо қиладиган, қор тўшаб, муз ястанадиган, барини тўшак, енгини ёстиқ қиладиган одамга эргашади. Жони ачиб, эзгулик излайдиган кишигагина бўйсунади... Учинчи ўрисларни айтдингиз. Ҳалқ учун ҳам, эл учун ҳам, ўзим учун ҳам дун’ёда энг қимматли нарса илм ва ма’рифат. Шу илм ва ма’рифатлар ўрисда. Мен бутун дун’ёдан ололмайдиган бебаҳо ҳазинани ўшандан оладиган бўлсанм нима учун ундан ўзимни четга тортишим керак?.. Ётсираб, ўзимни четга тортишим нодонлик бўлса бўладики, фазилат бўлмайди... — деди.

Кунаёнбай Абайнинг жавобларини эшишиб хўрсиниб қўйди. Гарчи симосида корозилик, чорасизлик акс этса ҳам, дамини чиқармади, шунинг блан сўз тамом бўлдида, Абай отаси блан хайрлашиб жўнаб кетди.

Оғир хаёлга чўмиб, дўнг бошида ёлғиз қолган Қунаёнбай гангиди. Яна енгилди. Боласидангина енгилди эмас, эндики ҳаёт жўш уриб келиб, «Холатдан кетдинг, ҳазон бўлар чоғинг етди» деб четга қоқиб бораётир. Үз боласининг оғзидан эшигтан мана шу садо ўша «давринг ўтди» деган совуқ садонинг беомон шарпаси эди.

Абайнинг Оқшўқига кириб кетадиган иши бор эди, Үрдадаъ чиқиб, ўша томонга бурилиб кетди. Иўл йўқ,

лекин қор қалин эмас эди. Эрбўл иккови отларияни елдирганича, Эсембойни бағирлаб бориб Тақирбулоқ тўғрисидаги йўлга тушди.

Қачонлардир Абай шаҳардан, ўқишдан келаётганида, овулни соғинганидан тоқаги тоқ бўлиб, шу кўмкўк дадан от қўйиб келаётган эди. Ҳозир у дала оппоқ қорнинг тагида музлаб ётарди. Олисдаги тоғ чўққилари блан бутун атроф алланечук ғамгин, паносиз, мангуллик қайғуга ботгандек кўринарди. Бу кунларда Абайнинг кўзига, шу қадар паносиз, ожиз кўринадиган саҳро ҳам, бор халқининг ҳоли ҳам худди шу қор босиб ётган далага ўхшарди. Ўша вақтларда унинг содда ва соғ дили бутун бахт-саодат шу саҳрова деб, шу ерларга толпиниб учган бўлса, энди Абай яна отини елдириб қайтиб кетаёттир. Лекин энди ўша умид блан бахт-саодатни шаҳардан излаб, шунга интилиб кетаёттир.

Бу вақтда Абайнинг ёши 24 га чиққан эди. Ҳозир унинг кўз ўнгидан мана шу кечирган йилларнинг бир-қанча оғир-енгилликларичувалиб ўта бошлади. Қараса, ҳаётнинг бирқанча қат-қаватларидан, ўнқир-чўнқир йўлларидан, чангальзорларидан ўтиб, давонларидан ошибди. Бир вақтлар юксалишга қараб кетаётган эди, энди мана баландликка ҳам кўтарилиб бораёттир, қайрилиб ўз ҳаётининг мана шундай қинғир-қийшиқ йўлларини кўрди.

Ҳақиқатда ҳам баландликка қадам қўйди. Бир вақтларда баланд қоянинг чўққисида тақир қум блан тошлоқни ёриб, нозиккина бир чинор новдаси пайдо бўлган нафисгина чечак отиб шундай бир ҳаёт гул тўйкан эди. Ҳозир ўша қоя чўққисида битган чинор ёшлиқ қувватига тўлиб ўзини тутиб олди. Энди унга қаҳратон қиши совуғи ҳам, ҳатто тоғ довуллари ҳам хатар бўлишдан ўтган эди.





МУХТОР АВЕЗОВ

Қозоқ ёзучиси Мухтор Умархон ўғли Аvezov 1897 йилда Семипалатинск областининг ҳозирги Абай районидаги туғилган.

Бұлажак ёзучи буюк қозоқ шоури — мағрифатчысы Абай Құнайбоевнинг (1845—1904 йил) адабий меросини ўқиб тарбия топди. Мухтор Аvezов Семипалатинск шаҳридаги бешіншіллик мактаб на ўқитучилар тайёрләш ўкув юртидаги рус ўқитучиларининг раҳбарлығы остида Пушкин, Лермонтов, Гоголь, Тургенев, Остропский, Лев Николаевич Толстой асарларынан мұннамал танишиб чықады. Үнда бадий асар яратышга катта шапқ пайдо бўлди ва мактабда ўқиб юрган чоғидәёқ биринчи мустақил асариниң — саҳронинг беомон кучини бўёнлари тасвир «Этъялгая «Довул» деган асарини ёзи. Мухтор Аvezов рус классик адабиётиниң қозоқ миллий адабиётининг демократик традицияларни та'сири остида ёзучи бўлиб етишиди.

Мухтор Аvezов 1923—1928 йилларда Ленинград Давлат Университетининг Тил ва моддий маданият тарихи факультетидаги, сўнг 1930 йилда Урта Осиё Давлат Университетининг аспирантурасида ўқиди.

Мухтор Аvezовнинг адабий фолијати 1917 йилдан бошланди. Уннинг дастлабки ҳикоя ва очеркларидан иборат бўлган «Ўтиш кўланкасида» номлик тўпламида биринчи варианти огул драм кружогида ўқиб юрган «Энлек — Кебек» (1919 йил) ва «Икки кундоша» (1920 йил) деган пьесаларида, «Ҳиминсзлар куни» (1922 йил) деган повестида ўша замонда ҳечқандай ҳуқуқи бўлмаган қозоқлар феодал-бўйларнинг шафқатсиз беомон ҳукмронлиги шаронтида қандай оғир ҳёт кечириб, нақадар гарип аҳволда яшаганликлари тасвирланган.

1930 йиллардан бошлаб Мухтор Аvezов Совет воқи'лигини акс этдиручи, янги одам образларини кўрсатадиган асарлар яратабошлиди: «Шотқалон», «Излар», «Қўлни-қўлга ушлашиб», «Уч кун» ва бошқа биржанча проза асарларини яратди. Шу блаи бирга у бирмунча пьесаларида граждан уруши манзараларини тасвиirlайди, Тожибоев блан бирликда ёзилган «Оқ қайин» пьесаси унда қозоқ халқининг иштирокини кўрсатади. Уннинг «Кураш» деган пьесаси олош-ўрдачилар, буржуа миллатчиларига қарши олиб борилган курашга бояншланган, «Чегарада» пьесаси шақилобий ҳуш‘ерлик мавзуда ёзилганди.

1937 йилда Мухтор Авезов қозоқ халқияннинг ёзма адабиётига негиз қурган Абай Қунанбоевнинг ҳаёти ва фаолиятига оид материалларни ишлаб чиқишга кирнишди. Мака шу материаллар асосида ёзилган «Абай» романининг биринчи бўлими 1942 йилда, иккинчи бўлими 1947 йилда нашр этилди. Мухтор Авезов шу мавзууда «Абай» деган тарихий трагедия ёэди (Леонид Соболев блан бирлиқда); «Абай қўшиқлари» деган киносценария яратди, бу сценария Г. Л. Рошаль томонидан Олмаота бадиий фильмлар студиясида қўйилди; «Абай» операсига либретто ёэди (композиторлар А. Жубанов ва Л. Ҳамидий).

Улуғ Ватан уруши даврида Мухтор Авезон фронтовик қозоқлар ҳақида («Синон соатида» 1942 йил), гвардиячи Панфиловчилар ҳақида («Номус гвардияси» 1943 йил) пъесаларини (Абишев блан бирлиқда), фронт блан фронт орқасининг бирлигини кўрсатадиган биринча очерклар, ҳикоялар, повестълар яратди. Урушдан сўнгги сталинча бешийилликлар даврида Мухтор Авезов Қозогистон меҳнаткашларининг республика халқ хўжалигини, маданиятини яна ҳам ривожлантириш йўлида олиб бораётган кураши тўғрисида асарлар яратмоқда.

Мухтор Авезов таржима соҳасида ҳам кўп ишлайди. У Гогольнинг «Ревизор»ини Шекспирнинг «Отелло»сини ва «Осовға тушов»ини, К. Треневнинг «Любовь Яровая»сини, А. Афиногеневнинг «Вахима»сини, А. Кронининг «Флот офицери»ни ва бошқа исарларни таржима қилган.

Мухтор Авезов қозоқ ва қирғиз адабиётининг тадқиқотчisi, рус ва тарқ маданиятини чуқур ўрганган, қадимги ва ҳозирги замон турк тилларидан бирқанчасини биладиган киши сифатида ҳам майдонга чиқади. У бирқанча илмий исарлар ёэди, жумладан: «Қозоқ халқининг оғзаки адабиёти тарихи ҳақида очерклар» деган исари (1927 йил), «XIX аср қозоқ адабиёти тарихи» (1934 йил), «Қозоқ халқининг эпоси на фольклори» (1939 йил), қирғиз халқининг қаҳрамонлик эпоси «Манас» ҳақида монография (1940 йил), «Абай ва рус классиклари» (1949 йил) ва бошқалар. Сўнгги йилларда, Мухтор Авезовнинг раҳбарлиги остида, қозоқ адабиёти тарихини ёзишга тайёрлик иши олиб борилмоқда.

1946 йилда Мухтор Умархон ўғли Авезов Қозогистон ССР Фанлар Академиясининг ҳақиқий а'зоси қилиб сайланди, унга филология фанлари доктори деган илмий даражада профессор деган илмий узвон берилди.

1945 йилда Мухтор Авезовга олий мукофот — Мехнат Қизил Байроқ ордени берилди; бирнечча бор Қозогистон ССР Олий Советининг Фахрий Ерлиғи блан мукофотланди.

СССР Министрлар Советининг қарорига биноан, Мухтар Умархон ўғли Авезовга «Абай» романни учун 1948 йили биринчи даражали Сталин мукофоти берилган.



на узбекском языке

**АВЕЗОВ МУХТАР
А Б А Й**

Госиздат УзССР—1951—Ташкент

*Редактор А. К а ҳ ҳ о р
Муқома, форзац ва титуллар рассом
И. И к р о м о в и и и
Расмлар Б. И. У р м а н ч и и и
Техредактор Я. П и н х а с о в*

• • •

*Тершига берилда 9/III 50 й. Босашга рухсат
этилди 24/VIII 50 й. Р05854. Қоғоз 84×108^{мм}
—6,5 қоғоз листи—21,32 босма листи. Учет.
кашр. листи 22,5. Үзбекнеш. Индекс: н.а.
Договор № 439-48. Тиражи 25000. Баҳоси
қоғоз муқовада 12 с. 2: т. коленкор муқова
да 13 с. 25 т.*

• • •

*УзССР Министрлар Совети ҳузвуриданда
Ўзбекполиграфкашрикни 3-нчи босма-жонка-
сида терилиб, 1-нчи босмахонада босилда.
Ташкент, Ҳамза кўчаси, № 33. 1951.
Заказ № 400.*